



I
I
II
2



204.16.A.17



204. 16. A. 17.

A. R. P.

FR. MARCI
SERRAE.
ALCODIANI.

Sacrae Theologiae Magistri.

ORD. PRÆDIC.

S V M M A
COMMENTARIORVM
In Primam Secundæ S. Thomæ.


T O M V S . I I .



R O M A E.

Apud Franciscum Caballum, 1653.

Supericrum permissu.



I N D E X
Q V A E S T I O N V M,
A R T I C V L O R V M,
E T D V B I O R V M.



Q V A E S T I O X L I X.

*De habitibus in generali quoad eo-
rum substantiam.*



A R T I C V L V S I.

Ver. habitus sit
qualitas. pag. 1.

Art. 3. utrum ha-
bitus importet or-
dinem ad actū. 3.

Dub. An habitus sit principium a-
ctuum, & causa actus secundum
substantiam, aut aliquem modū
illius. ibid.

QVAESTIO L.

De subiecto habituum.

Art. 1. Vtrum in corpore sit aliquis habitus, 14

Art. 6. vtrum in Angelis sit aliquis habitus. 15

Dub. An in Angelis sint aliqui habitus acquisiti. ibid.

QVAESTIO LI.

De causa habituum quantum ad generationem ipsorum.

Art. 1. Vtrum aliquis habitus sit à natura. 20

Dub. An habitus principiorum sit naturalis & distinctus à potentia intellectiua. ibid.

Art. 2. vtrum aliquis habitus cause-
tur ab actibus. 32

Dub. Quomodo habitus fiat per actus. ibid.

Art. 4. vtrum aliqui habitus sint infusi à Deo hominibus. 36

QVAE.

QVAESTIO LII.

De augmento habituum.

Art. 2. Vtrum habitus augeatur per additionem. 39

Art. 3. vtrum quilibet actus augeat habitum. 44

QVAESTIO LIII.

De corruptione, & diminutione habituum.

Artic. 1. Vtrum habitus corrumpi possint. 49

Art. 3. vtrum habitus corrumpatur, vel diminuatur per solam cessationem ab opere. 51

QVAESTIO LIV.

De distinctione habituum.

Art. 1. Vtrum vnus habitus ex pluribus habitibus constituatur. 55

QVAESTIO LV.

*De virtutibus quantum ad suas
essentias .*

Art.1. Vtrum virtus humana sit ha-
bitus. 58

Dub. An esse habitum operationū
sit genus virtutis, & bonitas dif-
ferentia essentialis. ibid.

Art. 4. vtrum virtus conuenienter
diffiniatur. 64

QVAESTIO LVI.

De subiecto virtutis .

Art.4. Vtrum irascibilis, & concupi-
scibilis sint subiectum virtutis .
pag.68

Dub. An hæc conclusio sit vera. ibid.

Art. 6. vtrum voluntas possit esse
subiectum virtutis. 75

Dub. An virtutes, quæ disponunt ho-
minem ad proprium bonum, vt
temperantia, & fortitudo, sint in
voluntate. ibid.

QVAE.

QVAESTIO LXIII.

De causa virtutum.

Art. 1. Vtrum virtus, quam acquiri-
mus ex operum assuetudine, sit
eiusdē speciei cum virtute infu-
sa. 82

Dub. An prāter virtutes morales
acquisitas sint aliae illis similes per
se infusae, ab eis essentialiter di-
uersae. ibid.

QVAESTIO LXV.

De connexionē virtutum.

Art. 1. Vtrum virtutes morales sint
ad inuicem connexae. 92

Dub. An conclusio art. vera sit. ibid.

QVAESTIO LXVIII.

De donis.

Art. 1. Vtrum dona differant ā virtu-
tibus. 105

† † 4

Dub.

- Dub. An hæc conclusio sit vera. *ibid.*
Art. 2. vtrum dona sint necessaria
homini ad salutem. 111
Art. 5. vtrum Dona Spiritus Sancti
sint connexa. 112

QVÆSTIO LXXI.

De Vitijs & peccatis.

- Artic. 1. Verum vitium contrarietur
virtuti. 116
Art. 2. vtrum vitium sit contra na-
turam. 118
Dub. An omnia vitia; & peccata
sint contra naturam. *ibid.*
Art. 3. vtrum vitium sit prius quam
actus vitiosus. 129
Art. 4. vtrum peccatum simul possit
esse cum virtute. 132
Dub. An per peccata venialia mul-
tiplicata destruantur virtutes in-
fusæ, vel acquisitæ. *ibid.*
Art. 5. vtrum in quolibet peccato
sit aliquis actus. 114
Dubium 1. An peccatum omissionis
in sua essentia, & ratione forma-
li includat aliquem actum. *ibid.*
Dub.

Dubium 2. An necesse sit in peccato omissionis esse aliquem actum formalem, & explicitum, quis sit causa, vel occasio illius.

pag. 148

Dub. 3. An actus, qui directè fertur in omissionem sit peccatum omissionis. 157

Dub. 4. An actus, qui fertur in illud per quod homo impeditur ab actu debito, semper sit peccatum. .

pag. 161

Dub. 5. An Peccatum omissionis incurratur solum quando causa voluntaria apponitur. 170

Art. 6. vtrum peccatum sit dictum, vel factum, vel concupitum contra legem Dei. 178

Dub. An peccatum commissionis formaliter sit aliquid reale positium. 180

QVÆSTIO LXXII.

De distinctione peccatorum.

Art. 1. Vtrum peccata differant specie secundum obiecta. 216

††

5

Art. 2.

Art. 2. vtrum peccatum commissio-
nis, & omissionis differant specie.
pag. 218

Dub. 1. An conclus. præcedentis ar-
ticuli sit vera. ibid.

Dub. 2. An secundum diuersa præ-
cepta legis diuersificentur pec-
cata secundum speciem. 227

QVÆSTIO LXXIII.

De comparatione peccatorum ad inuicem.

Artic. 1. Vtrum omnia peccata sint
connexa. 234

Art. 2. vtrum omnia peccata sint pa-
ria. 235

Art. 7. vtrum circumstantia aggra-
uet peccatum. 239

Dub: Quomodo circumstantia ag-
grauet peccatum. ibid.

Art. 8. vtrum grauitas peccati au-
geatur secundum maius nocu-
mentum. 243

Dub. 1. An quando nocumentum est
præuisum semper imputetur ad
culpam, hancque maius nocumen-
tum

tum augeat. *ibid.*

Dub. 2. An quando nocumentum non est prauisum, nec intentum, imputetur ad culpam, hancque aggrauet. 251

QVAESTIO LXXIV.

De subiecto peccatorum.

Art. 1. Vtr. voluntas sit subiectum peccati. 258

Dub. An voluntas sit subiectum omnis peccati. *ibid.*

Art. 2. vtrum sola voluntas sit subiectum peccati. 261

Dub. An alia potentia à voluntate sint subiectum peccati quoad formale, quod est malitia moralis. *ibid.*

Artic. 3. vtrum in sensualitate possit esse peccatum. 271

Art. 4. vtrum in sensualitate possit esse peccatum mortale. 272

Dub. 1. Cur in sensualitate possit esse peccatum veniale, & mortale. *ibid.*

Dub. 2. An omnis motus sensualitatis

tis circa illicitum sit peccatum
saltem veniale.

Art. 5. Vtrum peccatum possit esse
in ratione, 284

Art. 8. Vtrum consensus in delecta-
tionem sit peccatum mortale.
pag. 286

Dub. 1. An delectatio morosa de
opere cogitato mortaliter malo
sit peccatum mortale eiusdem
speciei cum ipso opere. ibid.

Dub. 2. Quando delectatio morosa
sit peccatum mortale ex parte
obiedi. 300

Dub. 3. Quando delectatio sit pec-
catum mortale ex parte consen-
sus, & delectationis. 309

QVAESTIO LXXV.

*De causis peccatum in ge-
nerali.*

Art. 1. Vtrum peccatum habeat cau-
sam. 320

QVAE.

QVÆSTIO LXXVI.

De causis peccatorum in speciali.

Art. 1. Vtrum ignorantia possit esse
causa peccati. 323

Dub. An præcedens conclusio sit vera. ibid.

Art. 2. vtrum ignorantia sit peccatum. 330

Dub. 1. An ignorantia eorum, quæ
quis scire tenetur sit peccatum
secundum se, an ratione negli-
gentiæ sciendi. ibid.

Dub. 2. An ignorantia eorum, quæ
homines scire tenentur, semper sit
peccatum. 335

Dub. 3. An ignorantia culpabilis sit
speciale peccatum distinctum ab
alijs, quorum est causa. 343

Art. 3. vtrum ignorantia excuset ex
toto à peccato. 347

Dubium 1. An actus malus ex obie-
cto, factus cum ignorantia conco-
mitante, sit peccatum. ibid.

Dub. 2. An ignorantia excuset à pœ-
na. 351

Dub. 4.

Art. 4. utrum ignorantia diminuat
peccatum. 365

Dub. An ignorantia affectata augeat
peccatum. ibid.

QVAESTIO LXXVII.

*De causa peccati ex parte appetitus
sensitivi.*

Art. 2. Vtrum ratio possit superari à
passione contra suam scientiam.
pag. 371

Dub. An possit esse peccatum in
voluntate absque errore. 372

QVAESTIO LXXVIII.

*De causa peccati quæ est
malitia.*

Art. 1. Vtrum aliquis peccet ex cer-
ta malitia. 382

Dub. An peccatum sufficienter di-
uidatur in peccatum ex igno-
rantia, ex passione, & ex mali-
tia. ibid.

QVÆ.

QVAESTIO LXXIX.

De causis exterioribus peccati.

Artic. 1. Vtrum Deus sit causa peccati. 386

Art. 2. Vtr: actus peccati sit à Deo. pag. 387

Art. 3. vtrum Deus sit causa exc̃cationis, & indurationis. 388

QVAESTIO LXXXI.

De causa peccati ex parte hominis.

Art. 1. Vtrum peccatum primi parentis traducatur per originem in posteros. 391

Dubium primum. An conclusio precedentis articuli sit certa secundum fidem. ibid.

Dub. 2. An peccatum originale sit verè, & propriè peccatum, & voluntarium. 397

Dub. 3. Quomodo peccatum originale

nale traducatur per originem
ad posteriores Adæ. 410

Artic. 2. Vtrum alia peccata primi
parentis, vel proximorum paren-
tū traducantur in posteriores. 420

Art. 3. Vtrum peccatum primi pa-
rentis transeat per originem in
omnes homines. 425

Art. 4. Vtrum si aliquis ex humana
carne formaretur miraculosè,
contraheret peccatum origina-
le. 427

Artic. 5. Vtrum si Adam non pec-
casset, Eua peccante, filij origi-
nale peccatum contraherent.
pag. 428

QVAESTIO LXXXII.

*De originali peccato quantum
ad suam essentiam.*

Art. 1. Vtrum peccatum originale
sit habitus. 432

Dub. Quid sit huius modi habitus,
vel concupiscentia. ibid.

Art. 3. Vtrum originale peccatum
sit concupiscentia. 444

Dub.

Dub. An peccatum originale formaliter sit priuatio iustitiæ originalis. 446

QVAESTIO LXXXIII.

De subiecto originalis peccati.

Art. 2. Vtrum peccatum originale sit per prius in essentia animæ quam in potentijs, 457

Dub. An conclusio precedentis articuli vera sit. *ibid.*

QVAESTIO LXXXVI.

De macula peccati.

Articulus 2. Vtrum macula maneat in anima post actum peccati. pag. 464

Dubium. Quid sit macula peccati *ibid.*

QVÆ.

QVAESTIO LXXXVII.

De reatu poenae.

Art. 1. Vtrum reatus poenae sit effectus peccati. 476

Dubium. Quid sit reatus poenae. ibid.

Art. 2. Vtrum peccatum possit esse poena peccati. 482

Art. 3. Vtrum aliquod peccatum inducat reatum aeternae poenae. pag. 483

Articulus 5. vtrum omne peccatum inducat reatum poenae aeternae. pag. 484

Dub. An peccatum veniale in damnato aeterna poena puniatur. ibid.

QVAESTIO LXXXVIII.

De peccato veniali, & mortali.

Artic. 1. Vtrum veniale peccatum conuenienter diuidatur contra mortale. 489

Dub.

**Dubium . An peccatum veniale
natura sua distinguatur à mortali**
pag.490

**Articulus 4. Vtrum peccatum ve-
niale possit fieri mortale .**
pag.500

**Articulus 5. Vtrum circumstantia
possit facere de veniali mortale .**
pag.501

QVÆSTIO LXXXIX.


***De peccato veniali secun-
dum se .***

**Artic.1. Vtrum peccatum veniale
causet maculam in anima .**
pag.502

**Articulus secundus. Vtrum con-
uenienter peccata venialia per
lignum , scœnum , & stipulam de-
signentur. 503**

**Artic. 3. Vtrum homo in statu in-
nocentię potuerit peccare venia-
liter. 504**

**Art. 6. Vtrum peccatum veniale
possit esse in aliquo cum solo
originali. 510**





Q. V A E S T I O XXXIX.

*De habitibus in generali quo ad
eorum substantiam.*

A R T I C V L V S P R I M V S.

Vtrum habitus sit qualitas.

Conclusio est affirmans.



NO T A N D A est hic
diffinitio habitus ,
quàm ex Arist. 5. Me-
taph. cap. & lect. 20.
adducit D. Thom. in
corp. art. & Caiet. me-
morizæ mandandam
esse monet, nempe:
Habitus dicitur dispo-

itio, secundum quam bene, vel male disponitur

A j

di-

2 QV AESTIO XLIX.

dispositio, aut secundum se, aut ad aliud. Dispositionem, quæ genus est habitus paulo ante diffinierat Arist. dicens: *Dispositio dicitur habentis partes* ordo. Aduertit tamen Caiet. hic, ordinis nomine non esse intelligendum respectum ordinis, sed eius radicem, est enim qualitas habens talem ordinem. Partium quoque nomine non solum sunt intelligendæ partes corporeæ, sed etiam partialia requisita, vnde statim subdit Aristotel. *Aut secundum locum, aut secundum potentiam, aut secundum speciem*. Quod D. Th. hic ad 1. explicat cum Simplicio; habere enim partes secundum locum, est habere partes corporales secundum situm distinctas, quales habent pulcritudo, sanitas, macies, & alij habitus in corpore existentes. Habere verò partes secundum potentiam, est habere partialia requisita nondum quidem perfectè, & in actu, sed in præparatione, & idoneitate, ac potentia, qua ratione eas habet scientia, & virtus inchoata; habere autem partes secundum speciem, est habere partialia requisita completè, & in actu, sicut ea habet habitus perfecti scientiæ, & virtutis. Aliter hos tres modos habendi partes, vel dispositionis, & ordinis earum explicat Diuus Thomas quinto Metaph. lect. 20. libuit tamen hic explanationem Simplicii adducere, vt omnes prædicti modi saluari quodammodo in habitu posse intelligerentur, quamuis id non sit opus. *Dispositio* dicitur vt alia Translatio habet *Id quod afficitur*, habitu scilicet, quo bene, vel malè di-

ARTICVLVS I. 3

disponitur, & se habet, bene quidem, vt fanitate, malè verò, vt ægritudine. Vtroque autem modo, scilicet benè, vel malè disponitur dupliciter, nempe, aut secundum se, hoc est secundum suam naturam, aut ad aliud, idest in ordine ad finem, vel ad aliquid agendum.

Circa articulum secundum nihil se offert dicendum.

ARTICVLVS III.

Vtrum habitus importet ordinem ad actum.

Conclusio est affirmans.

Dubium. An habitus sit principium actuum. & causa actus secundum substantiam, aut aliquem modum illius.

DVrandus in 3. dist. 23. q. 2. & 3. & 4 tenet habitum non facere aliquid ad substantiam, aut modum actus. Eius argumenta affert, & dissoluit Caietan. hic. Quidam verò recentiores asserunt habitum non concurrere ad substantiam actus, sed ad eius modum, non quidem intensiōis, sed facilitatis, & delectabilitatis.

Probant 1. Quotiescunque ad aliquem effectum concurrunt aliquæ causæ, cuilibet

A ij respon-

4 QVÆSTIO XLIX.

respondet, vt proprius effectus peculiaris aliqua ratio in re producta, alias enim si vna esset integrum, & sufficiens principium ad omnem rationem, quæ in effectu producenda est, frustra, & superuacaneè adderetur alia ad eundem effectum, vel ad eandem rationem in effectu producendam: sed antequam habitus insit potentia intellectus, aut voluntatis, inest ipsis integrum, & sufficiens principium totius substantia actus, nec est aliqua ratio peculiaris in tali substantia actus, quæ vt proprius effectus respondet habitui, alias enim actus, ex quibus acquiruntur habitus non essent eiusdem omnino rationis cum actibus, qui fiunt post habitum acquisitum; ergo habitus non concurrat ad substantiam actus.

Secundo, in causis æquiuocis non potest esse reciprocatio, ita vt effectus, qui procedit à causa æquiuoca possit producere causam ipsam, aut aliquid eiusdem speciei cum illa; hoc enim in solis causis vniuocis inuenitur: vnde ignis productus ab igne potest producere ignem alium eiusdem speciei, effectus tamen productus à sole non potest solem producere: sed habitus producuntur per actum tanquam per causam æquiuocam, cum sit diuersæ rationis, & speciei ab eo; ergo habitus non potest actum secundum substantiam efficere.

Dicendum tamen est: Habitum principium actuum, & causam esse actus, tam secundum substantiam, quam secundum modum illius. Prima pars probatur 1. ex

D. Au.

ARTICVLVS III. 5

D. August. hic citato à **D.** Thom. lib. de Bono coniugali cap 21. dicente : *Ipse est enim habitus quo aliquid agitur cum opus est* . Id autem quo aliquid agitur , principium actionis est , eiusque causa efficiens ; ergo , &c.

Secundò probatur , nam vt hic ostendit **D.** Thom. habitus existentes in potentijs operatiuis primo , & principaliter important ordinem ad actum : at non alium quàm principij , & causæ talis actus ; ergo , &c.

Secunda pars probatur 1. ex præcedente : id enim quo aliquid agitur , principium est substantiæ actionis . Si dicas , habitum non esse id quo aliquid agitur absolutè , & secundà substantiam , sed faciliter , & delectabiliter , & secundum modum . Contra hoc est , quia vt ait Arist. 9 Metaph. cap 2 lect. 2. apud **D.** Thom. potentia faciendi sequitur ad potentiam benefaciendi : *Is enim , qui benefacit , faciat quoque necesse est* ; ergo si habitus est principium bene , faciliter , & delectabiliter operandi , principium quoque erit operandi absolutè , & secundum substantiam , illud nāque nequit fieri sine hoc . Confirmatur niodi illi , quos per se causat habitus in actu , non distinguuntur realiter a substantia actus , nec possunt produci separatim ab illa , ergo quod est causa illorum , concurrat etiam ad substantiam , non secus , ac quod est causa intensiōis actus , ad eius substantiam concurrere necesse est.

Secundo probatur : Potentia , & habitus non concurrunt , vt duo principia seorsum operantia , quibus respondeant effectus rea-

6 QVAESTIO XLIX.

liter distincti, sed ut principium completū & vnica causalitate, & influxu, habitus, ut modificans potentiam, & potentia, ut roborata per habitum, per illumq. ad agendum, completa tanquam per formam, & principium quo, ut docet D. Thom. quæst. 1. de Virtutibus artic. 1. ergo quicquid operatur vnum, operatur alterum, & in eodem instanti. & eadem actione, sicque sicut potentia producit substantiam actus, sic etiam habitus concurret ad illam, & sicut habitus est causa modi, ita & potentia concurret ad illum, & tam potentia, quam habitus causa est actus, & omnium quæ in illo sunt. potentia quidem informata habitu, quasi principium quod, habitus verò informans potentiam, ut principium quo.

Tertio probatur specialiter de habitu artis: hunc enim habitum factiuum esse docet Arist. 6. Ethic. c. 4 & inter potentias actiuas illum ponit 9. Metaph. cap. 2.; & causam per se statuari esse dicit non Polycletum hominem, aut animal, sed statuarium 5. Metaph. ca. 2. lect. 3. apud D. Thom. ex quo Caietanus hic infert; ergo ars ipsa est principium actiuum actus, & non solum secundum modum, sed etiam secundum substantiam:

Ad id quod carentes artibus carent facultate faciendi, & non solum carent expeditione, delectatione, promptitudine, & facultate. Quod & significat D. August. Tract. 1. in Ioan. dum ait: Faber facit arcam: si enim in arte arcam non haberet, non esset unde fabricando illam proferret. Confirmatur 1. D. Tho. 1. p. q. 14. art. 8.

ARTICVLVS III. 7

art. 8. ita habet: *Sic enim scientia Dei se habet ad omnes res creatas, sicut scientia artificis se habet ad artificata, scientia autem artificis est causa artificiatorum, eo quod artifex operatur per suum intellectum. Unde oportet, quod forma intellectus sit principium operationis, sicut calor est principium calefactionis; Ergo sicut scientia Dei est causa productionis rerum, & calor est principium calefactionis secundum substantiam, ita scientia artificis, quæ est forma intellectus eius, erit causa, & principium operationis, & productionis artificiatorum secundum substantiam. Confirmatur 2. artefacta, ut sic pendent ab arte tanquam à causa, & principio effectiuo: sed non solum sunt artefacta, quia sunt faciliter, & delectabiliter facta, sed etiam secundum eorum substantiam, formam scilicet artificialem, quam habent; ergo ut sic tam ipsa, quam actio qua fiunt, ab arte pendent, ut à causa, & principio efficiente.*

Tertia pars probatur: nam ut ait D. Tho. quæst. 1. de Virtut. art. 1. *Habitibus virtutum ad tria indigemus. Primo ut sit firmitas in sua operatione, ea enim que ex sola operatione dependent facile immutantur, nisi secundum aliquam inclinationem habituales fuerint stabilita. Secundo ut operatio perfecta in promptu habeatur, nisi enim potentia rationalis per habitum aliquo modo inclinetur ad unum, oportebit semper cum necesse fuerit operari precedere inquisitionem de operatione, sicut patet de eo qui vult considerare nondum habent scientia habi-*

A i v tum,

sum, & qui vult secundum virtutem agere habitu virtutis carens, unde Philosophus dicit in 3. Ethic. quoddam repentina sunt ab habitu. Tercio ut delectabiliter perfecta operatio compleatur, quod quidem fit per habitum, qui cum sit per modum cuiusdam naturæ, operationem sibi propriam quasi naturalem reddit, & per consequens delectabilem: nam convenientia est delectationis causa, unde Philosophus in 2. Ethic. ponit signum habitus delectationem in opere existentem. Hunc tertium modum delectabilitatis dicunt quidam recentiores, non esse distinctum à duobus prioribus, nempe firmitatis, facilitatis, seu promptitudinis: nam delectatio formalis & vera, quæ est actus elicitus, non est in omni potentia habente habitum, sed tantum in appetitu; præter hanc autem delectationem nihil est aliud in singulis potentijs, quod dici possit delectatio, nisi firma adhæsiō ad obiectum, & facilitas, & expeditio in operando. Hos vero duos modos, addunt, non esse in actu sed in potentia: facilitas enim, & expeditio solius potentia sunt, quæ sit promptior ad operandum, & expedita ab impedimentis, & efficacior ut vincat illa, si occurrant; neque explicari potest, quid sit facilitas in actu nisi denominatio extrinseca, quatenus egreditur à potentia facile, & prompte operante. Et eadem est ratio de firmitate. Sed falluntur: nam delectationem in opere existentem signum habitus esse ait D. Tho. cum Arist. & firmitatē in operatione esse affirmat, & idem est de facilitate seu prompti-
tu.

ARTICVLVS II. 9

rudine. Non enim actus dicitur delectabiliter procedere, quia potentia à qua dimanat, delectetur, dum elicit illum, nam in intellectu non est delectatio: sed quia est bonum quoddam delectabile causatum delectationis in voluntate; esse autem bonum delectabile non est denominatio extrinseca, sicque nec delectabilitas in ipso actu, quam efficit habitus. Similiter facilitas, & firmitas, non solum est modus intrinsecus inhærens potentia, sed etiam actui: sicut enim actus procedens à potentia vitali, & libera habet in se vitalitatem, & libertatem intrinsecam, & sicut actus procedens à potentia determinata per habitum habet in se determinationis modum, ita actus procedens à potentia roborata, & prompta, ac expedita per habitum modum quendam firmitatis, & promptitudinis participat, ac in se habet intrinsecum, quo distinguitur ab actu procedente à potentia non informata habitu. Consistitque hic modus in ordine dependentiæ à potentia facile, & firmiter operante, qui ordo intrinsecus est actui.

Præter dictos tres modos, duo alij causantur ab habitu tam in potentia, quam in actu nempe perfectio, & determinatio. De perfectione patet, nam vt ait D. Thom. quæst. 20. de Verit. art. 2. *Habitus significare videtur aliquid potentia superadditum, quo perficitur ad suam operationem.* Vnde per habitum potentia perficitur, & completur ad agendum, & à potentia sic completa in-

ratione principij, & in actu primo perfecti
 actus perfectus procedit. Perfectionem
 autem hanc habitus potentiae tribuit in
 genere causae formalis, actui vero in gene-
 re causae efficientis, ut principium quo, &
 ratio operandi ipsi potentiae. Et quamuis
 hoc in omnibus habitibus verum sit, in
 habitu artis est manifestius: ars enim pin-
 gendi perficit operationem, & effectum,
 quatenus motum & applicationem instru-
 mentorum ordinat, & ad modum, & me-
 thodum reducit, & effectui tribuit artificio-
 sam figuram, vel aliam similem qualita-
 tem, tanto perfectiorem, quanto perfec-
 tior fuerit ars in artifice. Quam perfectio-
 nem à facilitate, & firmitate, & delectatio-
 ne esse distinctam manifestum est; cum
 constet carentes artibus non solum carere
 his, sed etiam facultate faciendi opus per-
 fectum, & artificiale. Faciunt quidem
 nonnulli aliquod opus simile, aut eiusdem
 speciei cum opere ab arte facto, sed imper-
 fectum, & quamuis aliquando quis faceret
 opus tam perfectum, ac factum ab arte,
 hoc rarum esset; & ut habitus actus perfecti
 in illa specie proprium principium sit, &
 sine illo potentia carere dicatur facultate
 agendi opus tam perfectum, satis est, ut
 in pluribus, & regulariter secundum na-
 turae cursum non possit sine illo: neque
 enim (inquit Caiet hic) si adolescens v-
 nus perfectum generationis opus peragat,
 propterea falsum redditur illi vniuersalis: A-
 dolescens non potest in perfectum genera-
 tio,

ARTICVLVS III. II

tionis opus. Vndè vt ait idem Caiet. animæ potentia operatiua est in potentia ad suam consumatam, perfectionem ordine quodam: est namque in potentia per operationes imperfectas ad habitum, & per habitum ad operationem perfectam, in qua consumatur perfectio potentie operatiue. De determinatione etiam constat, nam vt ait D. Tho, artic. sequent. ad 2. *Potentia quandoque se habet ad multa, & ideo oportet quod aliquo alio determinetur.* Per habitum ergo potentia indifferens determinatur in actu primo, vt sit principium plus inclinatum, & potentius in vnum obiectum ad quod habitus inclinat, quam in alia: & similiter actus ipse ob determinationem potentie procedit determinatus, tam in esse nature, quam in esse moris. Quod optimè explicat Caiet. hic, & tandem concludit: *Et sic patet, quod habitus est causa actiua per se substantia, & modi actus triplicis, scilicet perfectionis, determinationis in esse nature, & determinationis in esse morali.*

Ad 1. verò respondetur negando minorem: nam vt hic ait Caiet. determinatio, quam ante habitum habet potentia, est ita remota & imperfecta, vt egeat habitu ad hoc quod propinqua & perfecta sit ad operandum perfecte in tali specie, sicque licet potentia sine habitu possit producere operationes in tali specie, scilicet, imperfectas; per habitum tamen determinatur, vt sit perfectum principium operis perfecti in tali spe-

12 *QVAESTIO XLIX.*

ciē. Cumque perfectio talis operis, quæ
 ut proprius effectus respondet habitui, non
 sit omnino extra substantiam, cum sit mo-
 dus substantiæ actus ab ea realiter non di-
 stinctus; sicut & intentio in ipsa substan-
 tia actus perfecti est aliqua intentio, quæ ut
 proprius effectus respondet habitui. Ex quo
 non sequitur actus quibus acquiritur ha-
 bitus esse diuersæ rationis, & speciei ab
 actibus, qui sunt post habitum acquisitum:
 nam quamuis hæc perfectio ad substantiam
 actus pertineat, est tamen perfectio intra
 eandem speciem contenta, sicut & maior
 perfectio substantialis vnius hominis, quam
 alterius. Concurrunt autem ad causandum
 actum effectiue habitus, & potentia, ut hic
 docet Caiet. non sicut causæ partiales, ut
 trahentes nauem, neque sicut remisum, &
 intensum, ut maius & minus lumen in eo-
 dem medio, neque sicut superius, & infe-
 rius, ut sol, & homo generant hominem,
 sed ut vnum principium perfectum, sicut
 agens, & forma per quam agit: sicque habi-
 tus ut potè forma inhærens potentiæ quo-
 dammodo illi subordinatur, dum potentia
 ad multarum specierum actus se extendens
 per habitum determinatur, ut sit in tali
 specie perfecti operis perfectum principium:
 Vnde cum quicquid est in actione efficien-
 ter sit tam ab agente, quam a forma, per quā
 agit, quicquid est in actum perfectum, tam sci-
 licet substantia, quam perfectio actus est à
 potentia, & ab habitu, quamuis diuersimo-
 de: substantia enim actus appropriatur po-
 tentiæ.

rentiæ, & perfectio eiusdem habitui, & habitus perfectionem per se respicit, substantiam vero non nudam, sed vt stat subtili perfectionis modo; potentia vero substantiam actus nudam ex se respicit, vt stat vero subtili perfectionis modo ratione habitus, quo fit perfectum principium perfectæ operationis.

Ad 2. respondetur; maiorem solum esse veram in causis purè æquivocis, & diuersæ rationis, qualis est sol respectu sui effectus; habitus autem, & actus licet absolute sint diuersæ rationis, quatenus tamen respiciunt idem obiectum quodammodo eiusdem rationis sunt, hoc enim modo, vt hic docet Caiet. potentia, & habitus eiusdem speciei sunt cum actu. Dicunt etiam nonnulli, licet vera sit maior in causis substantialibus, vniuersè tamen falsam esse: nam actus intellectus est causa actus voluntatis, & vice versa actus voluntatis est causa actus intellectus, quamuis diuersa causalitate; sicque posse habitum efficere actum eiusdem speciei cum eo à quo generatur.

Circa articulum quartum nihil se offer dicendum.



QVÆSTIO L.

De subiecto habituum.

ARTICVLVS I.

Vtrum in corpore sit aliquis habitus.

Conclusio est affirmans.

DVo sunt genera habituum. Quidam sunt dispositiones subiecti ad formam; alij ad operationem. Primi generis sunt sanitas, & pulcritudo; secundi, virtus & scientia. De habitibus primi generis est præcipue conclusio, De habitibus vero secundi generis ait Diu. Th. *Principaliter sunt in anima, in corpore vero possunt esse secundario, in quantum scilicet corpus disponitur, & habilitatur ad promptè deservendum operationibus anime*, Huius oppositum videtur docere S. Doctor infra art. 3. sic dicens, *Sicut membra corporis, in quibus non sunt habitus, sed magis in viribus imperantibus motum*: Sed respondet Caiet. ibi, D. Th. solum vellem in membris corporis non esse habitus principaliter, nam secundario in illis esse significat aduerbium comparativum *Magis*. Ideo enim magis est habitus in viribus imperantibus motum, quam in membris corporis

ARTICVLVS I. 15

poris, quia in illis est principaliter, in his
verò secundariò. Quod ideo est, quia ad
hæc habitus se extendit iuxta doctrinam
D Th. infra q. 56 art. 2. *Per modum diffusio-
nis, vel per modum dispositionis.* Ob quæ
habent membra corporis in musicis, salta-
toribus & alijs artificibus facilitatem ad mo-
tus artificiosos, & non ob solam extenua-
tionem humorum, cum hæc esse possit sine
tali facilitate in homine non musico tam
extenuatos habente humores, quam alius
musicus; & talis facilitas sine illa; vt con-
tingeret si abscissa manu à musico illi mi-
raculosè restitueretur cum temperamento
quod habebat antequam sciret pulsare mu-
sica instrumenta.

Circa art. 2. 3. 4. & 5. nihil offert dicen-
dum.

ARTICVLVS VI.

*Vtrum in Angelis sit aliquis
habitus:*

Conclusio est affirmans.

*Dubium. An in Angelis sint aliqui
habitus acquisiti.*

P Ars affirmans probatur 1. In Angelis
sunt virtutes morales acquisitæ; ergo,
& habitus acquisiti, Antecedens pro-
batur

batur; tum quia liberum arbitrium, Angelorum non est determinatum ad unum à principio suæ conditionis; ut ostendit D. Thom. 1. p. q. 59. art. 1. Ergo indiget habitu determinante ad bonum, & obiectum singularum virtutum iustitiæ, religionis, &c. Tum etiam, quia alias si virtutes non essent in illis acquisite, sed naturales, permansissent in dæmonibus, in quibus naturalia manserunt integra: consequens est falsum; ergo &c. Tum denique, quia Angeli qui peccaverunt, perdiderunt prudentiam; ergo hæc illis nō est naturalis, sed per se acquisita. Confirmatur, in Angelis damnatis sunt habitus vitiorum superbiæ, imprudentiæ &c. Sed ij sunt acquisiti, & geniti ex pluribus actibus superbiæ, imprudentiæ &c. ergo &c.

Secundo, in Angelis est habitus scientiæ Theologiæ, sed hic sicut & in nobis est acquisitus, ergo &c. Confirmatur, in Angelis est habitus fidei acquisitæ, & opinionis circa illa obiecta, quæ non pertinent per se ad naturalem eorum cognitionem; ergo &c.

Dicendum tamen est: licet probabile sit in Angelis dari aliquos habitus acquisitos; probabilius tamen esse oppositum. Primam partem probant argumenta facta, illamque tenuerunt Magistri Victoria & Soto; ut hic referunt alij discipuli D. Thom.

Secunda pars probatur 1. Nam D. Thom. hic non meminit aliorum habituum, quam illorum quibus indigent Angeli ad attingendum Deum per intellectum & voluntatem

ratem, & specierum intelligibilium, per quas indigent perfici habitualiter ad intelligenda, non omnia sicut nos, sed alia à se secundum proprias rationes, at hec fuerunt naturaliter indite Angelis, illi vero sunt supernaturales & infusi, sentit ergo in eis nullum esse habitum acquisitum.

Secundo, intellectus Angeli supposita specie intelligibili non minus prompte, & faciliter cognoscit quamcumque veritatem naturalem, quam potentia visiva habens in se speciem obiecti visibilie videt illud; ergo sicut in hac non datur habitus ad videndum, ita nec in illo ad cognoscendum quamcumque veritatem naturalem. Idem argumentum fieri potest de voluntate Angeli, de se enim est prompta & facilis ad prosequendum quodcumque bonum sue naturæ proportionatum, & fugiendum malum illi contrarium. Vnde 1. p. q. 62. art. 4. ad 1. ait D. Thom. difficultatem bene operandi solum esse in Angelis ex hoc quod opus aliquod bonum est supra virtutem naturæ, & q. 63. art. 1. dubio 3. hos ostendimus Angelum directè & immediate non posse peccare contra finem naturalem, sed solum indirectè in ordine ad finem supernaturalem.

Ad 1. verò respondetur negando antecedens. Ad 1. probationem dico, liberum arbitrium Angelorum ex sua natura esse determinatum ad bonum sue naturæ proportionatum saltem quo ad specificationem, ut ostendimus loco proxime citato.

Vnde

Vnde sicut intellectus eorum, quia natura sua est determinatus lumine naturali, quo cognoscit prima principia & in illis omnes conclusiones, non opus habet alijs habitibus superadditis ad plura obiecta scientiarum cognoscenda, sed lumen vnicum intellectus angelici, quatenus accommodatur diuersis obiectis, habet virtualiter rationem plurium habituum intellectualium: ita inclinatio naturalis voluntatis angelicæ, quatenus accommodatur diuersis obiectis habet virtualiter rationem plurium virtutum moralium. Ad 2. probationem dico, dæmones non perdidisse aliquem habitum acquisitum virtutis, quia illum non habuerunt in via, nec in statu damnationis potuerunt acquirere, cum in tali statu nullum opus moraliter bonum possit efficere, vt diximus 1. p. quæstion. 64. art. 2. dub. 2. vbi etiam ad 2. diximus, in dæmonibus mansisse integra naturalia quantum ad ea quæ pertinent ad ordinem naturæ, quo ad ea tamen quæ pertinent ad ordinem moralem maxime fuisse læsa ex praua finis intentione, quam semper habent etiam quando aliquod opus alias bonum faciunt. Vnde sicut licet in eis manserit cognitio & dilectio Creatoris naturæ: non tamen mansit in eis beatitudo naturalis, vt diximus ibidem quæst. 62. art. 1. ita licet in illis manserit inclinatio voluntatis: non tamen in eis manserunt virtutes ob prauum finem & affectum, ratione cuius omnis eorum actio mala est. Ad 3. probationem dico, eodem modo perdidisse

didisse prudentiam demones, quo reliquas virtutes; non quia habitum aliquem acquisitum amiserint, sed quia lumen naturale prudentię rationem habere desijt. Ad confirmationem respondetur negando maiorem: non enim egent demones ad peccandum habitibus vitijs, sed absque illis ob eorum obstinationem tam prompti & faciles sunt ad peccandum, vt nec actibus multiplicatis acquirant aliquam ad similes actus facilitatem, sicut nec multiplicatis cognitionibus.

Ad 2. respondetur, Angelum cognoscere quidem cōclusiones & veritates theologicas; ad eas tamen cognoscendas non egere habitu, sed sua intellectus perspicacitate eas penetrare absque habitu supposita cognitione principiorum, quam habuit in via per fidem, & habet in patria per lumen glorię. Ad confirmationem eodem modo respondetur: quamuis enim in Angelo sit aliquis assensus opinatiuis, aut fidei humanę, non indiget habitu ad illum, quia sui intellectus perspicacitate cognoscit vnūquodque sicut est cognoscibile: vnde de dæmonibus ait D. Thom. 2. 2. q. 5. art. 2. ad 2. *Coguntur ad credendum ex perspicacitate naturalis intellectus.*



QVÆSTIO LI.

De causa habituum quantum ad generationem ipsorum

ARTICVLVS I.

Utrum aliquis habitus sit à natura.

Conclusio est affirmans.

Dubium. An habitus principiorum sit naturalis & distinctus à potentia intellectiva,

Potem negantem quidam tenent, & probant 1. Arist. 6. Post. cap. ultim. ex professo probat contra Platonem habitum primorum principiorum non esse nobis à natura, sed acquiri paulatim experimento sensuum & inductione, quod & dixerat lib. 1. cap. 14. & 1. Metaph. cap. 1. & 6. Ethic. cap. 3. Ergo habitus principiorum non est naturalis, sed acquisitus per inductionem, sicut habitus scientiæ per demonstrationem. Confirmatur, intellectus noster à principio est sicut tabula rasa; ergo nullum habet habitum sibi innatum.

Secundo

Secundò, circa cognitionem principiorũ experimur, ignorantiam, & difficultatem, exceptis enim quibusdam notissimis, alia ignoramus eorumque notitiam non habemus, nisi studio, & exercitio eam comparemus; circa principia etiam notissima, non est ita firmus assensus, quin rustici aliqui fallaci argumento possint perturbari; at hoc nõ esset, si nobis esset naturalis habitus principiorum; ergo, &c. Confirmatur, apprehensio connexionis extremorum propositionis, quæ est primum principium, non est naturalis, sicut nec apprehensio terminorum; ergo nec habitus principiorum, quæ huiusmodi connexio apprehenditur.

Tertiò, si habitus principiorum esset naturalis, non esset aliquid diuersum realiter à potentia intellectiua: sed hoc est falsum; ergo, &c. Maior probatur, potentia intellectiua, cum in se sit lumen, & principium intelligendi, se ipsa est sufficiens ad ea, quæ per se nota sunt, intelligenda, & non requirit aliud lumen naturale si peradditum; ergo, &c. Confirmatur, si habitus principiorum esset naturalis, & superadditus potentie, vel flueret à natura hominis ab instanti productionis hominis, aut aduenientibus ab extra terminis. Non primum, quia sicut à natura nulla est species congenita intellectui, ita neque habitus, alias non lateret, & aliquis se illum habere experiretur. Non etiam secundum, quia à propositione terminorum non pendet habitus principiorum, tanquam à causa, sed tanquam ab obiecto;

ergo si in natura est principium illius non est quare magis decursu temporis, quam ab instanti productionis hominis fluat.

Dicendum tamen est: habitum principiorum, tam speculatiuorum, qui intellectus, seu intelligentia dicitur, quam practi-
corum, qui est synderesis, naturalem esse, & realiter distinctum à potentia intellecti-
ua. Docet hoc D Thom. hic ait namque: *Intellectus principiorum dicitur esse habitus naturalis: ex ipsa enim natura animæ intellectua-
lis conuenit homini, quod statim cognito quid est totum, & quid est pars, cognoscat quod omne to-
tum est maius sua parte: & similiter est in ce-
teris. Sed quid sit totum, & quid sit pars cogno-
scere non potest, nisi per species intelligibiles à phantasmatibus acceptas, & propter hoc Philoso-
phus in fine posteriorum ostendit quod cognitio principiorum prouenit nobis ex sensu. Sentit er-
go, licet species requisitæ ad cognitionem principiorum, quæ est actus habitus intel-
ligentiæ, sint acquisitæ, & à phantasmatibus acceptæ; habitum tamen ipsum principio-
rum, qui intellectus, vel intelligentia dicitur, naturalem esse.*

Distinctum autem esse à potentia intelle-
ctiua insinuat D. Thom. collocans illum sub habitu, *Qui est dispositio ad operationem, cuius subiectum est potentia animæ. Quod esse non posset, nisi esset quid realiter distinctum à potentia, idem enim non est subiectum sui ipsius. Ad 2. expresse id dicit, nam cum in argumento concludisset: Si igitur habitus po-
tentiarum à natura essent, habitus, & potentia,
essent*

essent unum . Respondet : Quod aliquid etiam naturaliter potest superaddi potentie, quod tamen ad ipsum potentiam pertinere non potest, &c. Et sic patet, quod non omne id quod pertinet ad habitum, potest ad potentiam pertinere . Scilicet tanquam vnum, & idem cum illa . Idem docet S. Doctor 1.p.q.79.art.1.2. asserens neque intelligentiam, quæ est circa prima principia speculabilium, neque synderesim, quæ est circa principia operabilium, esse potentiam, sed habitum naturalem . Et in 2. dist.24.q.2.art.3 idem dicit . Et q.26.de Veritate art.1.sic habet : Quod autem ipsa potentia rationis prout naturaliter cognoscit, synderesis dicatur, absque omni habitu esse non potest, quia naturalis cognitio rationi conuenit secundum al quem habitum naturalem, ut de intellectu principiorum patet . Hunc autem habitum ibi ad 2 ait esse accideñs potentie, & potentiam esse subiectum illius, sicut superficies ad subiectum coloris, quod distinctionem realem indicat . Et ad 4. dicit : Quod synderesis non dicitur significare potentiam, & habitum, quia si eadem res sit potentia, & habitus, sed quia uno nomine significatur ipsa potentia cum habitu cui substernitur . Mens ergo D.Thom. est habitum principiorum tam speculatiuorum, quam practicum naturalem esse, & realiter distinctum à potentia intellectiua .

Ratione etiam probatur sumpta ex Diu. Thom. hic in argum. Sed contra . Prima principia dicuntur naturaliter cognita : at si habitus quo cognoscuntur, non esset naturalis, sed acquisitus, non essent naturaliter cognita,

gnita, sicut propter hoc conclusiones non dicuntur naturaliter cognitæ, quia habitus sciendi quo cognoscuntur, non est naturalis, sed acquisitus; ergo, &c. Maiorem quam hic docet D. Thom. probat 1. p. q. 79. ar. 12. *Ratiocinatio hominis, cum sit quidam motus, ab intellectu progreditur, aliquorum scilicet naturaliter notorum absque investigatione rationis sicut à quodam principio immobili, & ad id effectum etiam terminatur, in quantum iudicamus per principia per se naturaliter nota de his, quæ ratiocinando inveniuntur.* Si autem non essent talia principia per se naturaliter nota, non progredieretur motus intellectus ab intellectu eorum, sicut à principio immobili, sed progressus esset in infinitum; id cognoscenda enim illa progredieretur ab intellectu aliorum, non naturaliter notorum, & sic in infinitum; ergo, &c. Hunc autem habitum esse distinctum à potentia intellectiva: *Quod in 6. Ethic. inter alios habitus ponitur intellectus principiorum.* Ergo sicut alij habitus, inter quos numeratur, sunt realiter distincti à potentia intellectiva, ita & hic: sicut enim illi determinant potentiam, quæ se habet ad multa etiam opposita, ita & hic.

Denique probatur: omnis habitus acquisitus, aliquo, vel aliquibus actibus acquiritur, & generatur. Sed nullus est actus, quo generetur, & acquiratur actus principiorum; ergo non est acquisitus, sed naturalis. Minor probatur, non acquiritur inductione; nam hæc est argumentum solum topicum, & probabile, ut docet Arist. lib 1. Topic. c. 1.

&

& patet, nam ex eo quod aliqua singularia taliter se habeant, non infallibiliter, sed probabiliter tantum colligitur omnia eodem modo se habere; ergo non potest generare assensum infallibilem, certum, & euidentem, qualis est habitus principiorum, sed solum opinatiuum, cui ex natura rei potest subesse falsum. Si per inductionem generetur habitus principiorum, per medium præstantius generaretur scientia, cum præstantior sit demonstratio inductione. Non acquiritur etiam per demonstrationem, aut alium discursum necessarium: nam daretur processus in infinitum, & principia non essent propositiones per se notæ, & immediate, assensus enim generatus per discursum supponit medium, & fit ex cognitione, & assensu alterius; hic autem assensus fieret ex alio, & sic in infinitum: sed hoc est falsum; ergo, &c. Tandem non acquiritur actu ipse assensus principiorum, ita vt. posita apprehensione terminorum, sine discursu ponatur assensus, & posito assensu circa principia statim generetur habitus. Nam si apprehensis terminis potentia sine habitu acquisito principiorum semel assentit principijs, cur sine tali habitu non poterit alios, & alios assensus principiorum actus elicere? Certè non apparet maior difficultas ad elicendos alios, quam primum, cum tam per se notum sit id, cui per alios actus, ac per primum assentimus; ergo non est necessarius habitus acquisitus. Præterea primo actu assensus non convincitur intellectus ad

assentiendum principiis ; ergo per illum nō generatur habitus principiorum . Consequentia patet , quia ideo per demonstrationem generatur habitus scientiæ , quia per illam convincitur intellectus ad assentiendum conclusioni . Antecedens probatur , intellectus nō assentitur principiis ex vi ipsius assensus , sed ex vi certitudinis veritatis , & evidentie ipsorum principiorum , & ex vi luminis naturalis ostendentis principia ipsa ; ergo non convincitur actu sui assensus .

Restat igitur habitum principiorum tam speculatiuorum , quam practicum non acquiritum , sed naturalem esse , hoc est à natura intellectus naturaliter fluentem . Quando autem oriatur ab illa , non conveniunt discipuli D. Thom. Caietanus hic docet , non oriri ab intellectu ab initio , neque esse illi congenitum , sed ait : *Sicut nutrire angereque naturales sunt actus animæ , non qualitercumque , sed adveniente alimento delecto : sic notitia principiorum habitualis naturaliter inest animæ advenientibus ab extra terminis : ita quod ad intelligibilem presentiam eorum inditū est , quod ab anima in intellectu possibili sub lumine agentis fluat qualitas illa , quæ est habitus principiorum , sicut motus gravium , & levium à natura gravium , & levium ; & ut semel , effluxit semper perseverat , quamvis non exeat in actum impedita phantasia . Differentia igitur inter intellectum , & voluntatem in hoc est , quod in intellectu fluit naturaliter habitus quidam presentibus ab extra terminis principiorum , in volunta-*

ARTICVLVS I. 27

te autem non. Et hoc (inquit) significasse D. Thom. hic dum asserit : *Sunt in hominibus aliqui habitus naturales tanquam partim à natura existentes, & partim ab exteriori principio, aliter quidem in apprehensiuis potentijs, & aliter in appetitiuis.* Habitus enim principiorum partim est à natura existens, quia ab illa naturaliter fuit, & partim ab exteriori principio, quia non fuit statim, sed præsentibus ab extra terminis principiorum. Idem videtur sentire Ferrariens. 2. Contragentes capit. 78. 9. *Aduertendum hic, & insinuat Diu. Thom. ibi dicens : Habitus principiorum est acceptus à sensibilibus ; ut probat Aristot. in 2. Poster. & sic oportet, quod sit effectus intellectus agentis, cuius est phantasmata, qua sunt intellecta in potentia, facere intellecta in actu.*

Alij verò discipuli D. Thom. affirmant, habitum principiorum statim ab initio fluere à natura in intellectu, eo modo quo passioness, seu proprietates fluunt ab essentia ab instanti productionis subiecti. Quæ sententia mihi probabilior, & D. Thom. conformior videtur : apprehensio enim, & cognitio terminorum non præexigitur ad habitum principiorum, sed ad eius actum, ait namque D. Thom. quæst. 16. de Verit. art. 1. ad 14. *Actus cognitionis non præexigitur ad potentiam, vel habitum synderefsis, sed ad actum ipsius ; Vnde per hoc non excluditur quin habitus synderefsis sit innatus.* Quod vero asserit S. Doctor locis supra citatis, habitum principiorum partim esse ab exteriori

ri principio, & acceptum esse à sensibilibus, & effectum intellectus agentis, intelligendum est, de illo quo ad species, quæ cum illo ad eius actum concurrunt, non de ipso habitu secundum essentiam quatenus est principium assensus elicitiuum, & potentia naturalem facilitatem, & promptitudinem ad cognoscenda principia tribuit, quam sine illo non haberet formaliter: unde si illum Deus intellectui auferret, difficultatem sentiret ad cognoscenda principia quantumuis notissima; est enim lumen impræsum rationi, & signatum super nos, quod ostendit nobis bona.

Ad 1. vero respondetur, Aristot. ibi loqui de habitu principiorum quoad species ad actum illius requisitas: inductionem enim, & sensuum experientia paulatim educitur virtute intellectus agentis species representans vniuersale, quæ ad cognitionem principiorum requiritur. Et hoc significat, cum ait: *Necesse est igitur, ut ex hisce patet, ipsa prima inductione cognoscere; sic enim, & sensus efficit in nobis ipsum vniuersale.* Ad confirmationem dico, intellectum nostrum à principio esse sicut tabulam rasam, non quia in eo nullus sit habitus naturalis, sed quia nulla est in eo species, quæ est similitudo obiecti.

Ad 2. respondetur, difficultatem, & ignorantiam, quam circa cognitionem principiorum, aliqui præsertim rustici, experiuntur, non prouenire ex defectu habitus naturalis; sed ex non sufficiente apprehen-

sio.

sione terminorum . Ad confirmationem quidam negant antecedens: licet enim apprehensio simplex, qua termini simplices absque connexione apprehenduntur, sit ab extrinseco, & non à natura; apprehensio tamen, qua apprehenditur terminorum connexio circa obiecta primorum principiorum, naturalis omnino est, quia semel perceptis extremis naturali lumine intellectus elucet eorum connexio. Quæ doctrina videtur esse D. Thom. hic dicentis: *Ex ipsa enim natura anima intellectualis conuenit homini, quod statim cognito quid est totum, & quid est pars, cognoscas, quod omne totum est maius sua parte.* Sed Caiet 2. Poster. cap. vlt. contra Antonium Andream quæst. 5. 1. Metaph. ostendit, non solum ad cognitionem incomplexam terminorum, sed etiam ad complexam cognitionem principiorum requiri experimentalem sensus cognitionem. Tum quia Arist. ibi docet cognitionem principiorum fieri ex sensu, via inductionis, inductio autem ex particularibus complexis ad complexum tendit. Tum etiam, quia oportet ponere aliquod motuum, & determinatum intellectus ad talem complexionem faciendam: termini autem, licet si componerentur; haberent in se euidentiā; non sufficiunt tamen ad mouendum, & determinandum intellectum ad hanc compositionem, potius quam ad aliam: experimur namque sæpe nos habere multorum terminorum conceptus absque notitia prin-

cipiorum complexorum, quæ ex illorū ter-
 minorum coniunctione constat: *Pateat enim*
 (ait Cai) *me cognovisse quid æquale, quid demie-*
re, quid remanet; nescivisse tamen hoc principit.
Si ab æqualibus æqualia demas, quæ remanent
sunt æqualia. Oportet ergo *terminorum* conceptus ter-
 minorum incomplexorum habere aliquid deter-
 minativum, seu motivum intellectus ad talem
 compositionem faciendam, tale autem motivum
 oportet esse sensum, quoniam ante cognitionem
 principiorum Arist. nullum motivum intellectus
 movit nisi sensum; ergo necessario cognitio com-
 plexa principiorum præexigit sensitivam expe-
 rimentalem. Sicque sicut apprehensio sim-
 plex est ab extrinseco, ita & ea quæ appre-
 ditur terminorū connexio, & sicut illa pro-
 venit nobis ex sensu, ita & hæc. Neque
 huius oppositum hic docet D. Thom. cum
 enim ait, cognito quid est totum, & quid
 est pars, cognosci omne totum est maius
 sua parte, intelligendum est, præsupposita
 cognitione sensitiva experimentalis com-
 positionis horum terminorum in particu-
 lari, quæ moveatur, & determinetur in-
 tellectus ad compositionem vniuersalem
 faciendam. Iuxta hanc ergo doctrinam
 neganda, est consequentia: potest enim
 habitus esse naturalis, & naturaliter à na-
 tura fluere, quin eius actus hoc modo fluat,
 & naturalis sit, quia ad illum requiritur
 aliquid, quod provenit ab extrinseco, spe-
 cies scilicet repræsentans non solum termi-
 nos simplices, sed etiam connexionem eo-
 rum à phantasmatis accepta. Unde si-

cut ipsa apprehensio simplex, licet sit ab extrinseco; virtus tamen apprehendens naturalis est: ita licet apprehensio connexionis terminorum sit eodem modo ab extrinseco; virtus tamen, & habitus, quo talis connexio apprehenditur, naturalis esse potest. Est tamen differentia inter apprehensionem connexionis terminorum principij, & apprehensionem connexionis terminorum conclusionis: nam vt apprehendatur connexio terminorum principij, non præexigit medium præcognitum: vt cognoscatur tamen connexio terminorum conclusionis, præter cognitionem sensitiuam, & speciem vniuersalem deductam ex illa, requiritur præcognitio medij.

Ad 3. respondetur negando maiorem. Ad probationem respondet D. Thom. supra quæst. 49. artic. 4. ad 2. *Quod potentia se habet ad multa, & ideo oportet quod aliquo alio determinetur.* Scilicet habitu; sine hoc enim non habet facilitatem ad operandum circa hoc determinatum obiectum. Ad confirmationem diximus, habitum principiorum naturaliter fluere à natura hominis ab instanti productionis hominis. Ad impugnationem huius dico, diuersam esse rationem de specie intelligibili, ac de habitu; nam illa prouenit nobis ex sensu. habitus vero nequaquam, sed ex ipsa natura anime intellectualis. Et licet actus non lateant nobis, habitus tamen latere potest. Vnde quia non experimur actum cognitionis principiorum à principio, rectè infer-

32 QVABSTIO L I.

tur, nos non habere illum a principio productionis hominis, sed provenire à sensu tanquam à movente, & determinante intellectum habitu in formatum ad illum eliciendum, vt ostendit Arist. 2. Post, cap. vlt. non tamen sequitur, nos non habere habitum. Probabilis est etiam sententia Caiet. talem habitum non fluere à natura nisi ad venientibus terminis, vt diximus. Ad huius vero impugnationem. nego consequentiam: nam quamuis talis habitus solum pendeat à propositione terminorum tanquam ab obiecto; potest tamen hæc esse conditio requisita, vt ab anima fluat.

A R T I C V L V S II.

Vtrum aliquis habitus causetur ex actibus.

Conclusio est affirmans.

Dubium. Quomodo habitus fiat per actus.

DVrandus in 3. dist. 33. quæst. 2. affirmat actus non se habere ad habitum vt principium actuum, sed vt dispositiones necessario præuias ad fieri habitum, vt mollities in cera ad receptionem figuræ, Probat: quia aut habitus cau-

causatur immediate per actus, vel mediate. Non immediate, quia tunc aliqua actio immediate terminaretur ad habitum, & cum illa actio esset alteratio, sequeretur, quod ad dispositiones, & ad habitus esset alteratio immediate: sed huius oppositum probat Arist. per intensionem 7. Physicorum. ergo, &c. Nec mediate, nam da illud, quo mediante actus causant habitus, nec poteris, nec enim facile est fingere: ergo actus non se habent ad habitus ut principium actuum, sed habituum, principium actuum est potentia, quæ causat actus, & ex consequenti habitum ordine quodam, sicut illud quod causat in aqua calorem, causat in ea raritatem ordine quodam.

Dicendum tamen est: habitus efficienter causari ex actibus. Colligitur hoc ex D. Thom. hic in corpore, & ad 3. Nec fuit Durando, quod ait S. Doctor in corp. art. *Omne quod patitur, & mouetur ab alio, disponitur per actum agentis*. Sensus enim non est, per actum ipsum disponi potentiam ad receptionem habitus: sed per actum agentis produci dispositionem, quæ est habitus, ut indicat quod subdit. *Vnde ex multiplicatis actibus generatur quadam qualitas in potentia passiva, & mota, quæ nominatur habitus*.

Ratione probatur: potentia est principium actuum habitus: at non causat illum immediate ut causat actum: ergo mediante actu: Sed actus quo mediante causa efficiens producit effectum, efficienter con-

34 QVAESTIO. LI.

currit ad eius productionem; ergo & actus potentiae ad productionem habitus. Minor probatur, quia talis actus, vel est ipsa causalitas efficientis causae, vel est aliquid medium, ex quo resultat effectus. Si primum manifestum est efficienter concurrere. Si secundum, etiam debet concurrere efficienter: nam ut ait D. Tho. 1. p. q. 77. art. 7. *In his, quae secundum ordinem naturalem procedunt ab uno, sicut primum est causa omnium, ita quod est primo propinquius, est quodammodo causa eorum quae sunt magis remotae.* Ex quo infert S. Doctor: *Quod potentia animae, quae sunt priores secundum ordinem perfectionis & naturae, sunt principia aliarum, per modum finis & actui principij.* Ergo eodem modo actus potentiae erunt principium actuum habitus. Confirmatur exemplo adducto a Durando: quia rarefactio resultat ex calefactione, non solum ignis calefaciens aquam est causa efficiens rarefactionis & raritatis, sed etiam aquae calefactio, seu actio eam calefaciendi: ergo si habitus resultat ex actibus potentiae, ex illis efficienter causatur, & non à sola potentia.

Ad argumen. Durandi respondetur. Non nullos ut Buridanum 2. Ethic. q. 3. putasse actus, quibus generatur habitus, esse ipsammet effectiorem habitus, sicut calefactio caloris; ex quo manifestè sequitur habitum immediatè causari per actus. Sed hæc sententia merito ab alijs rejicitur: nam tales actus alium habent terminum, cuius productiones sunt, actus scilicet intellectus
vtrūm

ARTICVLVS II. 35

verbum. & actus voluntatis propensionem & impulsam ad obiectum: cumque eadem actio non possit plures terminos immediatos habere, non poterit habitus immediate produci per actus. Vnde asserendum est per illos mediate causari. Ad Iulius impugnationem dico, id quo mediante actus causant habitus esse assuefactionem vel productionem habitus, quæ alia actio est resultans ex actuum multiplicatione. ex quo nõ sequitur dari actionis actionem: nam hæc actio non est terminus productus per actus, sed ex illis resultans, potest autem vna actio consequi, & resultare ex alia, & ex termino per illam producto, vt patet in rarefactione, quæ sequitur. & resultat ex calefactione & calore per eam producto. Si dicas hanc actionem, quæ ex alia resultat, etiam esse alterationem, sicque ad habitum esse alterationem. Respondetur cum D. Tho. quæst. vnica de Virt. art. 9. ad 10. *Quod propriè loquendo non dicitur aliquid alterari secundum quod adipiscitur propriam perfectionem: unde cum virtus sit propria perfectio hominis, non dicitur homo alterari secundum quod acquirit virtutem, nisi fortè per accidens, secundum quod immutatio sensibilis partis anime, in qua sunt anime passionēs, pertinet ad virtutem.* Idem dicit S. Doctor quæst. 16. de Verit. artic. 3. ad 12. & hic quæst. 52. art. 1. ad 3. Aristoteles autem 7. Physic. loquitur de alteratione propriè dicta, quæ est corruptiua, non de perfectiua, quæ non ita propriè alteratio est.

Circa articulum 3. nihil se offert dicen-
dum.

ARTICVLVS IV.

*Vtrum aliqui habitus sint hominibus
infusi à Deo.*

Conclusio est affirmans .

Certissima est hæc conclusio tam de
habitibus per accidenſ infuſis, quam
de infuſis per ſe . De primis quidem,
nam vt alios taceam, de Apoſtoliſ, quos
hic commemorat D. Thom. colligatur ex
Scriptura Sacra. Lucæ 24. verſ. 49. & act. 2. v.
4. collatam fuiſſe illis diuinitus per infuſio-
nem ſcientiam Scripturarum, & omnium
linguarum, quam homines per ſtudium,
vel conſuetudinem acquirere poſſunt.

De ſecundis verò, nam quamuis ex Con-
cilio Lateranen. ſub Innocentio III. & Cap.
Maiores, de Baptiſmo id olim ſub opinione
fuiſſe colligatur: Cum inter Doctores Theologos
quæſtio referatur, alijs afferentibus per virtutem
Baptiſmi, paruulis quidem culpã remitti, ſed gra-
tiam non conferri: nonnullis dicentibus, dimit-
ti peccatum, & virtutes infundi habentibus il-
las, quo ad habitum non quo ad uſum, donec
perueniant ad ætatem adultam. Primum au-
tem ideo alios Doctores aſſeruiſſe videtur,
quia putabant gratiam, & virtutes non eſſe
habitus, & quãlitates permanẽtes, ſed actus,
qui

ARTICVLVS IV. 37

qui in parvulis esse nequeunt. Et in Concilio Viennensi, & Clementina vnica de Sum. Trinit. relatis his duabus Doctorum opinionibus solum dicatur: Nos autem attendentes generalem efficaciam mortis Christi (qua per Baptisma applicatur pariter omnibus baptizatis) opinionem secundam (qua dicit tam parvulis, quam adultis conferri in Baptismo informantem gratiam, & virtutes) tanquam probabiliorem, & dictis Sanctorum, ac Doctorum modernorum Theologiae magis consonam, & concordem, sacro approbante Concilio duximus eligendam. Tamen in Concil. Tridentin. contrarium primae opinionis, & quod assererat secundae ex praedictis videtur diffinitum. Canone enim vndecimae Sessionis sextae, sic dicitur: Si quis dixerit homines iustificari, vel sola imputatione iustitiae Christi, vel sola peccatorum remissione, exclusa gratia, & charitate, quae in cordibus eorum per spiritum Sanctum diffundatur, atque illis inhaereat; aut gratiam, qua iustificamur, esse tantum favorem Dei, anathema sit. Et cap. 7. sic habetur: In ipsa iustificatione cum remissione peccatorum hac omnia simul infusa accipit homo per Iesum Christum, cui inseritur, fidem, spem, & charitatem. Vnde dari habitus infusos secundum fidem certum esse, & eius oppositum haeticum, asserunt multi, Alij, licet non haeticum, tamen erroneum esse dicunt. Alij adhuc mitiori censura id damnandum esse dicunt: nam verbum, inhaerentiae, non conuincit esse vera, & realia accidentia, & qualitates,

fi.

38 QVÆSTIO LI.

ficut nec idem, quo vtitur Concilium de peccato originali agens Sessione 5. conuincit reale accidens esse, cum multi asserant in priuatione consistere peccatum originale. Et quamuis prædicta, & alia, quæ ex Scriptura Sacra adduci possent, conuincerent qualitates permanentes esse, adhuc absque nota erroris posset quis dicere non esse habitus, sed potentias, vtpotè ad operandum simpliciter requisitas.

Ego verò dicerè, gratiam, fidem, & spem, & charitatem, quas nos vocamus habitus, secundum fidem esse dona à Deo infusa in nobis inherētia, & permanentia. An verò sint habitus cum ea proprietate, qua de habitu loquuntur Scolastici, hætenus non esse diffinitum ab Ecclesia.

QVÆSTIO LII.

De augmento habituum.

Circa articulum 1. nihil se offert scribendum.



Utrum habitus augeatur per additionem.

Conclusio est negans.

DVobus modis habitus augeri possunt, nempe secundum extensionem, & secundum intensiorem. De augmento extensiuo habituum tres sunt Doctorum sententiæ, due extremæ, & una media. Prima est, nullum habitum augeri secundum extensionem. Cuius fundamentum est, quia habitus non est simplex qualitas, quæ postquam est genita circa unam materiam, extendatur ad aliam, sed tot sunt habitus specie distincti, quot sunt obiecta partialia, solumque efficiunt unum unitate ordinis. Sed de hoc infra quæst. 54. art. 4. disputatur.

Secunda est, omnes habitus acquisitos augeri posse secundum extensionem: nam sicut scientia pendet ex demonstratione; ita omnes alij habitus acquisiti ex frequentatione actuum; ergo sicut scientia augetur extensiuè, ita & omnes alij habitus. Quod & experientia videtur confirmare: constat enim posse esse habitum vitij circa unam materiam, & non circa aliam, & idem est de habitu virtutis; contingit namque sæpe, ut quis acquirat temperantiã circa cibum, & adhuc pariatur magnam difficultatem
cir;

circa potum, & promptus sit ad restituendum honorem, & difficillimè restituat pecuniam; ergo talis habitus extensivè augeri possunt. Sed si hæc sententia loquatur de habitibus virtutum moralium perfectis secundum statum, D. Thomæ contradicit infra q. 66 art. 1. dicenti: *Quicumque habet aliquam virtutem puta temperantiam, habet ipsam quantum ad omnia ad quæ se temperantia extendit, quod de scientia, & arte non contingit.*

Tertia est, omnes habitus intellectus acquisitos posse augeri extensivè; non tamen habitus appetitus. Ratio est, quia habitus intellectus indigent medio determinante ad assensum: sunt autem singulorum obiectorum diversa media; ergo habitus quatenus respicit unum obiectum, non est sufficiens ad alterum, nisi perficiatur, & augeatur addito medio, quo generetur assensus alterius obiecti. Et hoc verum est tam in assensu speculativo, quam practico: in assensu enim speculativo requiritur medium demonstrationis; in practico verò idea, vel regula operandi, quæ non est eadem omnium, quæ ad unam artem reducuntur, vel ad unam prudentiam. At habitus appetitus non indigent medio, sed virtutes morales respiciunt rationem unam formalem obiecti, quæ eadem est in omnibus, ad quæ virtus se extendit, & ad quam diversa obiecta se habent, ut obiecta materialia, & nunquam est virtus, donec sit potentia sufficienter, & efficaciter determinata ad rationem illam

ARTICVLVS II. 41

illam formalem. Postquam verò sic est determinata potens est, & habilis ad omnia, quæ sub ea ratione proponuntur. Verbi gratia, iustitia respicit hanc rationem formalem, dare unicuique quod suum est, hæc autem ratio est vna, & eadem in pecunijs, honore, &c. nunquam ergo quis habet virtutem iustitiæ, donec voluntas sit efficaciter determinata ad dandum alteri, quod suum est, qua tale est: postquam autem sic determinata fuerit, sufficienter est disposita, vt seruet ius in quacumque materia. Et idem est in cæteris virtutibus. Difficultas autem, quam patitur habens virtutem circa vnum obiectum, & non circa aliud, non oritur ex imperfectione virtutis, sed ex impedimentis extrinsecis, quæ proueniunt à corporis complexione, aut aliqua imaginationis, & intellectus dispositione contraria, quæ impedimenta, & difficultates non sunt superandæ ab ipso habitu, nam hic solum euincit difficultates intrinsecas, quæ proueniunt ex improportionem obiecti, & indifferentia potentie circa ipsum.

Hæc sententia, si loquatur de virtutibus perfectis secundum statum vera est. Falso tamen ab illis prudentiam separat: nam D. Thom. infra q. 66. art. 1. soli scientiæ, & arti concedit potentiam se extendendi ad sua obiecta. De alijs autem virtutibus, inter quas comprehendit etiam prudentiam, docet, quemcumque habentem illas habere ipsas quantum ad omnia adque se extendunt,

dunt, quod & docet q. de Virtutibus Cardinal. art. 3.

De augmento habituum secundum intensiōem hic dubium esse poterat an fiat per additionem gradus, ad gradum. Sed hoc dubium commune est intensiōi omnium formarum, & de hoc alibi, præsertim in libris de Generat. & Corrup. agitur: illud omittendum duxi, solumque explicare decreui, quid per additionem gradus ad gradum intelligendum sit, cum negatur per talem additionem fieri intensiōem habitus, aut cuiuscumque alterius qualitatis.

Explicat hoc optimè Caietanus hic dicens; eos, qui asserunt formas intendi per additionem gradus ad gradum, putare gradus se habere ad inuicem, sicut unitatem superuenientem unitati in numeris, non quo ad discretionem, sed quoad distinctiōnem: *Æstimant enim formam compatiens multos eiusdem speciei gradus aduenientes, & recedentes, ac si fingeremus quod numerus aliquis inuariatus secundum substantiam, perderet, & acquireret diuersas unitates, continitas tamen. Et hoc reputatur chimæra.* Probatur, gradus superadditus præexistenti non est ab illo distinctus specie, aliàs enim non intenderet illud, cum nulla forma intendatur per aliam diuersæ speciei: nec numero, cum sit in eodem subiecto indiuisibili, & adæquato, & distinctio numerica sumatur ex diuersitate subiecti; ergo intensio habitus, & cuiuscum-

ARTICVLVS II. 43

scumque alterius formæ non fit per additionem gradus realiter distincti à præexistente. Si dicas ad numericam distinctionem graduum eiusdem habitus, vel formæ sufficere identitatem subiecti cum diuerso tempore, in quo producuntur, nam propter hoc distinguerentur numero habitus quem quis amitteret, & quem postea acquireret. Respondetur, diuersitatem temporis, in quo accidentia habent esse in eodem subiecto, sufficere ad eorum numericam distinctionem; non tamen in quo producerentur, nisi hæc illam inferat, quod non contingeret hic: nam gradus, qui præexistebat, & qui aduenit, simul in eodem subiecto esse oportet, sicque non esset aliquid, quod else in subiecto illorum graduum distingueret, & cum per diuersa esse in subiecto accidentia distingui debeant, non esset vnde prouenire posset distinctio numerica illorum graduum.

Quamuis autem intensio non fiat per additionem alicuius gradus realiter speciei, aut numero distincti à præcedente. Negari tamen non potest intensiorem fieri per aduentum alicuius nouæ realis perfectionis; habitus enim, & quæcumque alia forma, quæ intenditur, in se ipsa perfectior est, quàm antea erat: & cum intentio sit noua mutatio realis, intelligi nequit sine reali termino de nouo producto, non qui sit forma à præcedente diuisa, sed qui sit eiusdem formæ numero maior perfectio. Vnde cum forma sit perfectior, quia magis actuat, magisque

44 **QVÆSTIO LII.**

gusq; subijci sibi met subiectū, & ipsa magis educitur de potentia subiecti, & hoc sit magis radicari in subiecto, per maiorem radiationem in subiecto dicitur fieri intensio habitus, & cuiuscumque alterius qualitatis.

ARTICVLVS III.

Vtrum quilibet actus augeat habitum.

Conclusio est negans.

Tria sunt genera actuum ab habitu procedentium; quidam enim sunt intensiores habitu, alij æquales, alij remissiores. De intensioribus certum est habitum augere. An vero quilibet illorum augeat habitum, non est concors omnium sententia. Quidam negant, quia sicut quantumcumque sit actus intensus, non sufficit generare habitum, nisi frequentetur, ita nec habitum augere. Alij affirmant, quia quilibet actus intensior habitu habet maiorem vim illo, ac proinde illum augere potest. Et non est eadem ratio de generatione, & augmento: nam ad generationem requiritur potentiam assuefieri, & paulatim disponi quousque, per plures actus determinetur quasi per modum naturæ; postquam tamen habitu genito iam est conuicta, & quasi per modum naturæ incli-

ARTICVLVS III. 45

clinata, non indiget frequentatione actuum ;
vt augeatur habitus , sed sufficit , vt actus
excedant habitum in intensiōe. Hęc sen-
tentia affirmans communior est. Nec prio-
ri neganti fauet D. Thom. hic dicens : *Si
intensiō actus aquetur intensiōi habitus , vel
etiam superexcedat , quilibet actus , vel augeat
habitum , vel disponit ad augmentum. Nam
hoc proportionabiliter est intelligendum ,
ita vt intensior augeat , æqualis disponat.*

An etiam actus intensior augeat habi-
tum , non quidem secundum totam suam
latitudinem , sed secundum totum exces-
sum , ita vt, si sit actus , vt quinque , red-
dat habitum , vt quinque , qui antea erat ,
vt quatuor , incertum est. Quidam ne-
gant : quia licet potentia per habitum ,
& actus præcedentes sit determinata : ma-
net tamen in ea aliqua resistentia in ordine
ad excessum actus intensioris ; ratione cu-
ius licet actus intensior semper augeat ha-
bitum , impeditur tamen ne illum augeat
secundum totum excessum , sed secundum
aliquid minus . Alij affirmant : nam in ha-
turalibus non obstante resistentia subiecti
id contingit .

De actibus equalibus asserendum est ,
non augere habitum , sed ad eius augmen-
tum disponere . Primum patet ex illo com-
muni axioma . A proportionē minoris
inæqualitatis non fit actio . Nec valet di-
cere , hoc esse verum in causis vniuocis ,
non æquiuocis , qualis est actus respectu
habitus ; in his enim non requiritur maior
in-

46 *QVAESTIO LII.*

intensio, sed perfectior forma, & natura: qualem habet quicumque actus. Contra hoc namque est: Tum quia non solum actus æqualis esset causa intensioris habitus, sed etiam intensioris actus postea ab habitu producti, sicut actus qui causaret maiorem impetum, esset etiam causa velocioris motus à tali impetu procedentis. Tum etiam, quia pariter in causis æquivocis effectus non debet excedere virtutem cause: sed actus ut quatuor solum habet virtutem efficiendi habitum ut quatuor: ergo non potest intensiorem efficere. Tum denique, quia actus secundum totam suam latitudinem auget habitum, sicque actus ut quatuor efficeret, ut habitus qui erat ut quatuor, fieret ut octo; quod ex alijs causis physicis falsum esse constat. Neque multiplicatio actuum æqualium ad augmentum habitus aliquid facit: sicut enim licet plura calida ut quatuor opponantur, non augent calidum ut quatuor ita quantumcunque multiplicentur actus æquales habitui, non valent illum efficienter physicè augere. De generatione iam diximus esse disparem rationem: unde quamvis multiplicatione actuum remissorum generetur habitus; postquam tamen semel est genitus, solo actu intensiori augeri potest.

Secundum probatur: Per actus æquales potentia redditur magis habilis ad operandum, & ut tandem prorumpat in actum intensiorem, per quem augetur habitus;
ergo

ARTICVLVS II. 47

ergo disponunt tales actus ad augmentum, habitus. Si quæras quid sit hæc dispositio, sit ne qualitas aliqua producta per actus æquales, & eorum multiplicationem? Respondetur, non esse qualitatem: sicut enim supra quæst. 51. art. 3. diximus assuetudine operum disponi potentiam, non quia in ea producatetur aliqua qualitas ante habitus generationem, sed quia per exercitium actuum potentia magis expedita, & libera est à contrarijs: ita per actus procedentes ab habitu æquales, illi dicitur potentia disponi ad habitus augmentum absque aliqua qualitate superaddita, quia per eos magis libera est à contrarijs impediens augmentum habitus, aut quæ possent habitus corruptionem causare.

De actibus denique remissioribus dicendum est, nec augere habitum, nec ad eius augmentum disponere, sed magis ad eius diminutionem, & corruptionem. Ita D. Thom. hic. Et primum quidem patet ex dictis de actibus æqualibus; si enim illi non augent habitum, multo minus remissiores. Si obijcias, luminosum quamuis sit minus, potest augere lumen productum à maiori, ergo licet actus sint remissiores habitu poterunt illum augere. Respondetur, minus luminosum additum maiori efficiere cum illo vnum agens perfectius, & virtuosius ad agendum, & ideo non esse mirum si lumen augeatur: actus vero remissi non ita efficiunt vnum agens perfectius, Quidam negant luminosum minus,

aut

48 **QVAESTIO LIII.**

aut æquale augere lumen productum ab alio maiori, vel æquali, sed si positis duobus luminosis æqualibus magis lucidus reddatur aer, hoc esse, quia partes quæ vni sunt distantiores, alteri sunt propinquiores, & quæ ab vno minus, ab altero magis illuminantur. Hoc tamen videtur esse contra experientiam, qua constat partem positam in æquali distantia à duobus luminosis magis lucidam reddi à duobus, quam si vnum solum adesset: & iuxta se positis duobus luminosis magis intensum lumen in eisdem partibus producere, illudque ad partes remotiores extendi quasi vnum solum luminosum adesset, quod signum est, perfectius, & virtuosius luminosum ex ambobus fieri, sicut & maius. Si autem duo luminosa se penetrarent, sicut non efficerent maius, ita nec virtuosius luminosum.

Secundum intelligendum est iuxta doctrinam Caiet. 2. quæst. 24. art. 6. ubi sic habet: *Actus remissi quodammodo disponunt ad augmentum, & quodammodo ad diminutionem. In quantum enim exercent habitum illum, utpote illi similes, licet non Perfectè firmant, aut firmum conservant habitum: In quantum vero deficiunt à similitudine perfectionis habitus, inclinant ad imperfectiorem gradum habitus, quod est disponere ad diminutionem.* Et quia, ut remissi, hoc ultimo modo considerantur, ideo de actu remisso ait D. Thom. hic: *Talis actus non disponit ad augmentum habitus, sed magis ad diminutionem.* Vbi fortè adverbium illud *Magis* appo-

ARTICVLVS I. 49

posuit, vt adicaret, aliquo etiam modo, primo scilicet adducto à Caiet, disponere accū remissum ad augumētum habitus.

QVÆSTIO LIII.

De corruptione, & diminutione habituum.

ARTICVLVS I.

Vtrum habitus corrumpi possit.

Conclusio est affirmans.

DVobis modis habitus corrumpi potest, sicut & aliæ formæ, per se, & per accidens: *Secundum se dicitur aliqua forma corrumpi per contrarium suum, per accidens autem per corruptionem sui subiecti*, inquit D. Thom. Per accidens ad corruptionem subiecti certum est non posse corrumpi habitus existentes in intellectu, & voluntate; nam hæ potentie incorruptibiles sunt: corruptibiles tamen esse habitus existentes, non solum in corpore, vt sanitas, & pulcritudo, sed etiam in viribus sensitivis tam apprehensivis, quàm appetitivis patet, nam tam corpus, quàm has vires corrumpi posse constat. Imò ad corruptionem habituum existentium in his

viribus non semper requiritur corruptio harum potentiarum, quæ sit cum anima separatur à corpore, sed sufficit aliquando, ut mutetur dispositio aliqua subiecti. De existentibus in viribus sensitivis apprehensivis admittunt omnes; de existentibus vero in appetitivis dubitant nonnulli. Alij negandum non esse dicunt, cum appetitus sensitivus sit potentia organica, quæ requirit propriam dispositionem ad habitus, quæ vehementer aliqua alteratione physica mutari potest. Nec est in conveniens (inquiunt) per solam alterationem physicam corrumpi qualitates, quæ sunt materialiter virtutes & vitia, dum tamen maneat in potentijs ordinatio ad rationem, & esse moris quod à ratione dependet.

Per se à cōtrario corrumpi posse habitus etiam certum est: sicut enim proprijs actibus generantur, ita oppositis actibus corrumpuntur. Dubitari autem solet, quæ ratione corrumpatur habitus per actus contrarios? Communis sententia est, per actus corrumpi habitus medijs habitibus oppositis quos generant; ita ut actus sint causæ efficientes; habitus vero causæ formales: actus enim non contrariatur propriè habitui, sed actus actui, & habitus habitui. Dubitari etiam solet, an habitus corrumpatur per actus contrarios remissiores ipso? Ad quod respondetur, per actus & dispositionem ab eis causatam aliquid de habitu præexistenti deperdi, non tamen totaliter corrumpi, quousque producat habitus ad minus equalis habitus

ARTICVLVS I. 51

tus enim vitiosus æqualis in intensione virtuti præexistenti illam expellit. Denique dubitari solet, an non solum per actus contrarios sed etiam per disparatos habitus corrumpi possit? Quidam affirmant; per tales enim actus causatur obliuio, per quam corrumpitur habitus scientiæ: nam cum intellectus sit finitæ virtutis, non potest diu ad plura attendere, nisi causetur obliuio priorum. Sed oppositum docet communiter expositores hic: nam nec actus disparati habent aliquam oppositionem cum scientia iam acquisita, nec causant habitus impossibiles cum illa. Et quamuis intellectus non possit plura per modum plurium intelligere: possunt tamen esse in eo plures habitus sicut & species diuersorum obiectorum.

Circa articulum secundum, præter dicta nihil se offert dicendum, quæ enim diximus de corruptione, afferenda sunt etiam de diminutione habitus.

ARTICVLVS III.

Vtrum habitus corrumpatur vel diminuat per solam cessationem ab opere.

Conclusio est affirmans.

Hanc conclusionem intelligendam esse ait D. Thom. non per se, sed per accidens,
C ij

§ 2 QVÆSTIO LIII.

dens, *In quantum scilicet remouetur actus, qui prohibebat causas corrumpentes, vel diminuentes habitum.* Per se autem non corrumpi habitum per solam cessationem ab opere probatur: à tali opere non dependet per se habitus; aliàs enim non posset esse sine illo, etià per instans: nam sine his à quibus res per se dependet, nequit esse naturaliter, ergo cessatione à tali opere non per se corrumpitur. Confirmatur si ex sola cessatione corrumpetur per se habitus, sequeretur, statim ac quis cessat, incipere diminutionem habitus, diminuique habitum toto tempore, quo quis non operatur, sicque etiam dum dormit: sed hæc absurda sunt; ergo &c.

Sed obicies contra hoc 1. scientia non solum deceptione, sed etiam obliuione corrumpitur, vt docet Arist. citatus à D. Th. hic in argum. *Sed contra.* Sed obliuio ex sola cessatione actuum fit: ergo per solam cessationem corrumpitur habitus. Confirmatur, sicut memoria excolendo, augetur, ita habitus qui sunt in illa per solam cessationem minuuntur paulatim, & corrumpuntur; ergo idem erit de habitu scientiæ.

Secundo, sunt aliquæ res, quæ ita dependent in conseruari à causa creata, vt non oporteat hanc continuo influere, sed certo aut determinato tempore, sicque licet pro aliquo tempore possit esse talis res sine influxu causæ creatæ, non tamen semper, neque diu: sed hoc modo pendent habitus in conseruari ab actibus similibus, à quibus sunt geniti; ergo licet non statim illis cessan-

factibus corrumpantur : si tamen cessatio ab illis diu perseueret , per solam illam corrumpentur , etiam si contrarij actus non insurgant . Minor probatur exemplis . Primum , de speciebus causatis ab obiecto in oculo , quæ sine præsentia obiecti , licet nõ diu , breui tamen tempore conseruari possunt . Secundum , de impetu , quem imprimit proijciens lapidi , qui quamuis pro aliquo tempore duret sine nouo influxu proicientis , non tamen potest diu durare .

Ad hæc tamen respondetur . Ad 1. obliuione corrumpi habitus existentes in viribus apprehensiuis sensitiuæ partis , hanc tamen non causari sola cessatione ab actu , sed quia cessando ab actu per cursum temporis transmutantur tales apprehensiuæ vires , vt patet ex D. Thom. hic ad 2. perquam transmutationem physicam producit in organo corporeo talium virium aliqua indispositio contraria dispositioni requisitæ ad conseruationem specierum & habituum , , sicque illa trāsmutatio est , quæ obliuionem & corruptionem habituum existentium in talibus viribus causat . At habitus existentes in intellectu sicut & species intelligibiles , licet obliuione causata ex prædicta trāsmutatione corporali impendantur ab usu , non tamen corrumpuntur , sed manent etiā in anima separata ; nam vt ait D. Thom. hic art. 1. ad 3. *Scientia non remouetur per motum corporalem quantum ad ipsam radicem habitus , sed solum quantum ad impedimentum actus , in quantum intellectus indiget in suo actu viribus*

54 *QVAESTIO LIII.*

sensitivis, quibus impedimentum affertur per corporalem transmutationem, Nec in intellectu est alia obliuio præter hanc prouenientem ex impedimento actus absque corruptione specierum & habituum existentium in illo Ad confirmationem hinc patet quid sit respondendum.

Ad 2. respondetur 1. negando minorem, habitus enim neque illo modo pendent in conseruari ab actibus, sicut nec potentia, & alia causa à suis effectibus. Secundo respondetur negando maiorem. Ad 1. exemplum dico, illud falsum esse, vt ostendi 1. part. quæst. 57. artic. 3. Ad 2. dico, impetum non desinere solum ex absentia impellentis sed ex imbecillitate virtutis eius & etiam ex resistantia medij: quamuis enim deorsum lapis impellatur: semper medium resistit, & ita corrumpit impetum, quo lapis tendebat deorsum. Mirum est quantum vexet nonnullos hoc 2. exemplum. Ridicula certe dicunt, vt causam quæ qualitatem impressam ab impellente corrumpat assignent. Afferunt namque quando lapis deorsum proiicitur terramque attingit, totam terram moueri quodam trepidationis motu, à conatuque terræ, quæ hoc motu agitur, corrumpi impetum illum qui lapidi deorsum proiecto impressus est. De immobilitate terræ vide S. Basil. Hom. 1. Hexameron.

QVAESTIO LIV. ⁵⁵

De Distinctione habituum.

Circa articulum primum, & secundum;
& tertium nihil se offert dicendum;

ARTICVLVS IV.

Vtrum vnus habitus ex multis habitibus constitutatur.

Conclusio est negans.

Ratio D. Thom. conuincit, vnum habitum vnamque simplicem qualitatem posse se extendere ad plura obiecta materialia. Si enim vna & eadem potentia se extendit ad multa vt conueniunt in vna generali ratione obiecti, cur non vnus & idem habitus se extendet ad multa, vt conueniunt in vna specialiratione obiecti? Nec obstat habitum acquiri per actus. Nā hoc non aufert ab eo, vt accipiat vnitatem ab vna speciali ratione obiecti; ergo in ordine ad illam poterit respicere multa materialiter & in genere rei distincta, sicut potentia? Certē ridiculum videtur asserere, alium habitum temperantiæ requiri ad se abstinendum à carnibus, & alium ad se abstinendum à vino: & alium habitum iustitiæ ad emen-

dum triticum, & alium ad emendum oleū. Idem confirmat quod ait D. Th. hic ad 3. de eo, qui habet scientiam vnius conclusionis. *Cum vero acquirit per aliquam demonstrationem scientiam conclusionis alterius, non aggeneratur in eo alius habitus, sed qui prius inerat sit perfectior utpote, ad plura se extendens, Si dicas non aggenerari alium habitum totalem, bene tamen partialem, qui habitum præcedentem perficit, & cum eo efficit vnum per se, non quidem vnitatem simplicis qualitatis, sed vnitatem ordinis, quatenus habitus prioris conclusionis est causa habitus posterioris conclusionis, & obiectum vnius ad obiectum alterius ordinatur*

Contra hoc est. Tum quia eodem modo posset dici vnus habitus principiorum, & conclusionum, & omnes demonstrationes eiusdem scientiæ posset dici vna demonstratio. Tum etiam, quia talis connexio nō est sufficiens ad constituendum vnum per se, sicut nec quæ est inter potentias & proprietates, quarum vna est causa alterius, ab eaque alia oritur, solum ergo efficient prædicti habitus specie distincti vnum per accidens.

Si obijcias. Quod aduenit per secundam demonstrationem, non potest vnum per se efficere vnitatem simplicis qualitatis, ergo solum efficit vnum vnitatem ordinis. Antecedens probatur, quia non vniuntur ut actus & potentia, cum non sit maior ratio quare vnum sit actus, alterum potentia, sed vtrūq. est actus: nec ut partes graduales, nam
non

ARTICVLVS IV. 57

non habet latitudinem, cum respiciant obiectum indiuisibile; determinatam scilicet conclusionem & non copulentur aliquo indiuisibili communi utriusque. ergo &c. Respondetur negando antecedens. Ad probationem quidam dicunt, id quod aduenit esse gradum homogeneum & eiusdem speciei cum precedente, & cum eo uniri sicut uniantur in uniuersum gradus perfectionis alicuius formæ. Cum vero in his gradibus requiritur latitudo, & aliquid indiuisibile asserunt, hæc non esse requirenda in spiritualibus, qualitatibus sicut non requiritur in essentia Angeli, in qua sunt gradus perfectionis. Alij dicunt, quod aduenit, non esse qualitatem, nec qualitatis gradum, sed modum quendam, qui ab habitu præexistente realiter non distinguitur, sed est ipsemet habitus, quatenus extenditur ad noua obiecta materialia. Si quæras cur potius quod aduenit, quam quod præexistit, sit modus cum utrumque respiciat suum obiectum partiale? Respondent, quia quod aduenit, inuenit iam habitum productum, eiusque extensio, ac proinde modus est. Hæc breuiter hic adnotasse sufficiat aduersus nonnullos recentiores, quos supra q. 52. art. 2. diximus negare habitibus augmentum secundum extensionem.

Vide Caiet. hic, qui diffusè & optimè aduersus nonnullos Thomistas putantes habitum scientiæ esse species intelligibiles ordinatas ad unam rationem formalem obiecti, & alios negantes habitum scientificum

58 **QVAESTIO LV.**

vnum secundam speciem & simplicem extendere se ad tot rerum naturas, quot in vna scientia tractari contingit, ostendit scientiam vnā simplicem qualitatem esse.

QVAESTIO LV.

De virtutibus quantum ad suas essentias.

ARTICVLVS I.

Virum virtus humana sit habitus,

Conclusio est affirmans

Dubium. An esse habitum operationum sit genus virtutis, & bonitas differentia essentialis.

PArtem negantem tenet Scotus in 1. disti. 7 quest 2. 9. *Quantum ad istum articulum, & 9. Ad argumenta alia, & probat: bonitas moralis est accidens superueniens habitui; ergo non est differentia essentialis diuidens habitum & constituens virtutem. Antecedens probatur: Tum quia bonitas moralis est relatio quædam; ergo accidens superueniens habitui; qui est de genere;*

ARTICVLVS I. 59

genere qualitatis. Tum etiam quia sicut actus, ita & idem numero habitus potest mutari de bono in malum & e contra. si quis enim habeat habitum comedendi carnes temperate, & mutetur tempus, & carnes fiant prohibitæ, idem habitus ille qui inclinabat ad bonum inclinatur ad malum, & fit malus: ergo esse bonum vel malum accidit habitui.

Dicendum tamen est: Habitum operationum genus esse virtutis, & rationem boni differentiam per se habitus contrahentem hoc genus, & ex hoc genere & differentia essentialiter constitui virtutem. Probatur 1. ex Arist. in Prædicam. cap. de qualitate, ubi virtutes constituit sub genere habitus, & 2. Ethic. cap. 5, ubi cum dixisset virtutem esse habitum, concludit: *Quid igitur sit ipsa virtus genere diximus*, aperte indicans habitum genus esse virtutis. Et cap. 6. explicat qualis habitus sit, sicque eius differentiam, quæ in quale quid prædicatur, & ait esse habitum bonum, ideam significat quod dicit: *Virtutem & ipsam cuius est virtus, bene se se habere facere, & opus ipsius reddere bene*. Et inferius: *Est igitur virtus habitus electivus in mediocritate consistens &c. Mediocritas autem duorum est vitiorum*.

Secundò probatur, nam idem docet D. Thom. ibidem lect. 6. & hic in his tribus articulis, & expressius articul. 4. sequen. ubi sic habet: *Genus enim virtutis qualitas est, differentia autem bonum, esset tamen convenienter diffinitio, si loco qualitatis habitus pon-*

deretur, qui est genus propinquum,

Tertio probatur ratione: Virtutis aliquod genus esse debet: sed non aliud quam habitus; ergo &c. Minorem probat Aristot. 2. Ethic. cap 5, *Cum tria sint que sunt in anima affectus, potentie, & habitus, horum aliquid ipsam virtutem esse necesse est.* Non autem esse affectum, seu passionem animæ ostendit: *Nam affectibus quidem studiosi, vel vitiosi non dicimur, virtutibus autem & vitijs dicimur:* Non esse vero potentiam eodem modo probat, *potentijs enim nec boni nec mali dicimur: Et insuper potentes quidem sumus natura, boni vero non efficiimur, aut mali natura,* Vnde concludit: *Quod si virtutes neque affectus sunt, neque potentie, restat ipsas habitus esse.* Probat etiam eadem minor: nam si genus virtutis non est habitus, quid ergo aliud? Dices genus virtutis esse relationem. Contra hoc est, relatio secundum se non est operatiua; sed virtus per se est productiua actus boni vt sic, cum teste Arist. vbi supra, actum eius, cuius est, reddat bonum; ergo &c. Confirmatur, virtutes intellectuales sunt per se principia actus veri; ergo & virtutes morales actus boni, ac proinde sicut illæ, ita & hæ non sunt relationes, sed qualitates & habitus, non solum materialiter & pro substrato, sed etiam formaliter.

Quarto probatur rationem boni moralis esse differentiam per se diuidentem & constituentem virtutem, Hec ratio boni moralis in habitu nihil aliud est quam esse principium ~

ARTICVLVS I. 61

cipium actus boni: sed esse principium
 actus boni est differentia per se diuidens
 habitum & contrahens illum ad determi-
 natam speciem eius; ergo &c. Minor pro-
 batur, esse principium boni actus non com-
 petit habitui extrinsecè propter coniunctio-
 nem cum prudentia; ergo sicut differentia
 per se diuidens illum & contrahens ad de-
 terminatam speciem, scilicet virtutis. An-
 tecedens probatur, non competit propter
 coniunctionem habitus cum prudentia
 actuali, ita vt in tantum habitus sit princi-
 pium boni operis, in quantum eius operatio
 actu dirigitur, & regulatur à prudentia, sic
 enim nullus habitus esset principium boni
 actus permanenter, neque in actu primo,
 sed in actuali exercitio operationis nulla-
 consequenter virtus esset, quæ bonum fa-
 ceret habentem habitualiter præter solam
 prudentiam, quod aperte falsum est. Nec
 competit propter conjunctionem cum pru-
 dentia in actu primo, ita vt habitus prop-
 terea solum sit principium boni actus; quia
 simul cū habitu prudentiæ est in eodem su-
 biecto: Tum quia principium existens in
 intellectu non potest sufficere ad bonum
 actum potentiæ appetentis, sed præterea ne-
 cessaria est bonitas in principio proximè eli-
 ciente. Tum etiam, quia si habitus, quem
 Scotus asserit esse materiale substratum vir-
 tutis inclinans verbi gratia ad comedendas
 carnes sit simul cum habitu prudentiæ in
 homine, & mutetur lex vel tempus, ita vt
 illi.

illicitum fiat carnes comedere, tunc talis habitus potius est impedimentum, quam auxilium bonæ operationis. imo inclinât in malum: ergo sola coniunctio cum prudentia non potest tribuere habitui esse principium boni actus, Confirmatur, habitui prudentiæ per se & essentialiter competit esse principium actus boni: sed quod hoc modo competit inferiori nō potest esse differentia accidentalîs superioris: ergo &c.

Ad argumentum autem Scoti respondetur negando antecedens. Ad 1. probationem dico, bonitatem moralem in virtute esse relationem, non predicamentalem & secundum esse, sed transcendentalem & secundum dici cōsistentem in ordine ad obiectum & ad actum in quem per se ordinatur, sicque posse esse differentiam essentialem diuidentem habitum, qui est genus, & constituentem virtutem quæ est quædam species habitus. Ad 2. probationem nego antecedens; non est enim eadem ratio de habitu ac de actu: nam bonitas aut malitia moralis in actu pendet & sumitur ex cōformitate ad dictamen rationis, & potest idem actus successiue continuari variato dictamine rationis: bonitas autem aut malitia in habitu, vt diximus; nihil aliud est quam esse principium actus boni vel mali, habitus verò qui est principium actus boni, nequit esse principium actus mali, nam non est indifferens ad bene vel male operandum, sed determinatè ordinatur ad be-

ne

ARTICVLVS I. 63

ne operandum, sicut, & habitus qui est principium mali actus, determinatè ordinatur ad male operandum, & per hoc differt habitus à potentia. Ad exemplum adductum dico, habitum temperantiæ non solum inclinare ad mediocritatem cibi & potus, sed etiam cum omnibus debitis circumstantijs loci, temporis &c. Vnde habitus comedendi carnes temperatè non inclinat ad eas sic comedendas in tempore quo interdictæ sunt; sicque non fit de bono malus. Possèt quidem multiplicatis actibus acquiri habitus comedendi carnes moderatè, temporibus interdictis: hic tamen non esset idem numero cum habitu temperantiæ, sed alius numero, imo & specie ab eo distinctus, vtpote habitus vitiosus. Et quamuis iuxta ea quæ diximus supra q. 18. art. 4. possit temperantiæ actus esse bonus ex obiecto & malus ex circumstantia: quia tamen malitiam illam non recipit ab habitu temperantiæ, sed ab alio habitu vel principio, à quo illi apponitur circumstantia conferens malitiam, non potest mutari de bono in malum, nec esse principium mali actus. Idem dicendum est, si daretur habitus indifferens natura sua, nunquam enim esset bonus, nec malus: nam, quamuis actus indifferens in quem habitus indifferens inclinat, possit fieri bonus ex circumstantia, bonitatem tamen illam non reciperet ab habitu indifferente, & idem est de malitia,

Circa

Circa articulum secundum, & tertium, nihil se offert scribendum præter dicta.

ARTICVLVS IV.

Vtrum virtus conuenienter definiatur.

Conclusio est affirmans.

Diffinitio est: *Virtus est bona qualitas mentis, qua rectè vivitur, qua nulla male vitur, quam Deus in nobis sine nobis operatur.* Hanc colligit Mag. Sent. in 2. d. 27. ex D. Aug. in illud Psal. 118. *Feci iudicium, & iustitiam.* Et ex alijs locis, alijsque Doctoribus D. Thom. hic docet præcipuè colligi ex lib. 2. de liber. arb. cap. 18. & 19. & ait, diffinitum eius esse virtutem infusam; si tamen ab ea vltima particula *Quam Deus, &c.* auferatur, reliquum diffinitionis commune esse omnibus virtutibus tam infusis, quam acquisitis. Conradus existimat ex acquisitis solis moralibus competere. Caietanus, & alij etiam intellectualibus conuenire docent; idque insinuare Diu. Thom. dum per hanc diffinitionem distingui ait virtutem, ab opinione, quæ est habitus intellectus; quod esset ociosum, nisi hac diffinitione comprehenderentur virtutes intellectuales. Et quamuis hoc quod est rectè vivere propriè, & in rigore non contingat nisi per virtutem.

ARTICULVS IV. 65

utes morales : quia tamen virtutes intellectuales sunt principium actionis vitalis bonæ; per eas quoque licet paulo largius rectè viuere dicimur. Nonnulli putant diffinitionem hanc competere etiam actibus virtutum. Sed hoc falsum esse patebit ex eius explicatione.

Prima particula *Qualitas*, genus virtutis explicat : conuenientior tamen (inquit D. Thom.) esset diffinitio, si loco qualitatis poneretur habitus, qui est genus propinquum. Hinc actibus virtutum hanc diffinitionem non conuenire collige.

Secunda particula *Bona*, differentiam explicat virtutis, per quam à vitijs distinguitur. Cum autem causa formalis cuiuslibet rei accipiatur ex genere, & differentia, ex quibus constat essentia, hæ duæ particulae causam formalem virtutis explicant.

Tertia particula *Mentis*, explicat materiam virtutum, non quidem ex qua, sed in qua, eius scilicet subiectum, & sumitur mens non solum pro intellectu, sed etiam pro voluntate; imo & pro potentijs sensitiuis quæ aliquo modo participant rationem, nam in his etiam sunt virtutes.

Quarta particula *Qua rectè viuatur*, explicat finem virtutis, qui est operatio: vt enim ait D. Thom. in 2. dist. 27. q. 1 art. 2 ad 8. *Non sumitur hic rectè viuere secundum quod est esse viuientis, sed secundum quod est operatio rei viuæ* Est autem virtus, qua rectè viuatur, vt ibidem ait S. Doctor, quia est principium re-

rectè operationis, & per hoc distinguitur à gracia quæ non est operatiua. Ex quo etiam collige hanc diffinitionem non conuenire actibus virtutum. Per hanc etiam particulam docet S. Doctor hic, distingui virtutem ab habitibus, qui semper se habent ad malum, quales sunt habitus vitiosi.

Quinta particula *Qua nullus malè vititur*, ponitur (inquit Dio. Thom.) vt discernatur virtus ab habitibus, qui se habent quandoque ad bonum, quandoque ad malum, sicut opinio se habet ad verum, & falsum.

Ad 5. tamen dicit S. Doctor: *Virtute potest aliquis malè uti tanquam obiecto, puta cum malè sentit de virtute, cum odit eam, vel superbit de ea, non autem tanquam principio vsus, ita scilicet, quod malus actus sit virtutis.* Potest quidem aliquis actum virtutis ordinare ad malum finem extrinsecum puta inanem gloriam: non tamen malè vititur virtute, vt principio, quia non facit actum virtutis malum, sed actum ordinantem eius actum facit malum, vt hic ait Caiet. Neque obstat, quod contra hoc nonnulli obijciunt: Qui dat eleemosynam propter inanem gloriam, non habere duos actus, vnum bonum, & alterum malum. Respondetur namque id alium esse, & contra D. Thom. q. 2. de Malo ar. 4. ad 2. vbi sic habet: *Dare eleemosynam pauperi est actus secundum se bonus, sed referre actum huiusmodi ad finem aliquem inordinatū, scilicet cupiditatis, aut inanis gloriæ, est quidem alius actus malus.* Qui tamen duo actus quodam ordine in vnum rediguntur. Vide quæ di-

ARTICVLVS IV. 67

ximus supra qu. 18. art. 4. Certè non video cur quando quis habet actum artis, vel fidei, vel alterius virtutis intellectualis ob inane gloriæ, vel alium malum finem extrinsecum, ibi sint duo actus, vnus bonus elicitus ab his virtutibus, alter malus ab alio habitu vicioso, vel à sola voluntate, & non quando habet actum virtutis moralis ob eundem malum finem extrinsecum. Non obstat etiam quod alij obijciunt, de ratione virtutis esse, vt feratur in obiectum bonum propter seipsum. Resp. enim, virtutem, cum quis eius actum ordinat ad finem extrinsecum, non ferri in hunc finem extrinsecum, sed in solam bonitatem sui obiecti: in finem verò malum fertur operans ratione alicuius habitus viciosi, aut sola praua sua voluntate. Non video cur actus virtutis possit deprauari ex alijs circumstantijs, & non ex circumstantia finis.

Vltima particula *Quam Deus in nobis sine nobis operatur*, explicat causam efficientem virtutis infusæ, de qua datur diffinitio, vt ait D. Thom. qui & ad 6. sic intelligendam esse dicit: *Sine nobis agentibus, non tamen sine nobis consentientibus*. Hoc non video quomodo conuenire possit actibus virtutum etiam infusarum, cum ij à nobis habitu supernaturali informati agentibus sint: & multo minus actibus virtutum acquisitarum, cum absque gratia speciali possit homo aliquod opus moraliter bonum efficere, vt dicemus infra q. 109. ar. 2. dub. 1.

QVÆSTIO LVI.

De subiecto virtutis .

Circa primum , & secundum , & tertium articulum nihil se offert dicendum .

ARTICVLVS IV.

*Vtrum irascibilis , & concupiscibilis
sint subiectum virtutis .*

Conclusio est affirmans .

Dabium . An hæc conclusio sit vera .

PArtem negantem tenent Scotus in 3.
d. 35. q. 1. & alij asserentes in appetitu
sensitiuo esse quidem quosdam habi-
tus bonos , non tamen virtutes . Illorum
sententiam sequuntur nonnulli recentiores
addentes in concupiscibili esse quidem ha-
bitum bonum circa actus temperantiæ ; in
irascibili tamen circa actus fortitudinis ne-
quaquam . Hoc postremum probant : Ap-
petitus sensitivus nõ deseruit voluntati coo-
perando illi positivè in aggrediendis pericu-
lis , sed solum negativè , hoc est non repu-
gnando illi : quia in periculis nullam ratio-
nem

ARTICVLVS IV. 69

nem delectabilis proprij, nempe sensibilis potest inuenire, ratione cuius in periculo feratur: sed ad hoc non requiritur habitus operatiuus, sed sufficit aliqua dispositio, quæ ex cōsuetudine generatur, vel immutato tēperamento, vel alio modo; ratione cuius appetitus quotidie minus resistat voluntati in aggrediendis periculis; ergo, &c.

Secundò probant primum. In ea potentia non est collocandus habitus virtutis, quæ non potest vllō modo attingere actione sua formalem rationem, & finem in materia, & obiecto virtutis: sed appetitus sensitius actione sua nullo modo attingere potest formalem rationem, & finem in materia, & obiecto virtutis; ergo, &c. Probatur minor, formalis ratio obiecti, ad quam fertur affectus virtutis studiosus, est honestas in materia, & in ipsa mediocritate obiecti: at qui appetitus sensitius non potest ferri in ipsum honestatem, sed solum circa delectabile, seu commodum operatur; ergo &c.

Tertiò id ipsum probant Scotus, & alij ex Arist. 2. Ethic. c. 6. dicentes: *Est igitur virtus habitus electiuus*. Sed appetitus sensitius non est principium electionis, sed sola voluntas; ergo nec subiectum virtutis. Confirmant ex D. Aug. lib. de Moribus Ecclesie cap. 15. asserente, omnes virtutes esse quosdam amores, *Vt temperantia sit amor*. &c. At amor non appetitus sensitui, sed voluntatis est; ergo, &c.

Dicendum tamen est: Tàm irascibilem, quàm concupiscibilem appetitum sensitivum esse subiectum virtutis. Probat hoc D. Thom. in argum. *Sed contra*, ex Arist. 3. Ethic. cap. 10. ubi de fortitudine, & temperantia ait: *Hæ namque virtutes partium earum esse videntur, quæ sunt rationis expertes.* Caietanus hic miratur, cur Scotus non responderit ad hanc Aristot. auctoritatem. Ad illam tamen respondent Neotherici prædicti: Aristotelem non dixisse, temperantiam, & fortitudinem inesse parti irrationali, ut subiecto, sed esse earum partium quæ sunt rationis expertes: non quidem alia ratione, nisi quia circa moderatas earum passiones præcipuè versantur, cum tamen aliæ circa operationes, & circa temperandos affectus spirituales omnino versentur. Contra hanc tamen expositionem est, nam Aristot. ibi diverso modo loquitur de passionibus ac de partibus rationis expertibus, & asserit has virtutes esse circa passiones. *Temperantiam circa voluptates medicritatem esse.* Ergo cum asserit tales virtutes esse partium irrationalium, sensus est, esse in eis, ut in subiecto, quemadmodum D. Thom. ibi lect. 19. Donatus & alij Interpretes exponunt: sicut enim dicere passiones esse partium irrationalium, est asserere in illis esse, idem erit asserere, virtutes esse talium partium: imò etiam si solum assereret, virtutes esse circa passiones appetitus, rectè inferri posset, esse in appetitu; immediatè enim, & proxime non
mo.

ARTICULVS IV. 71

moderatur passiones appetitus nisi habitus existens in illo. Confirmatur, nam vt ibi insinuat D. Thom. virtutes hæ dicuntur esse partium rationis expertium, quia supra in principio, hoc est lib. i. cap. ult. dictum est, aliquam partem irrationalem esse subiectum virtutis, eam scilicet quam a nutritiua distinguit virtutis humanæ expertes ergo sentit in tali parte irrationali, qualis est appetitus, tales virtutes esse vt in subiecto.

Secundo probat: Actus qui progreditur ab vna potentia, quatenus est mota ab alia, non potest esse perfectus, nisi vtraque potentia sit bene disposita ad actum; ergo vt actus, qui procedunt ab appetitu sensitiuo tam irascibili quàm concupiscibili, vt moti a ratione sint perfecti, oportet non solum rationem sed etiam appetitum esse perfectum ad bene agendum aliquo habitu: at talis habitus virtus est; ergo &c. Antecedens probat exemplo artificis, cuius actus non potest esse congruus, nisi tam artifex, quàm instrumentum sint bene disposita ad agendum. Circa quod aduertendum est; non ideo adduci à D. Thom. quia existimet appetitum eodem: & non alio modo debere esse dispositum, quo instrumentum: nam instrumentū, cum solum sit motum, sufficit naturalis dispositio eius; appetitus vero sensibilis super additam dispositionem requirit, cum sit mouens motum. Solum ergo adducitur, vt à simili, probet, potentiam debere esse dispositam sicut instrumentum dispositum esse oportet.

72 **QVÆSTIO LVI.**

ter. Diuersitatem autem dispositionis explicat S. Doctor qu. 1. de Virtut artic. 4. dicens: *In membro igitur exteriori non est necessarium aliquod perfectiū actus humani, nisi naturalis eius dispositio, per quam natum est moueri à ratione. Sed in appetitu inferiori, qui rationi repugnare potest, est necessarium aliquid pro operatione, quam ratio imperat, ut absquē repugnantia prosequatur. Si enim immediatum operationis principium sit imperfectum, oportet operationem esse imperfectam, quantumcumque perfectio adsit superiori.* Idem docet hic ad 3. Et ratio est manifesta, quia absque tali perfectione superaddita appetitus non obediret rationi faciliter, & promptē, sicque non perfectē sed eum repugnantia, & difficultate operaretur, quando mouetur à ratione, præsertim quando sunt in eo fortes concupiscentiæ, & passionēs in contrarium. Hinc rectē sequitur debere esse perfectum ad bene agendum aliquo habitu: hic enim est qui promptitudinem, & facilitatem bene, & conformiter ad rationem operandi præbet potentiæ: Minor vero subsumpta probatur, nam tali habitui conuenit bonum facere habentem, & opus eius bonum reddere. Item diffinitio virtutis quæst. præced. art. 4. explicata, dempta vltima particula, quæ solis virtutibus infusis conuenit, ut patebit discurrenti per omnes alias particulas, ergo talis habitus virtus est.

Ad 1. vero respondetur negando minorem, Ad probationem in ea contentam di-

ARTICVLVS IV. 73

co, proprium bonum irascibilis non esse delectabile secundum sensum, sed conueniens propter alias aliquas commoditates, & vtilitates; quas animalia bruta naturali quodam instinctu per æstimationem, homines verò per cogitativam, collatione quadam inveniunt: & in periculis quidem inveniunt vtilitatem victoriæ, quam irascibilis desiderat, nam vt ait Diu. Thom. quæst. 1. de Virtut. art. 4. ad 10. *In qualibet potentia anime est desiderium boni proprii, & irascibilis appetit victoriam, sicut & concupiscibilis delectationem.* Vt ergo victoriam consequatur, pericula aggreditur irascibilis per audaciam, & ne vincatur periculis, ea refugit per timorem, vt colligitur ex D. Thom. supra q 45. articulo 1. Vt autem docet idem S. Doctor 2. 2. quæst. 123: artic. 3. *Fortitudo est circa timores, & audacias, quasi cohibitiua timorum, & audaciarum moderatiua.* Et artic. 6. *Aggredi pertinet ad fortitudinem secundum quod moderatur audaciam; sed sustinere sequitur repressionem timoris.* Ex quo infero, principaliorē actum fortitudinis esse sustinere potius, quā aggredi pericula, quia fortitudo magis est circa timores reprimendos, quam circa audacias moderandas. Si autem fortitudinis virtus non est in irascibili, quid has passiones moderabitur, aut cohibebit, ne contra rationem exorbitent?

Ad secundum respondetur negando minorem. Ad probationem dico, etiam appetitum sensitivum ferri in bonum honestum, non quidem in communi cognitum

nec immediatè regulatum per rationem, sed cognitum in particulari, & regulatum per cogitativam, vt dicemus infra quæst. 74. artic. 2. dubio vnico. Ad 1. confirmationem tertij. Vel dico, de ratione virtutis nō esse vt feratur in ipsam honestatem, sed factis esse vt feratur in id quod ad honestatem conducit, qualis est moderatio passionum, vt sic irascibilis & concupiscibilis absque difficultate sequantur ordinem rationis.

Ad 3. eodem modo respondetur, virtutem non dici habitum electiū solum, quia sit immediatum & proximum principium electionis, alias prudentia non esset virtus, sed etiam quia ad bonam electionem conducit, vel præbendo iudiciū sicut prudentia: vel moderando passiones appetitus, quæ electionem debitam perturbant, vt temperantia, & fortitudo. *Et ideo virtutes morales circa passiones sunt in irascibili, & concupiscibili, sed prudentia est in ratione,* vt hic ad 4. ait D. Thom. Ad confirmationem respondetur ex D. Th. hic art. 3. ad 1 & infra quæst. 62. artic. 2. ad 3. omnem virtutem dici amorem, non quia sit simpliciter amor, sed quia dependet aliqualiter ab amore qui est radix & principium omnis affectionis, & non solum est in voluntate, sed etiam in appetitu sensitivo; vt dicuntur supra quæst. 25. articul. 2. & quæst. 26. artic. 1.

Circa ar. 5. nihil se offert scribendum.

ARTICVLVS VI.

75

Vram voluntas possit esse subiectum virtutis.

Conclusio est affirmans.

DE virtutibus quæ ordinant affectum hominis in Deum vel proximum, vt charitas & iustitia manifesta est conclusio, voluntatem enim esse subiectum charitatis constat ex 2. 2. quæst. 24. art. 1. & iustitiam esse in voluntate sicut in subiecto patet ibidem quæst. 58. art. 4.

Dubium. An virtutes quæ disponunt hominem ad proprium bonum, vt temperantia, & fortitudo, sint in voluntate.

PArtem affirmantem tenent Scotus in 3. dist. 32. quæst. 1. & alii: Probant argumentis artic. 4. adductis, & præterea 1. Nam vt in prædicto art. 4. docet D. Tho. *Actus qui progreditur ab una potentia secundum quod est ab alia mota, non potest esse perfectus, nisi utraque potentia sit bene disposita ad actum.* Sed actus temperantiæ, & fortitudinis procedunt ab appetitu sensitivo vt moto a voluntate; ergo vt sint perfecti, oportet non solum appetitum sensitivum, sed etiam vo-

luntatem esse bene dispositam ad illos : at non nisi temperantiæ , & fortitudinis habitibus , & virtutibus ; ergo &c.

Secundo, voluntas ad mouendum appetitum , vt rectè se gerat circa suas passiones non habet facilitatem & promptitudinem, ergo vt habeat, indiget virtutis habitu. Antecedens probatur : Tum experientia ; vnusquisque enim experitur in se difficultatem quantum ad hoc . Tum etiam , quia appetitus sensitius allicit & mouet voluntatem ad bonum delectabile contrarium rationi , iuxta illud Iacobi 1. v. 14. *Vnusquisque tentatur à concupiscentia sua abstractus , & illectus.* Ergo vt voluntas resistat facile, & promptè tentationibus appetitus , & sic bonum honestum prosequatur, indiget habitu & virtute.

Tertiò , in intellectu requiritur habitus vt dirigat voluntatem circa passionum mediocritatem, ergo & in voluntate vt feratur promptè circa eandem mediocritatem .

Dicendum tamen est : virtutes, quæ disponunt hominem ad proprium bonum, vt temperantiā & fortitudinem , non esse in voluntate . Docet hoc D. Tho. hic, & probat: potentia tunc solum indiget habitu, aut virtute perficiente ad bene agendum, quando ad hoc non sufficit propria ratio potentiæ : sed vt voluntas tendat in bonum proprium , ad quod disponunt prædictæ virtutes , sufficit eius propria ratio ; ergo non indiget aliquo habitu aut virtute ad hoc ipsū perficiente . Minor probatur , propria ratio
poten;

ARTICVLVS IV. 77

potentia attenditur in ordine ad obiectum proprium, illaque proinde sufficit ad tendendum in illud: sicut propria ratio auditus sufficit ut ordinetur in sonum; ergo cum obiectum voluntatis sit bonum rationis voluntati proportionatum, ut in hoc tendat, sufficit propria ratio voluntatis, ad hocque voluntas ex propria ratione est sufficienter determinata, & inclinata. At bonum ad quod disponunt prædictæ virtutes, est huiusmodi, quia rationis medium in passionibus concupiscibilis, & irascibilis non est alienum, sed proprium bonum secundum rationem ipsius habentis passiones, nec est impropportionatum, sed proportionatum, cum non excedat naturæ vires; ergo ut voluntas tendat in illud, non indiget habitu aut virtute illam perficiente. Confirmatur, velle mihi bonum, non est actus virtutis specialis, sed naturalis inclinationis, cum naturaliter amabile sit bonum, unicuique autem proprium, ergo & velle rationis medium in passionibus concupiscibilis, & irascibilis, quod est bonum, ad quod prædictæ virtutes disponunt appetitum sensitivum. Si dicas, ad bonum in communi & finem ultimum voluntatem naturaliter esse inclinatum, & sufficienter determinatam; nequaquam vero ad bona particularia, & alios fines, sed indifferentem esse, & recte, & non recte se posse habere; nam boni præstituant sibi bonos fines, mali verò malos; qualis enim vnusquisque est, talis finis videtur ei, ut dicitur 3. Ethic. cap. 4. ergo ut voluntas re-

78 **QVABSTIO LVI.**

Ut se habeat circa hæc bona, & fines istos, eget habitu virtutis ipsam perficiente. Respondet D. Thom. quæst. 1. de Virtut. ar. 5 ad 2. *Quod inclinatio naturalis voluntatis non solum est in ultimum finem, sed in id bonum quod sibi à ratione demonstratur: nam bonum intellectum est obiectum voluntatis, ad quod naturaliter ordinatur voluntas sicut, & qualibet potentia in suum obiectum, dummodo hoc sit proprium bonum. Tamen circa hoc aliquis peccat, in quantum iudicium rationis intercipitur passione.*

Aduertendum tamen est cum Caiet. hic voluntatem dupliciter sumi posse: vno modo secundum se: alio modo vt coniunctam appetitui sensitivo contrario, & rebeli, & prout in homine habente aliam legem in membris repugnantem legi mentis. Quæ ergo hætenus diximus intelligenda sunt de voluntate secundum se. Si verò loquamur de illa secundo modo, asserendum est, non esse determinatam ad proprium bonum, & medium rationis in passionibus concupiscibilis, & irascibilis, hincque prouenit, vt à prosecutione huius boni voluntas vt plurimum deficiat: rebellio enim appetitus inferioris impedit, ne voluntas vt in pluribus operetur secundum propriam inclinationem, quam habet ad bonum prædictum, & ne tendat prompte, & faciliter ac delectabiliter in tale bonum, ad quod est ex se inclinata. Et ita voluntatem vt sic egere habitu ipsam perficiente ad resistendum huiusmodi impedimenti. Si quæras autem
tem

ARTICVLVS IV. 79

tem quisnam sit talis habitus ? Responde-
tur cum Diu. Thom. infra quæst. 58. arti-
cul. 3. ad 2. habitum quo eget voluntas ad
frenandas passiones concupiscibilis esse
continentiam ; ad frenandas verò passiones
irascibilis perseverantiam vel constantiam .
Hos autem habitus docet D. Thom. loco
citato cum Arist. 7. Ethic. non esse virtu-
tes, & probat : Non sunt principium per-
fectæ actionis ; ergo non sunt virtutes .
Consequentia patet, nam virtus disposi-
tio est ad perfectam operationem, cum
sit dispositio perfecti ad optimum . Ante-
cedens probatur, non potest esse perfecta
operatio, quæ à duabus potentiis procedit,
nisi vtraque potentia perficiatur ; ergo si
appetitus sensitivus ; quem mouet rationa-
lis pars, non sit perfectus debito habitu,
quantumcumque rationalis pars sit perfe-
cta, actio consequens non erit perfecta,
ac per consequens principium actionis non
erit virtus. Sed principium talis actionis
antequam appetitus sensitivus sit perfe-
ctus habitu temperantiæ vel fortitudinis,
sunt continentia, & perseverantia, his
enim habitibus resistit voluntas passionibus
priusquam in appetitu generetur tempe-
rantia, & fortitudo ; ergo tales habitus
non sunt virtutes. Confirmatur, virtus &
actio perfecta non est, quousque passiones
sunt pacatæ : sed antequam passiones ap-
petitus sint pacatæ, & appetitus promptè,
faciliter, & delectabiliter obediat rationi .
sunt in voluntate continentia, & perseue-

rantia aut constantia cum perturbatione passionum, nam ponuntur in voluntate, ut resistent passionibus insurgentibus contra rationem; ergo non sunt virtutes; operatio enim virtutis debet esse ex electione, & absque perturbatione passionum.

Ad 1. verò respondetur concedendo consequentiam; si sermo sit de voluntate ut coniuncta appetitui sensitivo rebeli: negando verò minorem subsumptam habitus enim quibus perficitur voluntas non sunt virtutes temperantiae, & fortitudinis, sed continentiae, & perseverantiae, aut constantiae, qui licet sint habitus boni, utpote ordinati ad resistendum passionibus inordinatis, non tamen sunt virtutes, quia non perfectae actionis absque perturbatione passionum principium sunt. Si vero sit sermo de voluntate secundum se, sufficenter perfecta est propria naturali inclinatione, nec opus est utrumque principium perfici habitu superaddito, ut patet in exemplo ibidem adducto à D. Thom. de operatione procedente ab instrumento moto ab artifice; constat enim instrumentum non esse perfectum aliquo habitu, cum illius capax non sit. Vnde ut Christus, & in natura integra homo haberent actum perfectum, & virtutes temperantiae, & fortitudinis in appetitu sensitivo, non opus erat ut in eorum voluntate essent habitus continentiae, & perseverantiae, aut constantiae, de quibus hic loquimur.

Ad

ARTICVLVS IV. 81

Ad secundū eodem modo respondetur, solum prebare, voluntatem vt coniunctā cum appetitu rebelli indigere habitu, non virtute.

Ad tertū, respondetur negando consequentiam. Differentiam assignat Sanctus Doctor quæst. 1. de Virtut. articul. 5. ad 3. *Quod cognitio sit per aliquam Speciem, nec ad cognoscendum potentia intellectus sufficit per se ipsam, nisi species à sensibilibus accipiat; & ideo oportet in his etiam quæ naturaliter cognoscimus, esse quendam habitum, qui etiam quodammodo principium à sensibilibus sumit, vt dicitur in fine posteriorum. Sed voluntas ad volendum non indiget aliqua specie, unde non est simile. Voluntas est ipsamet inclinatio ad bonum proprium, & ideo non indiget virtute inclinante ad tale bonum, sed solum ad bonum alterius & vel extrinsecum, ad quod non est naturaliter inclinata. At intellectus, cum sit potentia apprehensiva & iudicativa, indiget specie ad apprehendendum, & lumine ad rectè iudicandum.*

Quæst. 57. 58. 59. 60. 61. & 62. vide apud D. Thom.



QVÆSTIO LXII.

De causa virtutum.

Circa artic. primum, & secundum, & tertium nihil se offert dicendum.

ARTICVLVS IV.

Vtrum virtus, quam acquirimus ex operum assuetudine, sit eiusdem speciei cum virtute infusa.

Conclusio est negans.

Dubium. An præter virtutes morales acquisitas sint alia illis similes per se infusa ab eis essentialiter distincta.

PArtem negantem tenent Scotus in 3.
d. 36. q. 1. 9. *Contra hoc.* Durandus ibidem dist. 33. q. 6. & alij. Probant 1. Virtutes morales dicuntur, ex eo quod ex more, id est consuetudine acquiruntur: sed quod infunditur, non acquiritur ex consuetudine; ergo non est aliquid morale. Confirmatur, virtus infusa est bona qualitas mentis: sed virtutes morales non perficiunt mentem, sed

ARTICVLVS IV. 83

sed appetitum sensitium; ergo non sunt infusæ.

Secundò, virtutes morales non infunduntur paruulis in Baptismo: atsi essent per se infusæ, illis infunderentur; ergo, &c. Maior probatur, nam si infunderentur illis, cum venirent ad ætatem adultam, æquè perfectè vel perfectius inclinarentur ad actus virtuosos morales, sicut illi, qui habent virtutes morales acquisitas sine infusis: sed hoc est falsum, quia experimur pueros baptizatos, cum veniunt ad ætatem adultam, indigere multis persuasionibus, & instructionibus, vt assuescant benè viuere, ac si nunquàm fuissent baptizati; ergo, &c. Confirmatur, peccatores adulti operibus vitiosis assuesciti, quando conuertuntur, & gratiam consequuntur, operantur cum magna difficultate, & renisu appetitus sensitui opera virtuosa; ergo non habent virtutes morales infusas, quomodo enim in eis esse possunt cū prædicta difficultate, & vitiosis habitibus in eis remanentibus?

Tertiò, virtutes morales infusæ, in eo, qui habet acquisitas, ad nihil sunt omnino necessariæ, vel etiam vtilis; ergo frustra in eo, cum est in gratia, constituuntur. Antecedens probatur, non sunt necessariæ, vel vtilis ad eliciendam substantiam actus boni moralis, quia ad hoc sufficit potentia, nec ad modum operandi faciliter, & promptè, quia totum hoc faciunt virtutes acquisitæ sine infusis, nec vt dirigant actum ad finem supernaturalem,

D v j

quia

quā hoc sufficienter præstat fides, & charitas; ergo, &c.

Dicendū tamen est: Præter virtutes morales acq̃uistas esse alias similes illis per se infusas, temperantiam scilicet, fortitudinem, iustitiam, &c. quæ ab acq̃uistis specie, & essentialiter distinguuntur. Primam partem adeo certam esse existimo, vt eius oppositū, si non erroneum, vt Capreoleus in 3. dist. 33. q. vnica artic. 3. ad 2. contra 3. & Conradus hic ar 3. videntur asserere, aut temerarium, vt alij affirmant, ad minus sit improbabile propter auctoritates Conciliorum, & Sum. Pontificum supra q 51. art. 4. adductas. Quāuis enim Durandus vbi supra dicat, ibi solum esse sermonem de virtutibus theologicis, non de moralibus: oppositum tamen colligitur ex Cap. *Maiores*, de Baptismo, nam ibi Sum. Pont. Innocentius III. respondet quibusdam quæstionibus, quas contra Catholicos hæretici mouebant, & immediate ante verba superius relata ait: *Illud verò quod oppo- nentes (scilicet hæretici) inducunt fidem, aut charitatem aliasque virtutes paruulis, utpotè non consentientibus, non infundi, à plerisque non conceditur absolute.* Fatetur ergo Pontifex, non solum virtutes theologicas, sed etiam alias virtutes, scilicet morales infundi, à plerisque Doctoribus Theologis concedi, hancque tunc esse communio- rem opinionem. Idem etiam colligitur ex verbis Clement. vnice de Sum. Trin. supra relatis: nam opinionem, quam Innocentius à plerisque doceri dixerat, Clemens tanquam probabili-

ARTICVLVS IV. 85

liorem. & dictis Sanctorum. & Doctorum modernorum Theologiæ eligendam esse dicit.

Dicta autem Sanctorum, quorum multa referuntur de Pœnitentiâ dist. 2. præsertim Greg cap. 11. Aug. cap. 32. & Amb ca. 35. non solum loquuntur de virtutibus theologicis, sed etiam moralibus. Greg. Hom: 5. in Ezechielem sic habet: *In fide etenim, spe, atque charitate, & in bonis alijs, sine quibus ad celestem patriam non potest venire, sicut est humilitas, castitas, iustitia, atque misericordia, perfectorum corda non deserit.* Scilicet Spiritus S. qui tamen corda hominum deserit manentibus illis virtutibus acquisitis, sine quibus ad coelestem patriam venire posse patet in paruulis decedentibus post Baptismum. Augustinus etiam de principe vitiorum ait: *Adam pudicitia ornatum, temperantia compositum, charitate circumdatum, illis donis, ac tantis bonis expolauit.* Et denique Ambrosius inquit: *Illam animam à Deo pingitur, quæ habet in se virtutum gratiam remittentem, splendoremque pietatis, &c.*

Dicta verò Doctorum Theologiæ tunc modernorum etiam erant de virtutibus moralibus. Vnde Glossa ibi verbum illud *Virtutes*, explicans ait: *De theologicis non est opinio inter modernos, sed de moralibus.* Et quâuis illam opinionem solum dicat Sum. Pontifex tanquam probabiliorẽ esse eligendâ; hoc sufficit (inquiunt multi) vt illam negare sit temerarium, præsertim cum nulus postea oppositum docuerit. Ego, verò ad minus improbabile esse iudico: nam præ-

prædicta opinio, ut q. 51. art. 4. diximus, definita videtur in Concil. Trident. quod licet solum fidei, spei, & charitatis expressam mentionem faciat Sess. 6. can. 11. & capit. 7. alias etiam virtutes infusas, quæ prædictas comitantur, insinuat. Vnde in Catechismo ex decreto Concilij Tridentini ædito, & à Pio V. approbato Tractatu de Baptismo dicitur: *Huic adheret nobilissimus omnium virtutum comitatus, quæ in animam simul cum gratia diuinitus infunduntur.*

Probatur deinde ex illo Sapient 8. vers. 7. *Sobrietatem enim, & prudentiam docet, & iustitiam, & virtutem.* Vbi per sobrietatem temperantia est intelligenda, & per virtutem fortitudo. Has autem quatuor virtutes cardinales infusas esse colligitur ex Glossa ibidem dicente: *Has autem virtutes nemo habet, nisi cui omnium virtutum origo Deus cõtulit.* Indicat etiam verbum illud *Docet*, nam ut ait D. Aug. Concione 17. in Psalm. 118. *Docet Deus suauitatem inspirando charitatem, docet disciplinam denando patientiam.* Confirmatur, nam S. August. lib. 4. contra Iulianum cap 3 ait: *Iustus ex fide Christi tenet, Ex hac enim fide prudenter, fortiter, temperanter, & iuste, ac per hoc his omnibus veris virtutibus rectè sapienterque vivit, quia fideliter vivit.*

Denique probatur ratione D. Thom. ar. 3. *Effectus debent esse suis causis, & principijs proportionati: sed omnes virtutes acquisite tam intellectuales, quam morales procedunt ex quibusdam naturalibus prin-*

ARTICVLVS IV. 87

cipijs in nobis præexistentibus, vt patet e^a ar. 1. huius, & § 1. quæstionis; ergo cum loco horum naturalium principiorum conferantur nobis virtutes theologicæ quibus ordinamur ad finem supernaturalem, his Theologicis virtutibus proportionaliter respondere debent alij habitus diuinitus causati in nobis, alias enim, vt Caiet. ait, perfectio supernaturalis, quæ inchoatur per gratiam, & virtutes Theologicas incompleta remaneret, sicut & perfectio naturalis, si haberet tantum prædicta principia naturalia.

Secundam partem probat D. Thom. hic: habitus, & virtutes distinguuntur specie secundum speciales, & formales rationes obiecti: sed temperantia infusa, & acquisita respiciunt diuersas rationes obiecti; ergo distinguitur specie. Minor probatur, obiectum temperantiæ est bonum delectabiliū in concupiscentijs tactus; cuius quidem obiecti formalis ratio est à ratione, quæ instituit modum in his concupiscentijs, materiale autem est id quod est ex parte concupiscentiarum: sed constat alterius rationis esse modum, qui imponitur in huiusmodi concupiscentiis secundum regulam rationis humanæ, quam respicit virtus acquisita, & secundum regulam diuinam, quam respicit virtus infusa: in sumptione enim ciborum ratione humana modus statuitur, vt non noceat valetudini corporis, nec impediat rationis actum; secundum verò regulam legis diuinæ requiritur, vt homo castiget
cor.

88 QVAESTIO LXIII.

corpus suum, & in seruitutem redigat per abstinentiam cibi, & porus; ergo, &c. Vnde idem S. Doctor q. 1. de Virtut. ar. 10. ad 8. ait: *Temperantia infusa, & acquisita conueniunt in materia, utraque enim est circa delectabilia tactus, sed non conueniunt in forma effectus, vel actus: licet enim utraque querat medium, tamen alia ratione requirit medium temperantia infusa, quam temperantia acquisita: nam temperantia infusa exquirat medium secundum rationes legis diuinae, quae accipiuntur ex ordine ad ultimum finem: temperantia autem acquisita accipit medium secundum inferiores rationes in ordine ad bonum praesentis vitae.*

Ad 1. respondetur cum D. Tho. loco proximè citato ad 18. & in 3. d. 33. qu. 1. artic. 2. q. 3. ad 4. & hic q. 58. ar. 1. virtutes morales dici à more, non solum, vt significat consuetudinem, sed etiam, vt significat inclinationem quandam ad aliquid agendum, quae inclinatio, & naturalis, & ex Dei dono esse potest. Ad confirmationem quidam negant minorem, dicunt enim virtutes infusas non esse in appetitu sensitivo, sed in voluntate. Sed D. Tho. q. 1. de Virtut. ar. 10. ad 11. & in 3. d. 33. q. 1. ar. 2. q. 3. ad 3. his verbis respondet: *Virtutes infusae, & acquisitae non sunt in irascibili, & concupiscibili, nisi secundum quod participant aliquantulum rationem: & ex hac parte non habet dependentiam ab organo corporali, sed continetur sub mente, sicut & sub ratione, in quantum ipsam participat.*

Ad 2. respondetur negando maiorem. Ad probationem dico cum Capreolo in 3. d. 33. ad

ARTICVLVS IV. 89

ad 2. Durandi contra 3. eodem modo probari posse, non infundi paruulis in Baptismo fidem, spem, & charitatem, quia sicut oportet paruulos baptizatos, cum perueniunt ad ætatem adultam, de pertinentibus ad mores instiui, ita & de pertinentibus ad fidem, spem, & charitatem. Maior ergo perfectio inclinationis, quam tribuit virtus infusa ad actus virtuosos, consistit non in facilitate operandi sine molestia, sed ex forti adhesionem ad obiectum virtutis; facit enim virtus infusa, dum manet, vt passionem etsi stimulent, non dominantur, nec obediatur concupiscentijs peccati. Difficultas autem ad bonum, & pronitas ad malum prouenit, non ex defectu virtutis, sed ex concupiscentia, quæ non tollitur per Baptismum totaliter. Vide Capreolum ubi supra, & D. Thomam locis à Capreolo citatis ibi ad 3. Ad confirmationem hinc respondetur. Addit D. Th. qu. 1. de Virtutib. ar. 10. ad 15. *Quod quis à principio virtus infusa non semper ita tollit sensum passionum, sicut virtus acquisita; propter hoc à principio non ita delectabiliter operatur: non tamen hoc est contra rationem virtutis, quia quandoque ad virtutem sufficit sine tristitia operari, nec requiritur, quod delectabiliter operetur propter molestias quæ sentiuntur: sicut Philosophus dicit 3. Ethic. quod virtuti sufficit sine tristitia operari.* Ad id vero quod dicitur de habitibus vitiosis, respondet S. Doctor ibidem ad 16. *In eo, qui habet habitum in temperantia, cum conuerteretur, non remanet cum virtute temperantia infusa habitus intemperantia in ratione habitus*

90 QVAESTIO LXIII.

us, sed in via corruptioni quas dispositio quadam: dispositio autem non contrariatur habitui perfecto.

Ad 3. respondetur negando antecedens. Ad probationem dico, virtutes infusas esse necessarias ad eliciendam substantiam actus boni moralis supernaturalis, vt enim hic ad 2. ait D. Thom. *Temperantia acquisita, & temperantia infusa non habent eundem actum.* Nam licet vtraque modifcet concupiscencias delectabilium tactus; non tamen eadem, sed diuersa ratione, vt dictum est. Cum autem ratio formalis obiecti temperantiz infusae sit supernaturalis, actus eiusdem supernaturalis est, alias non esset secundum se proportionatus fini supernaturali. vnde vt ait D. Thom. q. 1. de Virtutib. art. 10. *Quia vnumquodque ordinatur ad finem per operationem aliquam, & ea quae sunt ad finem, oportet esse aliquantulum fini proportionata, necessarium est esse aliquas hominis perfectiones, quibus ordinatur ad finem supernaturalem, quae excedant facultatem principiorum naturalium hominis.* Sicut autem virtutes acquisitae non sufficiunt ad substantiam actus boni moralis supernaturalis, ita nec ad modum operandi faciliter, & promptè, sed hic prouenit à virtutibus infusis. Nec obstat difficultas, quam poenitentes in suae conuersionis principio antequam virtutes morales acquirant, sentiunt ad operandum opera virtutum: nam vt ait D. Thom. 3. p. q. 89 art. 1. ad 3. *Quandoque post primum actum poenitentiae, qui est contritio, remanent quaedam reliquiae peccatorum, scilicet dis-*
spe-

ARTICULVS IV. 91

positiones ex prauis actibus peccatorum causate, ex quibus praestatur difficultas quidam penitenti ad operandum opera virtutum. Sed quantum est ex ipsa inclinatione charitatis, & aliarum virtutum poenitens opera virtutum delectabiliter, & sine difficultate operatur: sicut si virtuosus per accidens difficultatem pateretur in extensione actus virtutis propter somnum, aut aliquam corporis indispositionem. Denique requiritur etiam virtus infusa; vt dirigat actum ad finem supernaturalem, neque ad hoc sufficiunt virtutes theologicæ: nam vt hic a. 3. ad 2. ait D. Thom. Virtutes theologicae sufficienter nos ordinant in finem supernaturalem secundum quandam inchoationem, quantum scilicet ad ipsum Deum immediatè: sed oportet per alias virtutes infusas perficiatur anima circa alias res in ordine tamen ad Deum. Actus virtutum moralium acquiratarum ordinantur quidem in finem supernaturalem per charitatem imperatiuè, non tamen elicituè, vt ait Capreolus vbi supra ad primum contra tertiã. Item vt hic articulo tertio ait Caietanus, ordinantur ad talem finem, non vt ad proportionatum secundum se, sed ex parte operantis. Actus autem virtutum infusarum, non solum imperatiuè à charitate, sed etiã elicituè ab ipsis virtutibus infusis ordinantur in finem supernaturalem, ipsique actus quatenus elicitì à talibus virtutibus in talem finem ordinantur, vt proportionati secundum se; ille namque actus ordinatur ad finem vltimum supernaturalem, vt proportionatus secundum se, cuius proximus finis

in

92 **QVÆSTIO LXIIII.**

in illum ordinatur; constat autem bonum secundum regulam diuinam, quod est proprius finis moralis virtutis infusæ, ex se ad Deum supernaturalem finem ordinari.

Quæst. 64. vide apud D. Th.

QVÆSTIO LXV.

De connexione virtutum.

ARTICVLVS I.

Vtrum virtutes morales sint ad inuicem connexæ.

Conclusio est affirmans.

Dubium. An hæc conclusio vera sit.

PArtem negantem tenent Scotus in 3. dist. 37. quæst. vnica, cuius fundamenta hic adducit, & ad ea respondet Caietanus. Scotum sequuntur nonnulli recentiores, & suam sententiam probant. 1. auctoritate SS. Hieronym. August. & Bernardi. S. Hieron. enim lib. 1. contra Pelagianos introducit Critobolum interlocutorem, qui vt probet pro Pelagianis contra Atticum, qui personam Hieron. & Catholicorum gerit, hominem vitare posse om-

ARTICVLVS I. 93

omnia peccata, obijcit hoc modo : Et quomodo legimus qui unam habuerit, omnes videtur habere virtutes? Respondet autem Atticus : Participatione, non proprietate : necesse est enim, ut singuli excellent in quibusdam, & tamen hoc quod legisse te dicis, ubi scriptum sit nescio. Cui iterum Critobolus sic ait : Ignoras hanc esse Philosophorum sententiam? Respondet autem Atticus. Sed non Apostolorum : neque enim mihi cura est, quid Aristoteles, sed quid Paulus doceat. S. Aug. etiam Epist. 29. sic habet : Si autem quod puto esse verius, sacrisque litteris congruentius, ita sunt animæ intentiones, ut corporis membra : non quod videantur locis, sed quod sentiantur affectibus, & aliud illuminatur amplius, aliud minus, aliud omnino caret luce, & tenebroso umbratur obstaculo, profecto ita ut quisque illustratione piæ charitatis affectus est, in alio actu magis, in alio minus, in alio nihil : sic potest dici habere aliam, & aliam non habere, aliam magis, aliam minus habere virtutem. Et paucis interpositis inquit : Et in ipso uno homine, quod maiorem habuit prudentiam, quam patientiam, & maiorem hodie, quam heri, se proficit, & adhuc non habeat continentiam, & habeat non parvam misericordiam. S. Bernardus denique Serm. 70. in Cantica explicans lilia inter quæ pascitur Sponsus, esse virtutes, dicit : Magnus est qui tria, vel quatuor lilia edificare potest in vinearum densitate. Sentiunt ergo uti virtutes morales non esse ita conflexas, ut qui unam habet, habeat omnes,

Secundo, Fieri non potest, ut omnibus etiam iustis, & perfectis, qui summo studio, & conatu exercentur in operibus virtutum, occurrant materiæ virtutum omnium; ergo dum assidue exercentur circa materiam duarum aut trium virtutum, ipsa assiduitate eorum operum non acquisitis alijs virtutû habitib⁹ quorû materia nō occurrit; & ideo nullum opus circa illam habuerunt; comparabât sibi habitus illarum duarum aut trium virtutum in ea intentione, & perfectione, ut deinde ex illis operentur scientes, & intelligentes propter ipsam honestatem firmo, & stabili animo, quæ sunt conditiones operis studiosi, & studiose facti, ac proinde acquirerent sibi illos habitus in statu veræ ac propriæ virtutis.

Tertio, quamvis materia propria singularum virtutum esset implicata; & simul homini occurreret, tamen necesse non esset hominem omnes habitus virtutum simul acquirere, nam non esset necessarium hominem se exercere in operibus omnium virtutum secundum peculiarem modum singularum, sed fieri posset, ut se exerceret in operibus aliquarum virtutum, & non aliarum; ergo posset unam virtutem sine alia comparare.

Dicendum tamen est: veram esse conclusionem D. Thom. virtutes scilicet morales esse a se invicem connexas. Probatur 1. nam id docet. D. Amb. lib. 3. in Lucam c. 61. & lib. de Paenit. cap. 3. D. Aug. lib. 6. de Trinit. cap. 3. D. Greg. lib. 22. mo-

ARTICVLVS I. 95

moral. c. 1. & communiter SS. Patres Aristoteles etiam 6. Ethic. c. 13. & ult. & communiter Philosophi.

Secundò probatur ratione D. Thom. hic: Nulla virtus moralis potest sine prudentia haberi: sed prudentia non potest haberi, nisi habeantur virtutes morales: ergo virtutes morales sunt connexæ. Maior patet ex diffinitione virtutis adducta ab Arist. 2. Ethic. cap. 6. *Est igitur virtus habitus electivus in medietate consistens, ea qua est ad nos diffinita ratione, & ut diffinierit ipse prudens.* Unde proprium virtutis moralis est facere rectam electionem, ad rectam autem electionem requiritur ut quis rectè eligat ea quæ sunt ad finem, quod fit per prudentiam quæ est consiliativa, & iudicativa, & præceptiva eorum quæ sunt ad finem. Minor probatur: prudentia est recta ratio agibilium, quæ sicut ex principijs, procedit ex finibus agibilium, ad quos aliquis rectè se habet per virtutes morales, ergo, sicut scientia speculativa non potest haberi, sine intellectu principiorum, ita nec prudentia sine virtutibus moralibus. Unde Arist. 6. Ethic. cap. 10. lect. 10. apud D. Thom. ait: *Neque absque virtute (scilicet est prudentia) ratiocinationes enim agendarum rerum principium habent, cum talis sit ipse finis, & ipsum optimum quicquid eandem sit illud, sit enim verbi gratia quicquid contigerit. Hoc autem non nisi bono viro videtur, prauitas enim pervertit, facisque, ut circa principia rerum agendarum homo fallatur. Quare patet prudentia.*

dentem nomine esse posse, nisi sic bonus. Ad hanc rationem respondent recentiores prædicti cum Scoto, duplicem prudentiam distinguendo, partialem scilicet, quæ nondum ad omnem materiam virtutis extendatur, sed tantum ad aliquam: & totalem, quæ ad omnem materiam virtutum se extendit: & si de partiali prudentia sit sermo, concedunt maiorem, & negant minorem; si vero de totali è contra dicunt minorem esse veram, & maiorem falsam. Sed hanc solutionem iam impugnaverat Caietanus hic: cum quo etiam impugnatur: virtus moralis, temperantia verbi gratia, quæ talis est non solum secundum quid, sed simpliciter, inclinat ad eligendum medium in propria materia, nempe in delectationibus tactus, non solum contra hanc, aut illam passionem, sed etiam simpliciter contra quoscunque impetus ex quacumque passione provenientes, quibus abduci à tali medio, vel talis medij electione contingit; ergo habituum reddit animum ad eligendum tale medium secundum prudentiam totalem. Antecedens patet, mulier enim quæ solum est inclinata, & habituata ad castitatem, seu eligendum medium eius contra affectum libidinis, non vero contra impetus aliarum passionum, puta avaritiæ, timoris mortis, &c. licet nunquam fornicetur ex affectu libidinis, mouetur tamen ad fornicandum ex inordinato appetitu pecuniæ, aut mortis, verberum, aut infamie metu, non est simpliciter temperata, sed

intemperata. Consequentia vero probatur nam ad eligendum tale medium prædicto modo, requiritur recta ratio agibilium non solum in propria materia, sed etiam in alijs circa quas sunt tales passionēs, quæ scilicet dicter propter seruandam castitatem, non solum non esse admittendas delectationes venereas, sed etiam contemnendam esse pecuniam, & non esse formidanda pericula mortis, &c. Constat autem hanc rectam rationem circa omnia agibilia, prudentiam esse totalem; ergo virtus moralis habituum reddit animum ad eligendum medium in propria materia secundum prudentiam totalem. Hanc vero prudentiam non posse esse sine alijs virtutibus, patet: nam sine affectu ad obiectum, & finem proximum fortitudinis nequit dicere non esse formidanda mortis pericula, nisi enim recte se habeat, & afficiatur homo ad talem finem, cui immediatè, & proximè opponitur immoderata passio timoris, non iudicabit, nec videbitur ei solum propter affectum ad obiectum; & finem temperantiæ non esse formidanda pericula mortis, sed potius inordinata passio timoris corrumpet æstimationem prudentiæ circa materiam temperantiæ; ergo cum recte se habere, inclinari, & affici ad obiectum, & finem huiusmodi, proueniat ex virtute fortitudinis, ad quam etiam pertinet timorem cohibere, sine hac non erit prudentia, & idem est de reliquis.

Ad 1. vero respondetur, Ad auctorita-

E j

tem

tem quidem S. Hieron sensum illius non esse qui vnā virtutem habet, omnes habere *Participatione*, hoc est secundum generales rationes, *Non proprietate*, id est secundum proprias ipsarum rationes. Sed hunc: *Participatione*, scilicet diuinæ gratiæ, *Non proprietate*, hoc est ex viribus proprijs: Id enim dictum est contra errorem Pelagianorum asserentium ad bene operandum & ad habendas virtutes omnes, hominem non indigere gratia. Subdit vero Atticus, vel Hier. se non curare an Arist. dixerit, qui vnā virtutem habet habere omnes, proprietate seu ex viribus proprijs, sed quod docet Paulus, qui gratiā ad bene operandū, & omnes virtutes habendum requiri dicit. Ex quibus patet, nihil contra nos ibi D. Hieron docuisse, sed potius nostræ fauere sententiæ. Quā alibi nempe in illud Isaię 16. *Super hoc ventur meus ad Moab*, expresse docuit dicens: *Philosophorum sententia est, habere sibi virtutes, & Apostoli Iacobi: ut qui vna defuerit, huic omnes deesse virtutes.* Et idem dicit in cap. 56. v. 1.

Ad auctoritatem D. August. respondetur i. cum Mag. Sent. in 3. dist. 36. vbi sic habet: *Hic insinuari videtur quod aliquis ea ratione possit dici habere vnā virtutem magis quam aliam, quia per charitatem magis afficitur in actum vnius virtutis quam alterius: & propter differentiam actuum ipsas virtutes magis vel minus habere dici potest & aliquam non habere: cum tamen simul omnes, & pariter habeat quantum ad mentis habitum, vel essentiam cuiuscum-*
qua

ARTICVLVS I. 99

que. Secundo respondetur cum Diu. Tho. quæst. 5. de Virtut. Card. art. 1. ad 12. *Quod Augustinus loquitur ibi de virtutibus imperfectis, quæ sunt dispositiones quadam ad actus virtutum: unde & ipsemet probat in 6. de Trinit. connexionem.*

Ad auctoritatem S. Bernardi dico, ibi per ædificare lilia quatuor hoc est virtutes, nihil aliud significari, quam habere quatuor virtutes in actu heroico, sicut Christus habuit omnes. Connexionem autem virtutem docet, & probat S. Bernardus lib. 1. de considerat. cap. 6.

Ad 2: argum. respondetur cum D. Thom. hic ad 1. materias virtutum esse in duplici genere: quædam sunt quæ spectant ad communem hominis statum & communiter, ac frequenter in omni vita hominum occurrunt, quales sunt materiæ quatuor virtutum Cardinalium: aliæ quæ ad aliquem particularem & eminentem hominis statum spectant, quales sunt materiæ magnificentiæ, & magnanimitatis. Si de his sit sermo, concedendum est posse hominem exerceri in materijs aliarum virtutum, & non in harum virtutum materijs, illasque proinde virtutes acquirere; istis actu non acquisitis: hoc tamen non obstat virtutum connexioni; nam acquisitis alijs virtutibus, habet illas in potentia propinqua, quod autem in propinquo est vt habeatur, idem videtur ac si haberetur, quia quod parum deest, quasi nihil deesse videtur, vt dicitur 2. Physic. text. 56. Dicit etiam potest, has etiam vir-

E ij tutes

100 *QVÆSTIO LXV.*

tutes simul cum alijs acquiri in præparatione animi: connexio enim omnium virtutum est connexio in tertio, id est in prudentia, quæ dictat formale in omni virtute, scilicet præparationem animi, per cuius multiplicationem deficiente materia, acquiritur habitus virtutum prædictarum.

Conformer ad hoc D. Thom. in 3. dist. 36. quæst. 1. art. 1. ad 1. inquit: *Oportet ad hoc quod una virtus habeatur, quod benè se habeat quis circa omnia, quæ in usum vite veniunt: & sic istis virtutibus simul cum prudentia acquisitis, ex hoc causabuntur alie virtutes, quæ sunt circa ea, quæ non ita frequenter in usum vite veniunt, ex hoc ipso, quod ratio assuefacta est inferioribus viribus præesse, & inferiores eius motum sequi, in quo consistit ratio moralis virtutis.* Et ad 4. subdit: *Qui moderatè se habet circa mediocres honores non habet semper actum magnanimitatis, quia eius materia non sibi competit: habet tamen habitum, quo etiam circa illos optimè se haberet, si materia illa sibi competere.* Et similiter est de liberali: & magnifico: non enim est inconueniens quod alicui habenti unam virtutem desit exercitium alterius virtutis, quia non habet materiam. Si vero loquamur de materijs virtutum primi generis asserendum est, vt quis habeat virtutem aliquam perfectam, opus esse vt exercitetur circa materias omnium virtutum moralium benè operando, sicq. virtutes omnes acquirat. Si autem exercitetur benè operando circa unam materiam (ait D. Thom.) non autem circa aliam, puta benè se habendo circa iras, nō

autem

ARTICVLVS I. 101

autem circa concupiscentias, acquireret quidem habitum aliquem ad frenandum iras, qui tamen non habebit rationem virtutis, propter defectum prudentia, quæ circa concupiscentias corrumpitur. Pro cuius explicatione aduertè, occurrentibus materijs omnium virtutum dupliciter se posse habere hominem circa illas. Primo rectè operando circa vnā, & male ac vitiose circa aliam: & in hoc casu ait D. Thom. habitum, quem homo acquireret se assidue exercendo in bonis operibus circa vnā materiam, non habere rationem virtutis propter defectum prudentiæ, quæ male operando circa aliam materiam corrumpitur, defectus enim prudentiæ circa vnā partē agibilium inducit defectum etiam circa alia agibilia, vt dicitur hic ad 4. nam agibilia sunt ordinata ad inuicem, vnde ait D. Thom. quæst. 5. de Virtut. ar. 2. ad 4. Si quis deficeret ab hoc principio, quod est concupiscentias non esse sequendas, quod pertinet ad concupiscentiam, sequeretur interdum, quod sequendo concupiscentiam faceret iniuriam & sic violaretur iustitia. Et inle est quod non potest esse aliquis sufficienter prudens circa materiam vnius virtutis, nisi sit prudens circa omnes. Ex quo patet, non operari firmo, & stabili animo eum, qui habet habitum bonum circa vnā materiam virtutis & habitum malum circa aliam materiam. Secundo rectè operando circa vnā materiam, & circa aliam, nec malè, nec bene operando: & in hoc casu quid sit dicen-

dum constabit, ex solutione sequentis argumenti.

Ad 3. respondetur, posse contingere, ut occurrentibus materijs omnium virtutum quæ spectant ad statum communem hominis, se exerceat homo in operibus aliquarum virtutum & non aliarum, sicque ut non omnes habitus virtutum simul acquirat, sed vnum prius sine alijs: tamen ille habitus non habet rationem perfectæ virtutis quousque alij simul cum prudentia acquirentur saltem in præparatione animi, aut haberetur in potentia propinqua, sicut de virtutibus, quarum materiæ non communiter occurrunt dictum est in solutione præcedentis argumenti: Explicemus hoc: S. Thomas dupliciter explicare videtur connexionem prudentiæ cum virtutibus moralibus. Primo hic & sup. q. 58. art. 5. quia virtutes morales sunt habitus principiorum prudentiæ: procedit enim prudentia sicut ex principijs, ex finibus agibilium, ad quos homo rectè se habet per virtutes morales, & per eas fit ei quodammodo connaturalis rectè iudicare de fine virtutis, nam de hoc virtuosus rectè iudicat, qualis enim vnusquisque est, talis finis videtur ei, ut dicitur 3. Ethic. cap. 4. Vnde sicut scientia nequit esse sine intellectu principiorum, ita nec prudentia sine virtutibus moralibus. Sicut autem Geometra qui se diu exercuit in actibus Geometriæ, modico studio acquirit scientiam alicuius conclusionis, quam nunquam

quam considerauit : ita qui se diu. exercuit in actibus multarum virtutum , modico exercitio acquirat habitus aliarum , sicque prioribus acquisitis, alias habebit in potentia proxima, ac proinde priores , antequam alia actu acquiratur rationem virtutis habebunt, sicut & habent virtutes, quæ perficiunt hominem secundum communem statum, sine virtutibus, quæ illum perficiunt secundum aliquem statum eminentem, vt hic ad 1. docet D. Thom. & nos diximus in solutione præcedentis argumenti ; & hoc sufficit vt cum prædictis virtutibus acquisitis, etiam si non omnes actu acquirantur, habeatur prudentia. Secundò illud explicat in 3. d. 36. q. 1. a. 1. ad 2. vbi sic habet ; *Ex eodẽ principio procedit prudens circa omnes materias virtutum scilicet ex intentione boni rationis , Vnde non potest esse quod prudentia acquiratur secundum unam partem materie moralis virtutum , & non secundum aliam , sicut contingit in artibus quantum ad illas materias, circa quas eodem modo operantur. sicut carpentarius de nuce, & de quercu similiter facit arcam.* Idem docet 6. Ethic, lect. vltim. cuius verba adduximus hic in 2. probatione conclusionis. Ex quo patet habitum principiorum ex quo procedit prudentia , non esse habitus virtutum , sed habitum synderesis , qui finem præstituit virtutibus moralibus , vt docet D. Tho. 2. 2. q. 47. art. 6. ad 1. per viuitutes autem morales dicitur homo rectè se habere ad hunc finem , quia perficiendo electionem perficit secundo & facit rectam hu-

ius finis intentionem, vt cum Caiet. ibidem circa solutionem tertij diximus hic in fine tertiz probationis conclusionis. Potest autem contingere, vt assidue syllogizando ex prædicto principio circa materiam aliquarum virtutum acquiratur prudentia, quæ eo ipso habetur quantum ad omnia ad quæ se extendit, sicut & vt dicitur infra qu. 66. artic. 1. *Quicumque habet aliquam virtutem, puta temperantiam, habet ipsam quantum ad omnia ad quæ se temperantia extendit.* De quo vide quæ diximus supra quæst. 52. art. 2. Quamuis autem non se exercuerit homo in actibus aliarum virtutum: illas tamen habere dicitur in potentia proxima, quia ex ipsa prudentia quam habet est taliter constitutus, vt in promptu habeat illas acquirere modico exercitio. Vnde de his virtutibus, acquisita iam prudentia perfecta, eadem est ratio quantum ad hoc, ac de alijs quarum materia non communiter occurrunt. Vide Caiet: hic 9. *Ad quintum*, vbi explicat quam simultatem temporis claudat connexio virtutum.

Circa articulum 2. 3. 4. & 5. nihil se offert dicendum.

Quæstionem 66. & 67. vide apud D. Thomam.



QV AESTIO LXVIII. ¹⁰⁵

De Donis .

ARTICVLVS I.

Utrum dona differant à virtutibus .

Conclusio est affirmans .

Dubium . An hac conclusio sit vera .

PArtem negantem tenent Scotus (cuius argumenta hic adducit , & dissoluit Caietanus) & alii recentiores , qui illam probat . i . Vbi nulla est diuersitas obiectorum , non potest esse discrimen essentialium habitum : sed nullum obiectum formale aut materiale excogitari potest circa quod dona operentur quod nõ sit obiectum virtutis alicuius infusæ , vel acquisitæ ; ergo nulla potest esse distinctio donorum à virtutibus .

Secundò , ratio illa constituendi dona . ut homo moneatur à Spiritu Sancto extraordinaria motione , & impulsu , difficilis est : nam vel motio illa specialis vocatur , quia supernaturalis est , & hac sola ratione non oportet dona constituere , quia ad omnem actum , & effectum supernaturalem perficiunt virtutes infusæ theologicæ & morales .

E . V . vel

106. *QVÆSTIO LXVIII.*

Vel specialis motio vocatur, quia inde liberata est, quales sunt motus gratiæ excitantis & cum hi motus non sint meritorii, neque actiones propriè humanæ, non requirunt principium habituale, & si forte requirent, sufficientes essent habitus virtutum, quibus Spiritus Sanctus uti potest ad huiusmodi excitationes. Vel specialis motio dicitur, quia raro evenit, & inducit ad effectus insolitos, & specialis perfectionis, qualis fuit impulsus Sansonis cum se ipsum interfecit per donum fortitudinis, & impulsus Salomonis per donum sapientiæ, quando subtiliter discernere potuit, cuius esset infans, pro quo mulieres contendebant. Sed hac ratione minus probabiliter necessitas donorum, & distinctio à virtutibus explicatur: tum quia ad actiones quæ raro paucis hominibus, & præter communem ordinem inspirantur, superflui essent habitus in singulis hominibus. Tum etiam quia ad hos actus egregios, & insolitos sufficiunt virtutes præsertim si perfectæ sint, & intensæ, & superaddatur aliqua actualis Dei motio, & confirmatio. Tum denique, quia cum actiones istæ egregiæ & præter communem usum contingere possint, non solum in materia timoris, pietatis, & fortitudinis, sed etiam charitatis, spei, & aliarum virtutum, quare potius constituuntur dona, propter motionem Spiritus Sancti ad actus extraordinarios in materia istarum, quàm aliarum virtutum?

Dicendum tamen est: dona differre à

virt.

ARTICVLVS I. 107

virtutibus. Probatur 1. cum Diu. Thom. hic in arg. *Sed contra*, auctoritate D. Gregor qui lib. 1. Moral cap. 28. distinguit septem dona à tribus virtutibus theologis & lib. 2. cap. 36. eadem dona distinguit à quatuor virtutibus cardinalibus. Nec obstat S. Gregor, in eisdem locis, dona appellare virtutes. Nam vt hic ad 1. ait D. Th. *Dona nominantur quandoque virtutes secundum communem rationem virtutis*. Eodem scilicet modo quo habitus, dispositiones dicuntur: à virtutibus tamen propriè, & specialiter dictis differunt, sicut & habitus à dispositione. Per quid autem distinguantur explicabimus ratione tertia.

Secundò probatur cum eodem D. Thom. hic in corp. artic. Si dona non essent à virtutibus distincta, vel omnes virtutes essent dona, & è contra omnia dona, virtutes, vel non, sed aliquæ virtutes essent dona, & aliæ non. Hoc secundum dici nequit: nam non potest assignari ratio quare quædam virtutes dicantur dona, & non omnes. Neque primum: dona enim septenario numero comprehenduntur, isaiaque 11. v. 2. numerantur his verbis. *Et requiescet super eum spiritus Domini, spiritus sapientia, & intellectus, spiritus consilij, & fortitudinis, spiritus scientia & pietatis, & replebit eum spiritus timoris Domini*. At virtutes plures sunt his, & theologales dona non sunt, aliàs cum in Christo hæc septem dona fuerint, in illo fuissent fides, & spes, timor etiam cui est donum inter virtutes non computatur.

E v j nam

108 *QVÆSTIO LXVIII.*

nam virtus principaliter respicit bonum ,
timor vero principaliter respicit malum ,
vnde D. Thom. 2.2. quæst. 19. art. 9. ad 3.
& 4. ait timorem esse aliquid minus virtute
theologica, & non esse idem cum virtute
moralis, sed principium eius; ergo &c.

Tertiò probatur cum eodem S. Doctore:
Dona perficiunt hominem ac disponunt,
vt sit promptè mobilis ab inspiratione
diuina, virtutes autem humanæ perficiunt
hominem quatenus est natus moueri per
rationem in his quæ interius, vel exterius
agit; ergo dona sunt altiores, & perfectio-
res dispositiones quam virtutes, ab his-
que proinde differunt. Consequentia patet
quia cum omne quod mouetur, necesse
sit proportionatum esse motori. quanto
mouens est altius, tanto necesse est mobile
perfectiori dispositione ei proportionari, ac
proinde cū Deus sit altior ratione humana,
dona quib. homo perficitur ac disponitur, vt
moueatur à Deo, altiores perfectiones, &
perfectiores dispositiones erūt, quā virtutes
quibus homo perficitur ac disponitur, vt
moueatur per rationem. Antecedens pro-
batur, dona enim vocantur vt hic ait Diu.
Thom. *Non solum quia infunduntur à Deo
sed quia secundum ea homo disponitur, vt ef-
ficiatur promptè mobilis ab inspiratione diuina
sicut dicitur Isaia quinto capite: Dominus ape-
ruit mihi aurem, ego autem non contradico, re-
trorsum non abij.* Aliàs enim si dona vocaren-
tur quia infunduntur à Deo, plura quam
septem essent, Virtutes etiam humanas

per-

ARTICVLVS I. 102

perficere hominem, quatenus est natus moueri per rationem, manifestum est: est enim virtus habitus electiuus, ad electionem autem mouet ratio per consilium, & iudicium. At vt etiam Arist. lib. 7. Moral. Eudem. cap. 14. vel 18. de bona fortuna vtcumque affectus est ait: *His qui mouentur per instinctum diuinum, non expedit consiliari secundum rationem humanam, sed quod sequatur interiorem instinctum: quia mouentur à meliori principio, quam sit ratio humana.* Ergo, &c.

Ad 1. vero respondetur negando minorem. Licet enim dona non sint circa alia obiecta, sunt tamen alio modo circa illa; quia sunt circa illa vt actus oriuntur ex instinctu Spiritus Sancti vt hic ait Caiet. Sicque licet dona & virtutes versentur circa eadem obiecta materialiter; tamen formaliter distincta obiecta habent ob diuersum modum tendendi in illa. Similiter etiam distinctas definitiones habent; nā vt hic ad 3. inquit D. Th. definitio illa virtutis: *Bona qualitas mentis qua rectè viuatur &c.* Datur de virtute secundum communem modum virtutis. Vnde si volumus definitionem restringere ad virtutes prout distinguuntur à donis, dicemus, quod hoc quod dicitur: *qua rectè viuatur*, intelligenda est de rectitudine vite, que accipitur secundum regulam rationis. Similiter autem donum prout distinguitur à virtute infusa, potest dici id quod datur à Deo in ordine ad motionem ipsius: quia scilicet facit hominem bene sequentem suos instinctus.

Ad

Ad 2. respondetur, motionem specialem Dei, ad quam disponunt dona Spiritus Sancti, esse eam qua homo à Deo mouetur non medio consilio & deliberatione rationis, sed diuino instinctu. Virtutes autem infusæ non perficiunt hominem, nisi quatenus est natus moueri per rationem, eiusque consilium, ac deliberationem, atque iudiciū. Vnde hic ad 4. ait D. Thom. *Sapientia dicitur intellectualis virtus secundum quod procedit ex iudicio rationis, dicitur autem donum secundum quod operatur ex instinctu diuino.* Et quamuis talis instinctus motio sit præcedens deliberationem: quia tamen operatio ad quā ordinatur libera est, dispositione & perfectione indiget homo, vt motionem Dei bene sequatur, & ex tali instinctu operetur. Mouet quidem Deus aliquando ad effectus insolitos & peculiaris perfectionis, & vt homo talem motionem sequatur, ad donum Spiritus S. referendum est; non tamen solum dantur dona ad huiusmodi effectus insolitos, cum sint necessaria ad salutem, sed etiam ad multa opera studii si quæ regulariter occurrunt, in quibus non sufficit instinctus rationis, sed est necessarius instinctus Spiritus Sancti. Quamuis enim ad hæc moueat ratio quatenus est informata, per virtutes theologicas: quia tamen per eas imperfectè informatur, nam imperfectè diligimus & cognoscimus Deum, & rationi humanæ non sunt omnia cognita, neque omnia possibilia, etiam si accipiatur vt perfecta theologis virtutibus: *Non sufficit ipsa*

ARTICVLVS II. III

motio rationis, nisi desuper ad sit instinctus, & motio Spiritus Sancti secundum illud et Rom. 8. Qui Spiritus Dei aguntur, hic filij Dei sunt &c. ut dicitur artic. sequenti. Quare autem licet circa materias omnium virtutum sit aliquod donum; non tamen oporteat tot esse dona quot sunt virtutes, explicat D. Thom. in 3. d. 34. q. 1. artic. 2. vide illum.

ARTICVLVS II.

Utrum dona sint necessaria homini ad salutem.

Conclusio est affirmans.

Quidam Neotherici conclusionem hanc negant: licet enim (inquiunt) de tribus donis quæ pertinent ad voluntatem, & de consilio seu prudentia facile concedi possit esse necessaria ad salutem; de alijs tamen tribus non apparet necessitatis ratio: sublato enim alio dono & quacumq. alia cognitione, si quis habeat fidem & prudentiam, quis negabit ei sufficientem intellectus instructionem, ut ad beatitudinem possit peruenire?

His tamen non obstantibus conclusio-
nem suam optimè probat D. Thom. Cum enim in ordine ad finem ultimum supernaturalem ratio non sit perfectè informata per fidem; nam imperfectè cognoscimus Deum

112 QVAESTIO LXVIII.

Deum, maiori indiget instructione per dona scilicet Spiritus Sanctus, qui deducit nos in terram rectam; sicut, & discipulus qui non est perfecte instructus, indiget magistri instructione ut operetur: Unde Sap. 7. v. 28. dicitur: *Neminem diligit Deus nisi eum qui cum sapientia inhabitat.* Hanc autem sapientiam creatam esse, & quæ donum Spiritus Sanctus, est colligitur ex Sancto Ambrosius lib. De Viduis, ubi de illa ait: *Ex voluntate enim sapientia nascitur, quam sapiens, &c.* Sapientia quæ ex voluntate nascitur creata est & vnum ex donis Spiritus Sancti de quibus ait Diu. Tom. hic art. 4. ad 3. esse derivationes quasdam virtutum theologialium, quæ ad dona præsupponuntur sicut radices quædam donorum.

Circa articulum 3. & 4. nihil se offert dicendum.

ARTICVLVS V.

*Utum dona Spiritus Sancti sine
connexa.*

Conclusio est affirmans.

Hanc etiam negant Neoterici prædicti, & contra illam arguunt. Nam ut hæc dona sint connexa cum charitate, oportet ut in omnibus iustis inveniuntur, & in solis iustis: neutrum autem appa-

ARTICVLVS V. 113

apparet, quia plurimos iustos esse, qui nec sapientiæ, nec intellectus, nec scientiæ dono pollent, experientia constat: plures enim sunt iusti idiotæ & simplices, qui nec habeant subtilem intelligentiam & penetrationem rerum fidei, neque ex ipsis per discursum ad scientiam & sapientiam eorum quæ ab illis principijs deducuntur, perueniunt. Idq. expressè concessit S. August. lib. 14. de Trin. cap. 1. cum dixit: *Qua scientia non pollent fideles plurimi, quamuis polleant ipsa fide plurimum* Aug. vero loqui de scientia quæ est donum, ipsius S. Thom. confessione probatur, qui 2. 2. qu. 9. art. 2. testimonio Aug. ex eodem loco sumpto probat differentiam donorum scientiæ, & sapientiæ. Præterea sapientiam, scientiam & intellectum posse esse in peccatoribus quomodocumque accipiantur, patet quia potest esse fides, quæ est eorum fundamentum, & prophetia: quare ergo non erunt cæteræ perfectiones intellectuales similes illis?

Dicendum tamen est: veram esse conclusionem D. Thom. Probatur 1. ex S. Gregor. lib. 1. Moral. cap. 32. vbi connexionem donorum eodem modo ostendit, quo lib. 22 cap. 1 connexionem virtutum. *Minor quippe est sapientia si intellectui careat, & valde inutilis intellectus est, si ex sapientia nõ consistat, &c.* Vndè sicut temperantia, si esset sine iustitia, non esset virtus, ita nec intellectus esset donum si esset sine sapientia, vt hic ad 3, ait D. Thom.

Secundo probatur cum D. Thom, Sicut
vires

vires appetitiuæ disponuntur per virtutes morales in comparatione ad regimen rationis: ita omnes vires animæ disponuntur per dona in comparatione ad Spiritum Sanctum mouentem, quod non de quacunque motione intelligendum est, sed de ea, de qua dicitur ad Rom. 8. v. 14. *Quicumque enim Spiritu Dei aguntur ij sunt filij Dei.* Vt colligitur ex D. Tho. hic art. 2. sed Spiritus Sanctus, hoc modo mouens habitat in nobis per charitatem, iuxta illud ad Roman. 5. v. 5. *Charitas Dei diffusa est in cordibus nostris per Spiritum Sanctum qui datus est nobis,* in quo scilicet clamamus: Abba Pater, & gloriamur in spe gloriæ Filiorum Dei: ergo sicut virtutes morales connectuntur sibi inuicem in prudentia perquam perficitur ratio nostra: ita dona Spiritus Sancti connectuntur sibi inuicem in charitate: Ita scilicet, quod qui charitatem habet, omnia dona Spiritus Sancti habet, quorum nullum sine charitate haberi potest. vt hic concludit D. Thom.

Ad argumentum autem contra hoc factum respondetur cum D. Thom. 2. 2. quæst. 8. art. 4. & q. 45 art. 5. omnes iustos quantumuis idiotas & simplices sufficienter instrui à Spiritu Sancto circa ea quæ sunt de necessitate salutis, iuxta illud 1. Ioannis 2. v. 27. *Vnctio eius docet vos de omnibus.* Cognoscere autem & penetrare altiora quædam mysteria, & alijs manifestare pertinet ad gratias gratis datas; inter quas connumeratur scientia, de qua loquitur D. August. loco citato in argumento, vt hic ad 2. docet 2. 2. q. 9. art.

ARTICVLVS V. 115

art. 2. probet testimonio D. Aug. ex eodem loco sumpto differentiam donorum sapientiae, & scientiae, non ideo fatetur S. Augustinum loqui de scientia quæ est donum, sed quia inter scientiam quæ est donum, & quæ est gratia gratis data, quantum ad illud quod de ea ait D. August., nulla est differentia, ideo auctoritate illa vsus est in argb. *Sed contra*, illius articuli, quod argumentum constat non semper ex his quæ conuincunt procedere, cum illud sepe soluat. S. Doctor. Eodem modo explicari potest quod ait idē D. Aug. lib. contra Epist. Fund. cap. 4. ad cognitionem sincerissimæ sapientiae per paucos in hac vita peruenire, *Ceteram quippe turbam non intelligendi viciacitas. sed credendi simplicitas tutissimam facit*, Loquitur enim de sapientia quæ est gratia gratis data. Vel certē in vtroque loquitur de scientia & sapientia Theologiæ acquisita. Vide quæ diximus 1. p. q. 1. art. 1. Rationem autem quare dona prædicta non inueniantur in peccatoribus, quamuis in his possint esse fides & prophetia assignat D. Thom. 2. 2. quæst. 8. art. 5. & q. 44. art. 4. Vide illum.

Circa art. 6, & 7. & 8, nihil se offert scribendum.

Quæstionem 69. & 70. vide apud S. Thomam.



QVÆSTIO LXXI.

De Vitijs, & peccatis.

ARTICVLVS I.

*Vtrum vitium contrarietur virtuti.***Conclusio est affirmans.**

TRia (inquit D.Tho.) opponuntur virtuti ; nempe peccatum , quod virtuti opponitur ex parte eius ad quod virtus ordinatur , qualis est actus ordinatus , & debitus . malitia , quæ virtuti opponitur secundum id quod ad rationem virtutis cōsequitur , qualis est bonitas ; & vitium , quod virtuti opponitur secundum id quod directe est de ratione virtutis , quale est esse dispositionem quandam alicuius convenienter se habentis secundum modum suæ naturæ . Mirum est quot modis explicent expostitores bonitatem consequi ad rationem virtutis . Mihi eodem modo intelligendum esse videtur , quo dicimus intellectualitatem consequi ad immaterialitatem : non quidem , vt proprietatem ad essentiam , sed tanquam ad rationem quam primo concipimus in essentia , Quamvis enim essentia virtutis vnica sit , in ea tamen considerari potest veluti duplex ratio , esse scilicet dispositionem quandam alicuius convenienter

ter se habentis secundum modum suæ naturæ, & esse bonitatem quandam: quarum prima veluti fundamentum, & radix est secundæ, *In hoc enim consistit* (tanquam in fundamento scilicet, & radice) *cuiuscumque rei bonitas quod conuenienter se habet secundum modum suæ naturæ.* Hinc namque prouenit conuenientia ad rationem, quæ est propria ratio formalis bonitatis moralis, ut diximus supra quæst. 18. art. 1. Virtus secundum suam essentiam tria respicit: subiectū, cuius est debita dispositio; rationem, cui est conformis, & conueniens: & actum, cuius est operatiua, Et iuxta ea quæ respicit, triplicem in essentia virtutis rationem in quadam relatione transcendentali consistentem consideramus, quamuis vnica & simplicissima sit prædicta tria respiciens: & primam rationem concipimus, ut fundamentum, & radicem aliarum: secundæ quidem modo iam dicto; tertiæ vero, quia ut arguit D. Thom. hic ad 2. *Vnumquodque operatur secundum quod est actu: requiritur ergo quod aliquid sit in se bene dispositum, quod debet esse boni operatiuum.* Secundum ergo primam rationem quam directe importat virtus esse scilicet debitam subiecti dispositionem nam virtus est dispositio perfecti (hoc est dispositi secundum naturam) ad optimum, ut cum Arist. ait D. Thom. hic, virtuti opponitur vitium, quod est in debita dispositio subiecti. Ratione verò secundæ, quæ ad primam modo dicto consequitur bonitatis scilicet & conuenientiæ ad rationem, illi opponitur

118 QVAESTIO LXXI.

ponitur malitia moralis, quæ disconvenientia quædam ad rationem est. Ratione autem tertiæ quatenus scilicet est boni operatiua, ei contrariatur peccatum, quod est actus quidam malus: & quamuis quod virtuti opponitur secundum vnâ rationem, consequenter opponatur illi secundum alias; immediatè tamen vitium primæ, malitia secundæ, & peccatum tertiæ, ex parte, scilicet eius ad quod ordinatur, opponi dicitur.

ARTICVLVS II.

Vtrum vitium sit contra naturam.

Conclusio est affirmans.

Dubium I. An omnia vitia & peccata sint contra naturam.

Pars negans probatur primo. Quæcumque creatura intellectualis est ex sua natura peccabilis, vt patet ex dictis prima part. quæstion. 63. artic. 1. ergo vitia & peccata non sunt contra naturam; sicut nec contra naturam lapidis est descensus, quia ex sua natura habet posse descendere. Confirmatur primo: homo habet naturalem inclinationem ad malum: Sensus enim & cogitatio humani cordis in malum prona sunt ab adolescentia sua, vt dicitur Genes. 8.

nec 8. v. 21. ergo vitium & peccatum non est contra naturam hominis. Confirmatur secundo: quædam peccata specialiter dicuntur contra naturam, vt bestialitas & sodomia; ergo non omnia peccata sunt contra naturam.

Secundo: vitia & peccata quæ sunt contra virtutes infusas non sunt cōtra naturam; ergo non omnia. Antecedens probatur. Tum quia non sunt contra ordinem rationis, nam hic pertinet ad legem naturæ quæ non præcipit actum supernaturalem, nec prohibet contrarium, vnde de his peccatis, ait D. Thom. hic. art. 6. ad 5. & quæst. 72. art. 4. in corp. & ad 1. esse contra Deum & legem æternam, non tamen contra rationem; ergo nec contra naturam. Tum etiam, nam aliàs possent naturali virtute, & lumine attingi, & cognosci huiusmodi peccata, sicut & natura, cum eadem sit scientia contrariorum, & ex habitu priuatio cognoscatur, consequens est falsum, nam sicut fides non potest naturali lumine attingi, ita nec peccatum infidelitatis ei oppositum, vnde D. Thom. in 2. dist. 39. art. 1. ad 3. ait, hæreticum non habere remorsum conscientie de suo peccato infidelitatis: ergo &c. Tum denique, nam vt docet Caietanus infra quæst. 113. art. 2. 9. *Ad illam* per huiusmodi peccata potest auerti homo à Deo auctore gratiæ, & sine supernaturali, manente in illo conuersione ad Deum auctorem naturæ & finem naturalem, non secus ac potest quis peccare

con-

contra Deum vt bonum , & non contra
ipsum vt verum , vt patet in eo qui peccat
contra charitatem integra manente fide ;
ergo non sunt contra naturam , alias enim
etiam auerterent à Deo talis naturæ au-
ctore .

Dicendum tamen est ; omnia vitia , &
peccata esse contra naturam . Dicit & hoc
D. Aug. lib. 3. de lib. arb. c. 13. & lib. 11. de
Civit. Dei cap. 17. & D. Damascen. lib. de
fide c. 4 & D. Dionysius cap. 4. de Diuin.
nom. sæpè insinuat . Probatur primo de
vitiis oppositis virtutibus acquisitis : virtus
acquisita est secundum naturam ; ergo vi-
tium illi oppositum contra naturam . An-
tecedens simul cum consequentia proba-
tur à D. Thom. *Virtus vniuscuiusque rei con-*
sistit in hoc quod sit bene disposita secundum
convenientiam suæ naturæ (propter hoc enim
dicitur dispositio perfecti, hoc est dispositi
secundum naturam, ad optimum , scili-
cet actum vt patet ex ar. præced (*Vnde*
oportet quod in qualibet dicatur vitium ex hoc
quod est disposita contra id quod convenit suæ na-
ture . Confirmatur : in homine est natura-
lis inclinatio ad virtutem acquisitam : ergo
vitium illi oppositum, est contra naturalem
inclinationem, ac proinde contra naturam.
Antecedens docet D. Th. infra q. 94. a. 3.
vbi sic habet : *Naturalis inclinatio inest cui-*
libet homini ad hoc quod agat secundum ratio-
nem , & hoc est agere secundum virtutem .
Patet etiam ratione ; non enim est maior
ratio, cur aliæ res secundum suas proprias

ARTICVLVS H. 121

rationes formales, habeant proprias inclinationes naturales, & non homo, vt homo est: potest namque esse naturalis inclinatio in homine ad aliquod bonum, quamuis non consequatur illud, nisi libere, vt patet in naturali inclinatione ad sciendum, & ad matrimonium: sed in homine non est naturalis inclinatio ad malum; ergo ad bonum virtutis. Vnde sicut virtus naturalis est homini: non quidem quia sit de natura & essentia hominis, sed quia secundum esse imperfectum & inchoatiue est ab ipsa natura hominis, iuxta doctrinam D. Thom. supra quæst. 63. art. 1. Et quia secundum esse perfectum & consummatum est optima dispositio naturæ hominis vt homo est, quamuis non necessaria, sicut frigiditas in certo gradu est naturalis aquæ: ita vitium contra naturam hominis esse dicitur, non quia sit contra eius essentiam, ita vt illam destruat, sed quia est contra virtutem, quæ habet radicem in ipsa naturâ, & est optima dispositio hominis vt homo est, cum qua optimè se habet homo.

Secundo probatur de vitijs oppositis virtutibus infusis. Infidelitas, vt docet D. Tho. 2. 2. quæst. 10. art. 1. est contra naturam: Simonia etiam, vt colligitur ex eodem Diu. Thom. ibidem quæst. 100. art. 2. in corp. & ad 4. dicente simoniam prohiberi iure naturali, vel diuino, & probat M. Soto lib. 9. de iustitia. q. 5. art. 2. quia recta ratio naturalis dicat non esse vendendas res inuendibiles, quarum non sumus domini, & quæ nobis à

Fj suo

fuo vero domino conceduntur, vt gratis conferamus, quales sunt res sacrae, quarum venditio est simonia. Item reuelatio secreti confessionis, vt ostendit M. Soto Relect. de teg. secreto memb. 3. quaest. 4. con. 1. ratio namque naturalis dicitur vt seruetur secretum, quod fidei nostrae commissum est, sed haec vitia, & peccata sunt contra supernaturalia: ergo &c. Confirmatur: in damnatis est vermis conscientiae, etiam de peccatis contra supernaturalia, nam de omnibus dicitur Isaia vlt. v. 24. *Vermis eorum non morietur*: & multi eorum damnati sunt solum ob peccata contra supernaturalia, vt de daemonibus asserunt multi: ergo cum vermis & remorsus conscientiae proueniat ex ratione naturali dictante contrarium, talia peccata contra naturam & rationem naturalem erunt. Qua autem ratione vitia, & peccata contra supernaturalia & virtutes infusas sint contra naturam, non eodem modo explicant Doctores, Quidam dicunt huiusmodi vitia & peccata esse contra naturam, non secundum se consideratam, sed vt eleuatam per virtutes supernaturales, quae aliquo modo sunt secundum naturam, cum sint illius consonae perfectiones: & contra rationem vt illustratam lumine fidei vel legis supernaturalis [dictantem vitanda esse] ista peccata. Hunc modum dicendi insinuat D. Thom. hic ad 1. dum ait virtutem etiam infusam esse secundum naturam, & vitium contra naturam, Caietanus etiam 3. par. quaest. 84. art. 7. & M. Soto in 4. d. 14. q. 1.

ARTICVLVS II. 123

q. 1. art. 7. & lib. 1. de Iust. quæst. 4. art. 3. ad 2. & alij, est que satis probabilis. Sicut enim, qui fluxum & refluxum maris impediret, contra naturam aquæ ageret, nō secundum se, sed vt subordinatam lunæ: ita qui peccat contra supernaturalia contra propriam naturam agit non secundum se, sed vt eleuatam: nam qui ponit obicem naturæ inferiori, ne perficiatur à superiori cui subordinatur, contrariatur illi vt subordinatæ. Neque hinc sequitur clarā Dei visionem, quæ opponitur Fidei, esse contra naturam, nam non opponitur illi vt inclinat ad id quod est secundum ordinem rationis: sicut illi opponitur peccatum infidelitatis, sed ratione imperfectionis obscuritatis.

Ab hoc dicendi modo parum discrepat, quod alij asserunt prædicta vitia & peccata esse contra naturam secundum se, supposito tamen aliquo supernaturali; hoc enim supposito ratio naturalis potest de illis dictare. Vnde sicut supposita reuelatione huius propositionis, Christus est homo, recta ratio dictat esse risibile: & supposita consecratione calicis recta ratio naturalis dictat non esse vendendum: ita supposita diuina reuelatione & prædicatione rerum fidei, recta ratio naturalis dictare potest de actu fidei, sicque peccatum contra fidem esse contra naturam & rationis naturalis dictamen.

Mihi tamen probabilius videtur, vitia & peccata contra virtutes infusas: & supernaturales esse contra naturam secundum se

consideratam : non quidem directè & per se, sed ex consequenti & indirectè, quia indirectè & ex consequenti lædunt naturam ipsam ponendo in illa impedimentum, quod non habebat secundum se respectu gratiæ & virtutum infusarum. Colligitur hoc ex D. Thom. 2.2. quæst. 10. art. 2. vbi explicat infidelitatem esse contra naturam, his verbis : *In natura humana est, ut mens hominis non repugnet interiori instinctui & exterioris veritatis prædicationi ; unde infidelitas secundum hoc est contra naturam*. Ecce vbi infidelitatem docet esse contra naturam, quia per illam ponitur impedimentum repugnans interiori instinctui supernaturali fidei quod natura ipsa non habet. Intelligendum est autem id de natura secundum se considerata : quocumq. enim secluso & illa præcisè sumpta, non repugnat interiori instinctui & exteriori veritatis prædicationi. Dices virtutes supernaturales nullo modo sunt secundum naturam secundum se consideratam ; ergo nec contra illam sic sumptam sunt vitia illis opposita : D. Thom. namque hic, sicut vitia contra naturam, ita virtutes secundum naturam esse asserit. Respondetur, virtutes supernaturales, licet proximè & formaliter non sint secundum naturam secundum se consideratam sed supra illam ; radicaliter tamen & inchoatiuè aliquo modo secundum illam esse : nam vt ait D. Aug. lib. de Prædest. Sanct. cap. 5. *Possunt habere fidem, sicut posse habere charitatem natura est hominum*. Et hoc sufficit, vt peccata

ta contra tales virtutes sint contra naturam secundum se consideratam modo dicto.

Ad 1. vero respondetur: esse peccabilem, defectum quendam esse, qui consequitur creaturam intellectualem, quatenus est ex nihilo facta, vt cum D. Thom. & alijs Sanctis diximus 1. par. quæst. 63. art. 1. dubio 1. Sicut autem alij defectus teste D. Thom. infra quæst. 84. art. 6. *Sunt naturales: non quidem secundum inclinationem formæ, quæ est principium essendi & perfectionis, sed secundum inclinationem materiæ*; ita esse peccabilem, seu posse peccare, quodammodo est naturale creaturæ intellectuali ratione materiæ, hoc est, illius quod se habet vt potentiale: est tamen cōtra naturā creaturæ intellectualis ratione formæ, id est, illius quod se habet vt actus; & propter hoc vitia, & peccata simpliciter, & absolutè dicuntur contra naturā, quia actualitas & perfectiō est præcipuum & proprium quod est in creatura intellectuali, vt est à Deo; potentia autem peccandi quantum ad defectum, qui implicatur non est à Deo, sed à creatura quatenus est ex nihilo, vt docet D. Thom. in 2. dist. 54. quæst. 1. art. 1. Sunt etiam qui dicunt, potentiam peccandi esse quidem naturalem modo dicto: vitium tamen & peccatum, nequaquam, sed contra naturam: sicut licet corruptibilitas sit naturalis homini, actu tamen corrumpi contra naturam hominis est, quia est contra inclinationem suppositi. Et quamuis potentia perfecta, quæ est inclinata ad actum, si sit naturalis, actum

quoque naturalem esse oporteat, ut probat exemplum descensus lapidis; tamen potentia defectiua, quæ conuenit ob aliquem defectum naturæ, naturalis esse potest, & eius actus contra naturam: nec oportet hanc potentiam & hunc actum esse in eodem genere naturalis. Ad 1. confirmationem dico, hominem ex parte naturæ sensitivæ habere naturalem inclinationem ad malum & peccatum, ut colligitur ex D. Thom. 1. p. quæst. 63. art. 4. ad 2. & hic, q. 8. art. 3. non tamen ad malum & peccatum formaliter, sed materialiter, id est ad id quod malum & peccatum est, sed non qua peccatum est. Inclination enim naturalis & propria appetitus sensitivi est ad bonum sensibile abstractendo ab ordine rationis, quod licet aliquando sit contra rationis ordinem & peccatum; inclinatio tamen naturalis non fertur in illud ut sic, sed ut bonum quoddam sensibile; sicut si esset præceptum moriendi, aut non addiscendi Philosophiam, & naturalis inclinatio sciendi, & seruandi vitam esset ad malum non formaliter sed materialiter. Ad 2. confirmationem respondetur ex D. Thom. locis in ea citatis, & quæst. 15. de Malo art. 1. ad 7. illa peccata in speciali dici contra naturam, quia sunt contra ordinem naturalem præscriptum ab Auctore naturæ ad proles generationem: contra naturam etiam hominis ut est animal, cum in quolibet genere animalis generatio fiat ex commistione utriusque sexus: immo & contra naturam ipsam corpoream, propter quod
ad

ARTICVLVS II. 127

ad Rom. 1. ver. 24 de committentibus talia peccata dicitur: *Vt contumelijs afficiant corpora sua in semetipsis*. Ex quo specialis contrarietas contra naturam hominis vt rationalis est, sequitur, hæc enim plus detestatur, quæ bruta etiam animalia abhorent, vt patet in sui ipsius occisione.

Ad 2. respondetur negando antecedens. Ad 1. probationem præter ea quæ diximus 1. p. q. 73. art. 1. dub. 1. respondetur: legem naturæ, licet non præcipiat actum supernaturalem, nec prohibeat contrarium, dictare tamen non esse lædendam naturam. Vnde cum prædicta peccata naturam lædant ponendo, in illa impedimentum quod non habet secundum se respectu gratiæ & virtutum supernaturalium, contra illam & contra ordinem rationis & legem naturæ erunt non quidem directè & per se, sed indirectè & ex consequenti vt dictum est. D. Thom. autem locis citatis solum vult esse aliqua peccata contra legem æternâ quæ non sunt contra rationem directe & per se, sic adeo vt per illam regulemur vt prohibentem talia peccata & actus oppositos præcipientē, indirectè tamen & ex consequenti modo explicato nulla sunt, quæ contra rationem non sint. Ad 2. probationem nego sequentiam: talia enim peccata nequeunt naturaliter cognosci, quia naturali virtute nequit attingi detrimentum, quod in natura causant, neque id in quo natura læditur, nam licet naturale sit, importat tamen ordinem non repugnantiam ad supernaturalia, & quan

do in re naturali inuenitur aliquis ordo ad aliquid supernaturale, non opus est, vt qui talem rem etiam cōprehensiuē cognoscit naturaliter, cognoscat etiam illum ordinem vt diximus 1. par. quæst. 32. art. 1. Cum autem de his, quæ non cognoscuntur esse mala, etiam si reuera contra naturam sint, non remurmuret synderesis, vt patet in his quæ contra legem naturæ committimus putantes culpabiliter esse bona; ideo hæreticus non habet vermem & remorsum conscientix de peccato infidelitatis, quia ratio errone tenta nō ostendit illi infidelitatem talem esse malam, quamuis reuera mala & contra naturam modo explicato sit. Dammati autem in inferno propter crimen heresis remorsum de illo habebunt, quia ex sua damnatione & pœna propter illud cognoscent eius malitiam. Ad 3. probationem dico, posse quidem hominem auerti à Deo auctore supernaturali, quin auertatur a Deo auctore naturali directè & per se, non tamen indirectè & ex consequenti. Posset etiam quis negare consequentiam: nam vt aliquid sit contra naturam, non opus est vt à Deo, vt talis naturæ auctore auertat, sed satis est vt talem naturam lædat; sicut patet in malis naturalibus.



ARTICVLVS III.

*Vtrum vitium sit peius quam actus
vitiosus.*

Conclusio est negans.

Actum in bonitate & malitia morali sicut & in ratione meriti, & demeriti excedere habitum certum est. Existimo etiam illum excedere in bonitate, & perfectione entitativa: nam quod excedit aliud in actualitate, illo est entitativè perfectius; vnumquodque enim in tantum est perfectum in quantum est in actu: item quod per se ordinatur ad aliud vt ad finem, illo est entitativè imperfectius, alias peruerfuseffet ordo: sed actus in actualitate excedit habitum, cum hic, vt ait D. Th. hic, medio modo se habeat inter potentiam, & actum, & sit actus primus aliquid habens ad mixtum de potentialitate, quam excludit actus secundus: & præterea vt idem D. Thom. ait hic ad 3. actus est causa habitus in genere causæ finalis; ergo actus habitum excedit etiam in bonitate, & perfectione entitativa, & naturali. Quod intelligendum est de actu, & habitu inter se ordinatis eiusdem ordinis, & rationis, si enim diuersæ rationis sint, potest habitus excedere actum in perfectione entitativa, vt habitus principiorum actum scientiæ, & habitus fidei a-

etum theologiæ, & gratia actus omnium virtutum, non minus quam natura substantialis perfectior est quacumque operatione ab ea procedente: nam quamvis aliquid admixtum de potentialitate habere videatur; eius tamen actualitas superioris rationis est, sicque maior.

Si obijcias, habitus est causa efficiens principalis sui actus; ergo est illo entitativè perfectior, aut saltem æque perfectus. Respondent quidam negando antecedens; existimant enim habitum solum esse causam instrumentalem actuum, illosque producere, non virtute propria, sed virtute naturæ substantialis, si sint naturales, vel virtute Dei, si sint supernaturales. Unde Caiet. hic ait habitum se habere in ordine ad actum, sicut semen hominis in ordine ad hominem, quod non virtute propria, & principaliter, sed virtute generantis, & instrumentaliter producit hominem. Capreo- lus etiam in 4. d. st. 49. quæst. 1. art. 3. ad 2. Scoti contra 1. ait: *Habitus non est causa totalis actus nec principalis*. Alij respondent in actu esse duo, scilicet speciem desumptam ex obiecto, & actualitatem, habitumque causam principalem esse rationis, & naturæ specificæ actus, & tendentiæ illius in obiectum; actualitatis tamen non esse causam principalem, sed ad summum instrumentalem; sicut creaturæ in suis effectibus, licet principaliter producant rationem specificam; existentiam tamen non ut causæ principales, sed ut instrumentales efficiunt, vel

cer-

ARTICVLVS III. 131

certè nullo modo, sed effectus proprius solius Dei est. Alij denique respondent habitum posse dupliciter considerari. Primò absolute, & sic habet quidem rationem, specificam æque perfectam cum operatione; tamen cum sit actus primus, non habet tantam actualitatem, quantam habet eius operatio, quæ est actus secundus. Secundo, vt coniunctus cum diuino auxilio actuali, & per illud reductus de actu primo ad actum secundum: & hoc modo tanta est eius actualitas, quanta est operationis vimque proinde, & efficaciam habet ad producendam suæ operationis actualitatem, non secus ac voluntas operans cū solo Dei auxilio actuali supernaturali causa principalis est actus charitatis, cum hic sit vitalis.

Si obijcias secundo: D. Th. supr. quæst. 63. artic. 2. ad 3. docet actus præcedentes virtutem esse imperfectiores illa, & ideò non generare illam virtute propria, sed virtute naturalis inclinationis ad bonum, quæ habitu virtutis perfectior est: sed eadem, est ratio de actibus subsequenter, qui à virtute procedunt; ergo &c. Respondetur D. Thom. loqui de habitu virtutis quantum ad permanentiam; in hac enim actum excedit, & quantum ad illam, ab actibus præcedentibus causari nequit virtute propria, sed naturalis inclinationis ad bonum, quæ est permanentior virtute. Ex quo tamen solum inferri potest maior perfectio secundum quid in virtute, vt patet ex D. Th. hic ad 1.

Vtrum peccatum simul possit esse cū virtute.

Conclusio est affirmans.

Duo sunt genera peccatorum, mortale scilicet, & veniale. Duo sunt etiā genera virtutum, infusæ scilicet, & acquisitæ. Ait ergo D. Thom. *Peccatum mortale non potest simul esse cum virtutibus infusis; potest tamen simul esse cum virtutibus acquisitis: peccatum vero veniale potest simul esse & cum virtutibus infusis, & cum acquisitis.*

Dubium. *An per peccata venialia multiplicata destruantur virtutes infusæ, vel acquisitæ.*

PArtem affirmantem quidam tenent, & probant 1. Si multiplicentur actus, qui sunt peccata venialia, generant habitum vitij oppositum tam virtutibus infusis quam acquisitis: sed tale vitium nequit esse cum habitu virtutis infusæ, vel acquisitæ, alias simul essent in eodem duæ contrariæ inclinationes per modum habitus, etiam in gradibus intensis; ergo &c.

Secundò. Sunt aliquæ virtutes, quibus directè solum opponuntur vitia genita ex actibus, qui solum sunt peccata venialia.

ex

ARTICVLVS IV. 133

ex suo genere, & quæ ex alia parte nõ sunt necessaria ad finem charitatis, nam ordinantur ad media libera, & non necessaria ad consequutionem finis charitate dilecti, quales sunt veracitas eutropelia, & aliæ huiusmodi, ergo per prædicta peccata venialia multiplicata, & vitia ex illis genitæ virtutes oppositæ tam infusæ, quam acquisitæ destruuntur.

Tertio, peccata venialia ex læuitate materiæ, v. g. in materia iniustitiæ non differunt specie ex obiecto, circa quod primo versentur a peccatis mortalibus, quæ sunt circa materiam grauem; ergo sicut his multiplicatis destruitur virtus iustitiæ, ita, & multiplicatis ilis. Probarur consequentia, nam quæ sunt eiusdem speciei eandem formam habent, sicque eandem virtutem, & efficaciam. Confirmatur: actus iustitiæ in materia leui, si multiplicentur, generant virtutem iustitiæ, quia sunt eiusdem speciei cum alijs actibus iustitiæ, & continent eandem formam iustitiæ; ergo & actus iniustitiæ, qui sunt peccata venialia ex leuitate materiæ, si multiplicentur, generant habitum iniustitiæ ob eandem rationem, & per consequens destruunt virtutem iustitiæ, nã virtus a vitio contrario destruitur.

Dicendum tamen est 1. per nulla peccata venialia ex eorum multiplicatione genita destrui, aut aliquo modo lædi in leipsa virtutem aliquam infusam. Probarur primo, ex D. Thom. hic dicentem charitatem esse radicem omnium virtutum infusarum,

&

& quia peccatum veniale nō excludit charitatem . *Per consequens etiam non excludit alias virtutes .* Sed quantumcumque multiplicentur peccata venialia , quæcunque illa sint , & ex illis generentur vitia , non excludunt charitatem , ergo nec aliquam virtutem infusam . Confirmatur ex eodem *D. Thom. in 4. dist. 14. quæst. 2. art. 2. ad 4. vbi sic habet : Cum habitus ex frequentatione operum peccati generatus virtuti acquisitæ contrarius sit , non contrariatur directe virtuti infusæ , quæ habet oppositionem ad peccatum ex parte illa , quæ est offensæ Dei .* Ergo quantumvis peccata venialia multiplicentur , & generent habitum vitij non destruunt virtutem aliquam infusam , nam vt hic ad 2. ait *S. Doctor , vitium excludit virtutem , quia directe illi contrariatur .*

Secundò, in homine iustificato non magis habent rationem vitiorum, ea quæ post iustificationem per peccata gignuntur venialia , quam quæ ante iustificationem erant genita per mortalia peccata : sed cum his vitijs, quantumcumque maneant intensa, simul sunt virtutes infusæ ipsis oppositæ, alias enim posset charitas absque omni virtute morali infusa esse, & ipsa non posset esse cum habitu vitij, genito ex actibus odij Dei ; ergo & cum vitijs genitis post iustificationem per peccata venialia simul etiam erunt virtutes infusæ ipsis oppositæ .

Tertio probatur ex differentia quæ colligitur ex *D. Thom. 2. 2. q. 24. art. 12* inter virtutes infusas , & acquisitas ; nam hæc cū

ARTICVLVS IV. 135

ex virtute subiecti dependentes sint, vitiis ex actibus genitis excluduntur. At virtutes infusæ dependent ex actione Dei infundentis, & ita solum excluduntur per peccatum, quo ponitur diuinæ infusioni obstaculum, & aufertur diuinus influxus: sed per nullum peccatum veniale ponitur prædictæ infusioni obstaculum, nec tollitur diuinus influxus, alias enim destrueret virtutes omnes infusas, quæ ex Dei infundentis actione dependent, sicut illas destruit peccatum mortale, vnica namque infusio Dei est, qua infunduntur gratia, & virtutes infusæ, quæ ad illam vt passionem consequuntur, ergo &c.

Denique probatur nullo modo lædi. Charitas vt docet D. Th. 2. 2. q. 14. art. 5. nō augetur extensiuè, ita vt extendatur ad quædam obiecta, ad quæ prius non se extendebat, quia etiam minima charitas se extendit ad omnia illa quæ sunt ex charitate diligenda. Et idem est de aliis virtutibus infusis; si enim supra quæst. 66. ar. 1. ait D. Thom. virtutes acquisitas perfectas secundum statum se extendere ad omnia sua obiecta, id potius dicere oportebit de infusis virtutibus. At si per peccata venialia aliquo modo saltem quantum ad extensionē læderetur virtus infusa; possent charitas, & virtutes infusæ augeri extensiuè; si quis enim in charitate existens haberet habitum odiendi ea, quæ sub veniali tenetur diligere, acquisitum per actus venialium peccatorum, eius charitas non se extenderet:

ad

136 **QVÆSTIO LXXI.**

ad hæc obiecta, & in ordine ad illa augeri posset: & idem esset, si haberet habitum iniustitiæ genitum ex furtis parvis, eius namque iustitia infusa nō se extenderet ad hæc obiecta, & in ordine ad illa extensivè augeri posset; ergo &c.

Dicendum est secundo, per peccata venialia ex suo genere, si multiplicentur, & generent vitium, destrui habitum virtutis acquiræ oppositum. Probatnr virtutes acquiræ destruantur per vitia ipsis opposita; sed hæc generantur per peccata venialia ex suo genere, nam generantur per actus oppositos actibus virtutum, actus autem oppositi actibus virtutum moralium solum sunt ex suo genere peccata venialia: ergo, &c.

Neque huic obstat, quod ait D. Thom. quæst. 7. de Malo art. 6. ad 1. & quæst. 14. art. 2. ad 2. & 3. peccatum mortale opponi virtuti, & eam corrumpere non veniale. Respondetur namque ibi loqui de virtute infusa: vnde inquit: *Sed habitum virtutis non tollit nisi peccatum, quod contrariatur charitati, à qua omnes virtutes dependent.*

Non obstat etiā, quod idem S. Doctor dicit in 4. dist. 16. quæst. 2. art. 1. quæst. 2. ad 1. per remissionem venialium non sanari animam, quia sanatio importat curationem destitutionis virtutis, & per peccata venialia non fit destitutio virtutis. Respondetur enim, ibi loqui de sanatione simpliciter, quæ importat curationem destitutionis virtutis, non cuiuscunque, sed charita-

ARTICVLVS IV. 137

etis cum reliquis infusis, quæ ipsam consequuntur. Si autem sermo sit de sanatione secundum quid, cum peccatum veniale quædam animæ ægritudo sit ad eius mortem disponens, vt docet D. Thom. infra quæst. 72. art. 5. & quæst. 88. art. 3. per remissionem quodammodo anima sanari dicitur. Non obstat denique quod infra quæst. 89. art. 1. ait D. Thom. peccata venialia non causare maculam in anima, causarent autem si destruerent virtutes, priuarent enim illam nitore talium virtutum. Respondetur namque peccata venialia non causare maculam simpliciter, nam hæc consistit in priuatione nitoris gratiæ, & virtutum infusarum; bene tamen secundum quid:

Dicendum est tertio: per peccata venialia ex paruitate materiæ non destrui habitum virtutis acquisitæ, nisi solum in esse virtutis perfectæ secundum statum. Primum probatur, in eo qui committit peccata venialia ex paruitate materiæ, parua furta. v. g. manet habitualis inclinatio ad obiectum virtutis iustitiæ, videlicet circa materias graues, promptitudo etiam, & facilitas ad exercenda opera talis virtutis circa materias graues; ergo & habitus virtutis ac proinde hic absolutè, & simpliciter in ratione habitus non destruitur per huiusmodi peccata venialia. Secundum etiam probatur: per peccata venialia ex paruitate materiæ generatur habitus vitij impediens virtutem oppositam ne extendatur ad omnia

nra

nia sua obiecta, qui enim talem habitum habet, ad actus talis vitij se promptum, & facilem sentit, ad contraria vero difficilem ergo per illa destruitur virtus in esse virtutis perfectæ secundum statum, nam ut talis sit, requiritur ut ad omnes materias, & omnia contenta sub suo obiecto, & participantia rationem formalem illius se extendat, ut colligitur ex D. Thom. & Caiet. supra quæst. 66. art. 1. Confirmatur: virtus perfecta in esse virtutis simpliciter, & secundum statum debet facere habentem simpliciter bonum circa omnem suam materiam: sed virtus moralis, quæ est cum habitu vitij geniti ex peccatis venialibus, ex paruitate materiæ non est huiusmodi; ergo, &c.

Ad 1. vero respondetur: solum habere vim respectu virtutum infusarum, nam de acquisitis, iam diximus quid sit afferendum. Neganda est ergo minor, vitia enim quæ sunt in homine iusto simul cum virtutibus infusis, tantum habent rationem dispositionis, etiam si animus sit maximè affectus ad illa. Ratio est: quia habens charitatem habet voluntatem auersam ab omni vitio etiam veniali saltem virtualiter nam ipsa charitas est sufficiens ordinare omnem prauum affectum voluntatis. Licet autem repugnet simul esse in eodem duas oppositas inclinationes per modum habitus; si tamen vna sit per modum habitus, & altera per modum dispositionis, simul esse possunt. Vnde D. Thom. quæst. 1. de vir-

virtut. art. 10. ad 16. ait: *In eo qui habuit habitum in temperantia, cum conteritur non remanet cum virtute temperantia infusa habitus intemperantia in ratione habitus, sed in via corruptionis quasi dispositio quadam: dispositio autem non contrariatur habitui perfecto. Sed aduerte, cum dicitur vitia in homine incho habere rationem dispositionis, sensum non esse, illa dispositiones esse, non habitus secundum rem; sed solum illa modum habere dispositionum, vel dispositiones esse secundum modum: quia licet secundum rem habitus, & sic difficile mobilia sint; tamen ex parte subiecti ratione gratiæ, & habituum infusorum sunt facile corruptibilia, infusi namque habitus sunt efficacissima principia reprimendi actus vitiorum, & eliciendi frequentius, & efficacius actus, per quos corrumpantur.*

Ad secundum respondetur, convincere secundam conclusionem: vt vero militat contra primam asserendum est: quicquid sit de aliorum finium volitionibus, amorem efficacem finis ultimi, qualis est amor charitatis; inferre virtuales, & habituales amorem omnium mediorum etiam liberorum, quæ necessaria non sunt ad consequutionem talis finis. Ratio est: quia per charitatem homo diligit Deum super omnia, ita vt ex amore illius sit paratus relinquere omnia, quæ aliquo modo sunt contraria Deo, & inclinare ad omnia quæ illi sunt grata, & ad illum ordinantur, qualia sunt media libera, in ordine ad quæ aliquæ vir-

virtutes infusæ constituuntur . Si quæras
 autem , quid in ordine ad virtutes infusas
 præstent peccata venialia ? Respondetur ,
 disponere ad earum edruptionem , sicut
 disponunt ad corruptionem , charitatis .
 Hanc autem dispositionem ait *D. Th. 2, 2.*
quæst. 24. artic. 10. posse dici indirectè
 charitatis , & consequenter virtutum infu-
 sarum diminutionem . Dicit etiam potest ,
 virtutes infusas per peccata venialia dimi-
 nui , non quidem ex parte principij , & ra-
 dicis , sed ex parte termini , per appositio-
 nem impimenti , quatenus scilicet per
 peccata venialia apponitur impedi-
 tum , ne virtutes infusæ facile deducant vo-
 luntatem in sua obiecta ; hoc enim modo
 explicat *D. Thom.* infra quæst. 85. artic. 1.
 ad 2. diminui naturalem inclinationem .

Ad 3. respondetur ; etiam calorem ut
 duo , & calorem ut sex esse eiusdem speciei ,
 cum tamen calor , ut sex possit expellere
 frigiditatem ut quatuor , quam non potest
 expellere calor ut duo , inultoties enim nõ
 sufficit forma , & ratio essentialis & specifi-
 ca ; sed præterea requiritur perfectio intra
 talem speciem , ut patet in homine , qui
 quousque sit perfectus , nequit generare .
 Et quia peccata venialia iustitiæ sunt in
 tali specie imperfecta , non possunt destrue-
 re habitum virtutis oppositæ .

Ad confirmationem respondetur : habi-
 tum genitum ex actibus iustitiæ in materia
 leui esse imperfectum , & veluti dispositio-
 nem quandam ad habitum perfectum .

Si-

ARTICVLVS V. 141

Similiter etiam concedimus per actus iustitiæ in materia leui generari habitum imperfectum, qui licet possit destruere prædictum habitum imperfectum virtutis, non tamen habitum perfectum, qui est circa materias graues.

ARTICVLVS V.

Vtrum in quolibet peccato sit aliquis actus.

Conclusio est negans.

Dubium 1. An peccatum omissionis in sua essentia, & ratione formali includat aliquem actum.

PArtem affirmantem tenent Alensis Parte 2. quæst. 130, membro 10. ad 2. & alij. Probant primo: peccatum omissionis est intrinsecè, & essentialiter voluntarium, alias non esset essentialiter peccatum; ergo intrinsecè includit aliquem actum; nihil enim est voluntarium nisi per actum voluntatis. Si dicas cum D. Thom. hic ad secundum esse voluntarium, quia in potestate nostra est. Contra, quia alias non esset magis voluntarium quam actus possibiles, nam ij etiam sunt in nostra potestate: sed hoc est falsum; ergo &c.

Secundò, peccatum omissionis est eiusdem

dem speciei cum peccato commissionis : sed hoc intrinsecè includit actum : ergo & illud. Maior probatur : omittere restitutionem, quam quis tenetur facere, est peccatum iniustitię eiusdem speciei cum furto unde D. August. serm. 16. de verb. Apostoli & habetur 14. quęst. 5. cap. *Si quid*, referturque à D. Thom. 2. 2. quęst. 66. art. 5. ad 2. ait : *Si quid inuenisti, & non reddidisti : rapuisti* : ergo &c.

Tertiò ; peccatum omissionis intrinsecè includit auersionem à Deo, & conuersionem ad creaturam : sed hoc nequit intelligi absque aliquo actu ; ergo intrinsecè includit actum : Confirmatur : vt homo à creatura conuertatur in Deum est necessarius aliquis actus ; ergo & vt à Deo conuertatur in creaturam.

Quartò, peccatum omissionis ex sua natura habet destruere virtutem oppositam & generare habitum malum, qui ad peccata omissionis inclinet ; ergo intrinsecè includit aliquem actum, mera enim negatio, vel priuatio non potest destruere, nec generare aliquid reale, qualis est habitus virtutis aut vitij, nec potest esse terminus inclinationis alicuius entis realis, qualis est habitus vitiosus. Confirmatur, peccatum omissionis mortale effectiue destruit charitatem : ergo intrinsecè includit aliquem actum.

Dicendum tamen est : peccatum omissionis non includere in sua essentia aliquem actum, sed intrinsecè & essentialiter consistere

stere in cessatione voluntatis ab actu, qui præcepto affirmatiuo præceptus est. Ita D. Thom. hic & 2. quæst. 79. art. 3. & in 2. dist. 35, quæst. 1. art. 3. & quæst. 2. de Malo art. 1. Probatur primo: nam vt ostendit S. Doct. 2. 2. q. 79. art. 2. & 3. peccatum omissionis, quod contrariatur præcepto affirmatiuo, à transgressione, quæ opponitur præcepto negatiuo, sicque commissio est, distinguitur omnino essentialiter scilicet & plusquam specie: sed non alla ratione, nisi quia transgressio consistit in actu positiuo, ommissio verò secundum se nullum actum includit, vt ibi explicat Caiet. ergo &c.

Secundò probat Capreolus in 2. dist. 35. q. 1. ar. 1. con. 2. In illo solo consistit essentialiter peccatum omissionis, quo posito, ponitur tale peccatum, & quo non posito, non ponitur, sed posita omissione voluntaria ab actu, ad quem quis tenetur, ponitur peccatum omissionis. & illa ablata, non ponitur: ergo &c. Minor quo ad secundam partem patet. Quoad primam probatur ex illo Iacobi 4. v. 17 *Scienti bonum facere, & non facienti: peccatum est illi.* Et præterea, quia talis cessatio est contra rationem & præceptum affirmatiuum; ergo peccatum. Dices non posse esse cessationem voluntariam sine actu. Contra, quia licet nihil possit esse voluntarium directè sine actu: indirectè tamen optimè potest esse voluntarium sine omni actu, vt ostendit D. Thom. supra. quæst. 6. art. 6. Deinde, licet formaliter & expressè esse voluntarium importet actum: non tamen

men voluntarium interpretatiue; ergo si hoc modo cessatio ab actu præcepto voluntaria sit, absque omni actu erit peccatum. Confirmatur, vt docet D. Tho. hic. ad 3. solum pro tempore illo aliquis cessando ab actu peccat, pro quo præceptum affirmatiuum obligat: sed potest contingere, vt tunc nullum habeat actum, vt patet si quis tempore quo tenetur audire Missam, culpabiliter dormiat; ergo tale peccatum omissionis nullum intrinsecè includit actum.

Ad 1. vero respondetur, omissionem culpabilem esse voluntariam interpretatiue & indirectè, in quantum est in potestate voluntatis, quæ debet non omittere, vnde non requirit actum formalem: Actus vero possibiles licet possint esse voluntarii, actu tamen nec directè, nec indirectè voluntarii sunt, quia licet in potestate voluntatis sint adhuc non tenemur illos elicere; ad voluntarium autem indirectè, vt docet D. Thom. supra q. 6. art. 3. non sufficit vt possimus, sed requiritur etiam vt debeamus agere. Quando autem ommissio culpabilis est, non solum possumus, sed etiam tenemur non omittere: sicque voluntaria est indirectè.

Ad 2. respondetur negando minorem; dictum est enim ex D. Thom. peccatum commissionis essentialiter & plusquam specie distinguui à peccato omissionis; vt positium à negatiuo. Ad probationem dico: sæpe aliqua, quæ secundum se distinguuntur essentialiter, in ordine ad aliquam vnam rationem formalem esse eiusdem speciei, vt patet

ARTICULVS V. 145

tet in actibus intellectus & voluntatis, qui eo quod actus diuersarum potentiarum sunt, essentialiter distinguuntur, in ordine tamen ad vnā rationem formalem virtutis religionis eiusdem speciei sunt oratio, quæ est actus intellectus, & deuotio, quæ est actus voluntatis, vt docet D. Thom. 1. 2. quæst. 82. ar. 1. & 2. & quæst. 83. ar. 3. ad 1. Ita ergo, licet omissionis, & commissio- nis peccata secundum se sint diuersæ spe- cie, differantque sicut positium & nega- tium; in ordine tamen ad vnā rationē formalem iustitiæ possū tesse eiusdem spe- cie omissionis restitutionis & furtum. Vide D. Thom. infra q. 72. ar. 6. & quæ nos ibi dub. 1. dicemus.

Ad 3. respondetur, non opus esse; vt in peccato mortali sit auersio à Deo, & con- uersio ad creaturam explicitè, & formaliter, sed satis esse vt sit virtualiter & inter- pretatiuè, quæ sine omni actu formali cum solo virtuali saluatur; & talis est quæ inue- nitur in peccato omissionis. Ad confirma- tionem respondetur ex doctrina D. Thom. 2. 2. quæst. 79. art. 3. ad 4. negando conse- quentiam: quia bonum est ex integra cau- sa, malum autem ex singularibus defecti- bus; & conuersio in Deum est de genere honorum; auersio vero à Deo est de genere malorum; vnde licet conuersio ad Deum fieri debeat per actum formalem: ad auer- sionem tamē ab illo sufficit actus virtualis, qui formalem presupponat.

Ad 4. vt respondeamus, tres, quæ in eo

tanguntur, expedire oportet difficultates. Prima est, possint ne peccata omissionis corrumpere habitum virtutis oppositæ? Ad quam omnes affirmando respondent, posse scilicet. Ratio est, quia ut habitus virtutis acquisitus corrumpatur, non est necessarius aliquis actus sed corrumpi potest per cessationem ab omni actu, ut ostendit D. Thom. sup. q. 53. art. 3. ergo tametsi peccatum omissionis essentialiter, & intrinsecè nullum actum includat, per illud poterit corrumpi habitus virtutis oppositæ, multo magis quam per cessationem ab actu talis virtutis, nam maiorem cum eo oppositionem habet. Secunda est, an per peccata omissionis possit habitus vitii generari? Ad quam licet aliqui negando respondeant, communis tamen opinio est affirmans. Ratio est: nam ut generetur habitus vitii, non requiritur actus, & voluntas explicita, sed sufficit virtualis, & interpretatiua, ut patet in actibus iniustitiæ multiplicatis ex ignorantia crassa vincibili, & culpabili, in quibus solum est voluntas interpretatiua, & tamen generant habitum iniustitiæ: sed huiusmodi voluntas interpretatiua inuenitur in peccato omissionis, cum interpretatiuè voluntarium sit; ergo licet ea parte, qua est passio pura, non possit habitum positivum generare; ea tamen qua virtualiter, & interpretatiuè voluntarium est, virtute actuum antecedentium ratione quorum est voluntarium, illum poterit producere. Quod etiam experientia confirmat;

qui

qui enim sapius omittit restituere, audire missam, vel recitare officium diuinum, sentit se promptum ad omittendum, & difficilem ad operandum actum bonum oppositum, quod habitus vitij geniti indicium est. Dices, habitus virtutis sine actu, & voluntate formali nequit generari; ergo neque habitus vitij. Respondetur cum D. Th. 2. 2. q. 79. ar. 3. ad 4. negando consequentiam, quia bonum ex integra causa, malum autem ex singulis defectibus. Tertia est, an detur aliquis habitus inclinans ad omittendum? Ad quam respondetur: habitum vitij genitum ex peccatis omissionis inclinare ad culpabilem omissionem, non tamen ad solam illam, sed etiam ad actum ratione cuius est voluntaria, nempe ad volendum omittere expressè; vel virtualiter. Primū patet: nam cum talis habitus ex culpabilibus omissionibus genitus sit, ad similes omissiones inclinare debet. Secundum etiam probatur: omisio sine tali actu, & voluntate saltem virtuali non potest esse culpabilis & voluntaria; ergo habitus, qui ad illam inclinat vt culpabilem, & voluntariam, inclinabit etiam ad actum, ratione cuius est voluntaria. Confirmatur: talis habitus nō est genitus præcisè ex omissione, sed etiā ex eius volitione, seu voluntate saltem virtuali & interpretatiua, ergo non solum inclinabit ad illam præcisè, sed etiam ad eius volitionem formalem, aut interpretatiuam. Hinc respondetur ad argumentum, vt illa omnia præter peccatum omissionis non.

requiri actum formalem, sed sufficere virtutalem & interpretatiuum. Idem est dicendum ad confirmationem. Potest etiam tam ad hoc, quam ad alia argumenta facta responderi, probare peccatum omissionis in sua essentia importare ordinem ad actum; non tamen ad actum qui sit de eius essentia, sed qui sit eius causa vel occasio: unde licet non possit esse sine ordine ad talem actum præsentem, aut præcedentem; tamen sine actu ipso formali, optimè esse potest.

Dubium 2. An necesse sit in peccato omissionis esse aliquem actum formalem, & explicitum, qui sit causa, vel occasio illius.

PArtem negantem, tenent Durandus in 2. d. 35. quæst. 2. & alij. Probatur primo: Tempore quo quis ex præcepto affirmatiuo tenetur aliquid facere, v.g. audire Missam, vel diligere Deum, potest suspendere omnem actum, tam internum, quam externum; at si suspendat, in eo erit peccatum omissionis sine aliquo actu; ergo &c. Maior probatur: nam non est naturaliter determinatus ad operandum, sed indifferens & liber quoad exercitium ad operandum & non operandum, non solum hunc actum in particulari, sed etiam omnem actum, nam in nullo actu quem hic in particulari habere potest, neque in omnibus

bus in communi reperitur omnimoda ratio boni, quæ necessitat illum quoad exercitium; ergo potest omnem suspendere, & ab omni cessare. Confirmatur: si Deus tempore quo homo tenetur ipsum diligere, auferat ab eo suum concursum respectu omnium actuum excepto actu dilectionis, homo posset talem actum omittere, & peccare: at eius peccatum esset sine omni actu, nam sine concursu Dei nequit haberi actus; ergo &c. Maior probatur: tunc homo esset liber ad exercitium actus dilectionis, unde si illum haberet mereretur; ergo posset omittere.

Secundò, si necessarius esset actus, hoc esset vt omissio esset voluntaria: sed absque omni actu comitante, aut præcedente, potest esse voluntaria; ergo &c. Minor probatur: ad voluntarium indirectè sufficit vt quis possit, & teneatur aliquid facere, & non faciat vt docet D. Thom. sup. quæst. 6. ar. 3. & hic ad 2. docet sufficere, vt in potestate nostra sit, vt fiat vel non fiat: sed hoc esse potest absque omni actu se merè negativè habendo, maximè si adsit inadvertentia, vel inconsideratio culpabilis, aut negligentia; ergo &c. Confirmatur, aliàs omissio non esset volita indirectè in se, sed directè in alio, scilicet in actu qui est causa, vel occasio illius: consequens est falsum, ergo &c. Probat sequela: si ad peccatum omissionis requiritur actus, non requiritur nisi vt in illo sit volita ommissio: sed hoc est illam esse volitam directè, licet in alio &c.

mediate, sicut in ebrietate sunt volita mediate peccata, quæ sequuntur ex illa; ergo &c.

Tertiò, malitia peccati omissionis non provenit illi ex actu, qui est causa, vel occasio eius; ergo sine illo habebit malitia peccati, Antecedens patet: nam actus, qui est causa vel occasio eius sæpe est bonus, ut studium, laboratio, ob quam omittitur audire Missam, & si habet malitiam, illam derivatam habet ab omissione; ergo hæc prius erit mala, & habebit malitiam ex se. Confirmatur, actus qui est causa, vel occasio omissionis, habet se per accidens ad malitiam omissionis; ergo non fundatur in illo malitia omissionis, quæ per se competit illi.

Dicendum tamen est: ut ommissio sit culpabilis, & peccatum; non solum requiri actum intellectus, sed etiam necessarium, esse actum formalem volúctatis præsentem vel præteritum, ex quo procedat, & qui sit causa vel occasio illius. Requiri actum intellectus constat; sine cognitione enim, nihil potest esse voluntarium, sicque nec peccatum. Cognitionis autem, quæ ad peccatum omissionis requiritur, est actus intellectus proponentis obiectum, & obligationem præcepti, aut aperte & explicitè, aut implicitè in alio obiecto, in quo potuit, & debuit adverti talis obligatio, & præceptum; hoc enim sufficere patet: nam si quis culpabiliter ignorans præceptum affirmativum, omittat actum præceptum, peccatum omissionis.

ARTICVLVS V. 151

fionis incurrit, quia culpabilis & crassa ignorantia non excusat à peccato, & tamen nihil cogitat de obligatione & præcepto, nec de actu, nec de omissione; ergo ad peccatum omissionis non requiritur talis consideratio; ad rationem namque voluntarii indirectè, & in alio sitis est cognitio eius in quo est volitum. Actum etiam voluntatis, qui sit causa, vel occasio omit- tendi regulariter loquendo in peccato omif- sionis interuenire experientia compertum est; qui enim Missam audire omittit in die festo, hoc præstat, quia vult ludo, aut stu- dio vacare, aut certe vitare laborem. Ne- cessarium vero esse hunc actum, ita vt si de- sit, omifio non sit culpabilis, & peccatum, asserit nostra conclusio.

Probatur primo, vt omifio sit peccatū, necessario requiritur, vt ad minus sit indi- rectè & interpretatiuè voluntaria: sed non potest esse hoc modo voluntaria, nisi pro- cedat ex aliquo actu voluntatis, qui sit cau- sa vel occasio illius; ergo &c.

Probatur minor, voluntarium indirectè; & interpretatiuè dicitur aliquid ratione alterius, quod directè & formaliter est voluntarium; ergo si omifio hoc modo voluntaria sit, talis esse debet ratione actus directè & formaliter voluntarii, à quo pro- cedat, & qui illius causa sit. Dices, falsum esse, voluntarium indirectè esse illud, quod ratione alterius est voluntarium; D. Thom. enim non sic illud diffinit supra quæst. 6. ar. 3. sed quod est à voluntate sicut à nō agen-

te . Contra D. Thom. ibidem ar. 1. docet nomen voluntarii importare esse à propria inclinatione : sed quod est à voluntate sicut à non agente , non est ab eius inclinatione ; nisi ratione alterius ; ergo neque voluntariū erit , nisi ratione alterius , sicque idem erit voluntarium indirectè esse à voluntate , sicut à non agente , & esse voluntarium ratione alterius . Probatur minor : inclinatio voluntatis non est nisi in bonum : sed id quod est à voluntate sicut à nō agente , qualis est omissio , secundum se non est aliquid bonum , sed pura priuatio & malum ; ergo non potest esse ab inclinatione voluntatis , nisi ratione alterius ; quod bonum sit & directè voluntarium . Confirmatur primò , nam vt ait D. Thom. ibid. articul. 3. ad 3. *Eo modo requiritur ad voluntarium actus cognitionis sicut & actus voluntatis .* Sed vt sit aliquid voluntarium ad minus requiritur cognitio illius in alio ; ergo etiam requiritur volitio illius in alio . Confirmatur secundo . Priuatio & malum non potest esse volitum nisi ratione alterius , cum obiectum voluntatis sit bonum ; ergo nec voluntarium nisi ratione alterius .

Secundò , vt voluntas peccet , debet se ipsam determinare , dum enim est indifferens non peccat : sed non potest se ipsam determinare nisi per actum , aut formalem , aut virtuales , qui formalem præsupponit , nam nihil aliud importat actus virtualis quam inclinationem voluntatis relictam ex actu præcedente ; ergo non potest

ARTICVLVS V. 153

potest esse peccatum omissionis sine aliquo actu presente aut precedente. Dices voluntatem non posse determinare ad agendum sine actu, ad non agendum vero per omissionem puram actus determinari. Contra: nam vel hæc omisio, & cessatio ab actu importat puram negationem, aut priuationem. Si negationem, non potest per illam determinari voluntas, & aliter se habere quam antea, nam negationem actus habet potentia considerata vt indifferens. Si priuationem, assignandum est aliquod fundamentum intrinse cum in voluntate, ratione cuius illi conueniat talis priuatio determinans, & mutans illam: sed hoc non potest esse aliud quam actus, qui sit causa, vel occasio omissionis: ergo hic actus necessario requiritur ad peccatum omissionis. Confirmatur argumentis in oppositum factis dubio precedente præsertim tertio; non potest enim intelligi voluntas conuersa ad creaturam per peccatum omissionis sine aliquo actu saltem precedente omissionem vt causa illius. Si dicas sufficere interpretatiuam volitionem, qua voluntas, eo quod potest, & tenetur operari, & non operatur, censetur velle non operari. Contra: hæc volitio sic explicata solum importat actionem, quæ poneretur in esse, si voluntas eliceret actum: sed actio quæ non est, sed esset sub aliqua conditione, non sufficit ad peccatum: nec ad conuertendum voluntatem ad creaturam, ergo &c.

Ad primum vero respondetur: suspensio-

nem actuum posse dupliciter intelligi : Primo ratione puræ cessationis ab operatione. Secundo ratione alicuius actus, quo velimus omnem operationem suspendere, & ab ea cessare. Hoc secundo modo fatemur posse hominem in casu argumenti omnem aliam, secluso actu quo id vult, operationem suspendere (si enim actum quo id vult includas, manifestam involuit repugnantiam illum habere, & illum suspendere) ex hoc tamen non sequitur peccatum omissionis esse sine omni actu etiam antecedente, nam tunc esset actus, quo volumus suspendere omnem operationem, & in illo erit volitum peccatum omissionis. Si verò loquamur de suspensione primo modo ratione puræ cessationis ab omni actu, asserendum est, non posse liberè ad modum actus secundi (ut requiritur ad peccatum) fieri suspensionem hoc modo ab omni actu: cum quia non potest voluntas se ipsam liberè determinare sine actu, ut ostensum est: cum etiam, quia ad rationem voluntarij requiritur aliquis actus saltem antecedens, ut etiam probatum est. Unde in forma, si de hac suspensione sit sermo neganda est maior. Ad probationem dico, voluntatem eodem modo, quantum ad præsens attinet institutum, esse indifferentem, & liberam ad operandum, & non operandum, quo ad volendum, & nolendum: unde sicut libera ut dicatur ad nolendam, non requiritur ut nolit, aut nolle possit omnes actus collectivè nullo proflus se.

ARTICVLVS V. 155

secluso, non necessario excludens est actus nolitionis, quo non vult alios actus, alias eundem actum nolitionis vellet & noller; sed sufficit vt diuisiuè & in particulari nullus sit, quem nolle non possit, ita vt libera dicatur ad non operandum, non requiritur, vt possit liberè cessare ab omni operatione collectiue, sed satis est, vt ab omnibus diuisiuè, & à qualibet in particulari liberè cessare possit, Et hoc verificatur in casu argumenti; ab actu enim quo vult omnem aliam operationem suspendere, etiam cessare potest operationem eliciendo, & idem est de quolibet alio in particulari; ab omni tamen collectiue non potest, supposito, quod se liberè determinet. Ad confirmationem nego maiorem, tunc enim homo esset impeccabilis. Ad probationem nego consequentiam: sicut enim D. Tho. 1. p. q. 63. art. 5. ad 3. docet Angelum in primo instanti potuisse mereri, non tamen peccare, quod etiam de peccato omissionis intelligendum esse ibi diximus: ita hic dicendum est, talem hominem, facta illa suppositione, posse liberè Deum amare: & mereri; non tamen peccare, & liberè omittere.

Ad 2. responde tur negando minorem. Ad probationem dico, ad rationem voluntarij sufficere esse in nostra potestate vt fiat, vel non fiat, voluntate tamen se ipsam determinante. Similiter etiam ad idem sufficit, vt quis possit, & teneatur aliquid facere, & non faciat, dum tamen non faciat

ad hoc se ipsum determinando: ostensum est autē nō posse se ipsā determinare sine omni prorsus actu, vnde neganda est minor. Ad id vero quod ibi dicitur de inaduertentia, inconsideratione, & negligentia culpabili. Respondetur repugnantiam inuoluere, esse voluntarium indirectē, & in se; nam vt docet D. Thom. infra quæst. 77. art. 7. voluntarium secundum se dicitur aliquid, quando voluntas directē in ipsum fertur: Similiter voluntarium directē, & in alio, nam vt ibidem ait S. Doctor voluntarium directē dicitur id, in quod voluntas fertur, voluntarium autem secundum suam causam, quando voluntas fertur in causam, & non in effectum. Vnde asserendum est, omissionem esse voluntarium in alio, nullo autem modo directē, nec in se.

Ad 3. respondetur: duplicem in peccato omissionis malitiam inueniri: alteram, quasi obiectiuam, & hanc non mendicare ab actu qui est causa vel occasio, sed potius ipsam omissionem ratione huius malitiæ vitare actum à quo procedit aliàs bonum: alteram in exercitio, quæ ei conuenit, vt libere sit, & hanc provenire illi ex actu qui est eius causa vel occasio, ratione cuius habet esse voluntariam, sicut similis malitia vel bonitas: in exercitio provenit actui exteriori ab interiori.

Ad confirmationem, etiam dico, malitiā, omissionis quasi obiectiuā non fundari in actu qui est eius causa vel occasio, sed per se illi conuenire: malitiam autem in exerci-

citio, & rationem voluntarii, quam habet omiffio, per se actum aliquem requirere.

Dubium 3. An actus qui directè fertur in omiffionem, fit peccatum omiffionis.

PArtem negantem quidem tenent, & probant primo D. Tho. 2. 2. quæst. 79. art. 4. constituit hanc differentiam inter peccatum transgressionis seu commissionis, & peccatum omiffionis. *Quod transgressio contrariatur actui virtutis, omiffio autem importat negationem ipsius.* Sed hic actus qui directè fertur in omiffionem, puta volo non audire Missam, opponitur actui virtutis Religionis contrariè & positivè; isti enim duo actus volo audire Missam, volo non audire Missam contrariè positivè opponuntur; ergo est peccatum commissionis. Confirmatur, idem D. Thom. quodlib. 1. art. 17. ait, actum inordinatum esse peccatum cõmissionis: sed hic actus est inordinatus, & non sola priuatio; ergo est peccatum commissionis.

Secundò, iste actus, volo non audire Missam, est contra præceptum negatiuum; ergo & peccatum commissionis, peccatum enim commissionis dicitur quod est contra præceptum negatiuum. Antecedens probatur, in omni præcepto affirmatiuo clauditur præceptum negatiuum, quod prohibetur actus contrarius, v. g. in præcepto dili-

diligendi Deum quod est affirmatiuum, intimè clauditur præceptum negatiuum non odiendi illum, quod per odium Dei tanquam peccatum commissionis violatur; ergo similiter hic volitio non audiendi Missam est contra præceptum negatiuum non habendi actum contrarium intimè inclusum in præcepto affirmatiuo audiendi Missam.

Dicendum tamen est: actum qui directè fertur in omissionem, v g. volo non audire Missam, licet non sit ommissio, sed commissio, pertinere tamen ad peccatum omissionis, vt habentem eandem malitiam & speciem peccati formaliter. quam habet ommissio. Pro explicatione aduerte: cum dicimus, & ait D. Thom. hic, actum voluntatis directè ferri in omissionem, sensum non esse, omissionem ipsam esse volitam, propter se; nam cum sit negatio, quæ secundum se non habet rationem boni, non est appetibilis propter se, vnde semper est volita propter aliud; vult enim quis non audire Missam, propter vitandum laborem vt hic ait Diuus Thom. Sensus ergo est: ferri in omissionem directè, hoc est in ipsam præuisam, ita vt voluntas feratur ad bonum, quod vt finem intendit scilicet vitandum laborem, & in ipsam omissionem veluti in medium præuisum. Diciturque hic actus directus ad differentiam alterius, quo voluntas fertur in omissionem mediante alio obiecto, in quod fertur directè nihil cogitando de ipsa omissione, cum tamen teneatur cogitare, vt cum quis tempore quo

quo tenetur audire Missam, vult ludere, in quo & ratione cuius vult indirecte omissionem, tametsi nihil cogitet de illa. Ex quo patet D. Thom. sibi non aduersari, quamuis quæst. 2. de Malo art. 1. dicat voluntatem non ferri in omissionem directè: nam ibi loquitur iuxta primum sensum, vnde rationem subdit. *Quia non ens & malum est præter intentionem & voluntatem*, &c. Hoc supposito.

Prima pars conclusionis probatur argumentis factis in principio. Deinde, declinationi à malo, sub qua continetur hoc præceptum negatiuum, vt non velimus aliquid malum, non minus opponitur velle non audire Missam, quam velle furari, vtroque enim actu volumus: aliquid malum: sed quod opponitur declinationis à malo est transgressio seu commissio, vt docet D. Th. 2. 2. q. 29. art. 2. & 3. ergo actus ille commissio & non ommissio erit: Confirmatur, nam vt loco proximè citato docet Caiet. transgressio, seu commissio distinguitur ab omissione vt positium à negatiuo quod & colligitur ex D. Thom. ibid. & hic q. 72. art. 6. sed actus de quo loquimur est positius, & non negatio vel priuatio; ergo non est ommissio sed commissio.

Secunda pars colligitur ex D. Thom. infra q. 72. art. 6 vbi docet commissionem materialiter quidem & secundam naturalem speciem, quam habent ex suis proprijs rationibus differre specie large loquendo de specie, quia commissio consistit in actu positi-

no, omiffio vero in negatione vel priuatione, formaliter tamen effe eiufdem speciei, fi ad idem ordinentur, & ex eodem motiuo præcedant: fed actus qui fertur in omiffionem, qualis eft velle non audire Miffam, ad idem ordinatur, & ex eodem motiuo procedit, quo omiffio: ficut enim auarus ad congregandum pecuniam & rapit, & non dat quæ dare debet, & gulofus ad fatisfaciendum gulæ, & fuperflua comedit, & ieiunia debita prætermittit, vt loco cit. docet D. Thom. ita qui vult non audire Miffam, ad vitandum laborem vult non audire, & non audit; ergo licet materialiter & quafi in genere naturæ specie, immò plusquam genere, vt pofituum à negatione ab illa diftinguatur, formaliter tamen & in genere moris eiufdem erit speciei cum illa, Confirmatur, D. Thom. infra q. 76. art. 2. ad 3. docet talem actum pertinere ad peccatum omiffionis: at non pertinet vt omiffio, vt probatum eft. ergo vt habens eandem malitiam & speciem peccati formaliter, quā habet omiffio.

Secundò probatur ratione fumpta ex D. Thom. hic: voluntas cuiufcumque peccati per fe pertinet ad peccatum illud, vt habens fcilicet eandem malitiam & speciem formaliter in genere moris, vt patet in furto, vel enim furari, licet in genere naturæ specie diftinguatur ab actu exteriori furti, in genere tamen moris eiufdem speciei eft cum furto, immò idem peccatum; ergo etiam volitio omittendi, & omiffio erunt eius;

ARTICVLVS V. 161

eiufdem speciei & idem peccatum eiufdem prorsus malitiæ, licet materialiter & quasi in genere naturæ specie immò plusquam specie sicut positium & negatium distinguantur.

Argumenta facta in principio solum probant primam partem nostræ conclusionis.

Dubium 4. An actus qui fertur in illud per quod homo impeditur ab actu debito, semper sit peccatum.

P Artem negantem, tenet Durandus in 2. dist. 35 q. 2. num. 6. & probat: Nul-
lus peccat faciendo quod non est malum
de se, nec est prohibitum: sed multi actus incom-
possibiles ei quod preceptum est fieri sunt huius-
modi, ut vigilare in studio, vel oratione: ergo
&c.

Dicendum tamen est: omnem actum
qui est causa vel occasio voluntaria omis-
sionis culpabilis, quantumvis secundum
se vel ex obiecto sit bonus, vitiari propter
circumstantias & esse peccatum: actum ve-
ro qui solum habet ad omissionem conco-
mitanter, nisi aliàs malus sit, peccatum
non esse. Prima pars probarur; primò. Ma-
lus effectus est mala circumstantia *Quid*, ut
colligitur ex D. Thom. supra q. 6, art. 3. item
facere aliquid quando aliud facere tenemur
est mala circumstantia *Quando*, vitans
actum

actum ex se bonum, vt colligitur ex eodem D. Thom. supra quæst. 16. art. 2. ad 2. & de Malo quæst. 2. art. 1. ad 7. vbi sic ait: *Laudare Deum ore potest malè fieri, si homo faciat, quando non debet, quando scilicet alia facere tenetur, Scilicet actus, qui est causa, vel occasio peccati omissionis, habet malum effectum, & præterea fit quando non debet, quia tunc aliud tenemur facere, & propter illum præcepti adimplentionem omittimus, ergo quauis ex se, vel ex obiecto sit bonus, propter malas circumstantias vitiabitur, & peccatum erit.*

Secundo, actus quo quis vult studium, propter quod, vel occasione cuius non audit Missam, est virtualis volitio culpabilis omissionis & peccati; ergo est malus & peccatum talem namque necesse est esse actum, quo saltem indirectè volitum est peccatū. Confirmatur. quando nimius amor vxoris, vel filiorum est causa transgrediendi aliquod præceptum, est peccatum mortale: ergo etiam quando nimius affectus ad studium est causa vel occasio voluntaria transgrediendi præceptum audiendi Missam, peccatum mortale erit. Quidam peccatum distinctū specie, ac numero esse ab omissione præcepti dicunt; sicque in confessione explicandum dicendo non audisse Missam propter studium. Alij oppositum asserunt: quia sicut voluntas ipsa, omittendi vnum peccatum numero censetur in genere moris cum ipsa omissione: ita & actus qui est causa, omis.

ARTICVLVS V. 163

omissionis, si aliunde malus non sit. Hoc verius est, iuxta ea quæ ad arg. Durandi dicemus.

Secunda pars probatur: Non vitiatur ex circumstantia *Quid*, cum non habeat pro effectu omissionem, nec ex circumstantia *Quando*, nam propter illum non omittit homo quod illo tempore facere tenebatur, nec denique: quia in illo sit volita omisso; ergo si secundum se malus non sit, non erit peccatum. Confirmatur: si quis postquam apud se statuit non audire Missam, manens in domo tempore quo instat præceptum, vacet studio vel orationi, illi actus sunt boni, & cadere possunt sub voto: at sunt concomitantes omissionem; ergo &c.

Est tamen difficultas in assignanda regula dignoscendi, quando actus, qui coniunctus est cum omissione sit eius causa, quando vero solum se habet concomitanter respectu illius.

Quidam hanc regulam statuunt. Postquam quis firmiter decreuit, & apud se proposuit actum præceptum omittere, quicquid aliud sit tempore omissionis, concomitanter se habet, non causaliter, sicque peccatum non est. Verbi gratia decreuit quis non audire Missam, & ne sit otiosus, studet, aut visitat infirmum, hæc opera non sunt peccata. Hanc regulam impugnant alij: Si clericus nauigans in mare firmiter statuatur toto tempore nauigationis omittere diuinum officium, & postea proijciat breuiarium in mare, peccat mortaliter proijciendo, quia
se

se reddidit impotētem ad recitādum, si for-
 tē poeniteret mali propositi: ergo etiam si
 quis habeat efficax propositum & firmiter
 statuatur non audire Missam, postea si maneat
 domi, vel eat in agrum, aut ad visitandum
 infirmum tempore quo instat praeceptum,
 isti actus peccata erunt & causa omissionis,
 cum omnes incompatibiles sint cum acces-
 su ad Ecclesiam, & per illos homo se reddat
 impotentem ad audiendam Missam.

Aliam ergo regulam isti statuunt, nempe;
 omnem actum qui natura sua & secundum
 se est impossibilis cum obseruantia prae-
 cepti, si primo eligatur, etiam post volun-
 tatem & efficax propositum omittendi, esse
 peccatum & causam omissionis; illum ve-
 ro qui secundariē & post hunc primum eli-
 gitur, non esse causam omissionis, sed solum
 concomitanter se habere. Verbi gratia,
 postquam quis statuit non audire Missam,
 primo eligit domi manere, aut visitare in-
 firmum, isti actus causa sunt omissionis, quia
 impossibiles sunt cum accessu ad Eccle-
 siam, & primo eliguntur. Si vero postquam
 decreuit domi manere, studeat, iste actus
 concomitanter se habet, & non est causa
 omissionis nec peccatum, quia licet sit in-
 compoſſibilis cum obseruatione praecepti,
 eligitur tamen secundariē post primum, qui
 fuit tota causa omissionis. Hæc regula etiā
 impugnari potest: Tum quia qui post effi-
 cacem voluntatem non audiendi sacrum,
 primo eligeret domi manere si postquam
 hoc decreuit, ostium domus clauderet, &
 cla-

ARTICVLVS V. 165

clauem proijceret in puteum, non minus
e redderet impotentem ad audiendum sa-
rum, si fortè pœniteret mali propositi,
quam clericus prædictus proijciens in mare
breuiarium; ergo peccaret, etiam si hoc
secundariè eligeret. Tum etiam, quia aliàs
qui tempore quo instat præceptum recitan-
i officium, hora scilicet noctis vndecima
pud se statuit illud omittere, nihil posset li-
tè facere, nam quicquid primo eligeret,
eccatum esset, & non liceret illum indu-
ere, vt supposito quod nollet officium per-
oluere, studio vacaret: sed hoc est falsum;
ergo &c,

Mihi vtramque regulam ad verum sen-
m reduci posse videtur, nempe si intelli-
atur, prima quidem de quocumque alio
non absolutè, sed quod hominem impoten-
em non reddit ad actû præceptum facien-
um, si fortè mali propositi pœniteret, si
enim impotentem reddat ad hoc, pecca-
um esse conuincit exemplum clerici pro-
cientis breuiarium in mare; eius etiam,
qui votum castitatis quod fecerat, decreuit
non adimplere, & vxorem ducit; certum
est enim peccare consumando matrimo-
um, quia se impotentem reddit ad votum
implendum, etiam si mali propositi pœ-
teret. Et idem est de eo qui furatus est,
decreuit non restituere, si post huiusmodi
cretum omnia quæ habet dissipet, & se
l restitutionem impossibilitet.

Secundò vero, si intelligatur de omni
tu (qui ita est incompossibilis cum obser-
uatio;

uatione præcepti, ut etiam si voluntas, ac propositum efficax, omittendi corrigatur, non possit præceptum adimpleri, tali actu relicto) & de prima electione, non absolute, sed actus huiusmodi; si enim primo eligatur actus, qui licet dum homo in illo perseuerat, sit impossibilis cum obseruantia præcepti; illo tamen relicto posset homo adimplere præceptum, ut posset in exemplis adductis, tam in prima, quam in secunda regula, non esset peccatum illum post prædictum propositum primo eligere; si vero illo relicto non posset præceptum adimplere; ut si post propositum non audiendi Missam exeat homo in agrum, ex quo non possit redire tempore debito ad Missam audiendam, etiam si facti propositi poeniteret, peccatum esset talem actum eligere, etiam post alium actum, qui non ita impossibilitat. Huiusmodi vero actu impossibilitante electo, & executioni mandato, non est peccatum in alium secundariè eligere; posset enim homo postquam exijt in campum ex quo non posset tempore debito ad audiendam Missam redire, in monasterium ascendere causa visitandi hæremitam infirmum.

Aduertunt autem primæ regulæ Auctores, hæc omnia moraliter esse consideranda. Vnde si præcepti adimplendi tempus in proximo est, & non est verissimile ante illum mutaturus esse propositum non adimplendi, homo non peccat se ipsum impossibilitando. Quod intelligendum est, quando

ARTICVLVS V. 167

do actus quæ se impossibilitat, non eligitur expresse vt influens in omissionem, tanquā scilicet medium ad omittendum, aut impedimentum actus præcepti; si enim hoc modo eligatur, siue tempus sit breue, vel longum, & siue actus eligatur primo vel secundario, peccatum est, non secus ac peccatum est, vulnus lætale infligere homini mortaliter percusso, & præbere auxilium vel consilium furi determinato ad furandū, quia actu influit in effectum malum, licet superueniat causæ sufficienti ad illum. At si expresse non eligatur hoc modo, an sic eligatur saltem implicite & virtualiter, ex magno vel paruo tempore iudicandum est. Nam si tempus præcepti in proximo est, & non est verisimile ante illud mutaturum esse propositum, non est censendus homo velle illum actum vt medium omissionis, aut impedimentum actus præcepti, ac proinde peccare: quia licet secundum se sit sufficiens impedire; de facto tamen non est ipse qui impedit, aut moraliter impedire potest. Vnde si clericus proiciens breuiarium in mare tantū reddatur impotens ad recitandum pro paruo tempore, in quo verisimile est non mutaturum propositum, & non proiciat illud expresse vt se impotentem reddat, sed quia fortè antiquum est, non peccat proiciendo, sicut nec si dormitum iret prope mediam noctem, supposito firmo proposito nō recitandi officium diuinum diei illius Si vero redderetur impotens ad recitandum pro longo tempore,

mea-

menſe . v.g aut hebdomada , proculdubio peccaret proiciendo . Dicunt tamen multi , non teneri hanc projectionem breuiarii aperire in confeſſione , ſed ſufficere ſi dicat per menſem aut hebdomadam omiſſiſſe horas Canonicas : quia actus quo quis ſe reddit impotentem , non eſt diſtinctum peccatum ab omiſſione re ipſa conſequentem , & Ideo ſufficit confiteri omiſſionem ipſam . Nifi forte poſtquã ſe reddidit impotentem ad non recitandum officium per menſem aut hebdomadam , acquiſito alio breuiario ſolum quinquies omiſſiſſet officium : tunc enim projectio breuiarii maius peccatum eſſet , & plures omiſſiones culpabiles implicite contineret . Addunt etiam , qui poſt abiectum breuiarium dolet de cauſa omiſſionis data , non amplius peccare omittendo officium , niſi ſit negligens in comparando breuiario : quia omiſſio non eſt amplius voluntaria .

Ad argumentum vero Durandi reſpondetur actum qui eſt cauſa vel occaſio omittendi , licet ſecundum ſe bonus ſit & non prohibitus , vt cauſam tamen omittendi prohibitum eſſe eodem præcepto , quo prohibita eſt omiſſio , lex enim qua præcipitur audire ſacrum , intrinſecè includit negatiuũ præceptum , de non habendo actum contrarium , & non faciendo aliquid quod ſit cauſa vel occaſio omittendi actum præceptum . Hinc colligitur , quando quis omittit audire ſacrum propter ſtudium , contra religionem agere ſtudento ; ad illam enim per-

pertinet præceptum quo prohibetur. Non
 desunt tamen, qui dicant, esse etiam tale
 studium contra virtutem, quæ illud mode-
 ratur, studiositatem videlicet: nam tunc
 studium fit tempore indebito, & amatur
 præcætiue plusquam Deus, contra virtu-
 tem autem studiositatis est velle studium,
 quando non debet, & plusquam Deum,
 sicque habere duplicem malitiam, alteram
 contra religionem, alteram contra studio-
 sitatem. Sed respondetur: circumstantiam
 temporis aliquando pertinere ad propriam
 speciem actus, vt ad celebrationem Missæ
 pertinet, vt fiat ante prandium, & ad reci-
 tationem diuini officij, vt non fiat ordine
 præpostero, & anticipando, vel postponen-
 do tempus: & tunc si desit talis circumstā-
 tia, actus ex defectu illius vitiat, est con-
 tra virtutem quæ moderatur illum secundū
 se. Aliquando vero talis circumstantia
 temporis solum est extrinseca tali actui; eo
 quod impedit alium, alterius virtutis præ-
 ceptum, aut est causa vel occasio omisso-
 nis illius: & tunc mala circumstantia tem-
 poris vitians actum solum facit illum esse
 contra virtutem, cuius actum impedit.
 Quando autem tempore, quo quis debet
 audire sacrum, studet, tempus illud non est
 indebitum studio secundum se, sed vt est
 causa omissionis, sicque studium facit esse
 contra religionem, non contra studiosita-
 tem. Similiter etiam tunc non amatur vt
 vltimus finis, & appetitiue plusquam
 Deus, studium secundum se, sed vt causa

vel ratio omittendi sacrum: vt autem esset contra studiositatem, opus esset, vt hoc modo amaretur secundum se, qua ratione illud moderatur virtus studiositatis.

Dubium 5. An peccatum omissionis incurratur solum quando causa voluntaria apponitur.

PArtem affirmantem, tenent nonnulli recentiores, & probant primo. De ratione peccati est libertas: at sæpe solum libertatem habet homo quando causam apponit omissionis, nam quando præceptum obligat ebrius est, aut dormit; ergo solum quando liberè causam apponit imputatur ei omissio ad culpam, solumque tunc peccatum omissionis incurrit, & non quando præceptum obligat. Confirmatur, ebrius & dormiens non potest votum, quod illum obliget, emittere, nec conferre Sacramenta valida, nec aliquod præceptum implere, ergo nec peccare cõmissione, aut omissione.

Secundò, læthaliter vulneranti alium, aut propinanti ei venenum, non imputatur ad culpam homicidium, quando sequitur mors alterius, sed quando dedit causam illius; ergo similiter apponenti causam omissionis, solū quando liberè apponit causam imputatur ei ad culpam omissio, tuncque solum peccatum omissionis incurrit, non postea quando omissio sequitur tempore quo

ARTICVLVS V. 171

quo præceptum obligat. Confirmatur, alias enim sequeretur posse hominem iustificari aut iustum esse in eodem temporis momento, quo peccat mortaliter exteriori omissione, aut homicidio, nempe si postquam liberè causam dedit omissioni, aut homicidio, pœniteat tempore, quo sequitur mors alterius, aut exterior præcepti ommissio, vel paulo ante: sed hoc est absurdum; ergo &c.

Dicendum tamen est primò. Quando quis voluntariè apponit causam, & in ea omissionem vult expressè & formaliter, aut implicite & virtualiter, tunc incipere peccatum omissionis, & inchoatiue & radicaliter esse & incurri. Probatur, quando peccatum est volitum, tunc incipit esse, & est ac incurritur inchoatiue & radicaliter; v.g. quando quis vult furari, tunc incipit esse furtum, estque, ac incurritur inchoatiue & radicaliter; *De corde enim* (hoc est ex voluntate faciendi illa tanquam ex radice) *exeunt homicidia, adulteria, fornicationes, furti, ut dicitur Matth. 15. v. 19.* ergo cum ommissio, quæ est priuatio & non ens ac malum non sit volita in se, sed in alio, nempe in sua causa, vel occasione, quando quis hanc vult, & in ea omissionem, incipit esse peccatum omissionis, & est ac incurritur inchoatiue & radicaliter.

Si quæras, quas omissiones velit quis implicite & virtualiter, quando vult apponere causam? Respondetur, non omnes, sed eas solum quas poterat homo & tenebatur

172 **QVÆSTIO LXXI.**

præuidere; & præcauere in tali causa. Quamuis enim quis sua culpa excommunicetur, aut mittatur in carcerem, vel capiaturo ab infidelibus, aut incidat in infirmitatem, nō est censendus velle omissionem audiendi sacrum, quæ inde sequitur, nec postea peccare non audiendo: nam quamuis causæ talis omissionis fuerint voluntariæ; tamen illis suppositis, necessario sequitur talis omisio, quam homo non poterat moraliter, nec tenebatur præcauere, & præuidere in talibus causis, cum hoc super prudentiam hominis sit. Si tamen quis die dominico quando deberet sacrum audire, vellet ludere, aut dormire, vel se inebriare, implicite & virtualiter vellet omissionem audiendi sacrum, quia eam in his causis poterat & tenebatur præuidere, ac præcauere. Et idem est de omissione recitandi horas Canonicas quando clericus proicit breuiarium in mare.

Dicendum est secundo: Completè, & formaliter peccatum omissionis esse, & incurri quando obligat præceptum affirmatiuum, & non fit actus præceptus. Probatur primò ex D. Tho. hic enim ad 3. sic habet: *Solum pro tempore illo aliquis cessando ab actu peccat, pro quo præceptum affirmatiuum obligat.* Et 2. 2. q. 79. art. 3. ad 3. *Omissio incipit imputari ad culpam (completè scilicet & formaliter) quando fuit tempus operandi, tamen propter causam præcedentem, ex qua omissio sequens redditur voluntaria.*

Secundo, peccatum omissionis formaliter cōsistit in voluntaria cessatione ab actu debi-

ARTICVLVS V. 173

debito: sed hæc solum est quando instat obligatio præcepti; ergo tunc, & non ante, est peccatum omissionis completè, & formaliter. Minor probatur, ante tale tempus actus non erat debitus fieri, & licet esset volitio saltem virtualis cessationis à tali actu, non tamen erat cessatio ipsa voluntaria; ergo sicut quando quis vult auferre alienum, antequam auferat, non est formaliter & completè peccatum furti, ita nec quando vult cessare ab actu debito, antequam ab hoc cesset, erit peccatum omissionis formaliter & completè. Esse vero quando instat tempus, patet, quia tunc est cessatio ab actu debito, voluntaria in sua causa, quod sufficere ad rationem peccati constat, nam homicidium casuale, etiam si solum sit voluntarium in sua causa, est peccatum,

Tertiò, peccatum factum ex ignorantia verè imputatur, non solum in causa ignorantiae, sed etiam quando actu committitur ex ignorantia: quia licet ex defectu scientiæ non potuerit vitari in se, tamen potuit vitari in sua causa; in qua fuit voluntarium; sed idem est de peccato omissionis; ergo &c. Nec potest assignari differentia; quia in primo casu homo est sui compos, in secundo nequaquam: Tum quia etiam in secundo casu potest esse homo sui compos, vt patet cum omisio sequitur ex ludo, aut ex studio, vel ex profectioe in campum, vel ex proiectione breuiarij in mare. Tum etiam, quia esse compotem sui in eo, qui peccat ex ignorantia non est

causa libera sint peccata formaliter, & complete, patet in pollutione nocturna, de quo vide M. Sot. in 4. dist. 12. q. 1. art. 7. & summistas, verb. *Pollutio*. Idem est de amentibus, de quo vide D. Thom. & Caiet. infra quaest. 76. art. 4. & 2. 2. quaest. 150. artic. 4. Ad confirmationem respondetur, negando consequentiam: nam illa consistunt in actione humana, quam ebrius, & dormiens non potest habere; omissio vero consistit in cessatione ab humana operatione, ad quam ut sit peccatum, sufficit esse voluntariam in sua causa: sicut & ut mors eius, qui dormiens occiditur propter Christum, sit martirium; & ut qui dormiens baptizatur, suscipiat verum Sacramentum baptismi, & sic praeepto illud suscipiendi satisfaciatur, sufficit voluntas praecedens. Vide D. Thom. quaest. 2. de Malo artic. 1. ad 3. & quae nos dicemus 2. 2. q. 88. ar. 1. dub. 1.

Ad secundum respondetur, si vulnerans lethaliter alterum, aut ei propinans venenum, antequam sequatur mors alterius, poeniteat, & sit in gratia, non incurrere culpam homicidij quando mors alterius, sequitur (quo non obstante M. Soto in 4. dist. 12. q. 1. art. 7. ait: *Licet quis lethaliter hominem percusserit, protinus idemque confiteatur, si tamen postea percussus mors subsequatur, necesse est tunc confiteri homicidium, quod ante non constituit fuisse homicidium*) Tunc vero neganda est consequentia. Differentia est quia omissio tempore, quo praeeptum ob-

obligat est voluntaria in sua causa etiam ebrio, & dormienti: mors vero alterius nullo modo voluntaria manet vulneranti, aut propinanti venenum, quia retractauit voluntatem eius. Cum enim illa mors rationem voluntarij, & obiecti voliti habeat à voluntate: hac retractata, amittit rationem obiecti voliti, & transit in rationem obiecti noliti: & ideo non imputatur, nec habet rationem peccati. Si autem vulnerans lethaliter, aut propinans venenum non pœniteat, adhuc multi asserunt non continuè peccare vsque ad mortem alterius, sicut nec continuè peccat qui non restituit alienum, de quo vide quæ dicemus 2. 2. q. 62. art. 8. dub. 1. Tunc tamen etiam neganda est consequentia argumenti. Differentia est, quia damnum & mors alterius in casu antecedentis, solum sunt voluntaria per modum termini relictī ex vulneratione, & veneni collatione liberis, quæ iam transierunt, & solum manet causa naturalis, scilicet venenum aut vulnus in passio. ad eum modum quo macula peccati huius actu transacto, dicitur voluntaria, quod voluntarium non sufficit ad incurrendum, nec ad continuandum peccatum. At omissio in casu consequentis non solum est voluntaria per modum termini relictī, sed etiam virtualiter, & interpretatiue in causa: quæ adhuc quando ille sequitur permanet in omittente, non secus ac in peccante ex ignorantia, quando fit peccatum, permanet causa illius, in qua est vir-

178 QVAESTIO LXXI.

tualiter, & interpretatiue voluntarium. Ad confirmationem neganda est sequela, si enim homo poeniteat, de appositione causæ, iam non incurrit culpam homicidij aut omissionis, quia iam nec mors alterius, nec ommissio, quæ sequitur, est voluntaria illi.

ARTICVLVS VI.

Utrum conuenienter diffiniatur peccatum, esse dictum, vel factum vel concupitum contra legem æternam.

Conclusio est affirmans.

Diffinitio hæc sumpta est, ex D. Aug. lib. 22. contra Faustum cap. 27. ubi sic habet: *Peccatum est factum, vel dictum, vel concupitum aliquid contra æternam legem.* Quam duobus modis possumus explicare. Primo asserendo constare ex genere, & differentia, genusque peccati esse actum humanum, vel operationem; ut enim hic ait D. Thom. *Peccatum nihil aliud est quam actus humanus malus*, hocque genus explicari per tres priores particulas: nam ut inquit S. Doctor in 2. dist. 35. qu. 1. art. 2. ad 3. *Genus peccati quod est operatio per istam circum loquutionem dictum, vel factum significat.* Differentiam vero peccati explicari per ultimam diffinitionis particu-

ARTICVLVS VI. 179

culam scilicet *contra æternam legem*. Si hoc modo diffinitionem explicemus, asserendum est, actum humanum, vel operationem accipi debere, non in genere naturæ, sed in genere moris: actus enim moralis genus est ad bonum & malum, & vt diximus supra q. 19. art. 1. bonum, & malum differentię sunt per se actus voluntatis, non in esse naturæ, sed in genere moris. Cum autem genus respectu differentię se habeat vt quid materiale, ideo D. Th. hic asserit per dictum, vel factum, vel concupitum explicari quod est materiale in peccato; per esse vero contra legem æternam, explicari quod pertinet ad rationem mali, quod est quasi formale in peccato, sicut differentia scilicet eius. Ex quo non leue summi potest argumentum ad probandum malitiam, quæ est formale peccati aliquid posituum esse, non puram priuationem, nam pura priuatio non potest esse differentia contrahens genus posituum, nec vnum per se cum illo constituere.

Secundo explicari potest hæc diffinitio ad modum earum, quibus diffiniuntur accidentia in concreto; quæ vt docet D. Thom. opusc. de ente & essentia cap. 7. *Non possunt diffiniri, nisi ponatur subiectum in eorum diffinitione*. Cū autem malitiæ subiectū sit actus humanus, nō in genere moris, sed in genere naturæ, hoc modo sumi debet, vt cum significant tres priores particulæ diffinitionis, sicque proprie materiale est: ratio vero mali, quam explicat vltima

particula, est formale in peccato. Vndè D. Thom. hic ait: *Augustinus in diffinitione peccati posuit duo; unum quod pertinet ad substantiam actus humani, quod est quasi materiale in peccato, cum dixit, dictum, vel factum, vel concupitum, aliud autem quod pertinet ad rationem mali: quod est quasi formale in peccato: cum dixit, contra legem æternam.* Subdit autem S. Doctor hic ad 3. *In hoc quod dicit, contra legem æternam, tangit auersionem à fine, & omnes alias inordinationes.* In solutione vero primi inquit: *Affirmatio, & negatio reducuntur ad idem genus: sicut in diuinis genitum, & ingenitum ad relationem, ut Aug. dicit in 5. de Trinit., & ideo pro eodem est accipiendum, dictum, & non dictum, factum & non factum.* Sicque si hoc modo accipiatur, hæc diffinitio omnibus peccatis tam commissionis, quam omissionis conuenit.

*Dubium. An peccatum commissio-
nis formaliter sit aliquid reale
positiuum.*

PArtem negantem quidam tenent, & probant primo, in sacris litteris peccatum appellatur nihil, vt Amos 6. v. 14. *Qui letamini in nihilo: vbi D. Hieronymus per nihilum intelligit mendacium, atque peccatum.* Et Ioan. 1 v. 3. *Sine ipso factum est nihil, vbi D. August. ait. Peccatum quidem non per ipsum factum est, & manifestum est, quia peccatum nihil est; ergo non est aliquid*

ica;

reale positium. Confirmatur primo, Concilia, & S. Patres contra Manicheos sæpè affirmant, malum præcipuè culpæ, non esse naturam, aut entitatem aliquam, sed priuationem boni; ergo &c. Confirmatur secundo D. Thom. infra quæst. 88. art. 4. dicit. *Est quoddam bonum, quod est ipse actus ordinatus, & huius priuatio est essentialiter ipsum peccatum.* Et 2. 2. quæst. 10. art. 3. ait: *Omne peccatum formaliter consistit in auersione à Deo;* & quæst. 118. art. 5. *Omne peccatum ex hoc ipso quod malum est, consistit in quadam corruptione siue priuatione al. cuius boni, &c.* Corruptio, vel priuatio boni formaliter se habet in peccato, conuersio autem ad bonum commutabile materialiter. Et 3. part. q. 86. art. 4. ad 1. idem asserit his verbis: *Auersio à Deo est ibi (scilicet in peccato) sicut formale, conuersio autem ad bonum creatum sicut materiale;* ergo formaliter peccatum non est ali-quod reale positium.

Secundo, malum essentialiter est priuatio, & non ens: sed peccatum essentialiter est malum; ergo essentialiter est priuatio & non ens. Maiorem ostendit D. Thom. 1. par. q. 48. art. 1. ex D. Dionisio cap. 4. de Di-
 uin. nom. ubi ait: *Malum est non existens;* & ratione; omne ens in quantum ens est bonum, & bonum conuertitur cum illo: ergo malum, qua malum est, non est ens. Minor probatur: nam peccatum à Sanctis simpliciter & absolutè malum dicitur, immò summum malum, quod in ratione mali ex-
 cedit omnia alia mala; vadè potius eligen-
 da

da sunt omnia mala pœnæ, quam vnum peccatum veniale; ergo &c. Si dicas peccatum esse malum morale, quod non consistit in priuatione, sed positium est. Contra: malum morale est directè inferius ad malum transcendente, non minus quam bonum morale ad bonum transcendente; ergo si malum transcendente in priuatione consistit, etiam malum morale. Confirmatur 1. peccatum omissionis & commissionis vniuocè conueniunt in ratione peccati & mali moralis, vnde & reducuntur ad idem vitium secundum speciem; ergo sicut malum morale, & peccatum omissionis consistit in priuatione, ita & peccatum commissionis. Confirmatur 2. in omni peccato commissionis inuenitur priuatio, quæ malum morale est, cum habeat oppositionem cum ratione, & in actu cui annexitur sit volita; ergo aut præter hanc non est alia ratio mali moralis, aut in peccato sunt duæ rationes mali completæ & adæquate, quod est absurdum. Confirmatur 3. Ablata auersione à Deo, etiam si manet inordinata conuersio, tollitur peccatum, ut docet D. Th 3. p. q. 86 art. 4. ad 1. & illa posita, ponitur peccatum: ergo in illa consistit ratio formalis peccati.

Tertiò, si peccatum esset aliquid reale positium, esset à Deo, & participatio diuinitatis, & à Deo amabile, & in Deum tanquam in vltimum finem ordinaretur, illiusque Deus ideam haberet: sed hoc est falsum; ergo &c. Confirmatur. Si malitia
mora

ARTICVLVS VI. 183

moralis esset entitas realis positua & differentia constitutua alicuius actus humani, actus ipse peccati essentialiter esset malus moraliter, sed hoc est falsum; nam vt ait D. Th sup. q. 18. ar. 1. *De bono & malo in actionibus oportet loqui sicut de bono & malo in rebus.* Bonum autem & malum transcendens non conuenit essentialiter entibus naturalibus. ergo &c.

Quartò, negari non potest peccatum in sua essentia intrinsece includere priuationem; ergo si ratio eius formalis & specifica realis est & positua, expositiuo & priuatione simul coalescet: sed hoc est falsum; ergo &c. Probatur minor: ex positiuo & priuatione magis repugnat fieri vnum per se, quam ex rebus diuersorum predicamentorum, differunt enim plusquam genere: sed peccatum est vnum per se; ergo &c. Confirmatur: Priuatio & entitas positua non possunt vnum per se conficere, sicut materia & forma, nec sicut genus & differentia; nec vt partes integrantes, nec alia ratione; ergo peccatum, quod vnum per se est, non potest ex illis coalescere, sed formaliter in sola priuatione consistit.

Quintò, ratio formalis peccati est ratio quædam rationis; ergo peccatum, licet formaliter sit quid posituum, non tamen reale. Antecedens probatur: Tum quia D. Dionisi. c. 4. de Diuin. nom. ait, peccatum esse quandam dissonantiam, vel disconuenientiam cum ratione, quæ certè ratio rationis est; & D. Thom. in 2, d. 37. q. 1. art. 2. ad

menſe . v.g aut hebdomada , proculdubio peccaret proiciendo . Dicunt tamen multi , non teneri hanc proiectionem breuiarii aperire in confeſſione , ſed ſufficere ſi dicat per menſem aut hebdomadam omiſſiſſe horas Canonicas : quia actus quo quis ſe reddit impotentem , non eſt diſtinctum peccatum ab omiſſione re ipſa conſequentem , & ideo ſufficit confiteri omiſſionem ipſam . Nifi forte poſtquã ſe reddidit impotentem ad non recitandum officium per menſem aut hebdomadam , aſſeſſito alio breuiario ſolum quinquies omiſſiſſet officium : tunc enim proiectione breuiarii maius peccatum eſſet , & plures omiſſiones culpabiles implicite contineret . Addunt etiam , qui poſt abiectum breuiarium dolet de cauſa omiſſionis data , non amplius peccare omit- tendo officium , niſi ſit negligens in comparãdo breuiario : quia omiſſio non eſt amplius voluntaria .

Ad argumentum vero Durandi reſpon- detur : actum qui eſt cauſa vel occaſio omit- tendi , licet ſecundum ſe bonus ſit & non prohibitus , vt cauſam tamen omit- tendi prohibitum eſſe eodem præcepto , quo prohibita eſt omiſſio , lex enim qua præcipitur audire ſacrum , intrinſecè includit negatiuum præceptum , de non habendo actum con- trarium , & non faciendo aliquid quod ſit cauſa vel occaſio omit- tendi actum præcep- tum . Hinc colligitur , quando quis omit- tit audire ſacrum propter ſtudium , contra religionem agere ſtudente ; ad illam enim
per-

ARTICVLVS V: 169

pertinet præceptum quo prohibetur. Non
 defunt tamen, qui dicant, esse etiam tale
 studium contra virtutem, quæ illud moder-
 ratur, studiositatem videlicet: nam tunc
 studium fit tempore indebito, & amatur
 præcætiue plusquam Deus, contra virtu-
 tem autem studiositatis est velle studium,
 quando non debet, & plusquam Deum,
 sicque habere duplicem malitiam, alteram
 contra religionem, alteram contra studio-
 sitatem. Sed respondetur: circumstantiam
 temporis aliquando pertinere ad propriam
 speciem actus, vt ad celebrationem Missæ
 pertinet, vt fiat ante prandium, & ad reci-
 tationem diuini officij, vt non fiat ordine
 præposito, & anticipando, vel postponen-
 do tempus: & tunc si desit talis circumstā-
 tia, actus ex defectu illius vitiatus, est con-
 tra virtutem quæ moderatur illum secundū
 se. Aliquando vero talis circumstantia
 temporis solum est extrinseca tali actui; eo
 quod impedit alium alterius virtutis præ-
 ceptum, aut est causa vel occasio omisso-
 nis illius: & tunc mala circumstantia tem-
 poris vitians actum solum facit illum esse
 contra virtutem, cuius actum impedit.
 Quando autem tempore, quo quis debet
 audire sacrum, studet, tempus illud non est
 indebitum studio secundum se, sed vt est
 causa omissionis, sicque studium facit esse
 contra religionem, non contra studio-
 sitatem. Similiter etiam tunc non amatur vt
 vltimus finis, & appetitiue plusquam
 Deus, studium secundum se, sed vt causa

vel ratio omittendi sacrum: vt autem esset contra studiositatem, opus esset, vt hoc modo amaretur secundum se, qua ratione illud moderatur virtus studiositatis.

Dubium 5. An peccatum omissionis incurratur solum quando causa voluntaria apponitur.

PArtem affirmantem, tenent nonnulli recentiores, & probant primo. De ratione peccati est libertas: at sæpe solum libertatem habet homo quando causam apponit omissionis, nam quando præceptum obligat ebrius est, aut dormit; ergo solum quando liberè causam apponit imputatur ei omissio ad culpam, solumque tunc peccatum omissionis incurrit, & non quando præceptum obligat. Confirmatur, ebrius & dormiens non potest votum, quod illum obliget, emittere, nec conferre Sacramenta valida, nec aliquod præceptum implere, ergo nec peccare cōmissione, aut omissione.

Secundò, lathaliter vulneranti alium, aut propinanti ei venenum, non imputatur ad culpam homicidium, quando sequitur mors alterius, sed quando dedit causam illius; ergo similiter apponenti causam omissionis, solū quando liberè apponit causam imputatur ei ad culpam omissio, tuncque solum peccatum omissionis incurrit, non postea quando omissio sequitur tempore quo

ARTICVLVS V. 171

quo præceptum obligat . Confirmatur , alias enim sequeretur posse hominem iustificari aut iustum esse in eodem temporis momento , quo peccat mortaliter exteriori omissione , aut homicidio , nempe si postquam liberè causam dedit omissioni , aut homicidio , poeniteat tempore , quo sequitur mors alterius , aut exterior præcepti ommissio , vel paulo ante : sed hoc est absurdum ; ergo &c.

Dicendum tamen est primò . Quando quis voluntariè apponit causam , & in ea omissionem vult expressè & formaliter , aut implicitè & virtualiter , tunc incipere peccatum omissionis , & inchoatiuè & radicaliter esse & incurri . Probatur , quando peccatum est volitum , tunc incipit esse , & est ac incurritur inchoatiuè & radicaliter , v g. quando quis vult furari , tunc incipit esse furtum , estque , ac incurritur inchoatiuè & radicaliter ; *De corde enim* (hoc est ex voluntate faciendi illa tanquam ex radice) *exerunt homicidia , adulteria , fornicationes , furti ,* vt dicitur Matth. 15. v. 19. ergo cum ommissio , quæ est priuatio & non ens ac malum non sit volita in se , sed in alio , nempe in sua causa , vel occasione , quando quis hanc vult , & in ea omissionem , incipit esse peccatum omissionis , & est ac incurritur inchoatiuè & radicaliter .

Si quæras , quas omissiones velit quis implicitè & virtualiter , quando vult apponere causam ? Respondetur , non omnes , sed eas solum quas poterat homo & tenebatur

præuidere, & præcauere in tali causa. Quamuis enim quis sua culpa excommunicetur, aut mittatur in carcerem, vel capiatur ab infidelibus, aut incidat in infirmitatem, nõ est censendus velle omissionem audiendi sacrum, quæ inde sequitur, nec postea peccare non audiendo: nam quamuis causæ talis omissionis fuerint voluntariæ; tamen illis suppositis, necessario sequitur talis omisso, quam homo non poterat moraliter, nec tenebatur præcauere, & præuidere in talibus causis, cum hoc super prudentiam hominis sit. Si tamen quis die dominico quando deberet sacrum audire, vellet ludere, aut dormire, vel se inebriare, implicite & virtualiter vellet omissionem audiendi sacrum, quia eam in his causis poterat & tenebatur præuidere, ac præcauere. Et idem est de omissione recitandi horas Canonicas quando clericus proicit breuiarium in mare.

Dicendum est secundo. Completè, & formaliter peccatum omissionis esse, & incurri quando obligat præceptum affirmatiuum, & non fit actus præceptus. Probatur primò, ex D. Tho. hic enim ad 3. sic habet: *Solum pro tempore illo aliquis cessando ab actu peccat, pro quo præceptum affirmatiuum obligat.* Et 2. 2. q. 79. art. 3. ad 3. *Omissio incipit imputari ad culpam (completè scilicet & formaliter) quando fuit tempus operandi, tamen propter causam præcedentem, ex qua omissio sequens redditur voluntaria.*

Secundo, peccatum omissionis formaliter cõstitit in voluntaria cessatione ab actu debi-

ARTICVLVS V. 173

debito : sed hæc solum est quando instat obligatio præcepti ; ergo tunc, & non ante, est peccatum omissionis completè, & formaliter . Minor probatur , ante tale tempus actus non erat debitus fieri , & licet esset volitio saltem virtualis cessationis à tali actu, non tamen erat cessatio ipsa voluntaria ; ergo sicut quando quis vult auferre alienum , antequam auferat, non est formaliter & completè peccatum furti, ita nec quando vult cessare ab actu debito , antequam ab hoc cesset , erit peccatum omissionis formaliter & completè. Esse vero quando instat tempus, patet, quia tunc est cessatio ab actu debito, voluntaria in sua causa, quod sufficere ad rationem peccati constat, nam homicidium casuale, etiam si solum sit voluntarium in sua causa, est peccatum ,

Tertiò, peccatum factum ex ignorantia verè imputatur, non solum in causa ignorantiae, sed etiam quando actu committitur ex ignorantia : quia licet ex defectu scientiæ non potuerit vitari in se, tamen potuit vitari in sua causa, in qua fuit voluntarium ; sed idem est de peccato omissionis ; ergo &c. Nec potest assignari differentia ; quia in primo casu homo est sui compos, in secundo nequaquam : Tum quia etiam in secundo casu potest esse homo sui compos, vt patet cum omissio sequitur ex ludo, aut ex studio, vel ex profectione in campum, vel ex profectione breuiarij in mare. Tum etiam, quia esse compotem sui in eo, qui peccat ex ignorantia non est

dispositio subiecti influens in actum, sed solum se habet concomitanter, sicque illū vitare non potest.

Quartò, quia si omissio ipsa exterior, quæ sequitur ex causa voluntaria, non esset formaliter & complete peccatum, non esset necessarium illam in confessione explicare, sed sufficeret exprimere causam: sed hoc est falsum; ergo &c. Maiorem concedunt prædicti recentiores & negant minorem. Illam tamen probo: Tum quia non sufficit in confessione exprimere actū interiorem, sed necessarium est quoque explicare actū exteriorem, etiam si solum virtualiter & in causa voluntarius sit, vt patet in homicidio casuali; ergo etiam præter voluntatem, qua omissio est voluntaria in causa, necessarium erit omissionem ipsam externam exprimere; hæc enim non minus complet peccatum omissionis, quam ille actus exterior peccatum commissionis. Tum etiā, quia si solum exprimeretur causa, projectio scilicet breuiarij in mare in principio longæ nauigationis, non sufficeret explicaretur numerus peccatorū omissionis recitandi diuinum officium, cum talis causa nec ex se, nec ex intentione apponentis determinata sit ad tot omissiones, nisi fortè in confuso quot scilicet erunt dies nauigationis, qui plures aut pauciores esse potuerunt, si ventus prosper, aut contrarius fuerit. Et quamuis exprimerentur dies, quos durauit nauigatio non explicaretur rectè numerus peccatorum, cum hæc possint esse pauciora quam

ARTICVLVS V. 175

quam dies nauigationis, si poenitet facti antequam complerentur, & plura illis si post illos completos perseuerat omisio recitandi officium in terra ad quam clericus appulit, absque vlla poenitentia facti. Vt autem ait M. Soto in 4. dist. 18. quest. 2. articul. 5. con. 2. *Cauendum utrumque extremum: nam qui affirmando dixerit pluries se peccasse; quam peccauerit, peccatum committit contra discretionem confessionis infamando se ipsum, sicut qui pauciora confitetur quam fecit, peccat contra integritatem.* Tum denique quia hæc est communis consuetudo fidelium, qui non solum de causa omissioni data, sed etiam de omissione ipsa exteriori se accusant, etiam docti existimantes id esse necessarium.

Quinto, si esset lata excommunicatio aduersus eos, qui non audiunt Missam in die festo, nullus eam incurreret, propter solam volitionem non audiendi, nec propter solam causæ appositionem, sed tantum quia tempore quo obligat præceptum cessaret ab actu debito: ergo cum excommunicatio incurratur propter peccatum completum, consummatum & perfectum, tunc esset formaliter, & completè peccatum omissionis.

Ad primum autem in principio factum respondetur, ad rationem peccati sufficere rationem voluntarij aut liberi in sua causa, & hoc modo liberam esse omissionem, etiam si quando præceptum obligat, homo ebrius sit, vel dormiat. A dormientibus enim posse committi aliqua, quæ in

causa libera sint peccata formaliter, & complete, patet in pollutione nocturna, de quo vide M. Sot. in 4. dist. 12. q. 1. art. 7. & summistas, verb. *Pollutio*. Idem est de amentibus, de quo vide D. Thom. & Caiet. infra quaest. 76. art. 4. & 2. 2. quaest. 150. artic. 4. Ad confirmationem respondetur, negando consequentiam: nam illa consistunt in actione humana, quam ebrius, & dormiens non potest habere; omissio vero consistit in cessatione ab humana operatione, ad quam ut sit peccatum, sufficit esse voluntariam in sua causa: sicut & ut mors eius, qui dormiens occiditur propter Christum, sit martyrrium; & ut qui dormiens baptizatur, suscipiat verum Sacramentum baptismi, & sic praeepto illud suscipiendi satisfaciatur, sufficit voluntas praecedens. Vide D. Thom. quaest. 2. de Malo artic. 1. ad 3. & quae nos dicemus 2. 2. q. 88. ar. 1. dub. 1.

Ad secundum respondetur, si vulnerans lethaliter alterum, aut ei propinans venenum, antequam sequatur mors alterius, poeniteat, & sit in gratia, non incurrere culpam homicidij quando mors alterius, sequitur (quo non obstante M. Soto in 4. dist. 12. q. 1. art. 7. ait: *Licet quis lethaliter hominem percusserit, protinus idemque confiteatur, si tamen postea percussus mors subsequatur, necesse est tunc confiteri homicidium, quod antea non constitit fuisse homicidium*) Tunc vero neganda est consequentia. Differentia est quia omissio tempore, quo praeeptum ob-

ob-

obligat est voluntaria in sua causa etiam ebrio, & dormienti: mors vero alterius nullo modo voluntaria manet vulneranti, aut propinanti venenum, quia retractauit voluntatem eius. Cum enim illa mors rationem voluntarij, & obiecti voliti habeat à voluntate: hac retractata, amittit rationem obiecti voliti, & transfit in rationem obiecti noliti: & ideo non imputatur, nec habet rationem peccati. Si autem vulnerans lethaliter, aut propinans venenum non poeniteat, adhuc multi asserunt non continuè peccare vsque ad mortem alterius, sicut nec continuè peccat qui non restituit alienum, de quo vide quæ dicemus 2. 2. q. 62. art. 8. dub. 1. Tunc tamen etiam neganda est consequentia argumenti. Differentia est, quia damnum & mors alterius in casu antecedentis, solum sunt voluntaria per modum termini relictæ ex vulneratione, & veneni collatione liberis, quæ iam transierunt, & solum manet causa naturalis, scilicet venenum aut vulnus in passio. ad eum modum quo macula peccati huius actu transacto, dicitur voluntaria, quod voluntarium non sufficit ad incurrendum, nec ad continuandum peccatum. At omissio in casu consequentis non solum est voluntaria per modum termini relictæ, sed etiam virtualiter, & interpretatiuè in causa: quæ adhuc quando ille sequitur permanet in omittente, non secus ac in peccante ex ignorantia, quando fit peccatum, permanet causa illius, in qua est vir-

178 QVAESTIO LXXI.

tualiter, & interpretatiuè voluntarium. Ad confirmationem neganda est sequela, si enim homo poeniteat, de appositione causæ, iam non incurrit culpam homicidij aut omissionis, quia iam nec mors alterius, nec omissio, quæ sequitur, est voluntaria illi.

ARTICVLVS VI.

Utrum conuenienter diffiniatur peccatum, esse dictum, vel factum vel concupitum contra legem æternam.

Conclusio est affirmans.

Diffinitio hæc sumpta est, ex D. Aug. lib. 22. contra Faustum cap. 27. ubi sic habet: *Peccatum est factum, vel dictum, vel concupitum aliquid contra æternam legem.* Quam duobus modis possumus explicare. Primo asserendo constare ex genere, & differentia, genusque peccati esse actum humanum, vel operationem; ut enim hic ait D. Thom. *Peccatum nihil aliud est quam actus humanus malus*; hocque genus explicari per tres priores particulas: nam ut inquit S. Doctor in 2. dist. 35. qu. 1. art. 2. ad 3. *Genus peccati quod est operatio per istam circum loquutionem dictum, vel factum significat.* Differentiam vero peccati explicari per ultimam diffinitionis particu-

ARTICVLVS VI. 179

culam scilicet *contra æternam legem*. Si hoc modo diffinitionem explicemus, asserendum est, actum humanum, vel operationem accipi debere, non in genere naturæ, sed in genere moris: actus enim moralis genus est ad bonum & malum, & vt diximus supra q. 19. art. 1. bonum, & malum differentię sunt per se actus voluntatis, non in esse naturæ, sed in genere moris. Cum autem genus respectu differentię se habeat vt quid materiale, ideo D. Th. hic asserit per dictum, vel factum, vel concupitum explicari quod est materiale in peccato; per esse vero contra legem æternam, explicari quod pertinet ad rationem mali, quod est quasi formale in peccato, sicut differentia scilicet eius. Ex quo non leue summi potest argumentum ad probandum malitiam, quæ est formale peccati aliquid posituum esse, non puram priuationem, nam pura priuatio non potest esse differentia contrahens genus posituum, nec vnum per se cum illo constituere.

Secundo explicari potest hæc diffinitio ad modum earum, quibus diffiniuntur accidentia in concreto; quæ vt docet D. Thom. opusc. de ente & essentia cap. 7. *Non possunt diffiniri, nisi ponatur subiectum in eorum diffinitione.* Cū autem malitiæ subiectum sit actus humanus, nō in genere moris, sed in genere naturæ, hoc modo sumi debet, vt cum significant tres priores particule diffinitionis, sicque propriè materiale est: ratio vero mali, quam explicat vltima

particula, est formale in peccato. Vnde D. Thom. hic ait: *Augustinus in diffinitione peccati posuit duo: unum quod pertinet ad substantiam actus humani, quod est quasi materiale in peccato, cum dixit, dictum, vel factum, vel concupitum, aliud autem quod pertinet ad rationem mali: quod est quasi formale in peccato: cum dixit, contra legem æternam. Subdit autem S. Doctor hic ad 3. In hoc quod dicit, contra legem æternam, tangit auersionem à fine, & omnes alias inordinationes. In solutione vero primi inquit: Affirmatio, & negatio reducuntur ad idem genus: sicut in diuinis genitum, & ingenitum ad relationem, ut Aug. dicit in 5. de Trinit., & ideo pro eodem est accipiendum, dictum, & non dictum, factum & non factum. Sicque si hoc modo accipiat, hæc diffinitio omnibus peccatis tam commissionis, quam omissionis conuenit.*

Dubium. An peccatum commissionis formaliter sit aliquid reale positium.

PArtem negantem quidam tenent, & probant primo, in sacris litteris peccatum appellatur nihil, ut Amos 6. v. 14. *Qui latamini in nihilo: ubi D. Hieronymus per nihilum intelligit mendacium, atque peccatum. Et Ioan. 1 v. 3. Sine ipso factum est nihil, ubi D. August. ait. Peccatum quidem non per ipsum factum est, & manifestum est, quia peccatum nihil est; ergo non est aliquid*
rea.

ARTICVLVS VI. 181

reale positium. Confirmatur primo. Concilia, & S. Patres contra Manicheos sæpè affirmant, malum præcipuè culpæ, non esse naturam, aut entitatem aliquam, sed priuationem boni; ergo &c. Confirmatur secundo D. Thom. infra quæst. 88. art. 4. dicit. *Est quoddam bonum, quod est ipse actus ordinatus, & huius priuatio est essentialiter ipsum peccatum*, Et 2. 2. quæst. 10. art. 3. ait: *Omne peccatum formaliter consistit in auersione à Deo; & quæst. 118. art. 5. Omne peccatum ex hoc ipso quod malum est, consistit in qualiam corruptione siue priuatione al. cuius boni, &c. Corruptio, vel priuatio boni formaliter se habet in peccato, conuersio autem ad bonum commutabile materialiter*. Et 3. part. q. 86. art. 4. ad 1. idem asserit his verbis: *Auersio à Deo est ibi (scilicet in peccato) sicut formale, conuersio autem ad bonum creatum sicut materiale*; ergo formaliter peccatum non est aliquid reale positium.

Secundo, malum essentialiter est priuatio, & non ens: sed peccatum essentialiter est malum; ergo essentialiter est priuatio & non ens. Maiorem ostendit D. Thom. 1. par. q. 48. art. 1. ex D. Dionisio cap. 4. de Diuin. nom. ubi ait: *Malum est non existens*; & ratione; omne ens in quantum ens est bonum, & bonum conuertitur cum illo: ergo malum, quia malum est, non est ens. Minor probatur: nam peccatum à Sanctis simpliciter & absolutè malum dicitur, immò summum malum, quod in ratione mali excedit omnia alia mala: vadè potius eligenda

da sunt omnia mala pœnæ, quam vnum peccatum veniale; ergo &c. Si dicas peccatum esse malum morale, quod non consistit in priuatione, sed positium est. Contra: malum morale est directè inferius ad malum transcendente, non minus quam bonum morale ad bonum transcendente; ergo si malum transcendente in priuatione consistit, etiam malum morale. Confirmatur 1. peccatum omissionis & commissionis vniuocè conueniunt in ratione peccati & mali moralis, vnde & reducuntur ad idem vitium secundum speciem; ergo sicut malum morale, & peccatum omissionis consistit in priuatione, ita & peccatum commissionis. Confirmatur 2. in omni peccato commissionis inuenitur priuatio, quæ malum morale est, cum habeat oppositionem cum ratione, & in actu cui annexitur sit volita; ergo aut præter hanc non est alia ratio mali moralis, aut in peccato sunt duæ rationes mali completæ & adæquatæ, quod est absurdum. Confirmatur 3. Ablata auersione à Deo, etiam si manet inordinata conuersio, tollitur peccatum, vt docet D. Th 3. p. q. 86 art. 4. ad 1. & illa posita, ponitur peccatum: ergo in illa consistit ratio formalis peccati.

Tertio, si peccatum esset aliquid reale positium, esset à Deo, & participatio diuinitatis, & à Deo amabile, & in Deum tanquam in vltimum finem ordinaretur, illiusque Deus ideam haberet: sed hoc est falsum; ergo &c. Confirmatur. Si malitia
mora

ARTICVLVS VI. 183

moralis esset entitas realis positua & differentia constitutiuā alicuius actus humani, actus ipse peccati essentialiter esset malus moraliter, sed hoc est falsum; nam vt ait D. Th sup. q. 18. art. 1. *De bono & malo in actionibus oportet loqui sicut de bono & malo in rebus*, Bonum autem & malum transcendens non conuenit essentialiter entibus naturalibus. ergo &c.

Quartò, negari non potest peccatum in sua essentia intrinsecè includere priuationē; ergo si ratio eius formalis & specifica realis est & positua, expositiuo & priuatione simul coalescet: sed hoc est falsum; ergo &c. Probatnr minor: ex positiuo & priuatione magis repugnat fieri vnum per se, quam ex rebus diuersorum predicamentorum, differunt enim plusquam genere: sed peccatum est vnum per se; ergo &c. Confirmatur: Priuatio & entitas positua non possunt vnum per se conficere, sicut materia & forma, nec sicut genus & differentia; nec vt partes integrantes, nec alia ratione; ergo peccatum, quod vnum per se est, non potest ex illis coalescere, sed formaliter in sola priuatione consistit.

Quintò, ratio formalis peccati est relatio quædam rationis; ergo peccatum, licet formaliter sit quid posituum, non tamen reale. Antecedens probatur: Tum quia D. Dionisi. c. 4. de Diuin. nom. ait, peccatum esse quandam dissonantiam, vel disconuenientiam cum ratione, quæ certè relatio rationis est; & D. Thom. in 2, d. 37. q. 1. art. 2. ad

ad 1. dicitur *Istum peccare est quoddam ens rationis*. Tum etiam, quia idem actus omnino inuariatus secundum esse reale, si accedat noua prohibitio, potest fieri de bono malus; præterea, ratio formalis peccati in multis pendet ex libera voluntate alterius, ratio enim furti requirit ut res accepta sit aliena, & ratio adulterii, ut mulier sit alteri nupta, quæ pendent ex libera voluntate alterius: pendent etiam ex extrinseca aduertentia & libertate operantis; ergo non est quid reale, sed relatio rationis, quæ sola potest actui aduenire sine aliqua eius mutatione, per solam mutationem extrinsecā, & pendere ex libera voluntate alterius, & ex extrinseca aduertentia, & libertate operantis. Tum denique, quia sicut bonum dicitur alicui, quod illi est conueniens, ita malum morale, quod est disconueniens homini ut est rationalis: sed disconuenientia ad rationem est relatio rationis; ergo & ratio formalis peccati.

Dicendum tamen est 1. Peccatum commissionis formaliter non esse puram priuationem. Probatur primo. Hieremiæ 2. v. 13. dixit Dominus populo Israel propter peccatum Idolatriæ, quod commiserunt: *Duo mala fecit populus meus, me derelinquerunt fontem aquæ viuæ, & foderunt sibi cisternas &c.* Primum auersionem à Deo significat, secundum conuersionem ad creaturas, se uel idola: at licet auersio à Deo sit priuatio, conuersio tamen ad creaturas, & idola, positua est; ergo cum utrumque malum ad rationem

ARTICVLVS VI. 185

nem formalem peccati pertineat, illud non erit formaliter pura, & sola priuatio. Confirmatur: nam in Scriptura sapè, & in Concilio Trident. Sess. 6. can. 6, peccata vocantur mala opera, & est sermo de peccatis formaliter, nam à Deo solum esse permiffue dicuntur: sed puræ, & solæ priuationes nequeunt dici mala opera, nam hæc aliquid positium sunt; ergo &c.

Secundò probatur, ex diffinitione peccati hic adducta à D. Thom. ex Diu. Augst. à nobisque explicata; iuxta primam enim explicationem manifeste conuincit nostram conclusionem, vt patet ex argumento quod ex ea deduximus. Iuxta secundam etiam explicationem ecce argumentum: ratio mali, quæ in peccato commissionis se habet vt formale non est absoluta, & pura priuatio sed tendentia ad obiectum non conueniens rationi, vt docet D. Thom. supra quæst. 18. a. 5. ad 2 cui non opponitur quod hic ait *Habet autem actus humanus, quod sit malus ex eo quod caret debita commensuratione*, nam hæc debita commensurationis carentia & priuatio, sequitur ex tendentia ad obiectum, non conueniens rationi; ergo nec peccatum commissionis formaliter erit pura priuatio. Confirmatur: nam vt hic ad 3. docet Diu. Thom. esse contra legem æternam, quod est formale in peccato, explicat omnes peccati inordinationes: sed in peccato commissionis non est solum inordinatio priuatiua, sed etiam positiua, vt hic 9. in eodem articulo ostendit Caietanus, vt patet, nam
ten-

ad 1. dicitur *Istum peccare est quoddam ens rationis*. Tum etiam, quia idem actus omnino inuariatus secundum esse reale, si accedat noua prohibitio, potest fieri de bono malus; præterea, ratio formalis peccati in multis pendet ex libera voluntate alterius, ratio enim furti requirit ut res accepta sit aliena, & ratio adulterii, ut mulier sit alteri nupta, quæ pendent ex libera voluntate alterius: pendent etiam ex extrinseca aduertentia & libertate operantis; ergo non est quid reale, sed relatio rationis, quæ sola potest actui aduenire sine aliqua eius mutatione, per solam mutationem extrinsecā, & pendere ex libera voluntate alterius, & ex extrinseca aduertentia, & libertate operantis. Tum denique, quia sicut bonum dicitur alicui, quod illi est conueniens, ita malum morale, quod est disconueniens homini ut est rationalis: sed disconuenientia ad rationem est relatio rationis; ergo & ratio formalis peccati.

Dicendum tamen est 1. Peccatum commissionis formaliter non esse puram priuationem. Probatur primo. Hieremiæ 2. v. 13. dixit Dominus populo Israel propter peccatum Idolatriæ, quod commiserunt: *Duo mala fecit populus meus, me dereliquerunt fontem aquæ viuæ, & foderunt sibi cisternas &c.* Primum auersionem à Deo significat, secundum conuersionem ad creaturas, se uel idola: at licet auersio à Deo sit priuatio, conuersio tamen ad creaturas, & idola, positua est; ergo cum utrumque malum ad rationem

ARTICVLVS VI. 185

nem formalem peccati pertineat, illud non erit formaliter pura, & sola priuatio. Confirmatur: nam in Scriptura sæpè, & in Concilio Trident. Sess. 6. can. 6, peccata vocantur mala opera, & est sermo de peccatis formaliter, nam à Deo solum esse permiffue dicuntur: sed puræ, & solæ priuationes nequeunt dici mala opera, nam hæc aliquid positium sunt; ergo &c.

Secundò probatur, ex diffinitione peccati hic adducta à D. Thom. ex Diu. Augst. à nobisque explicata; iuxta primam enim explicationem manifeste conuincit nostram conclusionem, vt patet ex argumento quod ex ea deduximus. Iuxta secundam etiam explicationem ecce argumentum: ratio mali, quæ in peccato commissionis se habet vt formale non est absoluta, & pura priuatio sed tendentia ad obiectum non conueniens rationi, vt docet D. Thom. supra quæst. 18. a. 5. ad 2 cui non opponitur quod hic ait *Habet autem actus humanus, quod sit malus ex eo quod caret debita commensuratione*, nam hæc debita commensurationis carentia & priuatio, sequitur ex tendentia ad obiectum, non conueniens rationi; ergo nec peccatum commissionis formaliter erit pura priuatio. Confirmatur: nam vt hic ad 3. docet Diu. Thom. esse contra legem æternam, quod est formale in peccato, explicat omnes peccati inordinationes: sed in peccato commissionis non est solum inordinatio priuatiua, sed etiam positiua, vt hic 9. in eodem articulo ostendit Caietanus, vt patet, nam
ten-

186 QVÆSTIO LXXI.

tendere in obiectum dissonans regulæ rationis, & legis æternæ, & contrarietas ad virtutis actum, quem lex præcipit, est inordinatio quædam positiva, quâ comitatur priuatiua inordinatio carentiæ rectitudinis, quâ actus debet habere, ergo &c.

Tertiò probatur ex D Thom. nam. 1. par. quæst. 48. art. 1. ad 2. ait: *Bonum & malum sunt differentia constitutivæ in moralibus.* Et hic quæst. 18 art. 5. *Bonum & malum diversificant speciem in actibus moralibus, differentia enim per se diversificant speciem.* Docet autem Sanctus Doctor infra quæst. 72. art. 1. & q. 79. artic. 2. ad 3. peccata & actus malos non diversificari, nec recipere speciem ex ipsa priuatione, hancque non esse differentiam specificam eorum; sentit ergo priuationem non esse rationem formalem peccati commissionis. Respondent: malum quod diversificare speciem in moralibus docet D. Thom. non tam esse malitiam formalem, quam actus positivos, qui sunt materiales; subtractum malitiæ, non secundum se, sed ut subsunt malitiæ. Sed contra hoc est. Tum quia actus ipsi non sunt differentie constitutivæ, sed per eas constituti. Tum etiam, quia D. Thom. eodem modo loquitur de malo, ac de bono: at bonum pro formali est differentia constitutiva in moralibus; ergo & malum. Confirmatur: nam. q. seq. art. 1. & ar. 6. ad 2. & ar. 9. ad 1. ait Sanctus Doctor: *Peccatum non sortitur speciem ex parte priuationis, vel aversionis, sed ex conversione ad obiectum actus.* At unumquodque sortitur

ARTICVLVS VI. 187

tur suam speciem ex ratione sua formali; ergo priuatio non est ratio formalis constitutiua peccati commissionis. Confirmatur 2. nam infra quæst 73. ar. 1. inquit Dⁱ. Thom. *Secundum illud quod perficit speciem peccatorum, nullam connexionem habent peccata ad inuicem.* Docet autem S. Doct^r. 3. par. q. 36. ar. 3. ad 3. *Peccata quamuis non sint connexa quantum ad conuersionem, sunt tamen connexa quantum ad auersionem.* Sentit ergo auersionem non esse quod perficit speciem peccati, sed conuersionem, quæ non est pura priuatio. Confirmatur 3. nam infra q. 73. art. 2. docet Dⁱ. Thom. non omnia peccata esse paria, quia peccatum non est priuatio pura & in facto esse, sicut mors & tenebra, sed in fieri & in via, sicut ægrotudo seu morbus aliquid reale positium est: vnde in prædicamento qualitatis sub specie dispositionis illum constituit Arist. ergo & peccatum. Confirmatur 4. nam idem Dⁱ. Thom. quæst 2. de Malo art. 1. hanc constituit differentiam inter peccatum omissionis & commissionis: *Si enim consideretur id quod requiritur ad peccatum, sicut de essentia peccati existens, sic ad peccatum omissionis non requiritur actus. sed per se loquendo peccatum omissionis in ipsa cessatione ab actu consistit.* De peccato vero commissionis ait ibidem ad 4. *In peccato transgressionis non est verum, quod peccatum sit priuatio. sed quod peccatum est actus priuatus debito ordine, sicut furtum, vel adulterium est quidam actus inordinatus.* Sentit ergo peccatum commissionis essentialiter esse aliquid, positium &

& formaliter non esse solam, & puram priuationem, sicut est peccatum omissionis.

Quartò probatur, si peccatum, & malitia moralis formaliter esset pura priuatio, bonum, & malum morale priuatiuè, & non contrariè opponerentur, & inter illa non posset esse medium: sed hoc est falsum; ergo &c. Maior patet: nam habitus, & priuatio non contrariè, sed priuatiuè opponuntur, & inter priuatiuè opposita medium esse nequit; licet enim inter cæcum, & habentem potentiam visuam videatur esse medium, scilicet non videns, qualis est lapis; reuera tamen medium non est, sed negatio potentiae visuæ in subiecto illius non capaci: nam si subiectum illius capax sit, aut illam habet, aut eius priuationem, nempe cæcitatem, inter quas nequit esse medium, cum priuatio sit carentia formæ in subiecto apto. Minor probatur: Tum ex Arist. in postpræd. cap. de opposit. affereute bonum, & malum non priuatiuè, sed contrariè opponi, & inter illa esse medium, quod licet difficile sit nomine assignare: *Vtriusque tamen extremorum negatione diffinitur, ut id quod neque bonum est, neque malum, neque iustum, neque iniustum*: Tum ex D. Thom. idem confirmante i. part. quæst. 48. art. 1. ad 3. his verbis: *Ibi Philosophus loquitur de bono, & malo, secundum quod inueniuntur in moralibus; sic enim inter bonum, & malum inuenitur medium*. Quod & asserit tertio cont. gent. cap. 9. & quæst. 2. de malo art. 5. ad 3. sic habet: *Bonum, & malum*

ARTICVLVS VI. 189

lum in moralibus opponuntur contrariè, & non secundum priuationem, & habitum: unde nihil prohibet ea opponi mediatè, sicut Philosophus ponit. Tum denique, quia inter bonum, & malum morale, est indifferens, omnes enim fatentur dari actum indifferenter, aut in indiuiduo, aut saltem secundum suam speciem, & ex obiecto, vt patet ex dictis supra qu. 18. art. 8. vbi ad 1. ait D. Thom. malum morale non esse priuationem quæ consistit in priuato esse, qualis est cæcitas, sed quæ consistit in priuari, qualis est ægrotudo. Unde potest esse aliquod medium inter bonum, & malum.

Respondent: oppositionem contrariam, quæ est inter bonum, & malum, attendendam esse ex parte eius, quod est in illis materiale, actum scilicet, non præcisè secundum esse naturæ, sed quatenus habet annexam bonitatem, vel malitiam. Sed contra hoc est: nam cum tota oppositio actuum sumatur ex malitia, & bonitate, si hæ non contrariè, sed priuatiue opponuntur, non possunt actus, vt illis subiunt contrariam oppositionem habere: sicut nec dici potest cæcitatem, & visum priuatiue opponi: & hominem cæcum, & visu præditum contrariè.

Quinto probatur cum Caietano infra quæst. 72. art. 1. Si peccatum formaliter esset priuatio, non possent vitia, & peccata opposita eidem virtuti distingui specie: sed hoc est falsum; ergo &c. Minor patet in peccatis auaritiæ, & prodigalitatis, quæ specie

cie distinguuntur, quantumvis eidem virtuti liberalitatis opponantur. Maior probatur: priuationes non possunt formaliter multiplicari, nisi ratione formarum; ergo cum rectitudo virtutis oppositæ, verbi gratia liberalitatis sit vna specie atomata, peccata, si huius rectitudinis priuationes sint, non poterunt multiplicari specie. Respondent. Eandem virtutem saltem amplecti plures rectitudines actuales specie diversas, quibus opponuntur plures malitiæ & peccata actualia, vt priuationes earum: & præterea rectitudinem eiusdem virtutis, licet formaliter vna sit, virtualiter tamen esse duplicem; liberalitas enim quatenus inducit ad conservationem pecuniæ, virtualiter distinguitur à se ipsa vt inclinatur ad effusionem & erogationem. Sed contra hoc est: Tum quia licet actus eiusdem virtutis materialiter specie distinguantur; formaliter tamen eiusdem speciei sunt, cum in idem obiectum specie tendant, eorumque proinde bonitas & rectitudo formaliter eiusdem speciei esse debet; ergo & talis rectitudinis priuationes. Tum etiam quia si diuersitas illa virtualis sufficeret ad peccatorum speciem distinctionem, etiam possemus distinguere iustitiam, quatenus inclinatur ad non rapendum aliena, & ad reddendum debita, & abstinentiam, vt inclinatur ad temperate comedendum, & ad non prætermittendum ieiunia debita, & asserere peccata specie distincta esse in avaro rapere, & non dare ea quæ debet, & in guloso superflua comedere.

ARTICVLVS VI. 191

dere, & ieiunia debita prætermittere, quod tamen est contra D. Th. infra q. 72. ar. 6. Tum denique, nam quamuis in animalibus vita sensitua & vegetatiua virtualiter distinguantur, propter illas non sunt diuersæ priuationes, & mortes secundum speciem: & licet lux solis sit virtualiter multiplex, non constituuntur plures tenebræ; ergo nec propter virtuales distinctionem rectitudinis virtutis, plures priuationes illius, nec plura vitia, quorum quolibet posito, nec etiam ex parte manet virtutis rectitudo, sicut nec posita morte aliquid vite.

Dicendum est 2. Rationem formalem peccati commissionis non esse aliquam relationem rationis, aut extrinsecam denominationem. Probatur 1. Ratio formalis huius peccati est inferior ad rationem formalem actus moralis, & se habet ad illam sicut ratio specifica ad genericam; bonum enim & malum differentia sunt specificæ diuidentes actum moralem: sed ratio formalis actus moralis, non est relatio rationis, aut extrinseca denominatio, vt probatum est supra quæst. 18. artic. 1. dubio vnico, con. 2. ergo nec ratio peccati. Confirmatur, ens artificiale non minus dicit ordinem ad regulam artis & ideam, quam ens morale ad regulam morum, scilicet rationem & legem: sed ratio formalis entis artificialis non est extrinseca denominatio, aut relatio rationis; ergo nec ratio formalis entis moralis, atque peccati.

Secundo, actus vt est malus & peccatū
habet

habet principium reale per se primo productum illius ut sic; ergo ratio illius ut sic non est extrinseca denominatio, vel ratio rationis. Consequentia patet, nam extrinseca denominatio non per se primo producitur, sed resultat ex forma extrinseca: & cum ad relationem non sit per se motus, nulla ratio, maxime rationis, per se primo producitur ab aliquo principio reali. Antecedens probatur: habitus vitij, verbi gratia iniustitię per se primo inclinatur ad actum sub ea ratione, quæ est peccatum iniustitię, alias enim habitus iustitię punitivę vel legalis in iudice, & habitus iniustitię quo quis inclinatur ad occidendos homines auctoritate priuata, non distinguerentur; sed habitus vitij est reale principium, cum ad primam speciem qualitatis pertineat; ergo &c. Confirmatur: peccatum ut sic formaliter habet effectus reales, nam mortale gratiam & charitatem corrumpit effectivè, ut docet D. Thom. 2. 2. quæst. 24. ar. 10. & convertit, & ordinat hominem ad creaturam tanquam ad ultimum finem; ergo non est sola denominatio extrinseca, & ratio rationis, hæc namque quales reales effectus habere possunt?

Dicendum est 3. Rationem formalem peccati commissionis esse positivam & realem, importare tamen privationem adiutivam. Probatur 1. ex D. Thom. nam 1. parte, quæst. 48. articul. 1. ad 2. ait: *Mali quod est differentia constitutiva in moralibus, est quoddam bonum adiunctum privationi alterius boni*

ARTICVLVS VI. 193

beni. Ethic. quæst. 79. art. 2. appellat peccatum, Ens cum quodam defectu, Et 2. 2. q. 6. ar. 2. ad 2. loquens de peccati deformitate inquit: Deformitas non solum importat priuationem debita forma, sed etiam contrariâ dispositionem.

Secundò, formalis ratio peccati commissionis consistit in conuersione & actuali tendentia ad obiectum dissonum rationi: sed hæc est realis, & positiua, importans tamen priuationem adiunctam: ergo & ratio peccati. Minor patet: nam est quidam ordo transcendentalis similis illi quem omnes habitus & actus dicunt ad sua obiecta, à quo intrinsecè specificantur; & cum sit ad obiectum dissonum rationi, & finem indebitum, necessario ibi admiscetur priuatio finis debiti, & rectitudinis, & conformitatis: ac debita commensurationis ad rationem & legem æternam. Maior probatur: ratio formalis cuiuscumque rei consistit in eo à quo sortitur speciem, aut in ordine ad illud à quo specificatur: sed ut docet D. Thom. infra quæst. 72. ar. 9. ad 1. *Peccatum sortitur speciem ex conuersione ad obiectum actus, & ut ibidem ar. 1. ostendit, ab obiecto extrinsecè specificatur: Unde sequitur quod peccata propriè distinguantur specie secundum obiecta: ergo ratio formalis peccati in conuersione & tendentia actuali ad obiectum consistit. Confirmatur: nam ut hic ait D. Thom. Peccatum nihil aliud est quàm actus humanus malus. Et ut dicit supra q. 18. ar. 8. Actus humanus qui dicitur moralis habet*

habet principium reale per se primo productum illius ut sic; ergo ratio illius ut sic non est extrinseca denominatio, vel relatio rationis. Consequentia patet, nam extrinseca denominatio non per se primo producitur, sed resultat ex forma extrinseca: & cum ad relationem non sit per se motus, nulla relatio, maxime rationis, per se primo producitur ab aliquo principio reali. Antecedens probatur: habitus vitij, verbi gratia iniustitię per se primo inclinatur ad actum sub ea ratione, quæ est peccatum iniustitię, alias enim habitus iustitię punitiue vel legalis in iudice, & habitus iniustitię quo quis inclinatur ad occidendos homines auctoritate priuata, non distinguerentur; sed habitus vitij est reale principium, cum ad primam speciem qualitatis pertineat; ergo &c. Confirmatur: peccatum ut sic formaliter habet effectus reales, nam mortalē gratiam & charitatem corrumpit effectiue, ut docet D. Thom. 2. 2. quæst. 24. ar. 10. & conuertit, & ordinat hominem ad creaturam tanquam ad vltimum finem; ergo non est sola denominatio extrinseca, & relatio rationis, hæc namque quales reales effectus habere possunt?

Dicendum est 3. Rationem formalem peccati commissionis esse positiuam & realem, importare tamen priuationem adiuturam. Probatur 1. ex D. Thom. nam 1. parte, quæst. 48. articul. 1. ad 2. ait: *Mali quod est differentia constitutiva in moralibus, est quoddam bonum adinactum priuationi alterius boni*

ARTICVLVS VI. 193

beni. Ethic. quæst. 79. art. 2. appellat peccatum, Ens cum quodam defectu, Et 2. 2. q. 6. ar. 2. ad 2. loquens de peccati deformitate inquit: Deformitas non solum imperat priuationem debite formæ, sed etiam contrariam dispositionem.

Secundò, formalis ratio peccati commissionis consistit in conuersione & actuali tendentia ad obiectum dissonum rationi: sed hæc est realis, & positiua, importans tamen priuationem adiunctam: ergo & ratio peccati. Minor patet: nam est quidam ordo transcendentalis similis illi quem omnes habitus & actus dicunt ad sua obiecta, à quo intrinsecè specificantur; & cum sit ad obiectum dissonum rationi, & finem indebitum, necessario ibi admiscetur priuatio finis debiti, & rectitudinis, & conformitatis, ac debite commensurationis ad rationem & legem æternam. Maior probatur: ratio formalis cuiuscumque rei consistit in eo à quo sortitur speciem, aut in ordine ad illud à quo specificatur: sed vt docet D. Thom. infra quæst. 72. ar. 9. ad 1. *Peccatum sortitur speciem ex conuersione ad obiectum actus, & vt ibidem ar. 1. ostendit, ab obiecto extrinsecè specificatur: Unde sequitur quod peccata propriè distinguantur specie secundum obiecta: ergo ratio formalis peccati in conuersione & tendentia actuali ad obiectum consistit. Confirmatur: nam vt hic ait D. Thom. Peccatum nihil aliud est quàm actus humanus malus. Et vt dicit supra q. 18. ar. 8. Actus humanus qui dicitur moralis habet*

194 **QVÆSTIO LXXI.**

speciem ab obiecto relato ad principium actuum humanorum, quod est ratio. Vnde si obiectum actus includit aliquid quod conveniat ordini rationis, erit actus bonus secundum suam speciem. Si autem includat aliquid, quod repugnet ordini rationis erit malus actus secundum speciem; ergo cum ratio formalis constitutiva actus consistat in ordine & tendentia actuali ad obiectum à quo habet speciem, in transcendentali ordine & tendentia actuali ad obiectum dissonum rationi consistet ratio formalis actus humani mali, ac proinde peccati.

Qua autem ratione peccatum importet privationem, difficile est explicare; Mihi duplex dicendi modus Thomistarum probabilis videtur. Primus importare illam, ut necessario consequentem. Hunc tenet Cai. hic & infra quæst. 72. ar. 1. & 2. q. 6. art. 2. §. Ad hoc dicitur, ubi ait, privationem inuentam in actu malo moraliter esse de ratione speciei actus moralis, non ut differentiam intrinsecam, sed ut passionem consequentem ad differentiam intrinsecam. Habet etiam hic dicendi modus secundum; tum in D. Tho. nam quæst. 72. art. 1. ait inordinationem actus per accidens se habere ad intentionem peccantis, nullus enim intendens ad malum operatur, & esse extra rationem speciei, scilicet peccati, & q. 79. ar. 2. ad 3. dicit: Privatio & defectus qui dicitur non esse à Deo, pertinet ad speciem actus consequenter, & non quasi differentia specifica. Et quæst. 3. de Malo, articul. 2. ad 3. inquit:

ARTICVLVS VI. 195

quit: Deformitas peccati consequitur speciem actus secundum quod est moralis prout causatur ex libero arbitrio.

Probat^{ur} etiam ratione: Actus habet rationem peccati priusquam intelligatur habere priuationem; ergo hanc solum importat actus malus & peccatum vt consequentem. Antecedens probatur. Odium Dei verbi gratia vt tendit ad obiectum dissonū rationi, habet rationem peccati: sed hoc est prius quam intelligatur habere priuationem, nam causa est prior effectu, causa verò quare priuatio conueniat odio Dei est quia tendit in obiectum dissonum rationi; ergo &c. Confirmatur: in peccato prior est conuersio ad bonum commutabile & ad creaturam tanquam ad vltimum finem, quam auersio à bono incōmutabili & Deo vero vltimo fine, hæc enim ex illa causatur, & ad illam consequitur, sicut ex accessu ad terminum ad quem sequitur recessus à termino a quo; at in illo priori iam est ratio formalis constitutiua peccati, cum iam sit actualis tendentia ad obiectum dissonum rationi, quæ intrinsecè mala est, si non priuatine, saltem contrariè, & actum humanum facit intrinsecè malum, & peccatum, ergo priuatio, & auersio à Deo nō includitur intrinsecè in ratione formali peccati, sed solum se habet ad illam cōsequenter.

Secundus modus dicendi est: Peccatum in sua essentia & ratione formali intrinsecè includere priuationem: non quidem tan-

I ij quam

quam genus aut differentiam, sed tanquā modum intrinsecum intimē imbibitum in tali ratione formali. Nunc videtur docere Capreolus in 2. dist. 33. c. 1. artic. 3. ad 3. Greg. contra 1. vbi sic habet: *Nulla entitas merè positiua sufficit ad completam rationem peccati, quia ultra hoc requiritur priuatio rectitudinis.* Et ad 4. ait, cum D. Aug. dicit peccatum non esse substantiam, *Accipit substantiam prout significat entitates pure positiuas non includentes in sua ratione priuationem.* Hanc autem docet ibidem ad 2. & 6. includi in ratione peccati in obliquo. sicque nō vt genus aut differentiam, sed vt modum intrinsecum. Ferrariensis etiam 3. Contra gentes cap. 9. §. *Secundum*, & 9. *Aduerte*, eundem modum dicendi videtur docere dum ait: *Priuatio non est genus & differentia, sed actus secundum tamen quod tali subternitur priuationi.* Expræsius tamen illum docent alij discipuli D. Thom. Habetque maximū fundamentum in S. Doctore: nam prima parte, quæst. 48. articul. 1. ad 2. ait: *Remotio debiti finis constituit speciem in moralibus secundum quod adiungitur fini indebito, & in 2. d. 34. quæst. 1. art. 2. ad 3. inquit: Non sola priuatio specificat malum habitum & actionem, sed posito ordinis ad finem quandam cum priuatione debiti finis.*

Probatur etiam ratione: nam aliās malū morale & peccatum non effet formaliter, sed solum causaliter malum: sed hoc est falsum; ergo &c. Maior probatur: nam vt sepe docet D. Thom. malum morale & pec-

ARTICVLVS VI. 197

catū habet rationē mali, ex priuatione adiuncta ex hac enim inquit S. Doct. in 2. d. 34. q. 1. ar. 2. ad 3. & d. 35 q. 1. art. 2. *Ratio mali incidit, & hic dicit: Habet actus humanus, quod sit malus, ex eo quod caret debita commensuratione, & 2. 2. q. 6. art. 2. ad 2. inquit. Dicitur actus deformis per priuationem formae intrinsecæ qua est debita commensuratio. Quod non solum videtur intelligendum de ratione mali priuatiuè, sed etiam contrariè, vtramque enim habet peccatum ex priuatione adiuncta, primam quasi à forma, secundam vt à modo intrinsecò: ergo si hæc priuatio non includitur intrinsecè in ratione formali peccati, sed ad illam consequitur, & ex illa causatur, peccatum non erit formalitèr, sed solum causaliter malum.*

Pro huius tamen modi dicendi, explicatione obserua primo: duobus modis aliquid in ratione formali alicuius rei constitutiuum includi posse intrinsecè. Primo tanquam illius genus aut differentiam, ex quibus rei definitio constat; & hoc modo certissimum est, priuationem non includi in ratione formali peccati, nam cum hoc sit aliquid reale positium, neque pro genere, neque pro differentia potest habere priuationem, minus quam substantia aliquod accidens. Et propter hoc sortassis D. Thom. locis citatis pro præcedenti modo dicendi asseruit, priuationem extra rationem peccati esse, & per accidens & consequenter ad illam se habere, quod enim non vt genus aut differentia ad rationem alicuius spectat, quodam

I iij dam

dam modo extra essentiam esse & ad illam consequenter & per accicens se habere dicitur, quantumvis sit illi intrinsecè coniunctum, ut patet in puncto respectu lineæ. Secundo tanquam modus intrinsecus intimè imbibitus in ratione ipsa formali, ratione cuius completur ratio ipsa formalis, & illo excluso aufertur; Hoc modo non visum pertinet ad rationem formalem obiecti fidei, & non habitum ad rationem formalem obiecti spei, & negatio diuisionis ad rationem formalem unitatis, ut docet D. Th. 4. Metaph. lect. 3. & carentia termini ad quem ad rationem formalem motus; licet enim negationes sint: possunt pertinere ad rationem formalem entis positivi tanquam modi illius intrinseci sint, quibus ratio ipsa formalis positiua nequit esse, nec intelligi, ipsiq. exclusis, etiã ipsa excluditur. Hoc ergo modo dicimus priuationem includi in ratione formali positiua & reali peccati, sine priuatione enim non completur ratio formalis peccati, nec sine illa actus moralis est malus, nam teste Diu. Thom. in 2. dist. 34. quæst. 1. art. 2. ad 3. malus dicitur non abstractè, sed concretè, ut includens scilicet in obliquo tanquam intrinsecum modum priuationem, quæ per se & abstractè malum est. Si autem interrogas, quam priuationem ut modum intrinsecum includat in sua ratione formali peccatum? Respondeo: eam, quam hic carentiam commensurationis ad regulam humanæ rationis & legis æternæ appellat D. Thom. & ad 3. auersionem
a fine

ARTICVLVS VI. 199

à fine, & 1. p. quæst. 48. art. 1. ad 2. & in 2. distinct. 34 q. 1. art. 2. ad 3. carentiam debiti finis, & dist. 35. quæst. 1. art. 2. carentiam re-
ctitudinis in actu, & carentiam conformita-
tis ad legem. Sine his enim nec esse, nec in-
telligi potest actus malus tendens in finem
& obiectum dissonum rationi: nam sicut
nequit intelligi actus bonus tendens in obie-
ctum conforme rationi sine re-ctitudine, de-
bito fine, conformitate & commensuratione
ad rationem, ita nec actus malus ten-
dens in obiectum dissonum rationi sine ca-
rentia re-ctitudinis, debiti finis, conformi-
tatis & commensurationis ad rationem, nec
sine auersione; nam cum auersio in actu ni-
hil aliud sit quam carentia debiti finis, ne-
quit intelligi conuersio ad finem indebitum
sine auersione à debito fine, hæcque simul
cum illa est, vel si ad illam sequitur in vno
genere causæ, in alio eam præcedit in actio-
ne, quæ tendit in finem, negationem debiti
finis importantem.

Secundo obserua, carentiam re-ctitudi-
nis & conformitatis & commensurationis ad
legem, quæ in actu peccati intime includi-
tur, dici priuationem, quia licet peccatum,
verbi gratia odium Dei; vt terminatur ad
suum obiectum, non sit capax re-ctitudinis,
& conformitatis ad rationem, sed hæc ei
repugnet, tamen vt procedit à ratione, &
voluntate capax est illius, & ei, vt actio hu-
mana est, debetur conformitas cum sua
regula; & quia caret illa, ideo dicitur ha-
bere eius priuationem: Vnde D. Thom. si-

pra quæst. 18. artic. 1. ait, actionem humanam esse malam: *In quantum deficit ei aliquid de plenitudine essendi, quæ debebatur actioni humane.* Quibus verbis insinuat omni actioni humanæ deberi talem plenitudinem essendi, non secundum proprium eius obiectum, sed ut est moralis & humana, proindeque in actu malo & peccato esse privationem rectitudinis, eo prorsus modo quo Arist. & D. Tho. 5. Metaph. lect. 20. text. 22. dicunt in talpa esse privationem visus, quia ut animal illius capax est. In actu etiam fidei est privatio evidentiae, non quia sit aptus habere evidentiam quatenus est talis in specie, sed secundum rationem communem actus intellectualis. Potest etiam dici, ut in actu sit privatio rectitudinis non requiri, ut actus ipse sit capax rectitudinis, sed sat esse, ut voluntas sit talis rectitudinis capax: nam ut ait Div. Thom. quæst. 1. de Malo. art. 1. ad 1. *Quod non est malum secundum se sed alicuius, non privatur aliquo bono, quod sit de debito sua perfectionis, sed quod est de debito perfectionis alterius rei, sicut in igne est privatio formæ aquæ, quæ non est de debito perfectionis ignis, sed de debito perfectionis aquæ; unde ignis non est secundum se malus, sed est malus aquæ; similiter autem ordo iustitiæ habet adiunctam privationem particularis boni alicuius peccantis, in quantum ordo iustitiæ hoc requirit, ut aliquis peccans priuetur bono quod appetit.* Sic ergo pena ipsa est bona simpliciter, sed est mala huic: Unde cum teste Caietano supra quæst. 18. art. 5. §. *Ad claritatem, malum*

ARTICVLVS VI. 201

in moralibus formaliter fit ens positium, & bonum in se, quamuis fit malum homini secundum rationem. sicut forma mortui est quoddam ens, & bonum in se, quamuis fit malum viuo; non opus est, vt talis rectitudinis, cuius priuationem includit, sit capax ipsum malum morale, sed satis est vt illius sit capax voluntas.

Ad 1. verò respondetur cum D. Thom. q. 2. de Malo, art. 1. ad 4. negando consequentiam. *Eo enim modo peccatum nihil est, quo nihil sunt homines cum peccant: non quidem ita quod sint ipsum nihil, sed quia in quantum peccant priuantur quodam bono, & ista priuatio est non ens in subiecto. Et similiter peccatum est actus priuatus ordine debito, & secundum ipsam priuationem dicitur nihil.* Ad confirmationem respondetur eodem modo. Concilia & Patres loqui de peccato ratione adiuncti, modi scilicet intrinseci complementis illud in ratione mali, hic enim nihil aliud est quam priuatio boni. Vel loquuntur de peccato sumpto pro eo quod transacto actu permanet, a quo peccatores non peccantes dicimur. Vel si de actuali peccato loquuntur, de eo sermone faciunt, quatenus est malum simpliciter & absolute, non quatenus tale malum, scilicet morale, atque peccatum est: Vnde D. Thom. quest. 2. de Malo, art. 2. de eis qui dixerunt solam priuationem habere rationem peccati ait: *Considerauerunt in peccato solum rationem mali.* Ad 2. confirmat. Caiet. in locorum illorum commentariis respondet D. Thomam loqui

de peccato in genere mali simpliciter, Quod hic §. *In eodem articulo*, latius explicat, distinguens cum D. Thom. 2.2. quæst. 10. ar. 5, ad 1. peccatum in duo genera mali, scilicet simpliciter, & mali moralis, & asserens illi ut malum morale intimius conuenire conuerfionem, quam auerfionem; in quantum vero malum simpliciter intimius inesse ei auerfionem, quam conuerfionem. Et quoniam inordinatio priuatiua, & auerfio pertinens ad peccatum in quantum est malum simpliciter, sequitur ex inordinatione contraria; & conuerfione, quæ pertinet ad peccatum in quantum habet ratione mali moralis, & voluntarij; ideo inordinatio priuatiua tamquam vltimum superueniens peccato dicitur quasi formale; & actus denominatus ab illa quasi materiale in peccato. Dicit etiam potest, priuationem & auerfionem appellari à Diu Thom. formale in peccato, quia est modus intrinsecus complens & modificans rationem eius formalem; id enim quod modificat & complet, formale dicitur respectu eius quod completur & modificatur. Unde sicut in ratione formali obiecti fidei veritas prima quodammodo se habet ut materiale respectu non visi, & hoc respectu illi ut formale: propter quod D. Th. q. 14 de Verit. a. 3. ad 6, dixit: *Veritas prima non est obiectum proprium fidei; nisi sub hac ratione prout est non apparet*: ita in ratione formali peccati conuerfio ad obiectum dissonum rationi quod-

an-

ARTICVLVS VI. 203

ammodo se habet vt materiale respectu priuationis & auersionis, & hæc respectu illius vt formale, quia hæc est modus intrinsecus complens rationem formalem peccati, sicut non visum est modus intrinsecus complens rationem formalem obiecti fidei. Quod vero D. Thom. infra q. 85. art. 4. inquit, peccatum essentialiter esse priuationem actus ordinati, exponi potest de priuatione non in facto esse, quæ significat omnimodam carentiam forma debitæ, sed in fieri, quæ est forma positiuâ, ad quam sequitur priuatio, qualis est ægrotudo:

Ad 2. respondetur: optimam esse solutionem ibi positam: nam vt hic, *S. In eodem articulo*, & supra quæst. 18. artic. 5. ait Caiet. peccatum malum morale est quod non est malum simpliciter, sed huic. Sicut enim frigus est in se bonum quoddam, & est malum calido: & sicut forma mortui est quondam ens, & bonum in se, quamuis sit malum viuo; ita intemperantiæ, vel iniustitiæ actus est in se bonum quoddam, est tamen malum rationali vitæ, vel homini secundum rationem. Licet autem malum simpliciter sit essentialiter priuatio; malum tamen morale, vt docet D. Thom. 1. p. quæst. 48. artic. 1. ad 2. *Est quoddam bonum aliunctum priuationi alterius boni*. Ad impugnationem dico: sicut persona dicitur inferior respectu indiuidui, non ratione significati formalis, nam personalitas, quam formaliter significat persona, non est infe-

rior ad naturam, quam formaliter significat indiuiduum; sed ratione naturæ, quæ est significatum materiale personæ, & formale indiuidui, nam natura quam significat persona est sola intellectualis, quam verò significat indiuiduum, vt sic abstrahit à rationali, & irrationali, & à substantiali & accidentali, vt diximus 1. p. quæst. 10. art. 1. ita malum morale dicitur inferius ad malum transcendente non propter suam rationem formalem, sed propter priuationem adiunctam, aut consequentem, aut iatimè imbibitam in tali ratione formali tanquam modum eius intrinsecum.

Ad 1. confirmationem respondet D. Thom. quæst. seq. artic. 6. ad 3. vbi nos explicabimus quomodo omissio, & commissio possint esse eiusdem speciei in genere moris.

Ad 2. confirmationem dico; in quolibet peccato commissionis duplicem inueniri malitiam, vnā positiuam, & contrariam, alteram priuatiuam. Oportet namque (ait Caiet. hic 9. *In eodem art.*) dicere quod peccatum est actus malus dupliciter, scilicet contrariè, & priuatiuè; intemperantia enim est actus malus contrariè, pro quanto est actus habens contrarium obiectum formale obiecto temperantiæ: est verò malus priuatiuè, pro quanto est actus priuatus rectitudine, quam debet habere. Sed aduertè, has duas malitias in quolibet peccato inuentas, licet materialiter differant sicut positiuum, & priuatiuum, formaliter tamen vnā non ponere in numerum

rum nec distingui ab alia, quia ambæ sunt volitæ sub eodem motiuo, & vnæ se habet respectu alterius vt modus intrinsecus illius, licet autem malitia priuatiua pertineat ad genus moris, quia dissonat rationi & est complementum peccati & culpæ, quæ habet rationem moralem; tamen, quia ratio moralis vt sic importat rationem voluntarij, & malitia priuatiua non est volita propter se, sed propter obiectum dissonum rationi, vel malitiam cōtrariam. ideo malitia contraria absolute vocatur malitia moralis; malitia verò priuatiua nequaquam, sed malitia simpliciter, peccatumque sub malitia contraria, & priuatiua consideratum appellatur malum morale, & consideratum sub malitia priuatiua malum simpliciter. Ad 3. confirmationem dico, D. Thom. ibi loqui de peccato habituali transacto actu manente, ratione cuius homo peccator dicitur: hic verò nos loquimur de peccato actuali, ratione cuius homo dicitur peccans; cuius essentia licet in re inueniri non possit sine priuatione, & auersione, saluatur tamen illa præcisa per intellectum, si teneamus esse veluti passionem consequentem: & licet possimus asserere nec sine illa posse intelligi, hoc non est, quia sit eius essentia aut ratio formalis, sed quia est eius intrinsecus modus.

Ad 3. Iuxta secundum modum dicendi explicatum in tertia conclusione facillimè respondetur: peccatum secundum suam
ra-

rationem formalem non dicere puram, & solam entitatem positivam, sed duo nempe entitatem positivam in recto, & privationem in obliquo sicut modum intrinsecum; est enim peccatum actus cum deformitate, vel ens cum defectu. Licet autem tota entitas, quæ est in peccato sit à Deo; quia tamen deformitas, & privatio in ratione eius formali, ut intrinsecus modus inclusa non est à Deo, nec peccatum à Deo erit; nam ut ab illo esse diceretur oporteret ut utriusque, quod includit, & ex quo resultat eius ratio formalis causa esset. Vnde Capreolus in secundo, distinct. 35. quaestione 1. articulo 3. ad 2. Gregorij ait: *Quod argumentum solum concludit quod peccatum in suo significato non dicit puram, & solam entitatem positivam, & hoc concedimus, non autem concludit quin peccatum in recto dicat entitatem positivam, & in obliquo importet privationem; peccatum enim de quo loquimur est actus cum deformitate, puta odium Dei, unde nullas sanæ mentis negaret odium Dei esse peccatum, & constat quod odium Dei est aliqua entitas.*

Iuxta primum etiam dicendi modum Caictani respondetur: rationem formalem peccati importare quidem entitatem realem positivam, non tamen quomodocumque, sed ut ex illa sequitur privatio rectitudinis, & aversio à Deo. Licet autem Deus sit causa entitatis, quæ est in peccato; non tamen est causa eius, ut ex illa sequitur privatio rectitudinis, & aversio à Deo; alias Deus esset causa saltem per accidens talis pri-

ARTICVLVS VI. 107

privationis, nam quod est causa causæ, est causa causati, si sit causa causæ, vt ex illa sequitur effectus, etiã si hic sit privatio; agens enim quod est causa per se ignis generati est causa per accidens privationis formæ aquæ, quæ sequitur ad formam ignis: vndè propter hoc D. Thom. infra quæst. 79. art. 1. ad 3. & art. 2. & quæst. 3. De malo, ar. 1. ad 4. docet, Deum non esse causam liberi arbitrij, quatenus hoc est causa peccati, nec actus peccati quatenus ex hoc consequitur peccati deformitas; ergo similiter non erit causa entitatis, quæ est in peccato quatenus ex hac sequitur privatio rectitudinis, & auersio à Deo: ac proinde cum ratio formalis peccati entitatem positivam importet, vt ex illa sequitur talis privatio, & auersio, concludi non potest à

Deo esse, quantumvis necessarium sit fateri entitatem, quæ in illa est absolute sumptâ à Deo esse, sicut absolute fatemur à Deo esse liberum arbitrium & actum seu materiale peccati. Si quæras autem qua ratione differant formale, & materiale peccati quantum ad hoc? Respondetur: quia privatio non sequitur immediate ex materiali sed ex formali, ait namque D. Thom. quæst. 3. De malo, artic. 2. ad 2. *Deformitas peccati non consequitur speciem actus secundum quod est in genere naturæ, sic autem à Deo causatur, sed consequitur speciem actus secundum quod est moralis, prout causatur ex libero arbitrio.*

Possumus etiã cum Caietano infra quæstione 79. articulo primo, secundo respondere.

spo-

ARTICVLVS VI. 209

m2, non reducitur in causam primam. Vnde sicut idem D Thom. inquit in 2. distinct 37. quest. 2. art. 2. Non potest dici absolute, quod peccatum sit à Deo, ut homicidium aut aliquid huiusmodi, nisi cum hac additione in quantum est actus, & in quantum est ens. Si autem arguatur, peccatum commissionis est aliquid reale positium formaliter: sed Deus est causa cuiuscumque entitatis; ergo & peccati commissionis formaliter sumpti. Concessa maiori, & minori neganda est consequentia; variatur enim appellatio: nam in minori terminus ille, causa, appellat supra rationem entitatis & perfectionis; in conclusione vero supra rationem peccati & mali moralis. Terminus namque hic, causa, appellat supra rationem, vel conceptum, formalem cui coniungitur, ut patet cum dicimus Petrum esse causam statuar; nam non est sensus, esse causam ligni, aut argenti, sed statuar quantum ad formale scilicet figuram. Vnde cum in minori hic terminus, causa, coniungatur entitati, appellat supra formalem rationem entitatis & perfectionis; cum autem in conclusione hic terminus, causa, coniungatur cum peccato appellat supra rationem formalem peccati, & malitiæ moralis, & sic variatur appellatio; & nulla est consequentia; nam ex eo quod Deus sit causa omnis entitatis ut entitas est, solum sequitur esse causam peccati sub ratione entitatis, non tamen sub ratione peccati, quia ab una causa procedit peccatum sub ratione entitatis, & perfectionis, & ab alia

alia sub ratione peccati & mali moralis. *Es-
sinfletur* (inquit Caietan. vbi supra) quia
species moralis mali non est diuisibilis in plura,
quorum vnum fiat ab agente deficiente, & al-
terum ab alio: facilis est responsio, quod in
resolutione effectuum in causas non consideratur
distinctio rei, sed rationum rei, & sic species
mali moralis simpliciter resolvitur in agens
deficiens: secundum id autem, quod perfe-
ctionis habet, ut sic resolvitur solum in
agens. Huius rei exemplum esse potest in
causalitate corporum cœlestium respectu
substantiarum materialium, quæ hic in in-
ferioribus fiunt. Si quis enim ita argumen-
taretur: corpora cœlestia sunt causa princi-
palis omnium substantiarum materialium,
ut colligitur ex D. Thom. 1. par. quæst. 115.
art. 3. sed viuentia sunt substantiæ materiales;
ergo corpora cœlestia sunt causa principalis
viuentium: nulla est consequentia ob dese-
ctum variationis appellationis; nam quam-
uis corpora cœlestia sint causa principalis
omnium generabilium, & corruptibilium
secundum rationem substantiæ corporeæ,
non tamen sūt secundū rationem viuentis.
ut colligitur ex D. Th. 1. part. quæst. 79 ar. 3.
ad 3.

Ad confirmationem neganda est minor.
Ad probationem dico: etiam rebus natu-
ralibus attribui bonum secundum suum ef-
fe essentialē ut colligitur ex D. Thom. supra
quæst. 18. art. 3. ad 3. & art. 5. ad 1. Est tamen
hæc differentia inter naturalia & moralia;
nam in essentia naturalium includitur boni-

ARTICVLVS VI. 211

tas vt passio transcendens ; respectu vero moralium bonum & malum per se differentia sunt, vt patet ex dictis supra quest. 19 art. 1. Vnde cum loco citato ait D. Thom. eodem modo loquendum esse de bono & malo in actionibus & in rebus, non est intelligendus quantum ad omnia, sed quantum ad ea, quæ ibi intendebat.

Ad 4. argum. posset quis dicere peccatum non esse vnum per se : nam D. Thom. in 2. dist. 34. quest. 1. ar. 2 ad 3. illud vocat malum non per se & abstracte sumptum, sed malum per accidens & concrete. Sed Caiet. infra quest. 72 art. 1. peccatum vnum per se esse colligit, quod absolute diffiniri, distinguere specificè consuevit ; hæc enim de vno per accidens non quaruntur. Vnde respondetur : essentiam & rationem formalem peccati vtrumque includere, entitatem scilicet positivam & priuationem ; hanc tamen non vt partem essentia, sed vt intrinsecum modum eius, quod non tollere unitatem per se ostendunt exempla adducta obiecti fidei, & spei, unitatis, ac motus. Et præterea explicatur : nam huiusmodi modus intrinsecus complens rationem formalem peccati, non facit compositionem cum illa, sicut nec punctum cum linea, quam terminat ac complet, ac proinde tametsi diuersi generis sit, eius unitatem per se non tollit, nam solum auferret, si cum illa vnum composeret. Ad confirmationem hinc patet quid sit dicendum ; priuatio enim & entitas positiva non efficiunt

ciunt vnā rationem peccati sicut partes physice aut metaphysice, aut integrales, nec sicut componentia; sed ex illis resultat, & coalescit ratio peccati sicut ex essentia & eius intrinseco modo ac complemento, quod unitati per se non obstat.

Ad 5. respondetur negando antecedens. Ad 1. probationem dico, dissonantiam, & disconuenientiam, de qua loquitur D. Dionysius non esse relationem rationis, sed transcendentalem; importat enim realem habitudinem & tendentiam ad obiectum dissonum rationi, quæ est respectus quidam transcendentalis similis illi quem scientia, & quilibet habitus dicit ad suum obiectum. D. Thom. etiam non loquitur de ratione formali peccati; sed de compositione propositionis in qua enuntiatur aliquem peccare, quam constat esse ens rationis & opus intellectus talem compositionem formantis. Ad 2. probationem negandum est actum fieri de bono malum absque vlla variatione, & mutatione intrinseca saltem in genere moris, vt diximus supra q. 18. art. 1. & q. 19. art. 1. & patet, nam quando actus est bonus, diligitur a Deo, & quando est malus, & peccatum odio habetur ab illo iuxta illud Sapient. 14. v. 8. *Odio sunt Deo impius, & impietas eius.* At ista mutatio non prouenit ex mutatione diuinæ voluntatis, quæ est immutabilis: ergo ex mutatione intrinseca ipsius actus, si enim in se ipso omnino immutatus maneret, Deus eodem modo se habet.

ARTICVLVS VI. 213

haberet respectu illius, ac se habebat antea. Confirmatur; actus quando est bonus tendit in obiectum conforme rationi, & in Deum tanquam in vltimum finem ordinatur, quando verò est malus tendit in obiectum dissonum rationi, & tanquam in vltimum finem ad creaturam ordinatur; ergo cum tendentia actus in suum obiectum sit illi intrinseca & realis, ordo etiam ad vltimum finem aliquid reale & intrinsecum sit, sicut & ordo cuiuscumque effectus ad suam causam, his variatis ex variatione obiectorum & finium, necessariò actus ipse debet realiter & intrinsecè variari in esse moris. Vndè licet actus comestitionis carniū continuatus à feria quinta vsque ad feriam sextam sit idem in esse naturæ, & secundum substantiam: in genere tamen moris & accidentaliter mutari debet. Quamvis etiam ratio peccati in multis pendeat ex voluntate alterius; hoc tamen non tollit eius realem entitatem: nam etiam iustitiz in emptionibus, & venditionibus, & castitas conjugalis pendet ex voluntate alterius vendentis, vel eementis, & contrahentis matrimonium: & tamen non sunt relationes rationis. Idem est de aduertentia & libertate operantis; his enim variatis variatur obiectum in genere moris ac proinde actus ipse & tendentia in tale obiectum. Ad 3. probationem nego minorem: locis enim citatis diximus talem disconuenientiam non esse relationem rationis, sed habitudinem

nem quandam transcendentalem, quæ realis est, sicut & ea, quæ habitus & actus respiciunt sua objecta.

Circa solutionem quarti, dubium excitari solet. An omne peccatum sit malum quia prohibitum lege æterna? Ad quod licet quidam cum Scoto in 2. dist. 37. & Durando in 1. dist. 47. negando respondeant, affirmando respondendum est. Quod colligitur ex diffinitione peccati tradita à D. Aug. & à D. Thom. hic explicata, præsertim ex ultima eius particula, *Contra legem æternam*. Ostendit etiam S. August. lib. 16. de Cinitat. Dei, cap. 27. ex illo Psal. 118. v. 119. *Præuariantes reputauit omnes peccatores terre*. Et ex illo ad Rom 4. v. 15. *Vbi non est lex, nec præuicatio*. Quibus consonat quod dicitur 1. Ioan. 3. v. 4. secundum aliam translationem: *Omnis faciens peccatum, & transgressionem legis facit: & peccatum est transgressio legis*. Patet quoque ratione, quia licet quidam actus essentialiter & natura sua boni, vel mali sint, conformes, vel disformes nature rationali: quantum ad hoc tamen subduntur legi æternæ approbanti quosdam, & alios prohibenti, ergo sicut deficiente causa prima, omnia etiam necessaria deficerent, ut diximus 1. p. q. 14. ar. 1. dub. 1. conclus. 3. ita deficiente lege æterna, bonitas & malitia moralis talium actuum deficeret: nam boni, vel mali sunt, quia lex æterna tales esse dicat, & non e conuerso.

Auctores autem oppositæ sententiæ decepti sunt existimantes legem æternam

Dei

ARTICVLVS VI. 215

Dei esse iudicium, vel cognitionem supponentem iam malitiam aut bonitatem in actu; quod falsum est: nam lex æterna nihil aliud est quam dictamen Dei imperans vel præcipiens: hocque Dei dictamen, vt dicemus infra q. 93. ar. 1. & 94. ar. 1. non est actus ipse imperii, sed diuina ipsa essentia vt species expressa & verbum quoddam essentialiale, quod licet ea, quæ sunt de iure positivo, non necessario, sed vt habent adiuncta Dei voluntatem, exprimat, sicut idæ futura contingentia repræsentant; tamen ea quæ sunt de iure naturali, necessario exprimit, sicut & necessaria, vt hominem esse rationalem. Vndè sicut implicat contradictionem hominem non esse rationalem: ita & odium Dei non esse malum, quamuis malum non sit nisi quia prohibitum lege æterna: nam hæc prohibitio nihil aliud est, quàm prædicta diuini dictaminis expressio, quæ non libera, sed necessaria est.



QVÆSTIO LXXII.

De distinctione peccatorum.

ARTICVLVS I.

Vtrum peccata differant specie secundum obiecta.

Conclusio est affirmans.

EX hac conclusione colligunt discipuli D. Thom. peccatum formaliter non esse priuationem, sed positium aliquid: nam essentialis distinctio priuationū ex formis oppositis sumitur vt patet in cecitate & surditate. Qui tamen peccatum formaliter in priuatione consistere opinantur, asserunt intentionem Diu. Thom. hic non fuisse docere distinctionem peccatorū formaliter ex parte malitiæ sumi ab obiectis, sed tantum radicaliter & ex parte actus voluntarij: propter hocque in corp. & ad 2. dixisse peccata magis distingui specie ex parte actū & secundū obiecta eorum quā ex parte inordinationis & secundū opposita, quia scilicet radicaliter & causaliter ex obiectis actū sumitur peccatorū distinctio, licet formaliter sumatur ex rectitudinibus oppositis. Sed quis non videt hoc falsum esse? Nam vt colligitur ex primo articuli argu-
men,

ARTICVLVS I. 217

mento eiusque solutione, peccata eodem modo dicuntur hic distingui secundum obiecta & fines, quo supra qu. 18. art. 2. & 4. & 6. ostensum est actum humanum dici bonum vel malum per comparisonem ad finem & obiectum; sed ibi sermo est de eo à quo sumitur species bonitatis & malitiae formaliter; ergo & hic de eo à quo formaliter sumitur distinctio peccatorum. Præterea D. Thom. hic non assignat specificam distinctionem peccatorum secundum suam naturam & substantiam, sed secundum esse morale, quod teste eodem S. Doctore quæst. 2. de Malo, art. 6. ad 3. *Comparatur ad naturam actus sicut quale ad substantiam.* Ergo sentit secundum hoc esse morale distingui peccata per obiecta. Quod & docet loco proximè citato ad 2. dicens: *Sicut actus in communi recipit speciem ab obiecto, ita actus moralis recipit speciem ab obiecto morali.* Particulam autem magis, hic non comparatiuè, sed aduersatiuè accipit: vel si comparatiuè acceptam fuisse velis, non de radicali sed de formali distinctione loquitur, de qua secundum argumentum procedebat. Verumque est peccata formaliter magis distingui per obiecta, quia per ordinem ad ea sumitur ratio formalis peccati, priuatio vero solum est modus intrinsecus talis rationis formalis, vnumquodque autem magis distinguitur formaliter per suam rationem formalem, quam per modum intrinsecum in ea inclusum.

Circa articulum 2. 3. 4. & 5. nihil se offert dicendum.

ARTICVLVS VI.

Vtrum peccatum commissionis, & omissionis differant specie.

Conclusio est negans.

Dubium 1. An hac conclusio vera sit.

Contra eam arguitur 1. ad hominem: ipse namque D. Thom. 2. 2. quæst. 79. ar. 2. & 3. docet commissionem & omissionem essentialiter distingui, esseque peccata omnino diuersa, non solum quando opponuntur diuersis virtutibus, sed etiam quando opponuntur illis duabus partibus iustitiæ, facere bonum, & declinare à malo: ergo contradicit sibi ipsi hic asserenti formaliter non differre specie. Confirmatur: declinare à malo & facere bonum habent rectitudines essentialiter distinctas; ergo in ratione peccati & malitiæ differunt essentialiter, committere malum, & omittere bonum.

Secundò, tota essentia peccati omissionis consistit in priuatione actus debiti; ac proinde tota eius species non solum materia-

ria-

ARTICVLVS VI. 219

rialis in genere naturæ, sed etiam formalis in genere moris & peccati ex opposito actui, quo priuat, pensari debet; at peccatū commissionis speciem habet ex positua ratione, qua respicit obiectum tale, ergo hæc duo in genere etiam moris & peccati non possunt esse eiusdem speciei.

Tertio, ex conclusione D. Thom. sequeretur non esse necessarium in confessione distinguere peccatum omissionis & commissionis, & sufficere si dicatur; peccaui contra charitatem; multorum enim sententia est non esse necessario distinguenda in confessione peccata, quæ non differunt essentialiter, & specie: consequens est falsum; ergo &c.

Quarto, D. Thom. ipsis exemplis quibus vitur ad confirmationem suæ conclusionis videtur eam destruere, nam ommissio actus liberalitatis non largiendo propria, & commissio furti rapiendo aliena, etiam si vtræque fiat ex affectu ad diuitias, differunt non tantum specie, sed genere; quia ommissio, actus liberalitatis est contra virtutem liberalitatis, commissio autem furti est contra virtutem iustitiæ, commissio etiam actus in temperantiæ comedendo excessiue, & ommissio ieiunij etiam si fiant ex affectu & appetitu ciborum, licet non genere, specie tamen differunt, nam magis differunt comedere excessiue, & non seruare ieiunium in die præcepto, licet vtrunque sit contra temperantiam, quam comedere excessiue, & comedere delicatos cibos, quæ D. Tho.

hic artic. 9. fatetur esse specie distincta ;
ergo &c.

Quinto , non ieiunare & non restituere
alienum nō sunt omissiones nisi sola voce ,
quia non ieiunare nō est priuatio actus de-
bit, si quidem ieiunare , cuius videtur esse
priuatio , non est actus, sed potius negatio,
negationis autem alia negatio aut priuatio
non est . Similiter non restituere non est
peccatum omissionis, sed commissionis ;
neque enim ex iustitia obligamur ad aliquē
actum virtutis posituum ex praecepto po-
sitivo illud faciendi, sed vt non retineamus,
ex praecepto negatiuo , contra quod pecca-
mus actu commissionis positue retinendo,
sicut etiam accipiendo ; retentio enim
quædam usurpatio est ; ergo exempla Diu.
Thom. non sunt ad rem.

Dicendum tamen est : Licet peccatum
omissionis, & commissionis materialiter, &
in genere naturæ, specie, immo plusquam
specie distinguantur ; formaliter tamen &
in genere moris eiusdem esse speciei , si ad
idem ordinentur, & ex eodem motiuo pro-
cedant . Pro huius explicatione nota, tam
omissionis, quam commissionis peccatum
secundum duplex genus , naturæ scilicet, &
moris , considerari posse . Secundum genus
naturæ consideratur commissio, vt est actus
quidam humanus seu liber ; omisio vero,
vt est quædam voluntaria actus priuatio,
vel cessatio ab actu ; vnde cum priuatio &
eos posituum non possint entitative , & in
genere naturæ vniuocè conuenire , omisio
&

ARTICVLVS VI. 221

& commissio non possunt entitatiue, & in genere naturæ esse eiusdem speciei. Secundum autem moris genus considerantur, vt dicunt ordinem ad rationem dictantem, quid liceat, vel non liceat facere, qui ordo accidentalis est tam actui, quam omissioni secundum suam naturam consideratis: vnde eisdem numero actu & omissione secundum esse naturæ perseverantibus, mutata lege, ratio nunc dicit licere, postea non licere, tuncque proinde malæ sunt; cum antea tales non fuissent. Sicut autem idem numero actus (& idem est de omissione) in esse naturæ, secundum esse morale quod comparatur ad naturam actus sicut quale ad substantiam, potest esse in diuersis speciebus peccati, vt docet Diu. Thom. quæst. 2. de Malo, artic. 6 ad 3. & hic quæst. 18. ar. 10. ad 3. ita actus mixti distincti in esse naturæ, secundum esse moris possunt ad eandem speciem pertinere, vt patet in exemplo hic adducto à D. Tho. *Sicut ad eandem speciem homicidij pertinet ingulatio, lapidatio, & perforatio, quamuis actus sint specie differentes secundum speciem naturæ.* Et hoc non solum in actibus, sed etiam in omissione, & commissione verificatur, licet enim vt priuatio, & positium ens omnino distinctæ sint in esse naturæ; secundum tamen esse moris ad eandem speciem pertinere possunt, vt patet si sit aliquis homo constitutus in extrema necessitate, cui si aliquis ex proposito omittat subuenire, aut dare cibum, siue cibum veneno infectum

222 *QVÆSTIO LXXII.*

tribuat, vtrumque est eiusdem speciei homicidium, vnde est illud, si non pauperti occidisti. Ratio huius est: quia esse moris accidet tam commissioni, quam omissioni consideratis secundum esse naturæ: sicut autem quæ sunt diuersorum prædicamentorum, in aliquo esse accidentali, aut per ordinem ad aliquid extrinsecum vniuocè possunt conuenire, vt diximus prima parte, quæstione 12. articulo primo: ita & priuatio & ens positivum eiusdem speciei esse possunt in esse moris, quod ipsis accidit, & per ordinem ad aliquid extrinsecum sumitur.

Hoc supposito, probatur conclusio, actus humani, & peccata habent speciem ex fine, vt patet ex art. 3. huius quæst. & 4. qu. 18. ergo si omissio, & commissio ex eodem motiuo finali (de hoc enim hic est sermo, vt ait Conradus) procedat, & ad idem ordinentur, eiusdem erunt speciei in esse moris, cum autem duplex sit finis, operis, & operantis, & bonitas, vel malitia sumpta ex fine operis sit actui morali essentialis; sumpta verò ex fine operantis accidentalis: quando commissio, & omissio ordinantur ad eundem finem operantis, eiusdem speciei accidentalis sunt, licet specie essentiali peccati distinguantur, vt patet si quis omissionem audiendi sacrum, & commissionem furti ordinet ad mechiam, vel homicidium. Quando autem ad eundem finem operis ordinantur, ita vt in obiectum commissionis immediatè, & proximè or-
di-

ARTICVLVS VI. 223

dinetur omiffio, eiusdem erunt speciei essentialis in ratione peccati, & in genere moris, vt patet quando omiffio, & commissio ad idem vitium secundum speciem spectant; vnde *D. Thom.* 2. 2. quæst. 207. art. 2. ait, non recognoscere beneficium, & retribuere mala pro bonis esse peccata ingratitudinis eiusdem speciei; & solum differre secundum diuersos gradus vnius specialis peccati. Hinc infero non semper, quando omiffio, & commissio sunt contra eandem virtutem, esse eiusdem speciei, sed tunc solum quando in eundem finem, & idem obiectum specie ordinantur. Sicut enim eidem virtuti opponi possunt plura vitia, quæ per propria obiecta distinguuntur, ita omiffio, & commissio contra eandem virtutem distincta peccata erunt, si ad diuersos fines, & diuersa obiecta ordinantur; omiffio enim colendi Deum, & idolatria, etiam si contra eandem virtutem religionis sint, sunt peccata specie distincta, quia talis omiffio ad obiectum idolatriæ non ordinatur, alias quicumque talem cultum omitteret, idolatra esset.

Ad 1. vero respondetur cum *Caetano* ibidem: *D. Thom.* intelligendum esse de omiffione, & commissione in genere naturæ, & materialiter, non formaliter, & in genere moris; licet enim omiffio, & commissio ab eodem vitio iniustitiæ legalis procedentes ab alijs peccatis formaliter, & in genere moris specie distinguantur; inter se tamen solum distinguuntur specie in gene-

224 *QVAESTIO LXXII.*

re naturę. Et idem est de illis duabus partibus iustitię, declinare a malo, & facere bonum. Ex quo patet quid sit ad confirmationem respondendum.

Ad 2. respondetur: peccatum omissionis consistere in priuatione actus debiti; ordinata tamen ad finem oppositum fini actus debiti, quo priuat, ad quem eum etiam ordinetur commissio quę ab eodem vitio procedit. quo ommissio, eiusdem speciei in genere moris erit cum illa, inter easque solum erit differentia in diverso modo oppositionis ad obiectum, & rectitudinem virtutis, & ordinationis ad obiectum vitii; ad hoc enim ordinatur commissio positivę tendendo in illud; ommissio verò priuando actu virtutis debito. Quod non infert diuersas species malitię, sed solum diuersos gradus eiusdem malitię: sicut pręcepta affirmatiua, & negatiua non inferunt diuersas virtutes, sed diuersos gradus virtutis, ut hic ad 2. docet D. Thom.

Ad 3. respondetur iuxta sententiam multorum non solum esse in confessione aperienda peccata speciem mutantia, sed etiam notabiliter aggrauantia: teste autem D. Thom. 2. 2. quęst. 79. art. 4. simpliciter, & absolutę loquendo transgressio est grauius peccatum, quam ommissio: grauius enim peccatum est contumeliā, vel aliam iniuriā parentibus inferre, quam debitam reuerentiā eis non exhibere; & ideo in confessione distinguenda sunt peccata commissionis, & omissionis. Iuxta sententiā vero

ARTICVLVS VI. 225

verò relata in argumento, non sufficit dicere in confessione, peccaui contra charitatem: nam charitati non vnum solum, sed multa vitia, & peccata specie distincta opponuntur, nempe odium, accidia, inuidia, discordia, scandalum, seditio, scisma, & alia. Si autem species atomi alicuius vitij explicaretur, non opus esset distinguere peccatum omissionis, & commissionis.

Ad 4. respondetur: in avaro non dare ea quæ debet dare, posse esse omissionem actus iustitiæ, & actus liberalitatis: actus quidem iustitiæ, si dare debeat ex iustitia, & hoc modo accipi videtur in corp. artic. actus verò liberalitatis, si dare debeat ex liberalitate, & sic videtur accipi in arg. *Sed contra*, Si ergo accipiat ut est ommissio actus iustitiæ eiusdem speciei est cum actu rapiendi aliena, quia est obiectum auaritiæ oppositæ iustitiæ, ut constat ex D. Th. 2. 1. quæst. 118. art. 3. & 4. Si vero sumatur, ut est ommissio actus liberalitatis: conuenit quidem cum actu rapiendi aliena in ratione communi generica auaritiæ, non tamen in ratione specifica; & particulari: auaritia enim, ut opposita iustitiæ, & ut opponitur liberalitati, peccata sunt specie distincta: vnde ut opponitur iustitiæ est ex suo genere peccatum mortale; ut verò opponitur liberalitati, veniale, ut docet D. Th. loco proximè citato art. 4. Conuenire tamen possunt in eadem specie accidentali, si ad eundem finem operantis, intendentis scilicet finem illiberalitatis, ordinentur.

K ¶ Quod

Quod vero attinet ad 2. exemplum dico, omissionem ieiunij, & nimiam comestionem, licet distinguantur in esse naturæ; quia tamen ad idem, scilicet delectationem cibi ordinantur; eiusdem speciei esse in genere moris, & peccati. Et quamvis comedere excessiuè; & non seruare ieiunia debita plus differant in genere naturæ, quàm comedere excessiuè, & comedere delictos cibos, non tamen in genere moris: quia duo priora pertinent ad idem vitium secundum speciem; duo vero posteriora ad diuersas species gulæ, quæ per has quinque conditiones, præpropere, lautè, nimis, ardentè, studiosè; distinguantur, vt docet D. Thom. 2. 2. quæstionè 148. artic. 4.

Ad 5. responderetur negando antecedens pro vtraque parte. Ad 1. partis probationem negandum est ieiunium non esse actum; est enim actus virtutis abstinentiæ, vt ostendit D. Thom. 2. 2. quæst. 147. artic. 1. & 2. vbi ad 3. artic. 1. ait ieiunium naturæ, quo quis dicitur ieiunus antequam comedat, consistere in pura negatione, sicque non posse poni actum virtutis, sed solum illud ieiunium, quo quis ex rationabili proposito à cibis aliquantulum abstinet, quorum primum (subdit) dicitur ieiunium ieiunij, secundum vero, ieiunium ieiunantis. Ad 2. partis probationem negandum est nos non obligari ex affirmatiuo præcepto ad restituendum: nam præceptum restituendi firmitè, & formaliter affirmatiuum est, cum

ARTICVLVS VI. 227

cum præcipiat actum virtutis iustitiæ commutatiuæ qualis est restitutio; quamuis reputetur ad negatiuum tanquam ad principalius præceptum super quod fundatur, non retinendi scilicet rem alienam invito domino.

Dubium 2. An secundum diuersa præcepta legis, diuersificentur peccata secundum speciem.

PArtem affirmantem quidam tenent, & probant 1. Quoties præceptum diuersum est, peccatum etiam habet diuersam oppositionem cum virtute, & cum natura rationali, in qua oppositione malitia moralis consistit, ergo variata oppositione, variatur etiam malitia moralis, in qua ratio formalis peccati consistit.

Secundo, Religiosus Ordinis S. Francisci non ieiunans feria sexta, in qua alias lege vniuersalis Ecclesiæ ieiunare debebat, duplex peccatum committit, vnum contra præceptum Ecclesiæ, alterum contra præceptum sue regulæ, quæ obligat ad mortale; ergo similiter non ieiunans in vigilia S. Matthiæ occurrente in quadragesima; & non audiens Missam in die Dominico, alicui etiam sancto peculiariter dicato; & vniuersaliter non implens præceptum opus duplici præcepto, duplex peccatum committit.

Tertio, peccata quæ mala sunt, quia

K vi pro-

prohibita secundum diuersa præcepta diuersificantur secundum speciem ; ergo omnia . Antecedens probatur . Tum quia , expressè asseritur à D. Thom. quæst. 2. de Malo , art. 6. Tum etiam , quia cum à præceptis in alitiam accipiant , rationi consonum videtur , vt pro eorum diuersitate distinguantur .

Dicendum tamen est: ex diuersitate præceptorum non prouenire formaliter diuersitatem specificam peccatorum ; posse tamen hanc ex illa causari radicaliter . Primam partem docet D. Thom. hic ad 2. nam ait : *Præcepta affirmatiua , & negatiua non pertinent ad diuersas virtutes , sed ad diuersos gradus virtutis , & per consequens non oportet quod contrariantur diuersis peccatis secundum speciem .*

Probatur etiam cum eodem S. Doctore . *Peccatum non habet speciem ex parte auersionis : quia secundum hoc est negatio vel priuatio , sed ex parte conuersionis : sed esse contra legem , aut legis præceptum spectat ad auersionem , peccans enim auertitur à lege ; ergo diuersitas præceptorum non causat formaliter diuersitatem specificam peccatorum .*

Hinc colligitur: quantumuis leges & præcepta ex parte legislatorum essentialiter distinguantur , idem specie & numero posse esse peccatum illis oppositum . Primum quidam non admittunt asserentes differentiam secundum speciem inter præcepta non esse pensandam ex præcipiente aut legislatore , sed solum ex obiecto quod lege præ-

præcipitur. Sed admittendum esse patet: nam lex diuina, & humana essentialiter distinguuntur ex parte legislatorum: leges etiam humanæ teste D. Thom. infra quæst. 95. art. 4. essentialiter distinguuntur secundum diuersa regimina ciuitatum, vt constitutiones Principum, & Senatus consulta. Secundum probatur: furtum tametsi prohibitum sit diuersis præceptis, nempe iuris diuini naturalis, & positiui Principis, Senatus consulti, Prælati Ecclesiastici &c. semper est eiusdem speciei: & idem est de peccato prohibito tantum iure positiuo à multis Prælati subordinatedis, Episcopo scilicet, & summo Pontifice: diuersitas enim ista præceptorum non tribuit peccato diuersa obiecta formalia, nec diuersas tendentias ad idem obiectum: ex sola autem ista diuersitate potest peccatum variari numero, vel specie; ergo &c. Et quamuis ex talis legis multiplicatione, & auctoritate præcipientium aggrauetur peccatum, vt docet Caietanus 2.2. quæstione 186 art. 9. 9. *Ad hoc dicitur*, dicunt tamen multi, non ita notabiliter aggruari, vt ista circumstantia sit necessario explicanda in confessione.

Secundam partem negant nonnulli, illam tamen sic probo: lex habet hanc vim, vt quod præcipit constituat materiam virtutis, seu ad virtutem, cuius obiectum pro fine & motiuo habet, pertinere faciat; id verò quod prohibet ad vitium oppositum virtuti, cuius intuitu illud prohibet: verbi gratia, quia Ecclesia prohibet furtum rei sacræ,

&

& percussione clericici intuitu & sub ratione religionis, ista peccata pertinent ad speciem sacrilegij oppositi religioni; ergo si diuersæ leges intuitu diuersarum virtutum peccata prohibeant, ex illis prouenient diuersa peccata, non quidem formaliter, sed radicaliter, quia illæ actibus, quos præcipiunt vel prohibent, dant diuersa obiecta formalia, à quibus diuersitas specifica peccatorum formaliter sumitur. Confirmatur: si præcepto Ecclesiastico addatur præceptum confessorij imponentis ieiunium verbi gratia ab Ecclesia præceptum in poenitentiam: vel præceptum prælati exigentis obedientiam, omissio illius habet plures malitias propter diuersitatem præceptorum ieiuniū præcipientiū sub diuersa ratione & motiuo, temperantiæ scilicet, poenitentiae, & voti obedientiae; ergo &c.

Hinc colligitur ratio ob quam blasphemare, vel loqui turpia in Ecclesia non habet malitiam sacrilegij, sicut illam habet effusio seminis aut sanguinis: quia scilicet illa non sunt, sicut hæc lege Ecclesiastica prohibita sub motiuo & ratione, aut intuitu religionis. Quidam limitant hoc ad notoriam seminis aut sanguinis effusionem: nam cum solum per eam quæ notoria est, violetur locus sacer, non est peccatum peculiare sacrilegij, cum effunditur semen aut sanguis occultè in Ecclesia. Hanc tamen limitationem & strinam alij falsam esse dicunt: Tum quia licet concedi possit Ecclesiam ob occultam pollutionem non debere explari; admitti tamen

ARTICVLVS VI. 231

tamen non debet, propter illam non pollui
aut violari: nā in cap. *Ecclesijs*, de Consecrat.
d. i. dicitur Ecclesias pollui, *aut sanguinis ef-*
fusione, aut cuiuscumque semine, & Cap. *Signi-*
ficasti: de adulterijs, præcipitur, vt recon-
cilietur Ecclesia, in qua mulier secretum
adulterium cum presbytero quodam com-
miserat; illudque postea publicauit & fisa
est: at non fuit Ecclesia violata & polluta
per talem publicationem; nam hæc solum
fuit violationis manifestatio: ergo per secre-
tam pollutionem. Vnde sicut licet non
teneamur vitare eum, qui secreto percussit
clericum, quousque percussio sit notoria;
id tamen non est, quia propter publicatio-
nem inciderit in excommunicationem, sed
quia non tenemur vitare nisi notorium per-
cussorem; ita licet Ecclesia per effusionem
seminis occultam violetur, expianda non
est, quousque publicetur, quia solum expiā-
da est, quando notum est fuisse violatam.
Tum etiam quia licet verum esset, secreta
pollutione non violari Ecclesiam; adhuc
dici non posset illam non esse sacrilegium:
quia Ecclesia illam prohibet sub motiuo, &
ratione, seu intuitu religionis: vnde sicut
furtum rerum sacrarum Ecclesiæ, quamuis
occultum sit, & illo non violetur Ecclesia,
est sacrilegium: ita & secreta seminis effu-
sio; ad rationem enim sacrilegij satis est, si
fiat contra sanctitatem, ad quam Ecclesia
consecratur; consecratur autem vt sit im-
munis ab omni violentia, & immunditia
venerea per seminis effusionem; ergo &c.

Ad

Ad 1. vero respondetur: si præcepta ita diuersa sint, vt præcipiant actus circa diuersa obiecta particularia, tunc illa concommitari diuersitatem specificam peccatorum, vel deformitatum in eodem actu. si vero solum sunt diuersa ex parte legislatorum, aut quia vnum est affirmatiuum, & alterum negatiuum, non causare diuersam oppositionem cum virtute, & dissonantiam cum ratione formaliter diuersam, sed ad summum materialiter diuersam secundum diuersos gradus malitiæ eiusdem speciei, quæ ratione differunt peccatum omissionis, & commissionis; quæ tamen non sufficit ad differentiam specificam peccatorum.

Ad 2. respondetur 1. negando antecedens: existimant enim multi fratrem Franciscanum, qui non ieiunat feria 6. quadragesimæ, vnum dumtaxat incurrere peccatum: nam regula potest præcipere tale ieiunium sub ratione temperantiæ, sub qua illud præcipit Ecclesia, cuius auctoritate regula iubet illud; ergo cum ibi non sit nisi vna ratio formalis obiecti, non erit nisi vnum peccatum. Vide Caietanum 2.2. quæst. 186 art. 9. §. *Ad hoc dicitur.*

Secundo respondetur negando consequentiam. Differentia est: quia cum regula vel prælatus cuiuscunque religionis præcipit aliquid, alias præceptum ab Ecclesia, non solum præcipit illud sub ratione quæ ab Ecclesia præceptum est, sed alia peculiari. Verbi gratia ieiunium quadragesimæ præceptum ab Ecclesia est sub ratione temperantiæ

ARTICVLVS VI. 233

rantia, regula autem, aut prælatus religionis non solum sub hac ratione id præcipit sed etiam, sub ratione voti obedientia; & ideo illius omissio est duplex peccatum, scilicet contra temperantiam, & religionem: immo iuxta doctrinam Caietani 2.2 q. 88. art. 5. triplex: existimat enim, eo ipso ac religiosus transgreditur præceptum sui prælati peccare contra religionem, & contra obedientiam. M. Soto vero lib. 7. de iustitia, quæst. 2 ar. 3. ad 1. docet solum peccare contra religionem, quia non debemus obedientiam prælato, nisi ratione voti facti Deo. In casibus autem consequentis idem, & sub eadem ratione eiusdemque virtutis intuitu præcipitur; & ideo propter illa diuersa præcepta non multiplicantur peccata, neque specie, neque numero: An verò idem notabiliter aggrauetur; quidam affirmant; alij verò negant, nisi fortè sit expressus legislatoris contemptus, sicut nec notabiliter aggrauatur peccatum si quis plura vota, aut iuramenta de eadem re non obseruat. Ex quibus aliqui colligunt, Religiosum professum, qui emisit votum de non committenda mollitie, vel fornicatione; non teneri in confessione aperire, hanc circumstantiam voti emissi, sicut nec præceptorum diuersorum.

Ad 3. Respondetur negando antecedens. Ad primam probationem respondet Caietanus hic: Dia. Thom. mutasse sententiam. Dicit etiam potest intelligendum esse de præceptis diuersis, non quidem ex parte legisla.

234 **QVAESTIO LXXII.**

gislatorum, aut in ratione affirmatiui, aut negatiui, sed ex diuersis obiectis, finibus, & motiuis diuersarum virtutum, intuitu quorum aliqua prohibentur, quorum diuersitatem radicaliter causare diximus, diuersitatem specificam peccatorum. Ad secundam probationem dico, à præceptis malitiã accipere peccata, quia intuitu aliquius virtutis prohibentur: vnde nisi in præceptis sint diuersi fines & motiua, peccata prohibita non erunt diuersa.

Circa articulum septimum, octauum, & nonum nihil se offert scribendum.

QVAESTIO LXXIII.

De comparatione peccatorum ad inuicem.

ARTICVLVS I.

Vtrum omnia peccata sint connexa.

Conclusio est negans.

Hanc veritatem probat D. August. Epist. 29. vbi ostendit virtutes esse connexas, non tamen vitia: quia vni virtuti duo vitia opponi solent inter se contraria, vnde audaces sunt, qui non sunt timidi, & rursus timidi quibus abest

ARTICVLVS II. 235

audacia, cum sit vtrumque vitium & aliquando vitium vicio tollitur, vt amore laudis, amor pecuniæ.

ARTICVLVS III.

Vtrum omnia peccata sint paria :

Conclusio est negans.

Oppositum huius tenuerunt Stoici, & Cicero relatus à D. Tho. Iouinianus relatus à D. Hieronymo lib. 3. contra Iouin. cap. 15. & 16. & à D. Aug. Epist. 29. & Nonatianus relatus à D. Cypriano lib. 4. Epist. 2. & à D. Ambros. lib. 1. de Patientia, cap. 1. Sed conclusio D. Thomæ certa est secundum fidem. Patet ex illo Tren. 4. v. 6. *Et maior effecta est iniquitas populi mei peccato Sodomorum*, & Ezech. 16. v. 52. *Vicisti sorores tuas peccatis tuis, sceleratius agens ab eis*, & ex alijs locis veteris testamenti. Ex multis autem testimonijs, quæ ex nouo testamento adduci poterant, præcipuum est quod D. Thom. in arg. *Sed contra*, assert. *Propterea qui me tradidit tibi maius peccatum habet* Ioannis 19. v. 11.

Si quæras, an in his, quæ mala & peccata sunt quia prohibita iure positio & humano, inueniatur etiam inæqualitas? Respondetur: certissimum esse, inter hæc quædam esse alijs grauiora; docet enim D. Thom. 2. 2. quæst. 105, art. 2. non om-

omnem inobedientiam esse æquale peccatum, sed posse vnā esse grauiorem altera, etiam si solo hominis præcepto obligemur. Patet hoc exemplis: Primum de peccatis contra diuersa præcepta, grauius enim peccat qui deffert arma ad infideles, quam qui extrahit reum ab Ecclesia; Secundum de peccatis contra idem præceptum,; grauius enim peccat qui sine licentia, & necessitate contedit carnes in quadragesima, quam qui comedit lacticia, & qui celebrat sine vestibus, & vasibus sacris, & in loco non sacro, quam qui solum sine lumine celebrat.

Si leges humanæ determinent modum virtutis indiuisibilem, tunc peccata contra eandem legem æqualia sunt; omnes enim omissiones audiendi sacrum, vel contendi, aut communicandi in Paschate æquales sunt per se loquendo. Contra præceptum quibque ieiunij, vt docent Caietanus 2. 2. quæst. 147. art. 8. Syluester verbo *Ieiunium* quæst. 8. Nauarrus in Manuali cap. 21. num. 14. æqualiter peccat, quibus vel pluries comedit, vnde non oportet in confessione explicare in quo numero, vel quantitate comestionis ieiunium quis fregerit. Denique religiosus occultando habitum non plus peccat illum vno, vel pluribus indumentis occultando.

Inæqualitatem peccatorum sequitur inæqualitas poenarum in inferno; vnde D. Th. hic ait, *Ex hoc etiam derivatus est quorundam hæreticorum error, qui ponentes omnia peccata esse*

ARTICVLVS II. 237

esse paria, dicunt etiam omnes pœnas inferni esse pares. Cuius erroris falsitas conuincitur ex illo Sapient. 6. v. 9 Fortioribus autem fortior instat cruciatio. Et Apoc. 18. v. 7. Quantum glorificauit se & in delicijs fuit, tantum date illi tormentum & luctum. Vide D. Thom. 3. Cont. gent. cap. 142.

Est tamen disceptatio, an hoc solum sit intelligendum de pœna sensus, an etiam de pœna damni, quæ consistit in carentia visionis diuinæ essentiæ. Mihi hanc litem componi posse videtur. Pœna enim damni dupliciter considerari potest. Primo ut carentia, & priuatio diuinæ visionis præcisè, & hoc modo non habet vnde suscipere possit magis aut minus, ut docet D. Thom. 3. par. quæst. 71. art. 3. ad 1. sicque eam considerando Conradus art. præced. ad 1. & Capreolus in 4. d. 12. quæst. 2. art. 3. ad argum. Durandi, & alij dixerunt, æqualem esse in omnibus damnatis. Secundo, ratione alicuius adiuncti, & necessario consequenti ex carentia visionis Dei in his, qui propria voluntate peccauerunt; & hoc modo, inequalem esse docent M. Soto in quarto, dist. 16. quæst. 1. art. 1. & d. 50. quæst. 1. art. 4. & alij. Probaturque: tum quia sicut iniustum esset inæqualia peccata, æquali pœna sensus punire, ita magis videtur esse iniustum illa punire æquali pœna damni, quæ maior est qualibet pœna sensus. Tum etiam, quia cum teste D. Thom. quæst. 2. de Malo, art. 2. ad 3. essentialis miseria damnatorum, sit pœ-

• pœna damni, si hæc æqualis esset in omnibus damnatis, omnes equaliter essent miserimiseria essentiali: quod tamen videtur falsum; beati enim habent inæqualem beatitudinem essentialem iuxta inæqualitatem meritorum; ergo damnati habent inæqualem miseriam essentialem iuxta inæqualitatem demeritorum. Si quæras autem, quodnam sit huiusmodi adiunctum, & necessario consequentum, ratione cuius pœna damni est inæqualis? Respondeo esse inæqualem tristitiam de diuinæ visionis carentia. Damnatus enim, qui grauiora peccata commisit, propter quæ visionem Dei amissit, magis tristatur, & dolet de carentia diuinæ visionis. Licet autem tristitia, & dolor proueniens à cruciatu ignis, vel aliorum, pertineat ad pœnam sensus; proueniens tamen ex carentia diuinæ visionis, ad pœnam damni pertinet ut eius accidentale complementum, eodem prorsus modo quo gaudium de visione Dei pertinet ad beatitudinem essentialem, ut accidens perficiens illam. Vido quæ diximus 1. par. quæst. 64, art. 3.

Circa articulum 3. 4. 5. & 6. nihil se offert dicendum.



ARTICVLVS VII.

*Utrum circumstantia aggrauet
peccatum.*

Conclusio est affirmans.

*Dubium. Quomodo circumstantia
aggrauet peccatum.*

TRipliciter circumstantiam posse aggrauare peccatum ait D. Thom. hic quod nos sequentibus conclusionibus explicamus.

Dicendum est 1. Circumstantiam aliquando peccatum aggrauare mutando speciem, ac transferendo in aliud genus peccati. Docet hoc D. Thom. hic, sicque explicat, ac probat: Sicut peccatum fornicationis consistit in hoc, quod homo accedit ad non suam. Si autem addatur hæc circumstantia, ut illa ad quam accedit sit alterius uxor, transfertur iam in aliud genus peccati, scilicet in iniustitiam, in quantum homo usurpauit alterius: & secundum hoc adulterium est grauius peccatum quam fornicatio. De circumstantiis huiusmodi dicitur in Concil. Trident. Sess. 14. cap. 5. *Eas circumstantias in confessione explicandas esse, quæ speciem peccati mutant.* Et Can. 7. *Si quis dixerit, necessarium non esse confiteri circumstantias, quæ peccati speciem mutant, anathema sit.*

Ad-

Aduertendum tamen est hoc solum esse intelligendum de circumstantijs mutantibus speciem in genere moris, & malitiæ; non tamen de mutantibus speciem in genere entis, & naturæ, de his enim ait Caelicet, tom. 1. Opusc. tract. 5. quæst. 3. *Nullo videntur facere in salutari iudicio differentiam ut sunt species diuinationis: idem est enim iudicium pœnitentiale, si quis aqua vel terra abusus fuerit, Idem est etiam si quis peccatum gulæ commisserint in esu carniū, vel piscium, furti auferendo aurum, vel triticum, sodomie cum mare aut foemina, & bestialitatis cum iumento, vel oue, & sic de alijs.*

Si quæras, an sit necessarium circumstantias mutantes speciem in genere moris confiteri ut circumstantias, an verò sufficiat aperire speciem quam mutant? Respondetur, de hoc diuersas esse Doctorem sententias; quidam enim asserunt hoc non sufficere, sed illud requiri. Alij dicunt illud non esse necessarium, sed hoc sufficere, sicque illum qui furatus est propter fornicationem, suæ obligationi satisfacere, si dicat furatus sum, & postea, habui intentionem fornicandi. Cui affine est quod ait Nauarrus cap. 6. num. 20. *Qui obliuiscitur confiteri circumstantiam necessariā confitendam non obligatur ad iterum confitendum peccatum, quod iam est confessus, sed satis est ei, ut solum circumstantiam confiteatur.*

Dicendum est 2. circumstantiam aliquando aggrauare peccatum intra eandem spe-

ARTICVLVS VII. 241

speciem non mutando illam. Docet hoc etiam D. Thom. hic his verbis: *Tertio modo circumstantia aggrauat peccatum ex eo quod auget deformitatem prouenientem ex alia circumstantia; sicut accipere alienum constituit peccatum furti; si autem addatur hac circumstantia, ut multum accipiat de alieno erit peccatum grauius.* De his circumstantijs, si notabiliter aggrauent, est difficultas an sint necessario in confessione aperiendæ. D. Th. in 4. dist. 16. quæst. 3. art. 2. quæstiuncula 5. ait: *Quidam dicunt quod omnes circumstantiæ quæ aliquam notabilem quantitatem peccato addunt, confiteri necessitatis est, si memoria occurrant.* Alij vero dicunt, quod non sint de necessitate confitenda, nisi circumstantiæ quæ ad aliud genus peccati trahunt: & hoc probabilius est.

Primam sententiã tenent Mag. Soto in 4. distinct. 18. quæstione 2. artic. 4. M. Cano, relect. de Pœnitentia, parte 5. & alij; qui & dicunt, quod D. Thom. suam sententiã retractasset si tercię parti extremam manum imposuisset.

Secundam sententiã, quæ D. Thom. videtur probabilior, tenent Nauarrus cap. 6. nu. 7. & alij. innumeri ex recentioribus. Quibus non videntur in conuenientia quæ Auctores primæ sententiæ inferunt: nempe satisfacere suæ obligationi illum qui furatus est mille aureos, dicendo in confessione furatus sum rem notabilem; illum etiam qui accessit ad propriam sororem, matrem aut filiam, dicendo commisisse in-

cestum, vel accessisse ad consanguineam intra quartum gradum. Mulierem quoque: quæ rem habuit cum Sacerdote, vel Episcopo etiam monacho, dicendo rem habuisse cum sacris ordinibus initiato, aut voto castitatis astricto, licet votum solemne non explicet, Sacerdotium, vel Episcopatum. Item qui peccatum continuauit per totum diem, aut integram noctem, vel qui consuetudinem habet peccandi nempe se ipsum polluendi, dicendo simpliciter peccatum commissum, quamuis non explicet eius continuationem per tam longum tempus, aut consuetudinem peccandi. Et idem est de aliis huiusmodi, quæ longum esset recensere.

Dicendum est 3. *Aliquando circumstantia non aggrauat peccatum quasi trahens in aliud genus peccati, sed solum quia multiplicat rationem peccati: sicut si prodigus det quando non debet, & cui non debet, multiplicius peccat eodem genere peccati, quam si solum det cui non debet, & ex hoc ipso peccatum fit grauius.* Ita expressis verbis D. Thom. hic. Differt autem hæc circumstantia ab ea de qua dictum est con. præced. quia licet vtraque aggrauet peccatum intra eandem speciem, illa tamen de se non dicit rationem mali, hæc de se rationem mali dicit, sicque illa non multiplicat rationem peccati, hæc vero multiplicat; Patet hoc in exemplis vtriusque circumstantiæ adductis à Diu. Th. Accipere enim multum de alieno grauius peccatum est, inquit S. Doctor, *Quamuis*

ARTICVLVS VIII. 243

accipere multum, vel parum, de se non dicat rationem boni, vel mali. Si tamen prodigus dat quando non debet, & cui non debet, tam dare quando non debet, quam dare cui non debet dicit de se rationem mali, sicque multiplicius peccat prodigus eodẽ genere peccati dando quando non debet, & cui non debet, quam solum dando cui non debet, & ex hoc ipso peccatum fit grauius.

ARTICVLVS VIII

Vtrum grauitas peccati augeatur secundum maius nocumentum.

Conclusio est affirmans.

Dubium 1. An quando nocumentum est prauisum semper imputetur ad culpam, hancque maius nocumentum augeat.

Pars negans probatur 1. Potest nocumentum prauisum non esse intentum, ut hic docet D. Thom. sed quod non est intentum non imputatur ad culpam, cum non sit volitum; ergo &c.

Secundo, mulier, quæ prauidet, si ornet se, aut ad templum proficiscatur, iur-

uenes illam videntes in eius concupiscen-
tiam fore exarsuros, dum tamen hoc non
intendat, potest licite ornare se, & ad tem-
plum ire ergo nocumentum, si non sit in-
tentum, etiam si sit praeuisum, non imputa-
tur ad culpam, nec maius illam aggrauat.
Tertio, quando medicina est necessaria
ad salutem praegnantis, etiam si praeuidea-
tur nocumentum mortis prolis, potest pre-
gnanti conferri, quia culpa aliqua incurra-
tur; ergo nocumentum praeuisum, dum
non sit intentum, non imputatur ad cul-
pam.

Dicendum tamen est 1. Quando nocu-
mentum est praeuisum & intentum imputa-
tur ad culpam, hancque maius nocumen-
tum directe augere. Docet hoc D. Thom.
hic his verbis: *Quandoque nocumentum quod
provenit ex peccato, est praeuisum & intentum:
sicut cum aliquis aliquid operatur animo nocen-
di alteri, ut homicida vel fur: & tunc directe
quantum ad nocumentum adhaeret gravitate peccati,
quod tunc nocumentum est per se obiectum pecca-
ti.* Haec primo verificatur quando maius
nocumentum gravius peccatum constituit;
propter maius enim nocumentum, quod
infert homicidium, gravius peccatum est
quam furtum. Verificari tamen etiam pos-
sunt, quando maius nocumentum pecca-
tum iam constitutum in sua specie facit ef-
fe gravius: quo enim gravius nocumentum
infertur, gravius peccatur: propter quod
furtum mille aureorum gravius est furto
absolute sumpto. Si dicas tunc maius no-
cumen-

ARTICVLVS VIII. 245

cuimentum nō esse per se obiectum peccati, cum sit eius circumstantia. Responderetur nomine per se obiecti non intelligere D. Th. obiectum primum & specificans, à quo essentialis bonitas vel malitia actus humani desumitur, qua ratione circumstantiæ non sunt per se obiectum, sed solum obiectum secundarium accidentalem bonitatem tribuens actui humano, vt patet ex dictis supra. quest. 18. art. 3. dubio vnico ad 1. Sed solum intelligere obiectum quod per se ipsum terminat actum peccati, hicque in illud explicitè fertur primario aut secundario, quale posse esse, quod est circumstantia, constat. Vt autem directè aggrauet peccatum sufficit vt hoc secundo modo sit per se obiectum peccati.

Probatnr deinde conclusio, nocumentum voluntarium ad culpam imputatur, & quo maius est nocumentum, maior est culpa; sed nocumentum præuisum & intentum est voluntarium; ergo &c.

Dicendum est 2. Quando nocumentum est præuisum, sed non intentum, etiam imputari ad culpam. hancque maius nocumentum augere licet indirectè. Docet hoc quoque D. Thom. hic his verbis: *Quando nocumentum est præuisum, sed non intentum; sicut cum aliquis transiens per agrum ut compendiosius vadat ad fornicandum, infert nocumentum his, quæ sunt seminata in agro scienter, licet non animo nocendi: Et sic etiam quantitas nocimenti aggrauat peccatum, sed indirectè: in quantum scilicet ex voluntate multum inordi-*

nata ad peccandum procedit, quod aliquis non pratermittat facere damnum sibi vel alijs, quod simpliciter non vellet. Dupliciter damnum huiusmodi potest quis inferre. Primo dando operam rei alijs licitæ, vt cum quis segetes conculat, vt venetur oeruum, & tunc nocumētum primam malitiam peccati dat, & tanto grauius peccatum constituit, quanto maius est nocumentum. Secundo dando operam rei illicitæ, vt in casu adducto a D. Thom. & tunc per additionem alterius peccati scilicet iniustitiæ aggrauatur peccatum.

Probatur deinde conclusio, quando nocumentum est prauisum, licet non sit intentum, est voluntarium saltem indirecte, ergo imputatur ad culpam, illamque maius nocumentum auget licet indirecte.

Ad 1. verò respondetur cum Galet. supra q. 20, art. 5. & Conrado hic negando minorem: nam D. Thom. id quod est directe, & per se volitum, vocat intentum: potest autem nocumentum etiam si non sit ita intentum, esse volitum indirecte, vt contingit in exemplo D. Thom. con. 2. adducto, eius scilicet qui vt compendiosius vadat ad fornicandum conculat segetes: hoc enim damnum, licet non intendat, quia non vult directe & per se, imò nollet inferre: est tamen volitum, quia prauidens illud non vult pratermittere, vt quod intendit consequatur.

Ad 2. respondetur negando consequentiam. differentia est, quia nocumentum de quo

ARTICVLVS VIII. 247

quo loquitur Diu. Thom. sequitur ex facto eius qui illud infert; iuuenum vero concupiscentia & peccatum non sequitur ex facto mulieris, sed ex iuuenum malitia, aut infirmitate: sicut & Iudæorum inuidia non ex prædicatione & miraculis Christi: sequebatur, sed ex malitia eorum.

Ad 3. nonnulli absolute negant antecedens; existimant enim, neque etiam ad vitandam mortem matris esse licitum talem medicinam conferre, aut procurare abortum, siue foetus sit animatus: quia hoc est intrinsecè malum, & nullo bono fine honestari potest, cum non fiat facienda mala, ut eueniant bona. Alij vt S. Ant 3 partit. 7. cap. 2. §. 2. & Syluester verbo *Medicus*, quæst. 4. quamuis negent antecedens, si foetus iam sit animatus, quia talis medicina esset causa mortis corporalis & spiritualis, & præferenda est salus spiritalis infantis: illud tamen concedunt si foetus nondum sit animatus, quia tunc talis medicina licet impediret animationem futuram foetus, nõ tamen esset causa mortis alicuius hominis, & vnũ hominẽ liberaret à morte. Alij deniq. absolute concedunt antecd. siue foetus nondum sit animatus, siue iam sit animatus, quia infans se habet vt inuadens, cum mortem inferat matri, & mater se habet vt inuasa, præferenda est autem vita inuasi, etiam si inuasor sit sine culpa; de quibus vide quæ dicemus 2. 2. q. 64 art. 7. dub. 2. con. 5. His autem duabus sententijs vltimis suppositis neganda est consequentia argumenti, quia in casu

248: QVAESTIO LXXIII.

antecedentis nocumentum & priuatio vitæ prolis non solum non est intentum, sed nec etiam voluntarium indirectè: nam vt diximus supra quæst. 6. art. 3. dubio vnico, con. vnica, ad voluntarium indirectè requiritur vt agens possit & teneatur, cum nocumento autem matris, nec ipsa nec alius tenetur vitare nocumentum prolis: at in casu consequentis, qui est 2. conc. nostræ, & D. Thom. qui præuidet nocumentum, illud tenetur vitare, sicque illi voluntarium est indirectè.

Quod S. Antoninus & Syluester vbi supra & alij docent, si foetus non sit animatus licitum esse ad præseruandam prægnantem dare illi medicinam qua abortiatur nonnulli recentiores extendunt, & dicunt, licitum etiam esse poculum abortionis præbere prægnanti ad præseruandum illam ab infamia, & a morte quæ a parentibus aut cognatis certo inferenda timetur.

Sed hoc improbable esse existimo: nullus enim id dixit ante recentiores, vel potius recentiorem istum, qui magis Iurisperitia quam Theologia pollet, quin potius S. Antoninus, & Syluester, quos pro se citat, dicunt vbi supra: *Dare medicinam prægnanti, vt abortiatur, & lateat peccatum, est mortale*. Scandalosum etiam videtur, cum ansam præbeat multa committendi peccata.

Præterea, nam Sixtus V. in sua Constitutione, quæ in ordine Bullarij est 87. contra præbentes pocula abortionis etiam foetu nondum animato præter pœnas quibus huius-

ARTICVLVS VII. 249

iussimodi afficiunt leges antiquæ tam Ecclesiasticæ, quam prophane, poenam irregularitatis decreuit, quam licet abstulerit Gregor. XIV. Constat & vterque tamen immane facinus esse existimauit talia pocula præbere, etiam si id hæc, vt communiter fieri solet, ne mulieris fama lædatur, aut vita periclitetur.

Deinde, quia etiam si foetus esset animatus possent huiusmodi pocula licitè dari, ne mulieris fama lædatur, aut vita periclitetur cum enim hoc fine non honestatur collatio talium poculorum foetu animato, si honestatur foetu nondum animato, cum licet illa maius peccatum sit, hæc etiam ex se sit peccatum mortale, & quantum ad peccatum reputetur homicidium, vt in 4. dist. 25. quæst. 1. art. 3. con. 4. ostendit M. Soto. At hoc falsum est; ergo &c.

Denique, sicut sumptio alicuius ex quo sequitur pollutio aut inebriatio, non potest esse licita, nisi quod sumitur habeat rationem medicinæ, ita nec sumptio eius ex quo sequitur abortus: sed quando nulla existente ægritudine in muliere, ne eius fama lædatur, aut vita periclitetur, sumitur poculum abortionis, hoc nullo modo habet rationem medicinæ, sed per se & ex natura sua ordinatur ad abortum efficiendum, ergo eius sumptio, non potest esse licita. Maior probatur; quia si id quod sumitur non habet rationem medicinæ, non est vnde possit eius sumptio medicinæ bona & honesta est, etiam si ex ea per accidens putetur pol-

lutio aut inebriatio sequutura; sumptio vero eius quod directè per se, & ex natura sua tendit ad pollutionem, aut inebriationem, & non ad sanitatem, intrinsecè mali est, & honestari nequit; etiam si fieret ne fama aut vita amitteretur apud eos inter quos infamis haberetur, & occideretur, qui non se inebriaret, aut pollueret poculis ad hoc per se & directè solum ordinatis. Eandem verò inò maiorem esse rationem de abortu patet, cum peius & magis contra naturam generationis sit expellere semina iam commixta, vt fit in abortu foetus inanimis, quam nondum commixta, vt fit in pollutione.

Hinc colligitur inefficacia argumèti quorundam recentiorum aduersus opinionem S. Antonini, Sylvestri, & aliorum, quæ confirmari videtur prædicta sententia, à nobis reprobata, quod est huiusmodi: Si licet euacuatio foetus nondum animati ad vitandam mortem matris, & restituendâ sanitatem; liceret etiam procurare abortû nondum animatum, cum ad famam & statum conseruandum opus erit; casus enim se offerre potest, adeo præmens, vt nullo alio medio possit mulier eripi, nisi abortu foetus nondum animati; sed hoc non est admittendum; ergo neque illud. Respondetur namque facile negando maiorem; differentia est, quia euacuatio foetus nondum animati ad vitandam mortem matris & restituendam sanitatem solum sequitur per accidens ex collatione medicinæ per se ad

ARTICVLVS LVIII. 251

ad restituendam sanicatem ordinate, quæ bona, & honesta est: procurare vero abortum nondum animatum, cum ad famam, & statum conseruandum opus est, non fit collatione medicinæ, nulla est namque medicina ad famam, & statum conseruandum, sed collatione poculi abortionis, quæ cum per se directe, & ex natura sua ordinetur ad abortum, intrinsece mala est, & nullo bono fine honestari potest.

Dubium 2. An quando nocumentum non est præuisum nec intentum, imputetur ad culpam, bancque aggrauet.

Pars negans probatur 1. Nocumentum quod nec est præuisum nec intentum non est voluntarium, nam vt patet ex dictis supra quæst. 6. art. 1. voluntarium nequit esse absque cognitione, ergo non imputatur ad culpam, nec illam aggrauat, quod enim huiusmodi est, voluntarium esse debet.

Secundò, quando nocumentum est præuisum, sed non intentum, solum indirecte aggrauat peccatum, vt patet ex dictis dubio præced. con. 2. & docet D. Thom. hic: ergo quando non est præuisum nec intentum directe, non aggrauat peccatum, alias enim magis illud aggrauaret quando nõ est præuisum, quam quando est præuisum.

Terzio, quia alias, cum maius nocumẽ-

252. **QVÆSTIO LXXIII.**

tum scilicet mortis animæ inferat inducens mulierem ad fornicandam, grauius peccaret quam homicida: sed hoc est falsum; ergo &c.

Dicendum tamen est 1. Nocumentum, quod per accidens se habet ad peccatum, etiam si nec sit præuisum, nec intentum, si tamen potuit & debuit præuideri, peccatum aggravare indirecte; sicque ad culpam imputari danti operam rei illicitæ. Colligitur hoc ex D. Thom. hic ubi sic habet: *Quandoque autem nocumentum nec est præuisum, nec intentum: & tunc si per accidens se habeat ad peccatum, non aggravat peccatum directè, sed propter negligentiam considerandi nocumenta, quæ consequi possent, imputantur homini ad pœnam mala, quæ eveniunt præter eius intentionem, si dabit operam rei illicitæ.* Quibus verbis S. Doctor solum negans huiusmodi nocumentum directè aggravare peccatum, indicat illud aggravare indirecte; quod enim dicunt quidam recentiores, vicio scriptorum superfluisse illam particulam *Directè*, unde constat? Unde recte Conradus hic dicit: *Tale nocumentum aggravat, non quia se tenet in ratione obiecti, & voliti per se, sed quia est volitum per accidens, quia potuit & debuit impediri, & per negligentiam non est impeditum.* Subdens verò S. Doctor tale nocumentum imputari homini ad pœnam, propter negligentiam considerandi illud si dabit operam rei illicitæ, indicat danti operam rei illicitæ imputari etiam ad culpam, cum pœna sit propter culpam, & supponat culpam,

ARTICULVS VIII. 253

eam, & negligentia ipsa culpa sit. Aduertit autem Conradus: *Quamuis conclusio* (scilicet D. Thom.) *solum sonet de dante operam rei illicitam quia de illo praesertim verificatur, tamen & de dante operam rei licitam, sed negligenti facere quod potest & debet, verificatur.* Et idem est de nostra conclusione. Distinguit tamen Conradus inter dantem operam rei licitam, & dantem operam rei illicitam, & de hoc ait: *Etiam si faciat debitam diligentiam, nihilominus incurrit reatum illius peccati vel nocu- menti, quia talia opera debent ab eo omnino esse aliena &c.* Idem dicunt Caiet. 2. 2. quaest. 64 art. 8. & Syluester verbo *Homicidium* 2. in principio, num. 2.

Hoc tamen M. Soto lib. 5. de Iustitia, quaest. 1. art. 9 quem multi alii sequuntur, existimat non esse verum de dante operam cuiusque rei illicitae, sed solum de dante operam rei illicitae periculosa, vel propter periculum nocuamenti prohibita. Iuxta quam sententiam nonnulli asserunt, medicum etiam clericum, qui omni adhibita diligentia curat infirmum, hicque casu moriatur ex purgatione, quam ei exhibuit iuxta regulas suae artis, non manere irregularem: nam non dat operam rei illicitae propter periculum prohibita; officium enim huiusmodi citra incisionem, & aduersionem non est prohibitum clericis rationem periculi, sed solum generaliter quatenus est officium saeculare.

Mihi vero probabilius videtur, etiam dantem operam rei illicitae propter periculum

lum prohibita si sufficientem ac debitam diligentiam adhibeat ne sequatur nocuum-
mentum, hoc nec ad culpam nec ad pœ-
nam illi imputari. Quam sententiam do-
cuisset M. Peña, & Cano referunt alij Tho-
mistæ recenciores, illamque saltem vt pro-
babilem approbant. Colligitur etiam ex
D. Thom. hic, vbi, vt patet ex verbis re-
latis, docet, danti operam rei illicitæ in-
putari ad pœnam malâ, quæ eueniunt præ-
ter eius intentionem, propter negligentiam
considerandi nocumenta quæ consequi
possent; ergo si omnem adhibet dili-
gentiam, non imputantur ei ad pœnam,
sicque nec ad culpam, cum hanc illa præ-
supponat, ex hacque illam sequatur.
Vndè Cap. *Ad aures*, De æta. & qual. & c.
cuidam clerico medico perito, qui iam
in sacris constitutus pluribus secundum
suam artem medicinam exhibuerat, non-
nullique illorum mortui fuerant, solum
respondit Sum. Pont. ab eo consultus: *Si
super premissis conscientia te remordeat, ad maio-
res ordines de nostro consilio non ascendas.* Ac
si diceret, debere se gerere vt irregulare;
si tamen eius conscientia illum remorde-
bat, eius scilicet culpa aut propter eius ne-
gligentiam illorum, quibus medicinam
exhibuerat, fuisse mortem subsequutam.
Differentia ergo inter dantem operam rei
licitæ, & dantem operam rei illicitæ etiam
propter periculum prohibita, solû est quan-
tum ad forum exterius; in quo quidâ ope-
ram rei illicitæ præsertim periculosa, &
pro-

propter periculum prohibite, semper præsumitur negligens, & tam culpam, quam eius poenam incurrisse; non vero qui dat operam rei licite, nisi de eius negligentia constet in iudicio. Sed de his vide quæ dicemus latius 2. 2. quæst. 64 artic. 8.

Dicendum est 2. Nocumentum quod per se sequitur ex actu peccati, licet non sit intentum nec præuisum, directe peccatum aggrauare, sicque ad culpam imputari. Docet hoc expresse D. Th. hic sic scribens. *Si vero nocumentum per se sequatur ex actu peccati, licet non sit intentum nec præuisum, directe peccatum aggrauat: quia quæcunque per se consequantur, ad peccatum, pertinent quodammodo ad ipsam peccati speciem; puta si aliquis publicè fornicetur, sequitur scandalum plurimorum, quod quamuis ipse non intendat, nec fortè præuideat, directe per hoc aggrauatur peccatum.* Directe nocumentum aggrauat peccatum, non solum quando est per se volitum formaliter, sed etiam quando est per se volitum virtualiter: hoc autem modo est volitum nocumentum, quod per se sequitur ad actum peccati; nam est volitum in sua causa per se, etiam si non sit formaliter, & expresse intentum nec præuisum. Tale est scandalum, quod sequitur ex fornicatione publica: nam quamuis possit contingere, vt ex fornicatione publica non sequatur scandalum, per se tamen natum est sequi ex illa: sicque ille qui publice fornicatur, quamuis nihil cogitet de scandalo, per se illud virtualiter vult in sua

causa ex qua natum est sequi, & per se
saltem vt in pluribus sequitur.

Ad 1. autem factum in principio respon-
detur negando antecedens: quamuis enim
quod non est præuisum sed ignoratum in-
vincibiliter non possit esse voluntarium:
quod tamen vincibiliter non est præuisum
sed ignoratum, quia scilicet potuit, & de-
buit prævideri, voluntarium esse potest,
nam ad voluntarium sufficit esse cum co-
gnitione quæ esse poterat, & debuerat, de
quo vide quæ diximus supra q. 71. artic. 5,
dub. 2.

Ad 2. respondetur negando consequen-
tiam. nocumentum enim præuisum & non
intentum, de quo dnbio præced. con. 2.
dictum est agrauare indirecte, non sequi-
tur per se ex actu peccati, sed per accidens,
licet namq; nocumentum conculcationis
segetum per se sequatur ex transitu per a-
grum seminatum, ex actu tamen fornicat-
ionis solum per accidens sequitur. At ex
fornicatione publica per se sequitur, aut na-
tum est sequi scandalum plurimorum.

Ad 3. respondetur, si quis induceret
mulierem paratam ad fornicandum, esse
sententiam multorum nullum nocumen-
tum iasperre illi, nec eam reuera scandali-
zare, nec illam proprie ac moraliter indu-
cere, cum ipsa iam sua voluntate, ac spon-
te esset exposita, sicque circumstantiam
inductionis non esse necessario confiten-
dam ab eo qui fornicatur cum muliere pa-
rata. Si vero induceret mulierem non

pa-

ARTICVLVS VIII. 257

paratam ad fornicandum; quamuis sequeretur scandalum, & mors spiritualis mulieris: non peccaret grauius homicida, vt hic ad 3. ostendit D. Thom. tum quia homicida est per se, & sufficiens causa mortis corporalis; inducens verò mulierem ad fornicandum non est per se & sufficiens causa mortis spiritualis illius, cum nullus spiritualiter moriatur nisi propria voluntate peccandi: tum etiam quia homicida intendit directe nocumentum mortis corporalis; inducens verò mulierem non intendit nocumentum mortis spiritualis, sed delectationem. Si inducens mulierem nocumentum mortis spiritualis intenderet, absque dubio grauius peccaret, nam esset actus odij formalis, quod est maximum peccatorum. Ex quo si inferas, grauius quoque peccatum fore inducere ad peccatum veniale ex intentione, vt scilicet talis culpe malum incurrat aliquis. Respondetur ex sua specie grauius esse, in indiuiduo tamen esse leuius ob paruitatem materie: est enim tantum peccatum veniale, quod leuius est mortali, quale est homicidium: cuius nocumentum inter mala corporalia est maximum, & irreparabile, nocumentum autem peccati venialis inter mala spiritualia est paruum, & facile reparari potest, ac multis remedijs facillimis refarciri.

Circa art. 9. & 10. nihil se offert dicendum.

QVAE

QVÆSTIO LXXIV.

De subiecto peccatorum.

ARTICVLVS I.

*Utrum voluntas sit subiectum peccati.***Conclusio est affirmans.***Dubium. An voluntas sit subiectum omnis peccati.*

PArtem negantem quidam tenent, & probant i. Actus non est formaliter tanquam in subiecto in potentia imperante, sed in eliciente: at licet omnia peccata sint à voluntate, non tamen omnia sunt ab ea tanquam ab eliciente, sed multa solum ab ea sunt tanquam ab imperante, ut patet in infidelitate, & intemperantia; ergo non omnia sunt in voluntate, ut in subiecto. Confirmatur: non omnes virtutes, & actus earum sunt in voluntate, fides enim in intellectu, & temperantia in appetitu sensitivo est, non in voluntate; ergo neque omnia vitia, & peccata.

Se.

ARTICVLVS I. 259

Secundò, vnus actus non potest esse formaliter tanquam in subiecto in pluribus potentijs; sed vnum peccatum est vnus actus; ergo non potest esse formaliter tanquam in subiecto in pluribus potentijs. At multa peccata sunt in alijs potentijs; ergo illa nequeunt esse in voluntate.

Dicendum tamen est. Voluntatem subiectum esse omnis peccati. Ita Caiet. hic §. *In eodem*, Probatur: omne peccatum est actus immanens, voluntarius, & moralis; sed quia voluntarius, & moralis est, a voluntate quæ est principium actuum voluntariorum, procedit, & quia immanens, tanquam in subiecto esse debet in tali principio: ergo &c. Maior. quæ est Thom. hic difficultate non caret, cum constet multa peccata non esse actus, sed omissiones, multaque non actus immanentes, sed transientes. Dico tamen omissionem non esse peccatum sine actu voluntatis expresso, aut virtuali, quod est voluntaria, ex actuque huiusmodi, & omissione exteriori vnum peccatum omissionis fieri, & idem est de actu exteriori: licet enim interior, & exterior actus diuersi sint secundum genus naturæ, ex illis tamen vnum constituitur in genere moris, vt patet ex dictis supra qu. 10. art. 3. Quia ergo siue actu voluntatis nullum est peccatum, ex talique actu & exteriori omissione, vel actu vnum peccatum constituitur, rectè omne peccatum dicitur actus immanens voluntarius, & moralis, sicque
in

260 QVABSTIO LXXIV.

in voluntate tanquam in subiecto esse;
Cum enim in omni peccato concurrat actio vo-
luntatis positivè, vel privativè, oportet omne
peccatum ratione huius esse in voluntate.
 Inquit Caietanus.

Ad 1. verò responderetur distinguendo mi-
 norem, quantum ad substantiam, & id
 quod in eis est quasi materia, qualis est a-
 ctus exterior, vel alterius potentie à vo-
 luntate concedo: quantum ad id quod est
 in eis quasi formale, qualis est actus inte-
 rior, à quo habent esse voluntaria, nego mi-
 norem; hic enim actus à voluntate est tan-
 quam ab eliciente, & hoc sufficit ut volun-
 tas sit subiectum omnis peccati, saltem
 partialiter. ad confirmationem dico ha-
 bitus virtutum, & vitiorum esse in poten-
 tia ubi actus principaliter est quo ad sub-
 stantiam, & eius materiale, non ubi est quo
 ad formale, à quo habet esse voluntarium.

Ad 2. responderetur: Peccatum non
 semper esse unum simplicem actum, sed
 sæpe includere, aut connotare duos, exte-
 riorem scilicet, & interiorem, ex quibus
 unum efficitur in genere moris.



ARTICVLVS II.

Vtrum sola voluntas sit subiectum peccati.

Conclusio est negans.

Dubium. An alie potentie à voluntate sint subiectum peccati quo ad formale, quod est malitia moralis.

PArtem negantem quidam tenent, & probant 1. D. Thom. supra quæst. 20. art. 3. ad 3. ait, bonitatem vel malitiam actus exterioris non deriuari à bonitate vel malitia actus interioris vt à causa vniuoca, sicut calidum à calido, sed secundum analogiam, sicut à sano quod est in corpore animalis deriuatur sanum ad medicinam, & vrinam; ergo sicut sanitas solum inheret animali, & denominatione solum extrinseca conuenit vrinæ, & medicinæ, ita malitia solum erit in voluntate sicut in subiecto, in actibus vero aliarum potentiarum solum, erit extrinseca denominatione.

Secundo, si malitia moralis peccati non tantum esset in voluntate, sed etiam in aliis potentiis, vel esset vna malitia vel plures: nō vna, nam cum malitia sit accidens reale idem numero accidens reale esset in pluribus

262 **QVAESTIO LXXIV.**

bus potētis, & subiectis: nec plures, nā essēt plura peccata, vbi enim plures actus, & plures malitię sunt, plura peccata esse oportet; ergo &c. Si dicas esse plures malitias partiales, ex quibus resultat vna malitia totalis & vnum peccatum. Contra: vel ista vna malitia totalis est vna vnitatem compositionis factę ex diuersis partibus, ita vt vna pars sit in actu voluntatis, & alia in actibus aliarum potentiarum, & tota in toto constituto ex illis actibus: vel est vna vnitatem simplicitatis, & indiuisibilitatis ita vt tota sit in quolibet actu ex illis, & tota in omnibus simul: non primum, nam actus aliarum potentiarum adderent malitiam supra malitiam actus voluntatis, quod est contra D. Thom. supra quęst. 20. art. 4. nec secundum, quia tunc vna & eadem forma accidentalis tota inhereret subiecto spiritali, quale est voluntas, & corporeo, quale est appetitus sensitivus, quod dici non potest; ergo &c.

Tertio, vbi non est libertas, non est bonitas vel malitia moralis, huius enim illa est fundamentum: sed actus aliarum potentiarum a voluntate solum dicuntur liberi extrinseca denominatione; ergo & solum extrinseca denominatione boni vel mali. Confirmatur 1. solum illa potentia est subiectum bonitatis, & malitię moralis, quę versatur circa bonum vel malum honestum: sed sola voluntas est huiusmodi, ergo &c. Confirmatur 2. veritas & falsitas formaliter solum est in intellectu, in alijs vero extrinseca

ARTICVLVS III. 263

seca denominatione, vt in voce tanquam in signo, & in rebus tanquam in causa: ergo & bonitas, & malitia moralis formaliter solum erit in voluntate, in aliis vero potentiis extrinseca denominatione dumtaxat.

Dicendum tamen est: Non solum voluntatem, sed etiam alias potentias esse subiectum peccati etiam quo ad formale, quod est malitia moralis. Sermo hic est de malitia morali in exercitio, nam obiectiuam supra quaest. 20. art. 2. ostendimus intrinsece, & formaliter esse in actu exteriori. Probatur 1. nam D. Thom. hic ita scribit: *Non solum voluntas potest esse subiectum peccati, sed omnes illae potentiae, quae possunt moueri ad suos actus, vel ab eis reprimi per voluntatem. & eadem etiam potentiae sunt subiecta habituum moralium bonorum vel malorum, quia eiusdem est actus, & habitus.* Si dicas D. Thom. intelligendum esse de peccato quantum ad formale. Contra D. Thom. ad 3. constituit differentiam inter membra corporis exteriora, & potentias quae sunt subiecta habituum moralium, & his concedit esse subiectum peccati, illis verò negat: sed membra corporis exteriora possunt esse subiectum peccati materialiter sumpti: nam peccatum videndi mulierem impudicè quantum ad materiale est in oculo, & manus motus ad percutiendum, qui est materialiter peccatum, est in manu; ergo non loquitur D. Tho. de peccato quantum ad materiale, sed quantum ad formale.

Secundo probatur ratione insinuata à D. Thom.

264 *QUAESTIO LXXIV.*

Thom. in illis verbis ultimis, *Quia eiusdem est actus, & habitus*. Actus virtutem, & vitiorum ab his habitibus procedunt, non solum quantum ad materiale, sed etiam quo ad formale bonitatem scilicet vel malitiam moralem in exercitio; est enim Virtus teste Aristot. 2. Ethic. capit. 6. *Habitus quo bonus efficitur homo, & quo bene opus reddit efficiturque*; Vitium è contra, quo male suum opus reddit & efficit; ergo cum eiusdem sit actus & habitus à quo procedit, & in aliis potentiis à voluntate sint virtutes & vitia, nempe in intellectu & in appetitu sensitivo; in eisdem erunt tanquam in subiecto actus horum habituum, non solum materialiter, sed etiam formaliter quantum ad bonitatem vel malitiam in exercitio. Confirmatur 1. Idem est subiectum actus primi, & actus secundi: sed aliae potentiae à voluntate, in quibus sunt virtutes & vitia sunt subiectum bonitatis vel malitiae in actu primo; ergo & in actu secundo atque in exercitio. Maior probatur: tum quia actus primus non est ultima perfectio, cum constituat subiectum in potentia ad actum secundum; ergo in eodem subiecto in quo est actus primus, debet recipi actus secundus, nam actus recipitur in potentia, quae est in potentia ad illum. Tum etiam quia actus primus est forma per quam potentia est in actu ad producendum actum secundum; ergo idem subiectum esse debet utriusque actus. Confirmatur secundo. Bonitas & malitia in exercitio est virtutaliter tanquam

quam in causa efficiente in habitibus virtutum & vitiorum, ergo eam causant in suis actibus, qui cum sint immanentes, in eodem subiecto sunt quo ipsi habitus.

Tertio probatur, appetitus sensitivus est principium actus voluntarii, & vt subordinatus motioni voluntatis est liber per participationem, ergo est subiectum peccati formaliter, licet non primo sed secundo. Consequentia patet, nam vt hic ait D. Th. *Omne quod est principium voluntarij actus est subiectum peccati*: & in potentia libera per participationem non est cur negemus esse peccatum formaliter secundo. Antecedens quo ad primam partem asseritur à D. Thom. hic ad 3. & art. seq. ad 1. & supra quæst. 56. art. 4. Quo ad 2. vero partem probatur: Tum quia vt hic ad 3. ait D. Th. *Potentia appetitiva interiores comparantur ad rationem quasi libera, quia agunt quodammodo & aguntur vt patet per id quod dicitur in 1. Politicorum*. Vbi cap. 3. hanc constituit Arist. differentiam inter membra corporis, & appetitum sensitivum. *Anima quidem corpori dominatur despotico principatu, intellectus appetitus politico, & regale*. Quod Diu. Th. ibi lect. 3. & sup. q. 56. ar. 4. ad 3. exponit *Anima regit corpus despotico principatu, id est sicut dominus seruum & ideo totus motus corporis refertur ad animam. Sed irascibilis & concupiscibilis non obediunt ad nutum rationi, sed habent proprios motus suos, quibus interdum rationi repugnant*. Hoc autem non solum intelligendum esse existimo de motibus naturalibus,

nam hos quoque membra corporis habet; ut patet in pudendis; sed etiam de liberis. nam ratione dictante nullam fornicationem esse committendam, potest appetitus sensitivus fornicationem concupiscere actu libero, qui sit peccatum, subordinato tamen actui voluntatis; hac enim renitente nequit appetitus sensitivus habere actum liberum, sed si quem habet, naturalis est, nam totam libertatem habet à voluntate. Ut autem à voluntate participatam habeat intrinsecè, satis est, ut eodem modo, quo voluntas rationi repugnare potest, possit etiam appetitus sensitivus, hicque moueatur non quidem instinctu naturali, sicut appetitus sensitivus brutorum, sed consilio, persuasione & rationibus adductis à cogitativa proponente ei obiectum cum indifferentia, sicut intellectus; proponit voluntati. Tum etiam quia appetitus sensitivus, ut subordinatus motioni voluntatis, est rationalis per participationem, unde *D. Thom. supra q. 56. art. 4. ait irascibilem & concupiscibilem posse considerari, Vno modo secundum se, alio modo in quantum participant rationem;* ergo & liber per participationem formaliter & intrinsecè, & non tantum extrinseca denominatione, sicut membra exteriora, quæ sicut non dicuntur rationalia per participationem, ita nec libera; libertas enim ad partem rationalem pertinet. Tum denique, cogitativa ex subordinatione ad rationem participat esse principium & subiectum discursus, qui est proprius actus intellectus; ergo appetitus

ARTICVLVS. II. 267

tus sensitivus ex conjunctione ad voluntatem, cuius est propria libertas, participabit esse principium & subiectum actus liberi.

Ad 1. vero respondetur, D. Thom. ibi, vel nomine actus exterioris intelligere, non actum cuiuscumque alterius potentiae a voluntate, sed actum membri exterioris corporis, quod colligunt nonnulli ex argumento primo illius articuli, ubi ait actus exterioris principium esse potentiam exequentem motum, quod non negat, sed admittit in eius solutione: potentia autem exequens motum in membris corporis [exterioribus] est. Vel si nomine actus exterioris intelligit etiam actus appetitus sensitivi, non loquitur de quacunque bonitate, sed de ea de qua dixerat in corp. artic. *Bonitas finis ex voluntate resultat in actum exteriorem.* Hanc autem concedimus, non esse intrinsece in appetitu sensitivo, de quo vide quæ dicemus in dubio 1. circa 3. & 4. seq. art.

Ad 2. respondetur optimam esse solutionem ibi positam, quam insinuat Conradus hic art. 1. dicens omne peccatum saltem partialiter esse subiectivè in voluntate, quia ex actu elicitò, & inipetrato constituitur unum peccatum. Colligitur etiam ex Div. Thom. quæst. 2. de Malo, art. 2. dicente: *Peccatum dicitur esse voluntas: non quod tota essentia peccati sit in actu voluntatis, sed quia totum peccatum consistit in voluntate sicut in radice.* Undè cum essentia peccati sit eius malitia, non tota eius malitia, sed pars malitiæ erit in voluntate, & pars in alijs potentijs, quæ

268 **QVÆSTIO LXXIV.**

sunt subiectum virtutum & vitiorum. Quo-
modo autem vna numero malitia possit es-
se in pluribus subiectis explicatur Exemplis:
vnus enim numero ternarius est in tribus
hominibus, & vna numero figura domus
est in lapidibus, lignis &c, nam quamuis
vnitas numerica accidentis sumatur à
subiecto, hoc intelligendum est de
totali, non de partialibus: in exemplis au-
tem adductis, licet sint multa subiecta par-
tialia; est tamen vnum numero subiectum
totale, & idem est in nostro casu. Quo-
modo vero actus voluntatis, & aliarum poten-
tiarum efficiant vnum subiectum totale ex-
plicatur quando voluntas mouet appeti-
tum sensitium ad male concupiscendum,
concurrunt tres actus, scilicet intellectus
male iudicantis, & imperantis, voluntatis
male volentis & mouentis, & appetitus sen-
sitiui male elicientis. Hi autem actus etsi
in genere naturæ sint individua distincta;
tamen in genere moris integrant vnum nu-
mero peccatum. Cuius ratio desumitur ex
D. Thom. in 2. d. 42. quæst. 1. ar. 1. quia pec-
catum est individuum pertinens ad genus
moris: actus autem dicuntur morales qua-
tenus sunt voluntarij & liberi: illa ergo quæ
pertinent ad integritatem actus voluntarij,
pertinent, etiam ad integritatem pec-
cati; ad integritatem vero actus volun-
tarij circa particulare bonum sensibile
tres actus concurrere debent, scilicet ra-
tionis dirigentis, voluntatis mouentis, &
appetitus elicientis actum; isti ergo tres
actus

actus in genere naturæ, vnum integrum, actum voluntarium in genere moris efficiunt; inter quos illi qui se tenent ex parte rationis, & voluntatis, habent se vt formale; qui verò se tenet ex parte appetitus vt materiale, quia appetitus determinatur & mouetur à voluntate & ratione, vnde est in potentia respectu rationis & voluntatis; ex potentia autem & actu, & ex forma & materia vnum efficitur: vnde licet in quolibet eorum sit malitia partialis, in tribus tamen est vna totalis malitia. Ad impugnationem huius dico: malitiam esse vnā vnitatem compositionis; ita vt pars sit in quolibet eorum, & tota in toto constituto scilicet ex illis actibus. Cum autem D. Thom. asserit actum exteriorē non addere bonitatem; vel malitiam supra interiorem, nomine actus exterioris intelligit actum membrorum exteriorum, vel si etiam comprehendit actum intellectus & appetitus, illud asserit, quia tota malitia quæ est in actibus talium potentiarum, est radicaliter in actu voluntatis, vt colligitur ex verbis D. Thom. quæst. 2. de Malo. ar. 2. ad 2. adductis.

Ad 3. respondetur negando minorem. De actibus intellectus dicemus art. 5. De appetitu sensitivo asserendum est: vt subordinatum motioni, voluntatis esse liberum per proprium actum, & intrinseca denominatione, non quidem essentialiter, sed accidentario, eo modo quo aqua dicitur calida per calorem participatum ab igne; in quo

differt appetitus sensitivus à membris exterioribus, quæ ut sub sunt motioni voluntatis, non habent libertatem intrinsecam, & per proprium actum, sed per actum voluntatis, ratione cuius, actus membrorum exteriorum extrinseca denominatione dicuntur liberi. Vide quæ diximus in 3. probatione conclusionis. Ad 1. confirmationem dico: etiam appetitum sensitivum, versari circa bonum honestum, sicut & virtutes quæ in illo sunt, non tamen circa bonum honestum in cōmuni cognitum, nam hoc est bonum intelligibile: sed in particulari cognitum & regulatum, non quidem immediate per intellectum, sed per cogitativam: quæ teste D. Thom. 1. par. quæst. 78. ar. 4. *Dicitur ratio particularis*. Hoc enim est bonum sensibile, cum cogitativa solum apprehendat sensibilia, & determinatum bonum quod habet appetitus sensitivus, ratione cuius potest esse in eo virtus, ut colligitur ex D. Thom. hic ad 2. Itaque cum bonum honestum sit bonum conforme rationi rectæ, ut habet munus regulæ dirigentis, & in homine non solum ratio vniuersalis scilicet intellectus, sed etiam ratio particularis scilicet cogitativa habeat per participationem esse regulam dirigentem; ideo bonum honestum in particulari cognoscitur per cogitativam, & sic appetitus sensitivus potest ferri in illud. Neque hinc sequitur in homine esse duas regulas, intellectum scilicet & cogitativam: quia cogitativa non habet

ex

ARTICVLVS IV. 271

ex se esse regulam dirigentem, sed participat hoc à ratione. quæ dirigit omnes potentias etiam cogitativam, & mediante cogitativa appetitum sensitivum. Ad 2. confirmationem dico: Veritatem formalem primo & per se solum esse in intellectu; secundo tamen & per participationem etiam esse in cogitativa formaliter, quia hæc potentia conficit propositiones ex terminis singularibus, & ex his discursus: in vocibus autem & rebus solum esse veritatem extrinsecam denominatione. Idem est de bonitate, & malitia, primo enim & per se est in actu voluntatis, secundo & per participationem in actu appetitus sensitivi: in actibus verò membrorum exteriorum solum extrinsecam denominatione.

ARTICVLVS III.

Vtrum in sensualitate possit esse peccatum.

Conclusio est affirmans.



ARTICVLVS IV.

*Vtrum insensualitate possit esse
peccatum mortale.*

Conclusio est negans.

*Dubium I. Cur in sensualitate possit
esse peccatum veniale, & non mor-
tal e.*

Varij sunt de hac re dicendi modi. Alijs
omissis, solum modum dicendi Caietani
examinabimus, & nostrum propone-
mus. Caietanus ergo, hic ait: *Quia sensua-
litas secundū se habet tantū libertatis ut sufficiat
ad peccatum veniale, ideo peccatum veniale
ei tribuitur: quia vero non habet tantum ratio-
nalitatis ut possit in peccatum mortale, quia
non est eius respicere bonum rationis ut finem,
ideo ei non attribuitur peccatum mortale.*
Sensualitatem autem prædicta libertate
esse præditam probat Caiet. Vires nostræ
sensitivæ apprehensivæ secundum se, quia
sunt in tali subiecto scilicet homine, habent
quandam excellentiam supra vires appre-
hensivas brutorum, nam cogitativa, & remi-
niscentia habent collationem, & discursum,
quod non habent estimativa, & memoria
in brutis; ergo & vires appetitivæ sensitivæ,
ex eo quod sunt in homine, debent habere
aliquam excellentiam nempe libertatem
secun-

ARTICVLVS IV. 273

secundum se : Ita quod non solum ex hoc quod actualiter mouentur vel non mouentur à voluntate , sed se ipsis quia sunt tales , quia sunt volentis , sunt quodammodo liberi .

Hunc modum dicendi fere omnes impugnant. Tum ex illo ad Rom. 8. v. 1. Nihil ergo nunc damnationis est ijs qui sunt in Christo Iesu: qui non secundum carnē ambulant. Quæ verba assumens D. Bernardus Serm. 1. in Ascensione Domini inquit : Nulla damnatio est his qui sunt in Christo Iesu concupiscentiæ sensus absq; consensu : ergo vbi non est consensus formalis voluntatis mouentis , nec interpretatiuus eiusdem non prohibentis , nullum est peccatum etiam veniale , alias enim aliquid damnationis , & pœna dignū esset . Tum etiam ex Concil. Triden. Sess. 5. in Decreto de peccato originali , vbi de concupiscentia dicitur : Nocere non consentientibus , sed viriliter per Christi Iesu gratiam repugnantibus , non valet . At noceret , si in sensualitate esset aliqua libertas sufficiens ad peccatum veniale , sine motione voluntatis ; ergo &c. Tum præterea ex D. Aug. lib. 1. Retract. cap. 9. dicente . Non est cui rectè imputetur peccatum , nisi volenti . Et paulo post : Voluntas est qua & peccatur , & rectè viuatur . Et lib. 2. de lib. arb. cap. 1. Non enim aut peccatum esset , aut rectè factum quod non fieret voluntate . Et lib. de vera religione cap. 24. Quare aut negandum est peccatum committi , aut fatendum est voluntate committi . Tum deinde ex D. Thom. hic ar. 1. & 2. ad 1. & in 2. d. 24. qu. 3. art. 2. dicente

M v pec-

peccatum non esse nisi ubi est dominium voluntatis, & non nisi voluntate peccati sicut primo mouente; alijs verò potentijs peccari sicut ab ea motis. Tum denique multis rationibus.

Existimo tamen contra modum dicendi Caietani predicta non militare; licet enim Caietanus in hominis sensualitate secundum se aliquam libertatem, aut vestigium libertatis constituat, id intelligendum est, de libertate in actu primo: quam tamen non asserit exire posse in actum secundum, & peccatum veniale committere sine voluntatis mouentis, aut non prohibentis consensu, cum hic art. 1. dicat. *Omne peccatum est subiectivè in voluntate.* Et statim: *Omne peccatum est actus immanens, & à voluntate.* Et art. 4. 9. *Ad hoc, asserat: Proculdubio cum de subiecto peccati est sermo oportet, vel de voluntate, vel de potentia ut subest voluntati intelligi.* Sed quod asserit est, voluntate mouente, aut non prohibente quando oportet, &c. (quod eiusdem rationis esse dixerat) peccatum veniale sensualitatis in eius libertatem tanquam in proprium principium resoluendum, & reducendum esse, sicque sensualitati tribuendum; peccatum verò mortale non posse in eius libertatem resolveri, & reduci, sicque nec sensualitati tribui, sed voluntati; ut enim aliqua potentia peccet, & peccatum ei tribuatur, non sufficit ut sit mota à voluntate, sic enim manus peccaret percutiendo, sed oportet ut secundum

dum se libertatem habeat : & quia libertas quam habet sensualitas non sufficit , etiam mouente ; aut non prohibente voluntate , ad peccatum mortale , *Quia non est eius respicere bonum rationis ut finem* , ideo peccatum mortale non tribuitur ei , sed voluntati , aut si sensualitati tribuitur , non ratione alicuius , quod sit sensualitatis proprium . sed ratione motionis à superiore scilicet voluntate : quia vero sensualitatis libertas sufficit ad peccatum veniale , non quidem absque voluntatis mouentis , aut non prohibentis consensu , sed cum illo ; ideo peccatum veniale illi tribuitur .

Dicendum nihilominus est : Verum dicendi modum colligi ex D. Thom. hic articulo 4. ubi probat peccatum mortale non esse in sensualitate , aut appetitu sensitivo , quia inordinatio peccati mortalis est à fine ultimo . *Ordinare autem aliquem in finem non est sensualitatis , sed solum rationis . Inordinatio autem à fine non est nisi eius , cuius est ordinare in finem : unde peccatum mortale non potest esse in sensualitate , sed solum in ratione* . Et ad 1. ait : *Actus peccati mortalis non habet quod sit peccatum mortale ex eo quod est sensualitatis sed ex eo quod est rationis , cuius est ordinare in finem : Et ideo peccatum mortale non attribuitur sensualitati , sed rationi* . Ex his colligo rationem ob quam peccatum veniale est in sensualitate ; non verò peccatum mortale intrinsecè : quia scilicet in sensualitate sunt omnia quæ pertinent ad peccatum veniale , non tamen

276 *QVAESTIO LXXIV.*

omnia quę pertinent ad peccatum mortale; deordinatio enim ab ultimo fine, quę est de ratione peccati mortalis, eiusque mortalitas, non est in sensualitate nisi extrinseca tantum denominatione. De ratione autem peccati venialis non est deordinatio ab ultimo fine, sed solum circa media, vel circa fines particulares qui possunt contineri sub obiecto appetitus sensitivi, & ideo peccatum veniale quantum ad omnia potest esse intrinsecè in appetitu sensitivo, non tamen peccatum mortale.

Quamvis autem in sensualitate sint quædam peccata quę ex suo genere, vel obiecto sunt mortalia, intelligendum hoc est, non formaliter, ita ut præcisè, quia tale obiectum respiciunt, sint mortalia, nam ratio peccati mortalis non sumitur in ordine ad istud obiectum, sed in ordine ad ultimum finem, propter quod D. Thom. hic art. 4. ad 1. inquit. *Actus peccati mortalis non habet quod sit peccatum mortale ex eo quod est sensualitatis, sed ex eo quod est rationis, cuius est ordinare in finem.* Solum ergo dicuntur peccata mortalia ex suo genere, vel obiecto concomitanter, quia scilicet actus sensualitatis circa tale obiectum committatur ex parte voluntatis conuersio ad creaturam tanquam ad ultimum finem, & auersio a Deo ultimo fine.



Dubium 2. An omnis motus sensualitatis circa illicitum sit peccatum saltem veniale.

P Ars affirmans probatur 1. ex illo ad Roman. 7. v. 19 *Nem enim quod volo bonum hoc facio, &c. sed quod odi malum hoc ago.* Quod vt hic art. 3. in argum. *Sed contra*, ait D. Thom. exponit D. August. de malo concupiscentiæ, quod constat. esse motum quendam sensualitatis; si ergo quando homo odit motum sensualitatis ad illicitum, ac proinde illi voluntas resistit, talis motus est malum, & peccatum, semper erit peccatum.

Secundò, D. August. lib. 5 contra Iulianum cap 3. non longe à principio ait: *Sicut cecitas cordis, &c. ita concupiscentia carnis aduersus quam bonus concupiscit spiritus, & peccatum est, quia inest illi inobedientia contra dominatum mentis, & pœna peccati est, quia redditur meritis inobedientis.* Ergo cum de omni motu sensualitatis ad illicitum verum sit inesse inobedientiam ad dominatum mentis, de omni tali motu erit verum esse peccatum.

Tertio, D. Thom. hic art. 3. ad 2. ait *Corruptio fomitis impedit quin homo rationabili voluntate possit reprimere singulos motus inordinatos sensualitatis, si presentiat.* Et postea subdit: *Hoc solum sufficit ad rationem peccati voluntarij, quod possit vitare singula.* Sentit

278 **QVÆSTIO LXXIV.**

tit ergo omnes esse peccata . Et ad 3. inquit : *Motus sensualitatis rationem præcedens est peccatum veniale .* At nullus nisi hic excipi poterat ; ergo omnis est peccatum saltem veniale . Et 3. par. qu. 41. ar. 1. ad 3. ait : *Tentatio qua est à carne , non potest esse sine peccato : quia huiusmodi tentatio fit per delectationem , & concupiscentiam , & sicut August. dicit , nonnullum peccatum est , quando caro concupiscit aduersus spiritum .* Et ideo Christus tentari voluit ab hoste , sed non à carne . Sed quoties in sensualitate est motus ad illicitum , caro concupiscit aduersus spiritum , & est tentatio , quæ est à carne ; ergo quicumque talis motus peccatum est .

Quartò , si non omnes motus sensualitatis ad illicita essent peccata , liceret in his quæ peccata non sunt complacere : sed hoc est falsum ; ergo &c.

Dicendum tamen est : Non omnes motus sensualitatis circa illicita esse peccata mortalia aut venialia , etiam si oriantur ex apprehensione obiecti præsentis vel absentis . Prima pars est de fide definita in Concil. Trid. Sess. 5. in Decreto de peccato originali aduersus Lutherum & alios hæreticos asserentes , omnes motus sensualitatis esse peccata mortalia , etiam voluntate non consentiente . Contra quos vide etiam M. Soto lib. 1. de natura , & gratia c. 11. & seq.

Secunda pars , non esse scilicet peccata venialia omnes motus sensualitatis , videtur esse contra plures Scholasticos antiquos . Sed
hos

ARTICVLVS IV. 279

hos eodem modo quo D. Th. explicandos esse existimo. Probatur nam in Conc. Trid. loco citato absolute dicitur concupiscentiam non nocere non consentientibus, & non esse verè, & propriè peccatum; si autem omnes motus sensualitatis essent peccata venialia, non consentientibus noceret concupiscentia, & verè, & propriè peccatum esset, sicut tale est mendacium, quamuis solum sit peccatum veniale; ergo &c. Verba etiam Pauli ad Roman. 8. vers. 1. *Nihil damnationis &c* ibidem assumpta à Concilio, apertè indicant, nihil peccati etiam venialis esse in motibus sensualitatis eorum, qui nullo modo consentiunt, peccatum enim veniale aliquid damnationis, seu damnabile, & pœna dignum est, ergo &c.

Secundò probatur ex D. Aug. nam lib. 5. contra Iulianum cap. 3. ait: *Alioquin frustra dictum est post concupiscentias tuas non eas, si iam quisque reus est, quod tumultuantes, & ad mala trahere nitentes sentit eas.* Et lib. 6. cap. 8. & lib. 1. de Ciuit. Dei, cap. 25. & lib. 12. de Trinit. cap. 7. & lib. 3. de liber. arbitr. cap. 25. & alibi dicit similia, quibus quod nos asserimus docet.

Tertiò, non omnes motus sensualitatis ad illicita sunt voluntarii; ergo nec peccata etiam venialia. Antecedens probatur: si essent voluntarii, maxime quia si ratio vigilaret, posset eos impedire: sed hoc est falsum, nam perpetua vigilia, cum requirat actualem considerationem, & aduer-

280 *QVÆSTIO LXXIV.*

tentiani ne motus insurgant, quæ ob occupationes, & negotia in vita præsentis impossibilis est, non est in nostra potestate, & experientia constat, etiam postquam ratio aduertit, & sentit hos motus, licet conetur illos reprimere, non posse; ergo &c.

Tertia pars probatur ex D. Thom. supra quæst. 17. artic. 7. ubi sic ait: *Contingit quædoque quod motus appetitus sensitui subito concitatur ad apprehensionem imaginationis vel sensus, & tunc illi motus est præter imperium rationis, quamuis potuisset impediri à ratione, si præuidisset.* Ergo si nulla sit præuisio, ratio non poterit impedire, & præter imperium eius erit motus appetitus, ac proinde non erit peccatum, experientia etiam constat sæpe subito repræsentari nobis obiecta illicita, quæ vidimus vel audiimus, & tunc subito etiam sequi motus appetitus sensitui in talia obiecta, ac si essent præsentia, & nullo pacto potuisse rationem aut voluntatem illos reprimere, quia illos intellectus non præuidit: ergo non sunt peccata. Neque oppositum huius docuit D. Thom. in 2. d. 21. quæst. 1. ar. 2. ad 5. & quæst. 7. de Malo ar. 6. ad 8. Solum enim differentiam constituit inter motus appetitus sensitui insurgentes ex corporis dispositione, & insurgentes ex aliqua apprehensione: nam primos ratio quamuis aduertat, vitare non potest, quia dispositio corporalis non subiacet imperio rationis, & ratio tollere eam non potest: secundos verò ratio, si aduertat, impedire ac vitare potest diuertendo

ARTICVLVS IV. 281

do alio cogitationem , quæ est illorum causa , quod si non faciat , peccata erunt.

Notanda est autem distinctio , quam Div. Thom. insinuat , estque celebris inter Theologos , motuum appetitus sensitivi. Quidam enim dicuntur primo primi , qui scilicet non sunt in nostra potestate , sed naturaliter excitantur in appetitu sensitivo . Alii verò dicuntur secundo primi , qui scilicet aliquo modo sunt in nostra potestate , excitantur tamen ante perfectam deliberationem , & plenam aduertentiam rationis , sicque vocantur , quia sunt secundi post primo primos , & primi inter morales , & liberos , propter quod etiam vocantur imperfectè liberi , & semiplenè deliberati . Alii denique plenè deliberati dicuntur , quibus scilicet voluntas consentit , posita iam plena aduertentia rationis . Hi quando sunt circa illicitum , Dei lege prohibitum , peccata mortalia sunt ; secundi vero peccata venialia , primi autem nulla peccata sunt . Cumque primi generis multi sint orti ex apprehensione obiecti tam absentis , quàm præsentis , non omnes , ex tali apprehensione orti , erunt peccata , sed illi dumtaxat qui sunt in nostra potestate .

Ad 1. vero respondetur : ibi per facere , & agere non significari affectum consentiendi , & implendi , sed motum concupiscendi , qui non est in nostra potestate , unde Div. August. lib. 1. contra duas Epist. Pelag. 10 ait : *Facere ergo se dixit , & operari non affectu consentiendi , & implendi , sed ipso motu concupi-*

piscendi. Concupiscentiæ autem motum, vocat Apostolus malum, non quia verè & propriè peccatum sit, sed quia ex peccato est, & ad peccatum inclinât, vt dicitur in Concilio Trident. Sess. 5. in Decreto de peccato originali. Si dicas: motus concupiscentiæ est contra diuinum præceptum, quo Exodi 20. v. 16. prohibetur concupiscere, *Non concupisces &c.* Ergo verè & propriè peccatum mortale est. Respondetur, illo præcepto non prohiberi quamcunque concupiscentiam appetitus, sed eam quæ voluntaria est.

Ad 2. respondetur in motibus sensualitatis primo primis esse inobedientiam negatiuam tantum, sicut & in transmutatione naturali corporis, quia scilicet non obediunt imperio rationis, quæ inobedientia, licet sufficiat ad peccatum naturale, qualis est quilibet naturalis defectus; non tamen ad peccatum morale, quod verè & propriè rationem peccati habet. In motibus verò secundo primis, & in plenè deliberatis inest inobedientia priuatiuè, & verè & propriè sunt peccata, aut venialia, aut mortalia, & de his loquitur D. August.

Ad 3. Respondetur: D. Thom. hic ar. 3. ad 2. se ipsum explicare illis verbis, *Si presentiat*: indicat enim se loqui de illis motibus sensualitatis, qui excitantur in nobis cum aliqua aduertentia; de his namque verum est, rationem posse illos vitare quantum ad singulos, non verò quantum ad omnes ob corruptionem naturæ, quod docet D. Th.

ARTICVLVS IV. 283

D. Thom. infra quæst. 109 art. 8. De motibus verò, qui excitantur absque aduertentia rationis, asserendum est, non posse vitari, nec quantum ad singulos. In solutione verò tertii *motus sensualitatis rationem præueniens*, dicitur, qui præuenit deliberationem, & plenam ac perfectam aduertentiam, & peccatum veniale dicitur, qui & si non plene, semiplene est deliberatus. Denique tentatio, de qua loquitur **D. Thom.** 3. p. q. 41. ar. 1. ad 3. vt ibi exponit Caiet. *Non importat naturales motus absolute, sed præter rationem*, ac proinde aliquo modo voluntarios, quos sine peccato esse non possent cum **D. August. S. Doctor**, ac propterea negat in Christo fuisse aliquos motus sensualitatis ad illicita, quia omnes motus appetitus sensitiui erant in potestate Christi, sicque voluntarii, sicut & in statu naturæ integræ, ac proinde si aliqui fuissent ad illicita, peccata essent, quæ in Christo admittenda non sunt.

Ad 4. respondetur negando sequelam, nam motus appetitus ad illicita primo primi sunt mali malitia obiectiua, si autem non est in illis malitia in executione, hoc ideo est, quia non sunt actus liberi: tamen si quis in illis sibi complaceret, iam tunc in hoc actu complacentiæ esset libertas, & sic talis actus esset peccatum, esset enim actus liber circa obiectum malum.

*Virum peccatum possit esse in
ratione.*

Conclusio est affirmans .

IN ratione tanquam in subiecto peccatum esse posse non solum quo ad materiale, sed etiam quo ad formale, quod est malitia, constat ex dictis art. 2. sunt enim in ratione virtutes, nempe prudentia, & fides diuina, quorum actus sunt boni intrinsecè, & ex consequenti peccata illis contraria infidelitatis scilicet, & imprudentiæ intrinsecè claudunt malitiam moralem.

Si obijcias: Actus eodem modo dicuntur mali, quo liberi formaliter: sed actus rationis solum extrinseca denominatione ab actu voluntatis dicuntur liberi formaliter; ergo & mali. Respondetur negando maiorem, supra enim qu. 18. art. 1. ostensum est sæpe non eodem modo aliquid esse bonum, vel malum moraliter, quo est voluntarium. Infra etiam quæst. 81. art. 1. multi docent peccatum originale, quod formaliter, & intrinseca denominatione est in nobis; solum esse nobis voluntarium denominatione extrinseca ab actu voluntatis Adæ. Sic ergo in peccatis infidelitatis, & imprudentiæ, quæ sunt in intellectu
tan-

ARTICULVS V. 285

tanquam in subiecto, potest esse intrinsecè malitia moralis, quamuis solum extrinsecè sint liberi formaliter. Et non est eadem ratio de actibus membrorum exteriorum, quia hæc non sunt principia actus humani, sed solum instrumenta, vt hic art. 2. ad 3. docet D. Thom. nec sunt potentie rationales per essentiam, vel participationem, nec sunt aliquo modo libera: ratio verò principium est actus humani, & potentia rationalis per essentiam, libera etiam, si non formaliter saltem radicaliter. Secundo respondent aliqui negando minorem; actus enim intellectus, licet vt præcedit actum voluntatis, solum sit radicaliter liber, tamen vt sequitur illum est formaliter liber intrinseca libertate participata, sicut dictum est art. 2. de appetitu sensitivo. Sed hæc solutio difficultate non caret, quia non videtur ratio capax talis libertatis formalis, cum hæc pertineat ad potentiam appetitiuam.

Circa artic. 6. & 7. nihil se offert dicendum.



ARTICVLVS VIII.

*Vtrum consensus in delectationem sit
peccatum mortale.*

Conclusio est affirmans.

Dubium 1. *An delectatio morosa de
opere cogitato mortaliter malo sit
peccatum mortale eiusdem speciei
cum ipso opere.*

DVe sunt de hac re negantes sententiæ :
Prima, nullam delectationem moro-
sam de opere cogitato mortaliter malo, esse
peccatum mortale. Hanc refert D. Thom.
hic, & tribui solet Martino de Magistris
Tract. de temperantia, quæst. 3 de luxuria
quam nonnulli probabilem esse dicunt cum
hac limitatione, scilicet si non adsit pericu-
lum consentiendi in opus ; si enim adesset,
absque dubio peccatum mortale esset. Pro-
bant : si esset peccatum mortale, maxime
contra illud præceptum, *Non concupisces*
&c. sed non est contra illud, nam qui hoc
modo delectatur de actu turpi cum Ma-
ria, non concupiscit illam, cum non ha-
beat affectum ad illam accedendi, sed quan-
doque expressum propositum efficax non
perueniendi ad opus, & displicentiam talis
accessus ; ergo &c.

ARTICVLVS VIII. 287

Secunda sententia est : aliquam delectationem morosam de opere cogitato inortaliter malo esse peccatum inortale ; non tamen omnem , sed eam dumtaxat , quæ ex se notabilem continet deformitatem , & oppositionem cum aliqua virtute ; quæ vero huiusmodi est , non habere omnem diuersitatem malitiæ , quam habet opus & sicque delectationem morosam cum rapta , consanguinea , vel vxore alterius , vel cum virgine Deo dicata non esse in alia specie quam simplicis fornicationis , & malitiam quæ in ipso opere coniuncta est cū malitia fornicationis contra alias virtutes , in delectatione morosa non reperiri .

Probatur 1. Delectatio de opere prohibito iure positiuo , vt de esu carnum in die veneris , cogitato , non est peccatum mortale , ergo non omnis delectatio de opere cogitato mortaliter malo est peccatum mortale . Antecedens docent multi , & probant : Tum quia quæ solo iure positiuo sunt prohibita , possunt non esse mala sublata lege , & prohibitione ; ergo Ilcebit de illis cogitari secundum se , ac si non essent prohibita , delectari . Tum etiam , quia nullus legislator etiam Ecclesiasticus intendit prohibere internas delectationes , sed solum actus externos ; ergo tales delectationes non sunt peccata ; si enim essent , hoc esset quia à legislatore prohibita , nam secundum se peccata non sunt .

Secundo probatur , nec etiam delectationem de opere prohibito iure naturali esse
ora-

288. *QVÆSTIO LXXIV.*

omnem peccatum mortale, Malitia operis, quam habet ex obiecto & circumstantijs, licet deriuetur in actum iuperiorem efficacem; non tamen in actum iuperiorem inefficacem qui est affectus simplicis complacentiæ: sed delectatio de opere malo, mortaliter prohibito etiam iure naturali, non est actus affectus, aut voluntas efficax, sed simplex affectus, seu affectus simplicis complacentiæ talis operis; ergo potest delectatio non esse peccatum mortale, etiam si peccatum mortale sit & prohibitum iure naturali opus cogitatum, de quo est delectatio. Maior probatur: Tum quia licet velle efficaciter bellum iniustum, vel duellum sit peccatum mortale; delectatio tamen de aspectu belli iniusti: aut duelli potest esse absque culpa mortali, & idem est de spectatione ludi, qui ex natura rei est illicitus. Tum etiam, quia religiosus cogitatione potest delectari in magnis sumptibus & pecunia propria auctoritate eroganda absque mortali, quæ tamen ei non liceret facere, nec velle efficaciter. Tum deinde, quia quamuis non liceat efficaci voluntate consentire in opus, quod de se est mortale, ut etiam fiat in somnis, licitum tamen est de illo opere facto, propter bonum finem delectari, ut de pollutione ob molestiam tentationis vitandam, de homicidio, quia iam ille non versabitur in periculo vite sue spiritualis, si existimetur in gratia Dei decessisse, & de furto alicui facto, quia iam ablata sit ei occasio auaritiæ & aliorum peccatorum, ad quæ

quæ cum pecunia mouebat, Tum præterea, quia quamuis cum quis debet mori pro Christo; sicut Christus debebat mori pro nobis efficax voluntas non moriendi esset mortale peccatum, posset tamen tristiari de morte, licet Christus tristabatur, licitusque esset ei talis simplicis displicentiæ affectus, & idem est de displicentia cuiuscunque alterius operis virtutis quatenus displicentia non oritur ex ipso opere virtutis, quatenus virtutis est, & præcipitur, sed ratione laboris vel alterius, quod annexum est; ergo idem erit de complacentia operis mali, huiusque proinde malitia, licet deriuetur in actum interiorem efficacem, non tamen in inefficacem. Tum denique, quia vt efficax voluntas sit peccatum mortale, non opus est directè, & explicitè ferri in obiectum, nam euentus imputatur aliquando efficaci voluntati, etiam si non sit explicitè volitus; & tamen peccatum simplicis complacentiæ non contingit, nisi obiectum actu moueat voluntatem; ergo signum est peccatum hoc interius consummari, ac proinde malitiam illius non deruari ex actu vel opere exteriori; circa quod versatur.

Tertio probatur delectationes morosas, quæ sunt peccata mortalia, non habere omnem malitiam operis externi, ac proinde nec varias species sortiri iuxta varietatem eorum, quæ in opere externo reperiuntur: In morosis delectationibus, cum rapta, concussa aginea, vel vxore alterius, vel cum virgine Deo dicata, nulla est malitia mortalis cō-

habet: Nec sane cum sola cogitatione mens oblectatur illicitis, non quidem decernens esse faciendâ, tenens tamen & voluens libenter quâ statim, ut attigerunt animum respui debuerunt. negandum non est esse peccatum, Vbi de delectatione morosi omnium illicitorû aperte loquitur, peccatum autem mortale esse indicat manifestè postpauca subdens: Hæc quippe una persona est, unus homo est, totusque damnabitur, nisi hæc quæ sine voluntate operandi, sed tamen cum voluntate animam talibus oblectandi, solius cogitationis sentiuntur esse peccata, per mediatorisquæ gratiam remittantur. Nullus quippe damnatur nisi pro peccato mortali. Nec obstat D. August. ibi asserere pro his peccatis dicendam esse orationem dominicam, nam ut hic ad 6. ait D. Th. Oratio dominica non solû contra peccata venialia dicenda est, sed etiam contra mortalia. Quod & docet D. August. in Enchir. c. 71.

Secundo probatur ratione D. Thom. hic: Quod aliquis cogitans de fornicatione delectetur de ipso actû cogitato, hoc contingit ex hoc, quod affectio eius inclinata est adhuc actum, nullus enim delectatur nisi de eo, quod est conforme appetitui eius: quod autem aliquis ex deliberatione eligat quod affectus suus conformetur his, quæ secundum se sunt peccata mortalia, est peccatum mortale: unde talis consensus in delectationem peccati mortalis, est peccatum mortale. Respondent quidam: licet delectari de eo, quod est conforme appetitui intellectuali, sit peccatum mortale, non tamen de eo, quod est conforme appetitui sensuali tantum;

ARTICVLVS VIII. 293

in præfenti verò cafu hominem folum delectari de eo, quod eſt conforme appetitui ſenſuali. Sed hæc ſolutio aliena eſt à vera philoſophia; iuxta quam appetitus intellectualis eſt pondus, & inclinatio totius hominis, & per illum homo inclinatur in obiecta omnium potentiarum. Si ergo in appetitu ſenſitiuo eſt inclinatio in actum, qui ſecundum ſe eſt peccatum mortale, verbi gratia in fornicationem, vel furtum, vel homicidium, cum talis inclinatio non præcedat deliberationem, ſed illam ſequatur, vt ſupponimus, & contingit in præfenti cafu, etiam voluntas inclinabitur in hunc actum.

Tertio probatur: delectatio moroſa habet ſuam bonitatem; vel malitiam moralem ex obiecto, vt colligitur ex D. Thom. hic & ſup. q. 18. a. 2. & 5. & q. 19. ar. 1. & q. 24. a. 4. ſed opus cogitatum de quo eſt delectatio, eſt obiectum delectationis moroſæ; ergo ſi fuerit mortaliter malum, delectatio moroſa peccatum mortale erit. Si dicas hoc verum eſſe de actu efficaci, non tamèn de inefficaci, qualis eſt delectatio moroſa. Contra, quicumque actus ſiue efficax, ſiue inefficax cum eſſentialiter pendeat ab obiecto, & ab ipſo ſpecificetur, & recipiat entitatem ab illo, etiam debet recipere bonitatem, vel malitiam moralem: nec differentia vlla quàm ad hoc assignari poteſt inter actum efficacem, & inefficacem; quod enim actus efficax ſit cauſa operis, inefficax verò nequaquam, parum reſert. Tum quia actus non ſumit ſpeciem ab obiecto, quatenus

tentiam ne motus insurgant, quæ ob occupationes, & negotia in vita presenti impossibilis est, non est in nostra potestate, & experientia constat, etiam postquam ratio aduertit, & sentit hos motus, licet conetur illos reprimere, non posse; ergo &c.

Tertia pars probatur ex D. Thom. supra quæst. 17. artic. 7. ubi sic ait: *Contingit quandoque quod motus appetitus sensitui subito concitatur ad apprehensionem imaginationis vel sensus, & tunc illi motus est præter imperium rationis, quamuis potuisset impediri à ratione, si præuidisset.* Ergo si nulla sit præuisio, ratio non poterit impedire, & præter imperium eius erit motus appetitus, ac proinde non erit peccatum, experientia etiam constat sæpe subito repræsentari nobis obiecti illicita, quæ vidimus vel audiimus, & tunc subito etiam sequi motus appetitus sensitui in talia obiecta, ac si essent præsentia, & nullo pacto potuisse rationem aut voluntatem illos reprimere, quia illos intellectus non præuidit: ergo non sunt peccata. Neque oppositum huius docuit D. Thom. in 2. d. 21. quæst. 1. ar. 2. ad 5. & quæst. 7. de Malo ar. 6. ad 8. Solum enim differentiam constituit inter motus appetitus sensitui insurgentes ex corporis dispositione, & insurgentes ex aliqua apprehensione: nam primos ratio quamuis aduertat, vitare non potest, quia dispositio corporalis non subiacet imperio rationis, & ratio tollere eam non potest: secundos verò ratio, si aduertat, impedire ac vitare potest diuertendo

ARTICVLVS IV. 281

do alio cogitationem , quæ est illorum causa , quod si non faciat , peccata erunt.

Notanda est autem distinctio , quam Diu. Thom. insinuat, estque celebris inter Theologos , motuum appetitus sensitui. Quidam enim dicuntur primo primi , qui scilicet non sunt in nostra potestate , sed naturaliter excitantur in appetitu sensituo . Alii verò dicuntur secundo primi , qui scilicet aliquo modo sunt in nostra potestate , excitantur tamen ante perfectam deliberationem , & plenam aduertentiam rationis , sicque vocantur , quia sunt secundi post primo primos , & primi inter morales , & liberos , propter quod etiam vocantur imperfectè liberi , & semiplenè deliberati . Alii denique plenè deliberati dicuntur , quibus scilicet voluntas consentit , posita iam plena aduertentia rationis . Hi quando sunt circa illicitum , Dei lege prohibitum , peccata mortalia sunt ; secundi verò peccata venialia , primi autem nulla peccata sunt . Cunque primi generis multi sint orti ex apprehensione obiecti tam absentis , quàm præsentis , non omnes , ex tali apprehensione orti , erunt peccata , sed illi dumtaxat qui sunt in nostra potestate .

Ad 1. vero respondetur : ibi per facere , & agere non significari affectum consentiendi , & implendi , sed motum concupiscendi , qui non est in nostra potestate , vnde Diu. August. lib. 1. contra duas Epist. Pelag. c. 10 ait : *Facere ergo se dixit, & operari non affectu consentiendi, & implendi , sed ipso motu concupi-*

piscendi. Concupiscentiæ autem motum, vocat Apostolus malum, non quia verè & propriè peccatum sit, sed quia ex peccato est, & ad peccatum inclinatur, ut dicitur in Concilio Trident. Sess. 5. in Decreto de peccato originali. Si dicas: motus concupiscentiæ est contra diuinum præceptum, quo Exodi 20. v. 16. prohibetur concupiscere, *Non concupisces &c.* Ergo verè & propriè peccatum mortale est. Respondetur, illo præcepto non prohiberi quamcunque concupiscentiam appetitus, sed eam quæ voluntaria est.

Ad 2. respondetur in motibus sensualitatis primo primis esse inobedientiam negativam tantum, sicut & in transmutatione naturali corporis, quia scilicet non obediunt imperio rationis, quæ inobedientia, licet sufficiat ad peccatum naturale, qualis est quilibet naturalis defectus; non tamen ad peccatum morale, quod verè & propriè rationem peccati habet. In motibus verò secundo primis, & in plenè deliberatis inest inobedientia privatiuè, & verè & propriè sunt peccata, aut venialia, aut mortalia, & de his loquitur D. August.

Ad 3. Respondetur: D. Thom. hic ar. 3. ad 2. se ipsum explicare illis verbis, *Si presentiat*: indicat enim se loqui de illis motibus sensualitatis, qui excitantur in nobis cum aliqua aduertentia; de his namque verum est, rationem posse illos vitare quantum ad singulos, non verò quantum ad omnes ob corruptionem naturæ, quod docet D. Th.

ARTICVLVS IV. 283

D. Thom. infra quæst. 109 art. 8. De motibus verò, qui excitantur absque aduertentia rationis, asserendum est, non posse vitari, nec quantum ad singulos. In solutione verò tertii *motus sensualitatis rationem praueniens*, dicitur, qui præuenit deliberationem, & plenam ac perfectam aduertentiam, & peccatum veniale dicitur, qui & si non plene, semiplene est deliberatus. Denique tentatio, de qua loquitur D. Thom. 3. p. q. 41. ar. 1. ad 3. vt ibi exponit Caiet. *Non importat naturales motus absolute, sed præter rationem*, ac proinde aliquo modo voluntarios, quos sine peccato esse non possent cum D. August. S. Doctor, ac propterea negat in Christo fuisse aliquos motus sensualitatis ad illicita, quia omnes motus appetitus sensitiui erant in potestate Christi, sicque voluntarii, sicut & in statu naturæ integræ, ac proinde si aliqui fuissent ad illicita, peccata essent, quæ in Christo admittenda non sunt.

Ad 4. respondetur negando sequelam, nam motus appetitus ad illicita primo primi sunt mali malitia obiectiua, si autem non est in illis malitia in executione, hoc ideo est, quia non sunt actus liberi: tamen si quis in illis sibi complaceret, iam tunc in hoc actu complacentiæ esset libertas, & sic talis actus esset peccatum, esset enim actus liber circa obiectum malum.

*Vtrum peccatum possit esse in
ratione.*

Conclusio est affirmans .

IN ratione tanquam in subiecto peccatum esse posse non solum quo ad materiale, sed etiam quo ad formale, quod est malitia, constat ex dictis art. 2. sunt enim in ratione virtutes, nempe prudentia, & fides diuina, quorum actus sunt boni intrinsecè, & ex consequenti peccata illis contraria infidelitatis scilicet, & imprudentiæ intrinsecè claudunt malitiam moralem.

Si obijcias: Actus eodem modo dicuntur mali, quo liberi formaliter: sed actus rationis solum extrinseca denominatione ab actu voluntatis dicuntur liberi formaliter; ergo & mali. Respondetur negando maiorem, supra enim qu. 18. art. 1. ostensum est sæpe non eodem modo aliquid esse bonum, vel malum moraliter, quo est voluntarium. Infra etiam quæst. 81. art. 1. multi docent peccatum originale, quod formaliter, & intrinseca denominatione est in nobis; solum esse nobis voluntarium denominatione extrinseca ab actu voluntatis Adæ. Sic ergo in peccatis infidelitatis, & imprudentiæ, quæ sunt in intellectu
tan-

ARTICVLVS V. 285

tanquam in subiecto, potest esse intrinsecè malitia moralis, quamuis solum extrinsecè sint liberi formaliter. Et non est eadem ratio de actibus membrorum exteriorum, quia hæc non sunt principia actus humani, sed solum instrumenta, vt hic art. 2. ad 3. docet D. Thom. nec sunt potentiæ rationales per essentiam, vel participationem, nec sunt aliquo modo libera: ratio verò principium est actus humani, & potentia rationalis per essentiam, libera etiam, si non formaliter saltem radicaliter. Secundo respondent aliqui negando minorem; actus enim intellectus, licet vt præcedit actum voluntatis, solum sit radicaliter liber, tamen vt sequitur illum est formaliter liber intrinseca libertate participata, sicut dictum est art. 2. de appetitu sensitino. Sed hæc solutio difficultate non caret, quia non videtur ratio capax talis libertatis formalis, cum hæc pertineat ad potentiam appetitiuam.

Circa artic. 6. & 7. nihil se offert dicendum.



ARTICVLVS VIII.

Utrum consensus in delectationem sit peccatum mortale.

Conclusio est affirmans.

Dubium 1. *An delectatio morosa de opere cogitato mortaliter malo sit peccatum mortale eiusdem speciei cum ipso opere.*

DVe sunt de hac re negantes sententiæ : Prima, nullam delectationem morosam de opere cogitato mortaliter malo esse peccatum mortale. Hanc refert D. Thom. hic, & tribui solet Martino de Magistris Tract. de temperantia, quæst. 3 de luxuria quam nonnulli probabilem esse dicunt cum hac limitatione, scilicet si non adsit periculum consentiendi in opus ; si enim adesset, absque dubio peccatum mortale esset. Probant : si esset peccatum mortale, maxime contra illud præceptum, *Non concupisces* &c. sed non est contra illud, nam qui hoc modo delectatur de actu turpi cum Maria, non concupiscit illam, cum non habeat affectum ad illam accedendi, sed quandoque expressum propositum efficax non perueniendi ad opus, & displicentiam talis accessus ; ergo &c.

ARTICVLVS VIII. 287.

Secunda sententia est : aliquam delectationem morosam de opere cogitato mortaliter malo esse peccatum mortale ; non tamen omnem , sed eam dumtaxat , quæ ex se notabilem continet deformitatem , & oppositionem cum aliqua virtute ; quæ vero huiusmodi est , non habere omnem diuersitatem malitiæ , quam habet opus & sicque delectationem morosam cum raptâ , consanguinea , vel vxore alterius , vel cum virgine Deo dicata non esse in alia specie quam simplicis fornicationis . & malitiam quæ in ipso opere coniuncta est cū malitia fornicationis contra alias virtutes , in delectatione morosa non reperiri .

Probatur 1. Delectatio de opere prohibito iure positiuo , vt de esu carniū in die veneris , cogitato , non est peccatum mortale , ergo non omnis delectatio de opere cogitato mortaliter malo est peccatum mortale . Antecedens docent multi , & probant : Tum quia quæ solo iure positiuo sunt prohibita , possunt non esse mala sublata lege , & prohibitione ; ergo illecebit de illis cogitatis secundum se , ac si non essent prohibita , delectari . Tum etiam , quia nullus legislator etiam Ecclesiasticus intendit prohibere internas delectationes , sed solum actus externos ; ergo tales delectationes non sunt peccata ; si enim essent , hoc esset quia à legislatore prohibita , nam secundum se peccata non sunt .

Secundo probatur , nec etiam delectationem de opere prohibito iure naturali esse

ora-

288. *QVÆSTIO LXXIV.*

omnem peccatum mortale, Malitia operis, quam habet ex obiecto & circumstantijs, licet deriuetur in actum iutiorem efficacem; non tamen in actum iutiorem inefficacem qui est affectus simplicis complacentiæ: sed delectatio de opere malo, mortaliter prohibito etiam iure naturali, non est actus affectus, aut voluntas efficax, sed simplex affectus, seu affectus simplicis complacentiæ talis operis; ergo potest delectatio non esse peccatum mortale, etiam si peccatum mortale sit & prohibitum iure naturali opus cogitatum, de quo est delectatio. Maior probatur: Tum quia licet velle efficaciter bellum iniustum, vel duellum sit peccatum mortale; delectatio tamen de aspectu belli iniusti: aut duelli potest esse absque culpa mortali, & idem est de spectatione ludi, qui ex natura rei est illicitus. Tum etiam, quia religiosus cogitatione potest delectari in magnis sumptibus & pecunia propria auctoritate eroganda absque mortali, quæ tamen ei non liceret facere, nec velle efficaciter. Tum deinde, quia quamvis non liceat efficaci voluntate consentire in opus, quod de se est mortale, ut etiam fiat in somnis, licitum tamen est de illo opere facto, propter bonum finem delectari, ut de pollutione ob molestiam tentationis vitandam, de homicidio, quia iam ille non versabitur in periculo vitæ suæ spiritualis, si existimetur in gratia Dei decessisse, & de furto alicui facto, quia iam ablata sit ei occasio avaritiæ & aliorum peccatorum, ad
quæ

ARTICVLVS VIII. 289

quæ cum pecunia mouebat, Tum præterea, quia quamuis cum quis debet mori pro Christo; sicut Christus debebat mori pro nobis efficax voluntas non moriendi esset mortale peccatum, posset tamen tristiari de morte, sicut Christus tristabatur, licitusque esset ei talis simplicis displicentiæ affectus, & idem est de displicentia cuiuscunque alterius operis virtutis quatenus displicentia non oritur ex ipso opere virtutis, quatenus virtutis est, & præcipitur, sed ratione laboris vel alterius, quod annexum est; ergo idem erit de complacentia operis mali, huiusque proinde malitia, licet, deriuetur in actum interiorem efficacem, non tamen in inefficacem. Tum denique, quia vt efficax voluntas sit peccatum mortale, non opus est directè, & explicitè ferri in obiectum, nam euentus imputatur aliquando efficaci voluntati, etiam si non sit explicitè volitus; & tamen peccatum simplicis complacentiæ non contingit, nisi obiectum actu moueat voluntatem; ergo signum est peccatum hoc interius consummari, ac proinde malitiam illius non deriuari ex actu vel opere exteriori; circa quod versatur.

Tertio probatur delectationes morosas, quæ sunt peccata mortalia, non habere omnem malitiam operis externi; ac proinde nec varias species sortiri iuxta varietatem eorum, quæ in opere externo reperiuntur: In morosis delectationibus, cum rapta, consanguinea vel vxore alterius, vel cum virgine Deo dicata, nulla est malitia mortalis cõ-

tra aliam virtutem, quam cōtra castitatem; ergo omnes sunt eiusdem speciei, & non habent malitiam nisi solius simplicis fornicationis. Antecedens probatur: qui de his morose delectatur, non delectatur de iniuria & irreuerentia, sed solum de ipso actū fornicationis, nec alliciturā delectabili, quod est in iniustitia, aut impietate, aut sacrilegio, sed quod est in fornicatione; ergo non peccat contra iustitiam peccato adulterij, stupri, vel raptus, nec contra religionem peccato sacrilegij, nec contra pietatem peccato incestus, sed solum contra castitatem peccato simplicis fornicationis.

Dicendum tamen est: Omnino certum esse aliquas delectationes morosas sine intentione operis esse peccata mortalia. Hoc adeo certum esse affirmant Auctores secundē sententiā, ut nullus sine manifesto errore negare possit. Probatur. 1. ex illo Matth. 5. v. 29. *Omnis qui viderit mulierem ad concupiscendum eam, iam mechatus est eam in corde suo.* Vbi D. Chrysost. Hom. 17. distinguit inter concupiscere ad adulterandum, quod significat affectum efficacem operis, & videre ad concupiscendum, quod significat delectationem morosam sine intentione operis: Non enim idcirco Dominus aduenisse contentus est, ut solummodo corpus à malis actibus, sed ut prius animam quoque ab huiusmodi cogitationibus auerteret &c. Propterea non dixit, qui concupiscit ad adulterandum, sed qui viderit ad concupiscendum &c. Qui scilicet ad hoc aspiciat, ut oblectet eius aspectum: *Cum autem*

ARTICVLVS VIII. 291

autem dicat Christus. *Iam machatus est eam in corde suo*, colligitur peccatum mechix esse talem oblectationem morosam. Vnde subdit Chrysost. *Quid autem inquis si videro ad concupiscendum, sed tamen turpe nihil egero; & sic quidem iam in adulterorum partem numeraris*. Idem sentit Diu. Hilarius can. 4. in Matth. ait namque: *In Euangelijs adulterio motus tantum oculi incidentis aquatur, & cum fornicationis opere punitur illecebrosi visus transiens affectio*; Id est morosa delectatio de obiecto viso, & cogitato

Secundo probatur ex illo Iob. 31. v. 1. *Pe-
pigi fœdus cum oculis meis, vt ne cogitarem qui-
dem de virgine*. Quod de morosa delectatio-
ne intelligendum esse colligitur ex Glossa
interlineari addente: *Cum consensu delecta-
tionis*. Et ex D. Hieronym. sic exponente
*Ego inquit animo cum his obtutibus carnis meæ
desinui & statui, vt nihil omnino turpè atque
obscœnum mihi intrinsecus nuntiarent: quod de-
lectatione voluptatis intra me iniquis cogitationi-
bus voluerem*, Hanc autem delectationem
peccatum mortale esse indicat, quod Iob
subdit: *Quam enim partem haberet in me Deus*
&c. Vide D. Greg. lib. 21. Moral. cap. 3. & S.
Bernar. lib. de interiori domo, cap. 40 & Sā-
ctum Isidorum lib. 7. sent. cap. 39. sent. 17.

Dicendum est 2. Non solum aliquas, sed
etiam omnes morosas delectationes de
opere cogitato mortaliter malo esse pecca-
ta mortalia. Probatur 1. ex D. August. lo-
co citato à D. Thom. hic in argum. *Sed con-
tra*, nempe lib. 12. de Trinit. cap. 12. vbi sic

habet: Nec sane cum sola cogitatione mens oblectatur illicitis, non quidem decernens esse facienda, tenens tamen & voluens libenter quæ statim, ut attigerunt animum respui debuerant. negandum non est esse peccatum, Vbi de delectatione morosa omnium illicitorum aperte loquitur, peccatum autem mortale esse indicat manifestè post pauca subdens: Hæc quippe una persona est, unus homo est, totusque damnabitur, nisi hæc quæ sine voluntate operandi, sed tamen cum voluntate animam talibus oblectandi, solius cogitationis sentiuntur esse peccata, per mediatorisque gratiam remittantur. Nullus quippe damnatur nisi pro peccato mortali. Nec obstat D. August. ibi asserere pro his peccatis dicendam esse orationem dominicam, nam ut hic ad 6. ait D. Th. Oratio dominica non solùm contra peccata venialia dicenda est, sed etiam contra mortalia. Quod & docet D. August. in Enchir. c. 71.

Secundo probatur ratione D. Thom. hic: Quod aliquis cogitans de fornicatione delectetur de ipso actu cogitato, hoc contingit ex hoc, quod affectio eius inclinata est adhuc actum, nullus enim delectatur nisi de eo, quod est conforme appetitui eius: quod autem aliquis ex deliberatione eligat quod affectus suus conformetur his, quæ secundum se sunt peccata mortalia, est peccatum mortale: unde talis consensus in delectationem peccati mortalis, est peccatum mortale. Respondent quidam: licet delectari de eo, quod est conforme appetitui intellectuali, sit peccatum mortale, non tamen de eo, quod est conforme appetitui sensuali tantum;

ARTICVLVS VIII. 293

in præfenti verò cafu hominem folum delectari de eo, quod eſt conforme appetitui ſenſuali. Sed hæc ſolutio aliena eſt à vera philoſophia; iuxta quam appetitus intellectualis eſt pondus, & inclinatio totius hominis, & per illum homo inclinatur in obiecta omnium potentiarum. Si ergo in appetitu ſenſitivo eſt inclinatio in actum, qui ſecundum ſe eſt peccatum mortale, verbi gratia in fornicationem, vel furtum, vel homicidium, cum talis inclinatio non præcedat deliberationem, ſed illam ſequatur, vt ſupponimus, & contingit in præfenti cafu, etiam voluntas inclinabitur in hunc actum.

Tertiò probatur: delectatio moroſa habet ſuam bonitatem, vel malitiam moralem ex obiecto, vt colligitur ex D. Thom. hic & ſup. q. 18. a. 2. & 5. & q. 19. ar. 1. & q. 24. a. 4. ſed opus cogitatum de quo eſt delectatio, eſt obiectum delectationis moroſæ; ergo ſi fuerit mortaliter malum, delectatio moroſa peccatum mortale erit. Si dicas hoc verum eſſe de actu efficaci, non tamèn de inefficaci, qualis eſt delectatio moroſa. Contra, quicumque actus ſiue efficax, ſiue inefficax cum eſſentialiter pendeat ab obiecto, & ab ipſo ſpecificetur, & recipiat entitatem ab illo, etiam debet recipere bonitatem, vel malitiam moralem: nec differentia vlla quàm ad hoc assignari poteſt inter actum efficacem, & inefficacem; quod enim actus efficax ſit cauſa operis, inefficax verò nequaquam, parum reſert. Tum quia actus non ſumit ſpeciem ab obiecto, quatenus

hoc est effectus illius, sed quatenus est quodammodo causa eius, specificans namque ut sic causa est specificati. Tum etiam, quia alias si actus præcisè haberet malitiam, quia est causa operis mali, non esset formaliter malus, sed solum extrinseca denominatione, sicut in medicina dicitur sana, quia est causa sanitatis. Tum denique, quia si actus non reciperet malitiam ab obiecto, nisi quando est causa illius, non solum delectatio de opere cogitato non commensuratur malitiæ illius, sed neque etiam delectatio quæ est de opere perpetrato; nam non est causa illius, sed eo posterior; quod tamen apertè falsum est, qui enim de commisso homicidio, vel adulterio à se vel ab alio delectatur, gravissimè peccat.

Dicendum est 3. omnino falsum esse quod asserit secunda sententia: delectationem morosam cum rapta, & consanguinea, vel vxore alterius, vel cum virgine Deo dicata non esse in alia specie, quam simplicis fornicationis, & malitiam, quæ in ipso opere coniuncta est cum malitia fornicationis contra alias virtutes, in delectatione morosa non reperiri. Quidam hoc nullam probabilitatem habere dicunt; Alij asserunt eadem censura esse dignum, quæ auctores secundæ sententiæ damnant negantes nostram primam conclusionem, sicque manifestum errorem esse. Sed quicquid sit de censura, probatur hæc nostra conclusio 1. testimonijs adductis pro prima ex Matth. namque 5. capite constat, qui vi-

det

det mulierem ad concupiscendum eam, iam mechatum esse eam in corde suo; ergo cum videre mulierem ad concupiscendum eam iuxta expositionem D. Chrysost. fit morose delectari de ea: & mechari uxorem alienam etiam in corde; non solum habeat malitiam simplicis fornicationis, sed etiam adulterij; hanc habebit morosa delectatio de uxore alterius: sicut & eam habet morosa delectatio coniugati de quacunque muliere.

Secundo probatur rationibus adductis pro 2. con. Qui enim ex deliberatione eligit ut affectus suus conformetur hi, quæ sūt peccata mortalia, peccat mortaliter eodem genere peccati, quo ea quibus conformatur: sed qui morose delectatur de actu malo cum coniugata, ex deliberatione eligit, ut affectus suus conformetur huic actui; ergo cum hic actus sit adulterium, de illo morose delectari ad adulterium pertinebit. Item delectatio morosa habet malitiam ex opere cogitato, quod est eius obiectum; ergo si opus cogitatum habet malitiam adulterii, eandem habebit delectatio morosa de illo.

Tertio probatur: non est maior ratio, cur qui delectatur de actu venereo cogitato cum uxore alterius, peccet contra temperantiam, quam contra iustitiam; ergo eius peccatum non solum habet malitiam simplicis fornicationis, sed etiam adulterii. Si neges antecedens, & dicas maiorem rationem esse, quia non directe intendit iniu-

296 **QVÆSTIO LXXIV.**

ria coniugis, sed satisfacere suæ libidini. Cōtra hoc est. Tum quia ad rationem iniustitiæ non requiritur, vt per se, aut directè sit intenta iniuria, alias enim qui efficaciter veller illum actum, non peccaret contra iustitiam, nam non directè intendit iniuriam coniugis, sed satisfacere suæ libidini: indirectè autem, etiam qui delectatur morose, vult talem iniuriam, quia vult actum cum quo est coniuncta talis iniuria. Nec obstat non velle efficaciter actum: nam si hoc obstaret, neque etiam vellet indirectè malitiam fornicationis, quam habet actus, directè enim & per se illam non intēdit, sed indirectè, quia vult, non quidem efficaciter, sed ineffaciter actum, qui sine illa esse nequit: sicut autem actus ille esse nequit sine malitia fornicationis, ita nec sine malitia adulterij; ergo &c. Tum etiam, quia qui in adulterio non intenderet directè satisfacere suæ libidini, sed iniuriam coniugis, non solum peccaret contra iustitiā, sed etiam contra temperantiam; ergo & qui delectatur de actu venereo cum vxore alterius cogitato, etiam si directè non intendat iniuriam coniugis, sed satisfacere suæ libidini, non solum peccabit contra temperantiam, sed etiam contra iustitiam.

Quartò probatur: nam non esset necessarium has circumstantias in confessione aperire, sed qui morose delectatus esset de actu cum nupta, aut virgine Deo dicata, satisfaceret dicendo habuisse delectationē
mo-

morosam de actu venereo mortaliter malo, nam si predictæ circumstantiæ non mutarent speciem, neque etiam notabiliter aggrauarent malitiam delectationis morosæ, sicque non necessario essent explicandæ: sed hoc est contra communem praxim hætenus seruata in Ecclesia à fidelibus, & maximè absurdum: ergo &c.

Ad argumentum autem primæ sententiæ respondet D. Thom. quæst. 15. de Veritat. artic. 4. ad 9. *Quod consensus in delectationem prohibetur præcepto illo, non concupisces. Non enim sine causa de actu exteriori, & interiori concupiscentia diuersa præcepta dantur in lege; nihilominus tamen si nullo præcepto speciali prohiberetur, ex hoc ipso quod fornicatio prohibetur, prohiberentur omnia consequentia, quæ ad idem genus pertinent. Vnde in forma neganda est minor: nam vt hic ad 4. ait Diu. Thom. Delectatio quæ habet exteriorem actum pro obiecto, non potest esse absque complacentia exterioris actus secundum se, etiam si non statuatür implendum. Hoc autem modo complacere actum turpem cum Maria, est Mariam concupiscere, immo & mechari illam in corde suo.*

Ad 1. verò secundæ sententiæ respondetur negando antecedens; delectari enim de esu carniū in die veneris, si talis dies non solum se habeat vt tempus, vel duratio mensurans delectationem, sed etiam se teneat ex parte obiecti, peccatum mortale est: quia talis delectatio est de obiecto malo, & prohibito. Secus esset si delectaretur

tur de esu carniū secundum se, cum enim hic ut sic non sit prohibitus, delectatio nō esset de obiecto malo, sicque nec peccatū.

Ad 1. probationem dico, eodem modo probari posse, licitum esse delectari de re prohibita iure diuino, quia etiā hoc ius potest non esse. In forma ergo neganda est consequentia: nam licet ius positium diuinum, vel humanum possit non esse: tamen stante prohibitionē, sicut non potest quis efficaciter velle opus prohibitum, ita nec de illo morose delectari; eo enim ipso, ac iure positio aliquid prohibetur, est malum, & peccatum, non est autem licitum de malo, & peccato delectari, sicut nec exultare in rebus pessimis. Ad 2. probationem dico, legislatorem humanum, licet per se solum intendat prohibere actus externos, quia tamen stante hac prohibitionē actus externus est obiectum malum, actus interioris siue efficacis, siue inefficacis, per accidens manet prohibitus actus interior efficacis, vel inefficax de tali opere.

Ad 2. respondetur negando maiorem.

Ad 1. probationem dico, delectationem de aspectu belli iniusti, vel duelli, aut ludi illiciti, si solum sit de visione, & hæc non sit prohibita (sicut prohibetur in Cōc. Trid. Sess. 25, in Decreto de reformatione c. 19, spectatio duelli) posse esse sine peccato, sicut & de delectatione cogitationis docet D. Thom. hic. Si sit etiā delectatio de aliquo modo vel cōditione accidentali operis, ut de dexteritate vel fortitudine pugnantis,

tis . vel de aliqua subtilitate , & ingenioso modo operandi , posse non esse peccatum . Si tamen sit de opere malo cogitato ; bello scilicet iniusto , duello , & ludo illicito , absque dubio peccatum mortale esse . Vide Caiet. in Sum. verbo *Delectatio morosa* . Ad 2. probationem dico , falsum esse , posse religiosum absque peccato mortali delectari in magnis sumptibus , & pecunia propria auctoritate eroganda , si ex parte obiecti includatur tales sumptus fieri in statu religionis , in quo sunt illiciti . Si autem delectatio sit de sumptibus absolute abstrahendo ab executione , vel à qualitate personæ erogantis , non est mortalis . Voluntas tamen efficax in hoc obiectum ferri non potest , sed fertur in opus faciendi sumptus , ut est in executione ab hac persona , qua ratione est prohibitum , & illicitum . Ad 3. probationem , infra videbimus , an sit licitum de illis delectari : nunc dico , si licitum est , delectationem non esse de opere , & obiecto malo , & illicito ; sed de bono consecuto , unde non mirum si non communicet malitiam delectationi . Ad 4. probationem eodem modo respondetur , displicentiam illam & tristitiam non esse de re præcepta , & bona , sed de morte ipsa secundum se , vel de labore , aut malo annexo . Ad 5. probationem neganda est minor ut patet ex probatione tertia conclusionis tertiæ .

Ad 3. argum. respondetur negando antecedens . Ad probationem dico , eum qui morose delectatur de illis delectari de actu

fornicationis inferente iniuriam vel irreuerentiam, quæ licet non sint primo, & perfecte volitæ; sunt tamen volitæ secundario, & acceptatæ amore libidinis, & ita intrant rationem obiecti, & diuersificant peccata: sicut, & cum quis efficaciter illa vult allectus, non ex iniustitia aut iniuria, sed ex libidine. Et quamuis delectatio, sicut & voluntas efficax de actu cum coniugata non inferat nocumentum aliquod coniugi; vt sit tamen peccatum iniustitiæ, satis est, vt illis sit volitum, & acceptatum opus exterius tale nocumentum, & iniuriam inferens, qualis est actus fornicationis. Licet etiam qui delectatur de rapta delectetur de modo quo haberi potest; hic tamen modus intrinsece constituit raptum, qui est coniunctus cum ipsa copula, & habet specialem malitiam, & sic de illo delectari peccatum est speciale. Si vero quis non de raptu; sed de modo subtilitatis, quo fuit mulier rapta delectaretur dumtaxat, posset in hoc non esse peccatum iuxta ea, quæ diximus in solutione secundi.

Dubium 2. Quando delectatio morosa sit peccatum mortale ex parte obiecti.

Dicendum est 1. Si actus de quo quis cogitando delectatur, est peccatum mortale (puta adulterium, furtum, homicidium, &c.) ipsa quoque morosa delectatio est peccatum mortale,

ARTICVLVS VIII. 301

male: & si actus, de quo quis cogitando delectatur, est peccatum veniale (puta iocari verbis latis, comedere luxurè &c.) ipsa quoque merosa delectatio est peccatum veniale. Ita Caiet. in Sum. verbo Delectatio merosa. Pater ex dictis dubio præced. con. 2. vbi ostendimus, delectationem habere suam bonitatem vel malitiam ex objecto, quale est opus cogitatum, de quo est delectatio. Colligitur etiã ex Arist. 10. Ethic. cap. 5. lectio 8. apud D. Thom. vbi ait: Cum autem operationes probitate differant atque improbitate, & alia quidem sint expetenda, alia vero fugienda, & alia neutre similiter sese habent, & voluptates; ergo delectationes quæ sunt de prauis actibus, & operationibus, prauæ quoque, & ipsæ sunt sicut operationes.

Dicendum est 2. Si delectatio non sit de opere cogitato mortaliter malo, sed de cogitatione, non est peccatum mortale, sed quandoque veniale tantum, quandoque nullum peccatum. Docet hoc Diu. Thom. hic, & probat his verbis: Delectatio de cogitatione ipsa sequitur inclinationem affectus in cogitationem ipsam, cogitatio autem ipsa secundum se non est peccatum mortale; immo quandoque est veniale tantum, puta cum aliquis inutiliter cogitat de ea, quandoque autem sine peccato omnino, puta cum aliquis vtiliter de ea cogitat, sicut cum vult de ea prædicare, vel disputare, & ideo per consequens affectio, & delectatio, quæ sic est de cogitatione fornicationis, non est de genere peccati mortalis sed quandoque est peccatum veniale, quandoque nullum

nullum. Si quæras, quomodo cognosci poterit, sit ne delectatio de cogitatione solû, aut de opere cogitato? Respondetur cum Caietano in Sum. verbo *Delectatio morosa*, respiciendum esse ad motiûm delectationis; nam si sentit homo se moueri ab opere cogitato, obiectum est opus cogitatum; si vero à cogitatione noua, aut mira, aut subtili &c. obiectum non est opus cogitatum, sed ipsa cogitatio.

Dicendum est 3. Delectationem coniugis de actu matrimonij præsentis, præterito, vel futuro non esse peccatum mortale. Quod attinet ad delectationem de actu præsentis probatur à D. Thom. in 4. distin. 31. quæst. 2. art. 3. *Secundum Philosophum in 10. Ethic. idem est iudiciû de delectatione, & operatione, quia operationis bona est delectatio bona, & mala mala: unde cum actus matrimonialis non sit per se malus, nec querere delectationem erit peccatum mortale semper*. Idem docet quæst. 15. de Malo, ar. 2. ad 17. Quod attinet ad delectationem de actu præterito, & futuro eodem modo probatur: Delectatio de operatione bona est bona: sed delectatio coniugis de actu matrimonij præterito, aut futuro cogitato est de bona operatione; ergo est bona. Si delectatio esset de actu matrimonij facto, aut faciendo propter solam delectationem, peccatum veniale esset: nam vt docet D. Tho. in 4. vbi supra, & ibidem communiter Scolastici, nosque docuimus supra quæst. 34. ar. 1. copula inter coniuges ob solam delectationem

nem peccatum veniale est . Si etiam coniunx in absentia alterius coniugis de actu coniugii delectaretur morose , licet non mortaliter , venialiter tamen peccaret , vt ait Caiet. in Sum. verbo *Delectatio morosa* , & ratio est : *Quia nec necessitas , nec pietas suadet sibi talem mentis occupationem .* Quod de actu coniugii dictum est , dicendum est etiam de osculis , amplexibus , tactibus & aliis huiusmodi , quæ ad talem actum ordinantur , & inter coniuges licita sunt .

Dicendum est 4. Delectationem , quam habet vidua de præteritis actibus coniugii , non esse peccatum mortale . Docet hoc & probat Caietanus in Sum. verbo *Delectatio morosa* , his verbis : *Vidua quæ delectatur de præteritis actibus coniugii non peccat mortaliter quia delectatur de operibus sibi licitis pro tempore quo fuerunt licita . Plus est enim explicite approbare , quam delectari ; sed constat quod vidua licite approbet præteritas delectationes ; erga* Subdit vero : *Peccat tamen venialiter in huiusmodi memoria : quia caret tam necessitate , quam pietate huiusmodi delectatio .* Idem docet & probat Tom. 1. Opuse. Traç. 14. dubio 2. addit tamen : licet ex parte obiecti huiusmodi delectatio viduæ non sit peccatum mortale ; posse tamen esse ex parte concomitantium , si sit verbi gratia periculum pollutionis ; aut consensus in actum similem præterito .

Dicendum est 5. Delectationem , quam habet ille qui sperat se habiturum puellam in uxorem de actu matrimonii futuro , non esse

esse peccatum mortale ex parte obiecti.
 Colligitur hoc ex Caëtan. Tom. 1. Opusc.
 Tract. 14. Dub. 2. vbi ait: *Eiusdem moris est
 delectari de presenti, praterito, vel futuro, hu-
 iusmodi enim differentiæ non variant speciem
 moris de bono in malum.* Ergo cum delecta-
 tio vidue de actu coniugii praterito non sit
 peccatum mortale, ita nec delectatio de
 actu coniugii futuro erit peccatum morta-
 le in sponso, vel eo qui sperat se habiturum
 puellam in vxorem. Probatur praterea,
 obiectum talis delectationis est actus con-
 iugij futurus, qui est bonus, vt enim docet
 Diu. Thom. supra quæst. 32. art. 3. bonum
 futurum speratum potest esse causa & obie-
 ctum delectationis, quia licet secundû rem
 sit futurum, est tamen præsens secundû co-
 gnitionem; ergo non est peccatum morta-
 le talis delectatio ex parte obiecti.

Dicendum est 6. Delectationem quam
 habet quis de actu venereo cogitato cum
 aliqua, si esset vxor eius: vel de quocumq.
 alio opere prohibito, si non esset prohibi-
 tum, esse peccatum mortale ex parte obie-
 cti. Docet hoc Caëtan. in Summ. verbo
Delectatio morosa, & Tom. 1. Opusc. Tract. 14.
 dub. 1. Probatque ex differentia quæ est in-
 ter desiderium & delectationem: nam de-
 siderium potest ferri in actum, opus, vel ob-
 iectum sub conditione: delectatio verò ne-
 quaquam. Vnde inquit: *Quamuis licitè cu-
 pias quis delectari cum aliqua muliere conditio-
 naliter, scilicet si esset vxor sua: quia tale opus
 tali conditione relatum ad sic concupiscendum*

est licitum, delectatio tamen voluntaria, quam iste in presenti acciperet de tali opere cogitato cū illa, esset delectatio morosa, quia præsens delectatio non fertur cum conditione, sed de facto habetur sine conditione, desiderium autem est quod cum conditionali fertur super opus. Et non est eadem ratio de casu præsentis & præcedentis conclusionis: nam in casu præced. conclus. delectatio habet obiectū bonum, actum scilicet coniugij absolute futurum; sic enim fertur in illum qui sperat, & non sub aliqua conditione, sicque de illo est delectatio. In casu verò præsentis conclusionis delectatio bono obiecto caret: nam actus cum aliqua muliere, si esset vxor eius. hac ablata conditione, qua ratione de illo est delectatio, non est actus coniugij bonus, sed fornicationis malus. Non est etiam eadem ratio de hac delectatione, ac de ea quam haberet religiosus, si delectaretur de magnis sumptibus propria auctoritate faciendis, si esset Episcopus. Nam huiusmodi religiosi delectatio de magnis sumptibus propria auctoritate faciendis, quamuis non haberet pro obiecto tales sumptus sub illa conditione, sed absolute, non tamen illos ut faciendos in statu religionis, qua ratione sunt illiciti, sed abstrahendo à statu, & qualitate personæ; qua ratione non sunt prohibiti & mali, sicut nec secundum se.

Quod de desiderio diximus, posse scilicet ferri in aliquid, quod est reuera prohibitum sub conditione, si non esset prohibitum;

Adrianus. Quodlib. 10. ar. 2. limitat ad ea
qua

quæ sunt prohibita tantum iure positivo :
nam nullus potest licite velle non esse. pro-
hibitionem iuris naturalis, qua verbi gra-
tia, prohibetur blasphemia : ergo neque po-
test velle blasphemiam, si non esset prohi-
bita, alias licitum esset displicere virtutem,
& complacere vitium. Alijs hæc limitatio
non placet : parum enim (inquit) inte-
rest prohibitionem esse iuris naturalis, aut
positivi, præsertim stante prohibitione iuris
positivi : quia à parte rei obiectum est ma-
lum stante tali prohibitione, & per cogita-
tionem potest præscindi utraque prohibi-
tio : qua præcisa, aut subconditione quod
non sit prohibitum, non est malum obie-
ctum. Quod vero prohibitio iuris natu-
ralis non possit tolli, sicut prohibitio iuris
positivi parum refert, cum voluntas con-
sensu & desiderio conditionato possit ferri
circa impossibile. Quamvis autem non sit li-
citur desiderare, non esse prohibitionem
fornicationis aut blasphemiae verbi gratia,
ex affectu ad fornicationem vel blasphe-
miam; qui tamen desideraret illam non
esse : quia videt se labi sæpe, & facile tale
opus prohibitum committere, non peccaret.

Dicendum est 7. Delectationem morosam de
opere prohibito sub mortali, peccatum mor-
tale esse, quamvis tale opus factum fuerit absq.
culpa ratione ignorantiae aut alterius causæ.
Docet hoc M. Soto in 4. dist. 12 q. 1, art. 7. *Est
enim (inquit) docta & cordata regula, quod
quanto actio ob ignorantiam vel aliam quam-
vis causam à culpa excusatur, consensus in
actio.*

actionem illam non est licitus, nisi simul cum consensu eo talem excusans causa coeurrat. Licuit enim Iacob quantum per ignorantiam putabat Lyam esse suam, in delectationem illam & opus consentire, sed sublata ignorantia consensus non excusaretur, quia liber & ex proposito iam ferretur in rem genere suo illicitam. Quare ignorantia quæ excusabat actum, iam non excusat consensum: licuit quidem ei delectari in hoc quod non peccasset, sed non in actu. Si liceret delectari de occisione inimici in somnis aut ebrietate facta, etiam liceret hoc modo desiderare illam. Nec obstat desiderium esse actum efficacem, delectationem verò inefficacem: nam actus efficax, & inefficax circa eandem materiam sunt eiusdem speciei, cum vterque ex obiecto habeat suam malitiam & speciem. Non obstat etiam delectationem non esse nisi de illo obiecto prohibito, materialiter sumpto: nam idem est de desiderio: ergo sicut hoc non obstat, desiderium est malum, ita & delectatio. Ex quo sequitur, talem delectationem, ex nullo fine aut motivo posse honestari, qui cum sit de obiecto malo, est intrinsecè malus.

Idem affert M. Soto. de delectatione pollutionis nocturnæ, unde subdit: *Et partier post pollutionem nocturnam, quamvis Adrianus non neget licitum esse complacere in illa propter sanitatem, quæ subsequuta est, profectò doctius dicitur, quod etsi placere liceat de sanitate, non tamen de delectatione aut pollutione: quia quod de se malum est, ob nullam causam placere debet, aut concupisci.* Oppositum huius tenet

nent multi afferentes, pollutiones, si sint effectus mere naturales provenientes in somno, vel fortè in vigilia absque aliqua cooperatione hominis. non esse actus malos, & ideo non esse illicitum complacere in eis propter aliquem bonum finem sanitatis, vel quia mitiores redduntur tentationes, sicque etiam posse permitti ex iusta causa, vt si eueniant ex studio utili, vel ex confessionum audientia; neque etiam illicitum esse eas desiderare hoc modo, quia non sunt actus mali, sed sunt effectus indifferentes, vt sudor, vel fluxus sanguinis, vt colligitur ex D. Thom. 2. 2. qu. 154. art. 5. & 3. p. qu. 80. ar. 7 & Caietano Tom. 1. Opusc. Tract. 22. Nonnullis videtur has duas opiniones quod attinet ad mores, solum differre in modo loquendi: nam in re qui delectatur de pollutione ob sanitatem, nihil ei placet in pollutione, nisi sanitas.

Sunt qui limitent conclusionem ad ea, quæ sunt prohibita iure naturali: nam de his, quæ sunt prohibita iure positivo, & non habent malitiam ex natura rei (inquiunt) si inculpabiliter fiant, licitum est delectari, vt si quis delectetur, quod inculpabiliter comederit carnes in die prohibito. Et rationem assignant, quia hi actus habent malitiam extrinsecam, & accidentariam ortam ex solo præscripto legis; & ideo gaudere de illis absque culpa commissis, est gaudere de re secundum se non mala. Alijs hæc limitatio non placet: quia eadem est ratio de prohibitis
iure

iure naturali, ac iure positiuo stante prohibitione; aliàs enim licitè posset quis delectari, quod non audierit Missam somno impeditus, aut de somno quia fuit impedimentum audiendi Missam in die festo, quod quis dicat? Posset etiam quis delectari de opere contra ius diuinum positiuum factò ex ignorantia, omissione scilicet percipiendi sacramentum, & alijs huiusmodi, eadem enim est ratio de his, & de prohibitis iure humano positu: sed hoc est absurdum; ergo &c. Denique, quia ratio ob quam opus prohibitum iure positiuo non fuit peccatum, est quia non fuit voluntarium ratione ignorantie, sed sublata ignorantia illudmet opus numero fit voluntarium, aut volitum libere ratione complacentie, ergo talis complacentia, & delectatio peccatum est, alias nec desiderium talis operis cum ignorantia facti esset peccatum.

Dabium 3. *Quando delectatio sit peccatum mortale ex parte consensu, & deliberationis.*

Diu. Thom. hic, art. 6. ad 3. ait: *Quod delectatio dicitur morosa, non ex mora temporis, sed ex eo quod ratio deliberans circa eam immoratur, nec tamen eam repellit, tenens, & voluens libenter, qui statim ut attingunt animum respui debuerunt, ut August. dicit 12. de Trinitate. Non ex mora teni-*

temporis dici morosam delectationem patet: nam inorosa delectatio in malum sonat: & pro delectatione, quæ peccatum est, accipitur: potest autem diu persenerare delectatio ex aliqua causa naturali, vel ex impetu passionis ratione non aduerrente: vel voluntate non consentiente, sed potius renitente; & non esse peccatum. Tunc verò est peccatum morosa delectationis; ut loco citato in corp. ait *D. Thom.* *Cum aliquis postquam deliberauit, quod motus passionis insurgens est inordinatus, nihilominus circa ipsum immoratur, & ipsum non expellit: Voluntate utiq; consentiente. Vnde ut quod inquirimus cognoscamus, videre oportet quæ aduertentia, & deliberatio rationis, & qualis voluntatis consensus requiratur, ut delectatio morosa dicatur, & sit peccatum mortale, aut veniale.*

Dicendum est ergo 1. ut delectatio sit morosa; & peccatum; requiritur, ut ratio aduertat aliquo modo actum, vel opus cogitatum, de quo est delectatio, esse malum. Colligitur hoc ex *D. Thom.* hic art. 6. dicente, peccatum morosa delectationis esse in ratione, postquam deliberauit quod motus passionis insurgens est inordinatus. Probatur ratione, ut actus tendens in obiectum malum sit actu, & in exercitio malus, requiritur, ut aliquo modo obiecti malitia cognoscatur, alias enim nec esset talis malitia voluta, cum nihil sit volitum quin præcognitum: nec ex obiecto

ARTICVLVS VIII. 311

Et redundare posset in actum, sicut non redundat, quando quis ex ignorantia inuincibili prohibitionis facit id quod reuera est prohibitum: at si ratio nullo modo aduertat actum, vel opus cogitatum esse malum, nullo modo cognoscitur malitia eius, quod est obiectum, de quo est delectatio, ergo talis delectatio non est actu, & in exercitio mala, & multo minus peccatum mortale. Vnde Caietan. in Sum. verbo *Delectatio morosa*. sic ait: *Si persona cogitando de actu, quantuncumque malo, delectetur, non aduertendo nil id de quo delectatur (ita quod si aduerteret, non approbaret) non est ibi peccatum mortale, etiam si per unum diem sic inaduertenter cogitaret, & delectaretur.* Potest quidem aliquis liberè delectari de actu, vel opere aliquo cogitato, si tamen inuincibiliter ignorat, aut nullo modo aduertit eius malitiam, talis delectatio nequit esse peccatum, vt patet in eo qui delectatur de actu cum ea quam putat esse suam uxorem, sicut putabat Iacob, cum primò ingressus est ad Lyam.

Dicendum est 2. Non eandem deliberationem, & aduertentiam, quæ sufficit vt delectatio sit peccatum veniale, sufficere, vt sit mortale peccatum. Colligitur hoc ex D. Thom. hic artic. 3. ad 3. & artic. 10. & quæst. 88. ar. 2. Et probatur ex communi doctrina Theologorum distinguendum aduertentiam, & deliberationem in plenam, & perfectam, & semiplenam, & imperfectam, & dicentium se;

semiplenam, & imperfectam sufficere ad peccatum veniale, non verò ad mortale, sed ad hoc requiri plenam, & perfectam deliberationem, & aduertentiam. Sicut enim paruitas materiae sufficit ad veniale, & non ad mortale peccatum; ita deliberatio, & aduertentia parua, qualis est semiplena, & imperfecta, sufficit ad veniale, & non ad mortale peccatum, sed ad hoc requiritur plena, & perfecta aduertentia, & deliberatio. Vnde Caietanus in Sum. verbo *Delectatio morosa*, inquit: *Si aduertere incipit, & praua lente impetu concitata passionis non plenè aduertit: sed antequam plenè aduertat delectatio facit suum cursum, peccatum non mortale, sed veniale interuenit.*

Dicendum est 3. vt delectatio morosa sit peccatum mortale non requiritur explicita, & formalis aduertentia malitiae, vel obligationis, vel periculi, nec etiam dubitatio, sed sufficit virtualis, & interpretatiua, quam habet qui licet actu non aduertat, potest tamen, & tenetur aduertere. Colligitur hoc ex D. Thom. supra quaest. 6. ar. 3. ad 3. dicente, voluntarium esse alicui non considerare, si sit in eius potestate considerare, & non consideret; ex quo sequitur, ei qui voluntariè non considerat, seu non aduertit malitiam, voluntariam esse malitiam ac proinde peccare absque expressa malitiae aduertentia, & cognitione rationis: & hic ar. 7. ad 2. asserente: peccatum consensus in actum posse

ARTICVLVS VII. 313

se esse in ratione superiori: Siue cogitet de lege aeterna, siue non; cum enim cogitat de lege Dei actu, eam contemnit: cum vero non cogitat, eam negligit per modum eiusdem omissionis. Ex quo sequitur etiam posse esse peccatum in ea, quamuis non cogitet de malitia, si tamen possit, & teneatur cogitare: & quæst. 15 de Verit. ar. 4. ad 10. ubi cum admittat interpretatiuum consensum sufficere ad peccandum, idem videtur admittere de aduertentia interpretatiua: vnde cum ait, *Antequam ratio delectationem perpendat, vel nocumentum ipsius; non habet interpretatiuum consensum*, non de sola actuali, & expressa perpen- sione, & aduertentia intelligendum est, sed etiam de virtuali, & interpretatiua. Probatur deinde alias enim sequeretur 1. nul- lam esse inaduertentiam malitiæ culpabi- lem: quia si ad peccatum requiritur actua- lis aduertentia, omnis inaduertentia ma- litiae excusat: atque adeo ipsa excusatur; si enim esset culpabilis, non excusaret. Secundò, nullum peccatum esse ex igno- rantia culpabili etiam affectata; qui enim- talem habet non considerat, nec aduertit actu, & formaliter malitiam actus, vel operis, immò quandoque existimat esse licitum. Tertiò, omne peccatum proce- dere ex certa scientia, ac proinde esse ex malitia. Quartò, omnem qui peccat, habere remorium conscientiae; actualis enim aduertentia malitiæ operis, quod quis facit, concupiscit, vel de quo dele-
O ; ctatur,

Statatur, non potest esse sine conscientie remorsu: at hæc omnia absurda sunt; ergo, &c.

Si quæras autem, quomodo cognosci possit, esse in homine aduertentiam, & deliberationem perfectam saltem virtuales, quæ sufficiat ad peccatum mortale? Respondetur ad hoc, videndum esse: an iudicium sit expeditum, & non absortum, & alligatum circa vnum obiectum: propter hoc enim in semiebrijs, & surgentibus à somno; & in laborantibus vehementi aliqua passione mentem alio distrahente, non est perfecta, & plena, sed imperfecta, & semiplena deliberatio, & aduertentia: *In cuius testimonium, excusantur à somno pollutionis surgentes, si quid mali eis complaciat, donec plene aduertant, quid eis incumbit; quod enim illi patiuntur propter somnum, isti patiuntur propter passionem inuoluntariam, ait Caietanus in Summa, verbo Delectatio morosa.* Hoc autem non melius cognosci potest, quam si homo aduertat, se habere perfectam reflexionem supra se ipsum, & posse respondere de re quam cogitat, & de alijs si interrogetur; quo stante, aut cognosceret malitiam, aut perfectè cognosceret substantiam actus, ex qua facile malitiam deduceret, nisi praua consuetudo, vel negligentia circa bonas operationes diuerteret.

Dicendum est 4. Posita plena aduertentia in ratione, si voluntas positivè consentiat, & delectetur de actu malo mortali-

ARTICVLVS VIII. 315

ter cogitato, est peccatum mortale; si positivè dissentiat, & conetur, motum appetitus sensitivi reprimere. nullum est peccatum sed meritum; si vero suspensa manet, nec dissentiens, nec consentiens expresse, sed permittens motum inordinatum, vel cogitationem turpem, potest esse peccatum mortale, aliquando tamen solum est veniale, & aliquando nullum. Primam, & secundam partem docet Caietan. in Sum. verbo *delectatio morosa*, his verbis: *Si autem plenè aduertis, & positivè consensit in illam, peccatum iam patet, & similiter si positivè dissentis; virtus iam patet. Adeo etiam manifestæ sunt, ut non indigeant probatione.*

Tertia pars colligitur ex D. Thom. qu. 15. de Verit. art. 4. ad 10. vbi postquam dixit, rationem; antequam delectationem perpendat, vel nocumentum ipsius, non habere interpretativum consensum, etiam si non resistat, subdit: *Sed quando iam perpendit ratio de delectatione insurgente, & nocumento consequente, utpote cum percipit homo se totaliter per huiusmodi delectationem in peccatum inclinari, & in preceptum ruere, nisi expresse resistat, videtur consentire, consensu scilicet interpretativo, qui ad peccatum mortale sufficit: & hic artic. 6. vbi ait, rationem dupliciter deficere in directione passionum interiorum: Vno modo quando imperat illicitas passiones: sicut quando homo ex deliberatione provocat sibi motum ira, vel concupiscencia, Alio modo quando*

316 *QVÆSTIO LXXIV.*

non reprimat illicitum passionis motum : sicut cum aliquis postquam deliberavit, quod motus passionis insurgens est inordinatus, nihilominus circa ipsam immoratur, & ipsum non expellit : & secundum hoc dicitur peccatum delectationis morosa esse in ratione. Vbi nomine rationis utraque potentia animæ, scilicet intellectus, & voluntas intelligitur, & voluntatem interpretatiuè consentire significatur, quia circa motum passionis immoratur; & ipsum non expellit, etiam si expressè, & positiuè non consentiat.

Eandem etiam partem docet Caiet. in Sum. verbo Delectatio morosa, his verbis. Sed si positiuè non consentit, nec dissentit, & tamen in illa cogitatione delectabili perseuerat, conuincitur consentire ex ipsa continuatione delectationis non prohibita à voluntatis imperio, quando potuit, & debuit, &c.

Probatur etiam ratione sumpta ex Caietano hic ar. 4. §. Ad hoc, passionibus membrorum externorum sunt peccata mortalia, quando sunt voluntariæ voluntate, non reprimente, ut patet in muliere, quæ etiam voluntate taceret, alio ipsam cognoscente; ergo, & passionibus appetitus sensitiui; illæ enim his remotiores sunt à ratione peccari.

Si quæras autem quando sit peccatum mortale voluntate non expressè consentiente, sed permittente motum inordinatum, vel turpem cogitationem? Respondetur; quando negligenter se habet voluntas.

ARTICVLVS. VII. 317

luntas in repellenda cogitatione, vt delectetur in re cogitata, vel ex complacentia delectationis, & etiam quando imminet periculum consentiendi in delectationem; in vtroque enim casu est consensus interpretatiuus.

Quarta pars asseritur à Caietano in Sum. verbo *Delectatio morosa*, vbi sic habet: *Magna tamen hic opus est discretione, cum de timoratis conscientijs agitur. Discernere siquidem oportet causam quare continuatur illa cogitatio delectabilis. Nam si complacentia delectationis illius prouenit, quod negligit prohibere continuationem illam, voluntaria sit delectatio, & vere morosa. Si autem non ex complacentia, sed ex non estimatione commota cogitationis, & delectationis negligentia prouenit (puta quia scit voluntatem suam constantem, & confidit quod propter huiusmodi commotiones phantasiæ, & concupiscentia non ruet in consensum malum) peccat quidem: quia potest, & debet conari ad repellendum huiusmodi bella, & pericula maxima, & quantum in se est implere illud. Persequat inimicos meos, & non conuertar donec deficiant. Non peccat tamen mortaliter, quia in veritate iste dissentit virtualiter saltem, &c. Vbi notanda sunt verba illa, Cum de timoratis conscientijs agitur; In hominibus enim timoratae conscientiae, qui firmam habent voluntatem moriendi potius, quam peccandi mortaliter, negligentia repellendi cogitationem nunquam, aut raro creden-*

318 *QVÆSTIO LXXIV.*

da est procedere ex affectu ad delectationem de malo opere cogitato, ac proinde esse mortalem. In hominibus, verò conscientię parum timoratz, & qui facile solent peccare oblatiſ occasionibus, credenda est prouenire ex complacentia delectationis, ſicque in eam interpretatiuè conſentire, & conſequenter mortalem, eſſe. In hominibus autem mediſ ſtatus, qui nō ſemper cōſentiunt vt ſecundi, nec ſunt tam timoratz conſciētiz, quā primi, iudicandum eſt peccatum ex maiori, vel minori acceſſu ad alterum extremum, & quando eſt dubium ex qua cauſa proueniat negligentia; ſub dubio illam conſiſteantur.

Prædictam Caietani doctrinam ſequuntur Nauarrus in Manuali cap. 11. num. 9. & multi D. Thom. expoſitores hic. Nec argumenta quibus alij eam impugnant, multum vrgent: nam ſicut quando quis ob iuſtam cauſam permittit tales motus, non peccat contra præceptum prohibens concupiſcere, nam hoc prohibet fieri cum deliberatione, & conſenſu voluntatis: ita non peccat mortaliter, ſed ſolum venialiter qui illos non repellit nolens deſiſtere à lectione, aut viſione alicuius rei ex qua oriuntur, illos paruipendens, & conſidens illis, & delectationi non eſſe conſenſum præbiturum. Et non eſt eadem ratio de muliere permittente ſe cognosci carnaliter: nam hæc permiſſio fertur in
actum

ARTICVLVS VIII. 319

actū cōpletum non procedentem à causa mere naturali; sed à libera, quam si potest, tenetur mulier impedire, & ob nullā causam potest talem actū permittere, sic permitti possunt motus inordinati carnis aut appetitus sensitiui; sine vilo quidem peccato ex causa iusta, & sine mortali ex causa veniali, aut occiosè, dummodo voluntas non consentiat, in quo casu nec etiam indirectè vult homo delectationem, sed potius illam indirectè, & virtualiter detestatur, quia vt vbi supra ait Caiet. *Confidens de non consensu suo paruificat illam cogitationem delectabilem tanquam debilem hostem ad sui impugnationem.*

Quinta pars conclusionis patet: quī enim motum inordinatum, vel turpem cogitationem non reprimat, sed permittit ob iustam causam, nempe ne discedat à studio necessario vel vtili, aut ne omittat audire confessiones, vel assistere infirmo, nullo modo peccat, vt fatentur omnes.

Circa art. 9. & 10. nihil se offert scribendum.



QVÆSTIO LXXV.

*De causis peccatorum in
generali .*

ARTICVLVS I.

Vtrum peccatum habeat causam.

Conclusio est affirmans .

CAusa peccati est voluntas carens directione regulæ rationis, & legis diuinæ intendens aliquod bonum commutabile . Cum autem peccatum sit actus quidam inordinatus, actus peccati causa per se est voluntas, inordinationis vero causa per accidens & præter intentionem ; prouenit enim defectus ordinis ex defectu directionis in voluntate .

Quæri hic solet, an huiusmodi defectus, qui præcedit in voluntate vt est causa peccati, sit naturalis aut voluntarius? Ad quod respondetur: præter defectum naturalem qui est in voluntate prius tempore, quam primum etiam peccatum, esse in illa alium defectum, qui solum est prior natura primo peccato, hicque non est naturalis sed voluntarius, non tamen nisi concomitanter est malum culpæ . Primum horum docet Capreolus in 2. dist. 34. quæst. 2. ad 1. Scoti

ARTICVLVS I. 321

ti contra 2. vbi sic habet: *Defectibilitas non est proxima causa peccati in actu, sed solum in potentia, sed actualis causa peccati est defectus actualis in voluntate.* Idem docet Ferrariensis 3. Contragentes capit. 10. §. *Circa defectum.*

Secundum docet Diu. Thom. 3. Contragentes cap. 10. ad finem dicens: *Hic autem ordinis defectus voluntarius est: nam in potestate ipsius voluntatis est velle, & non velle; item, que est in potestate ipsius, quod ratio actu consideret, vel à consideratione desistat, aut quod hoc vel aliud consideret.* Vide ibi Ferrariensem.

Tertium docet D. Tho. ibidem subdens: *Nec tamen iste defectus est malum morale: si enim ratio nihil consideret, vel consideret bonum quodcumque, nondum est peccatum, quousque voluntas in finem indebitum tendat, quod iam est voluntatis actus. Si talis defectus malum morale esset, cum præcedat primum peccatum, ante primum peccatum esset malum morale, & peccatum; non est ergo malum morale nisi concomitanter, vt coniungitur cum actu voluntatis malo.*

Hæc omnia ita explico: quælibet causa, siue libera, siue naturalis, prius natura est determinata ad effectum, quam producat effectus, quia effectus determinatus non potest procedere à causa indeterminata, ac proinde determinatio causæ debet præcedere effectum productum. Est tamen discrimen inter causam liberam, & naturalem; nam sicut à causa naturali procedit ef-

322 QVAESTIO LXXV.

fectus naturaliter, ita determinatio causæ naturalis ad operandum est naturalis, & sicut à causa libera procedit operatio liberè, ita determinatio causæ liberæ ad eliciendam operationem liberam est libera, sicque prius natura quam intelligatur operatio libera in voluntate, intelligitur determinatio libera. In isto ergo priori naturæ, quo intelligitur voluntas determinata ad malam operationem liberam, iam intelligitur liber defectus non subiectionis ad regulam, tamen cum in isto priori naturæ nondum intelligatur operatio mala voluntatis, in qua primo est malum culpæ; ideo iste defectus, ut est prior natura primo peccato, est quidem defectus liber; non tamen est malum culpæ, sed esse malum culpæ habet concomitanter, ut coniungitur cum actu malo voluntatis. Vel dici potest talem defectum liberam in illo priori esse malum morale; & peccatum inchoatiue, non formaliter, & completè, nam sicut determinatio voluntatis est inchoatio actus, ita iste defectus est inchoatio peccati.

Circa artic. 2. 3. & 4. nihil se offert dicendum.



QVAE.

QVÆSTIO LXXVI.

De causis peccati in speciali .

ARTICVLVS I.

*Vtrum ignorantia possit esse causa
peccati .**Conclusio est affirmans .**Dubium . An hac conclusio sit ve-
ra .*

TRiplex , vt docet D. Thom. supra-
quæst. 6. art. 8. est ignorantia : an-
tecedens scilicet , concomitans , &
consequens . Ignorantia antecedens dici-
tur , quæ antecedit omnem actum volun-
tatis , & nullo modo est volita , nec directè ,
nec indirectè aut interpretatiuè . Hæc igno-
rantia dicitur à Iurisperitis probabilis , quia
postquam facta est sufficiens diligentia , si
adhuc manet ignorantia , dicitur aliquis
probabiliter ignorare . A Theologis dicitur
inuincibilis , quia eam homo vincere non
potest : vel vt hic artic. 2. ait Diu. Thom.
Quia studio superari non potest . Vel vt ibidem
subdit : *Eo quod non est in potestate nostra eam
repellere ,*

Ignorantia concomitans est , quæ aufert scientiam , quæ licet adesset , non impediret actum : vel (quod idem est) vt ait D. Th. supra. quæst. 6. art. 8. *Quando ignorantia est de eo quod agitur : tamen etiam si sciretur , nihilominus ageretur &c.* Sicut cum aliquis vellet quidem occidere hostem , sed ignorans occidit eum putans occidere ceruum .

Ignorantia consequens dicitur , quæ est volita vel formaliter , & directe , vel interpretatiue , & indirecte : sicque dicitur , quia consequitur actum voluntatis , quo est volita .

Aliæ solent assignari diuisiones ignorantie . Prima , quæ diuiditur in ignorantiam negationis , quia nihil habet positiui , & contrarie dispositionis , quando scilicet interuenit positiuus assensus cum defectu veritatis , qui est error . Secunda , in ignorantiam habituales , quæ est ex defectu scientie habitualis , & actuales , quæ est ex defectu actualis considerationis , & aduertentie . Tertia , in practicam , & speculatiuam . Quarta , in ignorantiam iuris , & facti . Quinta , in ignorantiam vincibilem , & inuincibilem . Sexta , quæ ignorantia vincibilis sub diuiditur in affectatam ; quæ est directe volita , vt quando quis de industria vult nescire ; & crassam , quæ est indirecte voluntaria in sola negligentia ad discendi , quæ etiam dicitur supina , quia , qui desides sunt , supini iacere solent . Est que , vt ait Syluester verbo *Ignorantia* , in principio : *Qua quis scienda non scit ex negli-*
gen-

gentia lata siue lata culpa, ut quia non scis publica, & manifestu, quæ omnes sciunt, ad similitudinem hominis erassi, & supini, qui non videt etiam posita coram. Quibus & addit ignorantiam vincibilem non supinam; quam ab ea, & ab affectata distinctam esse oportet. Quia tamen harum omnium diuisionum membra sub prædicta trimembri diuisione tradita à D. Thom. comprehenduntur, illa ad præsentis articuli doctrinam applicata, constabit; quæ nam ignorantia, quæcumque illa sit, sit vel non sit causa peccati.

Dicendum ergo est 1. Ignorantiam concomitantem non esse causam peccati. Probatur: solum illa ignorantia est causa peccati, quæ tollit scientiam, cum qua non fieret peccatum: sed ignorantia concomitans non est huiusmodi; immo qui illam habet, etiam si haberet scientiam, committeret idem peccatum; ergo hæc ignorantia non est causa peccati. Vnde D. Thom. hic ita scribit: *Non qualibet ignorantia peccantis est causa peccati, sed illa tantum, quæ tollit scientiam prohibentem actum peccati. Vnde si voluntas alicuius esset sic disposita, quod non prohiberetur ab actu parricidij etiam si patrem agnosceret, ignorantia patris non est huic causa peccati, sed concomitanter se habet ad peccatum. Et ideo talis non peccat propter ignorantiam, sed peccat ignorans secundum Philosophum in 3. Ethic.*

Dicendum est 2. Ignorantiam consequentem causam esse per accidens peccati, non
san-

tantum materialiter, sed etiam formaliter. Probatur cum D. Thom. hic: ignorantia potest esse causa peccati, non quidem per se, sed per accidens sicut remouens prohibens, quia scilicet remouet scientiam, quæ si adesset impediret peccatum: sed ignorantia consequens est huiusmodi; ergo &c. Confirmatur; ignorantia consequens non tollit voluntarium; ergo quod fit ex tali ignorantia est voluntarium, & cum ex parte obiecti sit malum, ignorantia erit causa huius actus mali, quia tollit scientiam, quæ impediuisset illum.

Dicendum est 3. Ignorantiam antecedentem non esse causam peccati, sed actus, qui si fieret absque tali ignorantia, esset peccatum, & licet regulariter non sit causa actus qui de facto fit peccatum, in aliquo tamen casu, actus qui de facto peccatum est, causam esse. Prima pars patet: talis enim ignorantia est inuincibilis, & inculpabilis, & omnino inuoluntaria, non esset autem huiusmodi, si causa peccati esset; ergo &c.

Secunda pars etiam patet exemplo eius qui occidit hominem inuincibiliter existimans esse feram; si enim hoc fieret absque ignorantia antecedenti, esset peccatum homicidij: talis autem actus causa est ignorantia antecedens, nam remouet scientiã, quæ si adesset, impediret talem actum; ergo &c.

Tertia pars quoque constat: regulariter namque quod fit ex ignorantia antecedente,

dente, nullum est peccatum, nam tollit voluntarium.

Quarta pars probatur in casu adducto à D. Th. hic ad 3. *Cum aliquis scit hunc quem occidit, esse hominem, sed nescit esse patrem.* Si enim hoc cognouisset, cessaret ab actu homicidij, ergo tunc ignorantia huius circumstantiæ, scilicet hunc esse patrem, est causa per accidens homicidij, quia remouet scientiam, quæ si adfuisse, impediuiset homicidium. Vnde D. Th. quæst. 3. de Malo art. 6. sic habet *Si aliquis sagittator velit quidem occidere hominem, sed non patrem, si sciret eum qui transit esse patrem, nullo modo sagittaret sed quia ignorat eum esse patrem sagittando interfecit: unde ignorantia ista causat manifeste peccatum homicidij: quia in eo omnem euentum iste sagittator est reus homicidij, licet non sit reus parricidij in omni casu.* Aduertendum tamen est: ignorantiam antecedentem etiam in hoc casu esse causam magis per accidens peccati, quam ignorantiam consequentem. Cuius ratio desumitur ex parte scientiæ, qua priuat utraque ignorantia: nam ignorantia consequens tollit scientiam quæ directè & per se abstulisset peccatum; hæc vero ignorantia antecedens tollit scientiam, quæ indirectè & secundario impediret peccatum. Nam in casu posito si adesset scientia, quod iste homo est pater, per se & directè impediret hoc peccatum in ratione parricidij; tamen in directè & secundario, in ratione homicidij: quia si fiat parricidium

in hoc casu, ex consequenti fit homicidiū,
 & ita scientia in tali casu impediret occi-
 sionem hominis secundario & ex conse-
 quenti. Tamen quando quis culpabiliter
 iaciens sagittat ex ignorantia consequenter
 occidit hominem, existimans se occidere
 feram, quam tamen nullo pacto occidisset,
 si sciret illam esse hominem, scientia, quæ
 opponitur huic ignorantie, directe & per
 se impediret homicidium. Ex quo patet
 magis per accidens esse causam homicidij
 ignorantiam antecedentem, quam conse-
 quentem.

Sed obijcies 1. Peccatum est actus pec-
 cantis: & quando quis laborat ignoran-
 tia inuincibili vel antecedente, non pec-
 cat; ergo huiusmodi ignorantia non est
 causa peccati.

Secundò, ignorantia antecedens causat
 inuoluntarium; ergo non est causa pecca-
 ti, quod debet esse voluntarium.

Tertiò ignorantia, quam quis non tene-
 tur vitare, non est causa peccati: sed non
 tenetur homo vitare ignorantiam inuinci-
 bilem & antecedentem; ergo illa non est
 causa peccati.

Ad 1. respondetur negando minorem:
 nam in casu posito peccat homo peccato
 homicidij, & ignorantia solum excusat il-
 lum à malitia parricidij. Si dicas malitiam
 homicidij non procedere ex ignorantia,
 nam ille iam scit se occidere hominem.
 Respondetur hic & nunc occidere homi-
 nem causari ex circumstantiæ ignorantia;
 quia

quia nec hominem occideret nunc si sciret esse patrem.

Ad 2. respondetur: ignorantiam antecedentem in casu posito causare inuoluntarium respectu parricidij, non tamen respectu homicidij: vnde D. Thom. q. 3. de Malo art. 6 ad 1. ait: *Quamuis inuoluntariè committat parricidium, voluntariè tamen committit homicidium.*

Ad 3. Respondetur negando maiorem, licet enim vniversaliter verum sit, ignorantiam, quamuis non tenetur vitare, non esse peccatum: non tamen semper est verum non esse causam peccati, quamuis vt in plurimum non sit, vt diximus. Si dicas, negatio diuini auxilij, quod impediret peccatum, non est causa peccati etià per accidens; quia Deus non tenetur dare auxilium ad impediendum de facto illud peccatum; ergo quando quis non obligatur ad habendam scientiam, ignorantia non erit causa per accidens peccati. Respondetur negando consequentiam, nam Deus non tenetur ad dandum auxilium, nec ad impediendum peccatum, homo vero quamuis in prædicto casu non teneatur habere scientiam illius circumstantiæ, quam intinçibiliter ignorat: tamen tenetur vitare illud peccatum, & de facto vitasset per talem scientiam.



Verum ignorantia sit peccatum :

Conclusio est affirmans .

*Dubium 1. An ignorantia eorum
qua quis scire tenetur, sit pecca-
tum secundum se, an ratione ne-
gligentia sciendi,*

Secundum se & non ratione negligen-
tia peccatum esse ignorantiam tenen-
nonnulli . & probant 1. ex D. Thom. in
2. dist. 22. quæst. 2. art. 1. ubi sic habet: *Quia*
de ratione culpa non est plus, nisi quod sit pri-
uatio alicuius, quod debitum est habere, in
potestate eius qui priuatur existens, ideo etiam
ipsam ignorantiam secundum se possumus cul-
pam dicere.

Secundo ignorantia eorum, quæ quis
scire tenetur, est contra præceptum, non
ratione negligentia, sed secundum se; ergo
secundum se est peccatum. Antecedens
probat: præcepto, quo tenemur aliqua
scire, primo præcipitur scientia, quæ pro-
pter se ipsam necessaria est, diligentia au-
tem solum præcipitur, quia scientia præ-
cipitur, & ad huius acquisitionem illa ve-
medium requiritur; ergo ignorantia, quæ
hanc scientiam excludit, secundum se est
contra præceptum, non ratione negligen-
tia,

ARTICVLVS H. 331

tiæ. Confirmatur; omiffio præcepti secundum fe est peccatum, non ratione negligentie implendi illud, qui enim omittit Miffam audire, non tantum peccat, quia fuit negligens, fed quia non interfuit miffæ: fed ignorantia importat omiffionem fcien- di ea quæ fcire tenemur, ergo &c.

Tertio, fi quis faciat fufficientem diligen- tiam, & nihilominus nolit fcire quæ tene- tur, peccat: at non ratione negligentie; ergo ignorantia non ratione negligentie, fed ratione fui peccatum est.

Dicendum tamen est: Ignorantiam eo- rum, quæ quis fcire tenetur, peccatum ef- fe non fecundum fe, fed ratione negli- gentie,

Probatur ratione fumpta ex Caietano: hic: fcire fecundum fe non est actus mo- raliter bonus (cum fcientia, cuius actus est virtus intellectualis fit, non moralis) fed fo- lum vt est actus elicited vel imperatus à virtute ftudiofitatis (ficut orare à virtute religionis) vel quatenus exercetur fecun- dum regulas illius: ergo & ignorare fecun- dum fe non est malum morale & peccatū, fed folum vt est à vitio oppofito ftudiofi- tati, quod dicitur negligentia, & in quan- tum fub illo cadit, & ei fub eft. Aduer- tit autem Caietanus, negligentiam efle nomen æquinocum, vel quafi æquiucum ad vitium oppofitum prudentie, & ad vi- tium oppofitum ftudiofitati; huic enim duo vitia contraria opponuntur, alterum per exceffum, fcilicet curiositas, alterum per

per defectum, scilicet negligentia; quæ sicut & studiositas est in voluntate, & significat voluntatem intensam respectu commissionis contrariæ, & remissam respectu omissionis studiositatis, unde ad illam ignorantia affectata spectat per commissionem & ignorantia negligens per omissionem. Prudentia etiam vt docet Diu. Thom. 2. 2. quæst. 54. art. 2. opponitur negligentiz: quæ sicut & prudentia in intellectu est, & defectum sollicitudinis præcipiendi in qualibet materia ex remissa voluntate oppositi boni procedentem significat: unde hoc negligentia opposita sollicitudini est effectus negligentiz oppositæ studiositati; pro quanto est voluntas remissa circa studiositatem, & vna infert aliam, propter quod D. Thom. hic non curauit discernere, eam qua negligentia loqueretur, & 2. 2. cum de negligentia egisset, quæst. 54. de ea non egit inferius disputans de studiositate, quæst. 166. & de curiositate, quæst. 167. Reuera tamen negligentia, ratione cuius ignorantia, tam quæ est priuatio scientiæ habitualis pro tempore quo debet requiri, quæ quæ est priuatio actualis considerationis & aduertentiæ, quæ inconsideratio dicitur, est peccatum, non est negligentia opposita prudentiæ, cum talis negligentia sit circa præceptum, quod sequitur post iudicium & cognitionem, cui opponitur ignorantia & inconsideratio sed negligentia opposita studiositati, cuius materia est cognitio.

Ad 1. vero respondent quidam, D. Tho.
hic

ARTICVLVS II. 333

hic illam sententiam retractasse. Sed respondetur 2. duobus modis posse intelligi, ignorantiam secundum se esse culpam, & peccatum. Primo hoc est quocumque alio secluso & non existente: & hoc modo hic; & q. 3. de Malo artic. 7. Inegat D. Tho. ignorantiam secundum se esse peccatum; seclusa enim, & non existente negligentia peccatum non est. Secundo, hoc est secundum suam propriam rationem aut quantum in se est, adiuncta tamen negligentia: & hoc modo affirmat loco citato in argumēto ignorantiam secundum se esse culpam, quasi dicat non esse solum peccatum quia est effectus, aut causa peccati (qua ratione concupiscantia appellatur peccatum, quia ex peccato est, & ad peccatum inclinatur, ut dicitur in Concilio Trid. Sess. 4. in Decreto de peccato originali) sed quia peccatum est in ipsa ignorantia, & non tantum in negligentia, ratione cuius est peccatum.

Ad 2. Respondetur negando antecedens; præceptum enim, quod obligat ad sciendum aliquid, obligat ad actum studiositatis, quo studeat homo illud scire, sicque tale præceptum non violatur per solam ignorantiam & consequenter nec per ignorantiam secundum se, sed per ignorantiam procedentem ex negligentia: nam si quis ignorat aliquid quod tenetur scire, si non fuit negligens in illa re scienda, non facit contra præceptum, nec peccat illam ignorando, & ignorantia absque negligentia non est malum
mo.

morale, sed malum quoddam naturale, ut colligitur ex D. Thom. hic ad 4. Ad probationem dico : præcepto, quo tenemur aliquid scire; non præcipi scientiam quæ est habitus : nam præcepta non dantur de habitibus, sed de actibus, & quamvis scientia habitualis sit, & spissimè necessaria ad rectitudinem vitæ; non tamen semper est idem quod præcipitur, & quod est necessarium ad finem præcepti : gratia enim necessaria est, & tamen non ipsa, sed præparatio ad ipsam est quæ præcipitur. Licet autem prædicto præcepto actus acquisitionis scientiæ præcipiatur; non tamen secundū se : nam ut sic non est actus virtutis moralis aut moraliter bonus, sed ut sub studiositate cadit, illique subiicitur. Ad confirmationem respondetur : omissionem illius præcepti non esse per solam ignorantiam, sed per ignorantiam ex negligentia : libenter autem concedimus non solam negligentiam esse peccatum, sed etiam ignorantiam.

Ad 3. respondetur negando minorem : nam, ut diximus, cum Caietano, negligentia opposita studiositati significat etiam voluntatem intensam respectu commissionis contrariæ, qualis est ignorantia affectata, quæ est directè voluntaria, quæ scilicet quis studiosè vult nescire, quæ scire tenetur.



*Dabium 2. An ignorantia eorum
quæ homines scire tenentur sem-
per sit peccatum.*

PArtem affirmantem tenent nonnulli
asserentes talem ignorantiam nun-
quam esse inuincibilem, sed semper esse
vincibilem ac proinde peccatum. Pro-
bant 1. de ignorantia rerum fidei. Deus
paratus est, cognitionem rerum fidei, quæ
simpliciter ad salutem necessaria est, om-
nibus conferre, & nulli eam denegat, nisi
homo sua culpa impediatur; ergo si ea caret,
& ignorantiam habet aliquis rerum fidei,
talis ignorantia vincibilis est, cum potue-
rit illam vincere vitando culpam, ob quam
ei talis cognitio fuit subtracta.

Secundò de ignorantia iuris naturalis
Gratianus in Decreto Cap. *Turbatur*. 1. q.
4. dicit: *Ignorantia iuris naturalis omnibus
adultis damnable est.* Et Arist. 3. Ethic.
cap. 1. ait, ignorantiam vniuersalem (no-
mine cuius ignorantiam iuris naturalis vi-
detur intelligere) non facere inuolunta-
rium; *Homines enim propter hanc ipsam re-
prehenduntur*: ergo semper est peccatum,
& nunquam inuincibilis. Confirmatur,
ea quæ sunt iuris naturalis, lumine natu-
rali rationis manifestantur; ergo eorum
non potest dari ignorantia inuincibilis.

Tertiò de ignorantia iuris positui ciui-
lis, vel Ecclesiastici, & de ignorantia sa-
cti;

cti; nemo ignorat, quod scire tenetur, nisi sua culpa, & negligentia; ergo cum ignorantia, quam quis sua culpa habet, sit vincibilis, & peccatum, non poterit esse horum ignorantia inuincibilis, & quæ non sit peccatum.

Dicendum tamen est: Ignorantiam eorum, quæ homines scire tenentur posse in aliquibus esse inuincibilem, ac proinde non semper esse peccatum. Quæ homines scire tenentur, enumerat Diu. Thom. hic dicens: *Omnes tenentur scire communiter ea quæ sunt fidei, & vniuersalia iuris præcepta: singuli autem ea quæ ad eorum statum, vel Officium spectant.* De scientia verò facti subdit, non teneri hominem scire: *contingentia particularia, nisi in casu.* Horum enim cognitio vocatur scientia facti: cognitio autem legis diuinæ, vel humanæ dicitur scientia iuris: hincque ortum habuit distinctio ignorantiae in ignorantiam iuris, & facti.

Ignorantiam eorum quæ sunt fidei posse esse in aliquibus inuincibilem, & non peccatum, constat in nonnullis infidelibus; docet enim D. Thom. 2. 2. quæst. 10. ar. 1. de infidelitate loquens: *Si accipiat secundum negationem puram, sicut in illis qui nihil audierunt de fide, non habet rationem peccati, sed magis poenæ, quia talis ignorantia diuinorum ex peccato primi parentis consecuta est.* Tripliciter in infidelibus potest esse inuincibilis ignorantia rerum fidei. Primo, quia nihil penitus audierunt: nam

ARTICVLVS II. 337

vt dicitur ad Rom. 10. v. 14. *Quomodo credent ei quem non audierunt?* Talis fuit ignorantia Indorum occidentalium antequam eorum notitiam haberent Hispani, ab hisque instruerentur. Secundo, quia licet ipsis fides proponatur, sed insufficienter, vt nec probabilem dubitationem concipere possint: qua ratione posset esse excusabilis ignorantia Indorum in principio, quando inter cædes, & rapinas, & corruptos militum mores doctrina fidei absque credibilitatis specie, quam haber, proponebatur: immo si absque vlla notitia talis credibilitatis ex sola mentis leuitate crederent, peccarent. Tertiò, si post notitiam, vel dubitationem de rebus fidei, consulant magistros, quos sufficientes, & fide dignos existimant, & decipiunt eos, quo pacto rudiores, & simplices inter hæreticos aliquando excusari possunt. De fidelibus asserendum est, raro esse in eis, qui inter fideles nutriti sunt, admittendam ignorantiam inuincibilem rerum fidei, quæ scire tenentur, quales sunt 14. articuli fidei, & alia quæ dicemus 1. 2. qu. 2. ar. 5. vsque ad 8. inter fideles enim tanta est copia, & abundantia doctrinæ, vt nullus nisi sua culpa ignorare possit, quæ tenetur scire. Contingere tamen posse, vt propter parentum, aut curatorum negligentiam, vel propter ruditatem personæ aliquid horum ab aliquibus inuincibiliter ignoretur, admittunt grauissimi Auctores, immo Nauarrus in Manuali ca. 11.

338 *QVÆSTIO LXXVI.*

num. 18. ait: *Modo non audeam ceterorum articuloꝝ, quos non adeo solemnizat Ecclesia ignorantiam tanquam letalem, & mortiferam condemnare.*

De ignorantia iuris naturalis asserendum est: circa præcepta, quæ habent rationem primorum principiorum in practicis, ut bonum est faciendum, malum est fugiendum, quod tibi non vis, alteri ne feceris, & similia, nullam posse esse ignorantiam: nam ut ait D. Thom. infra quæst. 94. ar. 6. *Quantum ad illa principia communia lex naturalis nullo modo potest à cordibus hominum deleri, in vniuersali.* Sunt enim principia per se nota secundum se, & quo ad nos, sicque nisi penitus extinctum sit lumen, ignorari non possunt in vniuersali, sed tantum in particulari operabili, quatenus ratio propter concupiscentiam, aut aliam passionem impeditur applicare commune principium ad particulare operabile. Circa præcepta verò, quæ ex primis principijs difficile deducuntur, multoque labore, & inquisitione tanquam conclusiones ab eis remotæ, fatentur omnes posse esse ignorantiam inuincibilem in multis hominibus, & longo tempore, ut circa præcepta de indissolubilitate matrimonij, de vitandis vsuris, de vindicta iniuriæ illata propria auctoritate non facienda, & de aliis huiusmodi. Circa præcepta autem, quæ facile deducuntur ex primis principijs tanquam conclusiones eis proximæ, dici potest, ignorantiam inuincibilem per

per breue tempus in aliquo dari posse, cum enim hæc non sint per se nota, sed indigeant aliquo discursu, non est mirum, si vnus aut alter paruo tempore inuincibiliter ea ignorare possit. Huiusmodi sunt præcepta Decalogi secundum substantiam nudè sumpta: nam si sumantur cum aliqua circumstantia. vt non esse mentiendum, etiam pro salute alicuius, non esse furandum etiam ad dandum eleemosynam aut sustentandos parentes, non ita deducuntur facile ex primis principiis, vt non possint à multis, & longiori tempore ignorari. Aduertendum tamen est, quod cum Arist. 1. Ethic. notat D. Thom. in 4. dist. 27. q. 2. art. 2. triplicem esse gradum vel statum rationis hominis: *Primus est, cum quis neque intelligit per se, neque ab alio capere potest. Secundus status est, cum homo ab alio capere potest, sed ipse per se non sufficit ad intelligendum. Tertius est, cum homo ab alio iam capere potest, & per se ipsum considerare. Primum statum, rationis obtinet homo ante primum septenarium. Ad secundum statum incipit homo peruenire in fine primi septenarii, Sed ad tertium statum incipit homo peruenire in fine secundi septenarii. In secundo statu ignorantiam inuincibilem prædictorum præceptorum posse esse in homine colligitur: nam cum per se ipsum, & proprio discursu non possit ea ex primis principiis deducere, antequam de illis doceatur, potest illorum ignorantiam inuincibilem habere. Vnde si puer in illo statu nutriatur inter eos qui furtum licitum esse*

340 *QVÆSTIO LXXVI.*

reputant, quales olim fuere Germani, vt infra quæst. 94. ar. 4. ait D. Thom. referri à Iulio Cæsare lib. de bello Gallico: vel inter infideles qui solem vt Deum adorant, posset toto illo statu esse ignorantia inuincibilis in eo horum præceptorum, scilicet non furandi, & Deum verum colendi. Idem est de aliis, nisi fortè excipias præcepta de colendis parentibus, & filiis educandis, quæ licet non sint vniuersalissima, sunt tamen ita vniuersalia, & per se nota, vt nulla fuerit tam rudis natio; in qua circa hæc fuerit ignorantia, nam cognitis terminis statim iudicantur esse vera. In tertio statu non nisi in aliquo valde rustico, & rudi, & per breue tempus admitti potest ignorantia inuincibilis prædictorum præceptorum, præsertim primi Decalogi, quo Deum verum colere tenemur; nam vt ostendimus 1. p. quæst. 2. ar. 2. negari non potest naturaliter cognosci posse Deum esse, quantum sat est ad obligandum homines ad cultum Dei. Doctrinam verò per reuelationem acceptam de hac veritate, inquit Caiet ibidem, quæst. 1. ar. 1. solum esse necessariam ad bene esse.

Ignorantiam etiam iuris ciuilis, & ecclesiastici posse inuincibilem esse à fortiori probatur: quia si iuris diuini, & naturalis possibilis est, multo magis cuiuscumque iuris positiui humani, quod multiplex est & variabile, & facile mutatur, eiusque notitia minus obligat, & difficilius acquiritur, cum a sola relatione hominum pendeat, vel libro.

brorum lectione . Et quamuis ignorantia iuris humani semper censeatur culpabilis in foro exteriori præsumptione ipsius iuris , quia aliàs omnes prætenderent ignorantiam , & sic delicta manerent impunita ; in foro tamen conscientiae sepe ignorantia inuincibilis , & inculpabilis admittenda est . Quando autem in particulari talis ignorantia iudicanda sit culpabilis , & quando inculpabilis , prudentis iudicio relinquitur ; qui cōsideratis circumstantiis personæ , quæ solet vel non solet esse negligens , eius etiam capacitate , & qualitate legis , quæ communiter solet sciri , vel à paucis scitur , & aliis , poterit iudicare , quæ ignorantia sit vincibilis , & quæ inuincibilis .

De his verò quæ ad vniuscuiusque statum , vel officium pertinent , idem asserendum est , qui enim assumit aliquem nouum statum , officium , vel ordinem , tenetur diligenter inquirere leges pertinentes ad illum vel consulendo libros , vel viros peritos , quod si faciat eius ignorantia inuincibilis erit : si vero sit negligens vincibilis , Quod si Iudex , confessarius ; vel alius quilibet habens habitualiter scientiam legis positivæ , & firmum propositum non peccandi mortaliter , ex obliuione vel inaduertentia facit contra legem positiuam , tunc inconsideratio vel actualis ignorantia non est peccatum : *Quoniam omnium reminisci supra hominis est facultatem .* vt ait Caiet. supra quæst. 6. art. 8 Similiter licet iudex ignarus male iudicans teneatur ad restitutionem , si ta-

men iudex solet cautè procedere, iurâque consulere vt sententias ferat, & aliquando accidit vt iniustam sententiam proferat, excusatur à restitutione, & à peccato, & idem dico de confessario.

Denique ignorantiam facti posse esse inuincibilem constat ex ignorantia Iacob quando accessit primo ad Lyam: & quia nō est maior ratio in hac ignorantia quam in aliis, immo minor, cum conditio facti facilius ignoretur, quam iuris, & minus subiaceat studio vel scientiæ, & sit magis contingens, & incerta, sicut & magis singularis.

Ad 1. verò respondetur: Verum quidem esse ipsos infideles suis peccatis, & abusu naturalis virtutis impedire ne Deus eis conferat cognitionem rerum fidei, hancque cognitionem ipsis subtrahi in pœnam suorum peccatorum, saltem originalis: hinc tamen non sequi eorum ignorantiam non esse inuincibilem: nam cum hic effectus non sit ab eis præuisus, nec prævideri potuerit: non est ipsis imputabilis, sed sola peccata ipsa, quibus respondet, imputantur: sicut nec ob eandem rationem pœnæ inferni, quæ peccatis eorum correspondent imputantur ad culpam aut eius maiorem grauitatem, vt constat ex his quæ docet D. Th. supra quæst. 73. art. 8.

Ad 2. respondetur: verba Gratiani intelligenda esse de ignorantia præceptorum iuris naturalis, quæ facile deducuntur ex primis principiis, hancque in omnibus adultis

his damnabilem esse, si multo tempore perseveret. Eodemque modo intelligenda esse verba Aristot. Quamuis hic in diffinitè loquatur, & sensus eius esse possit, ignorantiam iuris minus, & rarius excusare, quam ignorantiam facti, vel inaduerentiam. Ad confirmationem respondetur quæ ita manifestantur lumine naturali, ut sint per se nota, non posse inuincibiliter ignorari: secus est de his quæ per discursum debent cognosci, ut explicatum est.

Ad 3. respondetur negando antecedens; si enim quis postquam consuluit viros sapientes, ignorat legem positivam, aut factum, non sua culpa, & negligentia ignorat. Si quæras autem, quot & quales sapientes consulendi sint, ut censeatur sufficiens diligentia? Respondetur: debere esse fide dignos sufficientes ad docendum: ut vero censeantur tales, sufficit proprium dictamen cum fundamento, quod communis opinio, & reputatio optimum est. Sufficit autem vnum consulere, nisi sit res ita difficilis, ut prudentia dicat plures esse consulendos.

Dubium 3. An ignorantia culpabilis sit speciale peccatum distinctum ab alijs, quorum est causa.

Pars affirmans probatur 1. Qui ex ignorantia culpabili committit adulteriũ, vel omittit ieiunium Ecclesiæ, non tantum

peccat contra iustitiam, & temperantiam, sed etiam contra studiositatem; ergo in tali casu ignorantia habet propriam malitiā oppositam virtuti studiositatis præter malitiam adulterij, & omissionis ieiunii.

Secundò, si quis culpabiliter ignoret, hodie esse ieiunandum, & postea aliquo casu non sequatur fractio ieiunii, tunc ignorantia est peccatum, & non habet malitiam à fractione ieiunij; ergo secundum se habet propriam malitiam.

Dicendum tamen est: Dupliciter posse scientiam præcipi. Primo propter se ipsam. Secundo, ut fiat vel vitetur aliquid. Si primo modo præcipiatur, ignorantia est speciale peccatum; non enim sumit suam malitiam ab effectu, sed eam secundum se habet, quia est contra præceptum, quo præcipitur scientia. Huiusmodi est ignorantia articulorum fidei, & præceptorum Decalogi, & aliorum huiusmodi, quorum notitia propter se ipsam præcipitur. Si verò secundo modo præcipiatur, ignorantia non est speciale peccatum distinctum ab eo, quod per ignorantiam fit, vel cuius periculo se exponit qui ignorat; cum enim tunc non sit secundum se prohibita, sed solum ex consequenti præcepto, quo aliquid facere aut vitare tenemur, quia sine cognitione id præstare non possumus, & ignorantia causa est violationis talis præcepti; non habet propriam, & specialem malitiam, sed solum eam, quæ desumitur ex violatione talis præcepti: sicut actus qui est causa
omil.

ARTICVLVS II. 345

omissionis, alias bonus vel indifferens, est vnum numero peccatum cum omissione: & error, voluntas, & opus vnum peccatum integrant, & eadem malitia est in illis.

Ad 1. verò respondetur negando antecedens; quando enim quis ignorans mulierem esse nuptam, adulteratur, solum peccat peccato adulterii, non autem peccato speciali negligentiae opposito studiositati, & idem est de fractione ieiunii: quia in tali casu ignorantia est peccatum quoddam generale simul cum actu, qui sequitur integrans vnum peccatum. Sunt namque quædam peccata, quæ secundum peculiare rationes si sumantur, constituunt proprias species: si verò secundum quandam generalem rationem, nequaquam, sed pertinent ad speciem peccati ad quam ordinantur. Tale peccatum est inobedientia; si enim quis speciali intentione velit non obedire præceptis diuinis, vel mandatis Ecclesie, est peculiare peccatum inobedientie: si verò hoc non faciat speciali intentione, etsi transgrediatur præcepta diuina vel Ecclesie, non est ibi peculiaris malitia inobedientie: vt quando quis furatur, vel non audit Missam in die festo, peccat contra iustitiam, vel religionem, non verò specialiter contra obedientiam. Ita philosophandum est de ignorantia; potest enim sumi secundum specialem rationem, vt scilicet est contra speciale præceptum studiositatis, & sic est speciale peccatum: & etiam secundum quandam generalem rationem; nam

sicut in omni peccato est inobedientia, ita & ignorantia, hoc modo non habet malitiam distinctam à peccato cuius est causa.

Ad 2. Respondetur: ignorantiam in illo casu habere malitiam intemperantiæ: nam in illa ignorantia culpabili fuit volita fractio ieiunii tanquam in sua causa; si verò postea ieiunat, non ob hoc tollitur malitia intemperantiæ, quæ fuit in actu præcedente: sicut si quis per somnum reddat se impotentem ad audiendum sacrum, etiam si per violentiam excitetur, & audiat sacrum non ideo tollitur malitia virtualis volitionis omittendi sacrum. Si dicas hinc sequi illum, qui ignorat præcepta Decalogi virtualiter velle transgredi omnia præcepta, & sic in illa ignorantia esse malitiam periurii, homicidii &c. Respondetur negando sequelam: nam ignorantia alicuius præcepti tempore quo obligat, est proxima, & immediata causa transgressionis illius: tamen pro tempore quo non obligat, vel quando non se offert occasio illud transgrediendi tunc ignorantia talis præcepti non est causa proxima transgressionis illius: effectus verò est virtualiter volitus, quando quis vult causam proximam, non quando vult causam remotam: ignorantia autem præceptorum Decalogi, quatenus peculiariter est contra studiositatem, solum est causa remota transgrediendi præcepta Decalogi: Quando vero instat aliquod præceptum, vel se offert occasio, aliquod mandatum transgrediendi, tunc ignorantia est causa
pro-

ARTICVLVS III. 347

proxima, & tunc concedimus ignorantiam includere in se virtualem volitionem transgrediendi illud præceptum.

ARTICVLVS III.

Vtrum ignorantia excuset ex toto à peccato.

Conclusio est negans.

Dubium, An actus malus ex obiecto factus cum ignorantia concomitante sit peccatum.

Pars affirmans probatur 1. Ignorantia concomitans, vt hic ait Div. Thom. *Non excusat à peccato*: ergo actus cum illa factus, si sit malus ex obiecto, peccatum erit, actus enim malus ex obiecto, si non excusatur ignorantia, peccatum est.

Secundò, qui desiderans, & proponens occidere inimicum, existimans se occidere feram, occidit inimicum, peccat: ergo actus factus cum prædicta ignorantia, peccatum est. Antecedens probatur: talis occisio, etsi non sit formaliter volita, est tamen volita virtute præcedentis volitionis, qua proponit hostem occidere quocumque loco, & tem-

348 **QVAESTIO LXXVI.**

pore illum inuenerit ; ergo qui sic occidit, peccat . Confirmatur : qui sic occidit , si sciret , id quod arbitratur esse feram , esse hostem , multo melius occideret ; ergo peccat ob illam animi præparationem .

Tercio, actus exterior dicitur peccatum ab actu interiori ; sed potest contingere , vt quando homo cum ignorantia concomitante occidit inimicum , tunc sit actus interior volendi occidere illū ; potest enim quando quis existimat se occidere feram , habere hunc actū, vellem vt ibi esset meus inimicus , vt illum sagitta confoderem ; ergo tunc occisio erit peccatum .

Dicendum tamen est: Actum malum ex obiecto factum cum ignorantia concomitante non esse peccatum. Probatur: peccatum debet esse voluntarium, sed actus qui fit cum ignorantia concomitante non est voluntarius ; ergo neque peccatum . Minor probatur , nam vt docet D. Tho. hic & supra quæst. 6. art. 8. cum Arist. 3. Eth. cap. 1. *Ignorantia concomitans facit non voluntarium , quia non potest esse actu volitum , quod ignoratum est .* Ad voluntarium enim requiritur cognitio operabilis , qua caret ille, qui operatur cum ignorantia concomitante , nam non scit , nec scire poterat, se facere actum malum , quamuis si hoc sciisset , voluisset illum facere ; ergo actus ille non est voluntarius .

Ad 1. verò respondetur negando consequentiam ; nam quamuis ignorantia concomitans non excuset à peccato ; non

ta-

ARTICVLVS III. 349

tamen accusat, sicut enim actus, qui fit cum tali ignorantia, non est voluntarius nec inuoluntarius, sed medium quoddam id est non voluntarius: ita ignorantia hæc, nec accusat, nec excusat, sed est medium inter ignorantiam quæ accusat, & quæ excusat: nam quæ accusat, causat voluntarium actum, & quæ excusat, inuoluntarium: ignorantia autem concomitans neque facit voluntarium, neque inuoluntarium, sed non voluntarium. Præterea ignorantia, quæ accusat, peccatum est, & causa peccati: ignorantia quæ excusat, tollit omne peccatum circa id quod ignoratur, tam scilicet actus exterioris, quam interioris: ignorantia autem concomitans licet tollat malitiam actus exterioris, non tamen interioris, nam simul cum tali ignorantia potest esse peccatum circa id quod ignoratur per actum interiorem desiderii. Vide Caietanum hic.

Ad 2. respondetur negando antecedens; licet enim actus interior, quo quis desiderat & proponit occidere inimicum, peccatum sit; actus tamen exterior occisionis inimici, quæ feræ occisio in vincibiliter existimatur, peccatum non est. Ad probationem negandum est, occisionem illam inimici volitam esse virtute præcedentis volitionis: nam si esset volita virtute illius, illa volitio esset causa illius occisionis, sicut volitio inebriandi se; in illo qui in ebrietate solet homines occidere, in qua virtualiter est volitum homicidium, est

cau-

350 QVAESTIO LXXVI.

causa homicidij. Illam autem volitionem precedentem non esse causam huius occisionis patet: quia etiam si non precessisset illa volitio, occideret modo inimicum, immo hoc actu ita potuisset occidere amicum, si ibi adesset, sicut inimicum. Non ergo causatur illa occisio ex volitione precedenti occidendi inimicum; nunc enim non operatur virtute illius volitionis, sed ex bona intentione occidendi feram.

Ad confirmationem respondetur: qui sic occidit inimicum, si tunc nihil cogitat de occisione inimici, non peccare: nam etsi sit ita habitualiter affectus, ut si se offerret cogitatio consentiret in eius occisionem, habitibus tamen non meremur nec demeremur. Et licet habitualis illa animi preparatio faciat, ut habitu velit talem occisionem, hoc tamen non sufficit ad peccatum, sed opus esset ut actu, vel virtualiter esset volita, sicque propter illam animi preparationem non est peccatum talis occisio. Si vero actu cogitat de occisione inimici, est difficultas quam continet sequens argumentum.

A 3. respondetur, in illo casu esse duplicem actum interiore: alterum conditionatum, qui est actus desiderij: nam idem est desiderare ut illa fera esset inimicus, ut sic illum occideret, ac velle sub conditione occidere inimicum; perinde enim est hoc ac si diceret apud se: si illa fera esset meus inimicus illum occiderem: alterum absolutum, quo vult absoluta voluntate occidere

ARTICVLVS VII. 351

dere feram, quam simpliciter existimat esse feram. Occisio vero illa exterior, non impetratur à priori voluntate conditionata, sed à posteriori absoluta: quia actus exterior, cum procedat a voluntate efficaci, non à conditionata, sed ab absoluta voluntate debet procedere: absoluta autem voluntas tunc bona est, & sic occisio exterior erit bona, quia in genere moris non est occisio hominis sed feræ, et si in genere naturæ occisio hominis sit. Vnde qui sic hominem occideret, non esset irregularis.

Dubium 2. An ignorantia excuset à pœna.

Variæ sunt de hac re Doctorum sententiæ. Prima est, ignorantiam iuris communis Ecclesiastici, quo aliquid prohibetur sub pœna excommunicationis, non excusare à tali pœna, quantumvis ignorantia sit inuincibilis, si id quod prohibetur alias erat illicitum, quia iure diuino vel naturali prohibitum. Hanc tenent Scotus in 4. dist. 6. quæst. 8. Adrianus q. 3. de Clauibus, & alij. Probat illam Adrianus 1. ex Cap. *Ut animarum*, De Const. in Sexto. ibi enim Pontifex admonens ignorantes non ligari sententijs per statuta ordinariorum prolati, ius aliquod nouum, & idemque necessarium condere voluit, at si ignorantia inuincibilis iuris Summi Pontificis iure communi contenti à pœna excom

communicationis excusaret, non opus esset ius illud condere. quia à fortiori intelligeretur excusare ignorantia statui; ergo mēs Pontificis fuit, ignorantiam statuti excusare, non autem si censura esset de iure communi.

Secundò ex Cap. *Cum illorum*, De sen. excom. vbi Papa dicit, eos qui excommunicati ordines suscipiunt; si scientes se esse excommunicatos id faciant, à susceptis ordinibus in perpetuum deponendos esse; si autem id faciant ignorantes se excommunicatos esse, quia vel facti pro quo in excommunicationem inciderunt memoriam non habent, vel quia iuris ignari sūt, posse cum illis dispensari: at hæc insinuant ignaros iuris esse excommunicatos; ergo ignorantia iuris communis non excusat ab excommunicatione.

Tertiò, licet quis ignoret pœnam civilem mortis scilicet quatenus est homicida vel fur, si homicidium aut furtum committit, incurrit talem pœnam, & idem est de ecclesiastica irregularitatis censura: nam licet quis ignoret ius, quod excommunicatus celebrans est irregularis, si celebrat excommunicatus, fit irregularis; ergo idem erit de excommunicatione.

Secunda sententia est præcedenti opposita, quam cum multis, quos citat, tenet M. Soto in 4. dist. 22. q. 1. art. 2. vbi hanc generalem propositionem ponit *Quicumque inuincibiliter ignorat mandatum Ecclesiæ sub censura excommunicationis latum, nunquam*
caro

ARTICVLVS III. 353

in eam impingit, quantumcumque sciat factū esse aliā illicitū. Probat 1. auctoritas excommunicandi non est in Ecclesia nisi in illum, qui ei non obedit, eamque non audit: sed qui inuincibiliter ignorat mandatum Ecclesiæ sub censura excommunicationis latum, non est ei inobediens, nec dicitur eam non audire, nam vt ibidem con.4. præmiserat M. Soto: *Nullus dicitur Ecclesiam non audire: nisi fuerit ab illa præmonitus, imo nec dicitur non audire ut dignus sit excommunicatione, nisi sub eadem censura fuerit iussus.* Excommunicatione enim non est dignus: nisi sit inobediens præcepto, quod secum excommunicatio affert; ergo excommunicationis censura non implicatur.

Secundò, quia alias sequeretur illum, qui sacerdotem occideret, quem sciret esse hominem, ignoraret tamen inuincibiliter esse sacerdotem, illaqueari censura canonis, quia scit iure naturali interdictum: consequens est falsum, & contra Cap. & vere, De sent. excommun. ergo &c.

Tertiò, ignorantia facti & iuris hoc solo differunt, quod cum plures sint qui teneantur scire ius, non tam admittitur ignorantia inuincibilis iuris quam facti, ceterum si vtraque sit inuincibilis eodem modo excusat: at ius contra quod peccatum est, vt habeat locum excommunicatio, non est nisi Ecclesiasticum, ergo eius ignorantia inuincibilis, quæ à peccato contra illud excusat, licet nō excuset à peccato contra ius natu.

naturale, cuius non est talis ignorantia, ab excommunicatione tamen excusat. Vnde sicut Adrianus concedit quando sub censura excommunicationis prohibetur aliquid, quod per se antea erat licitum, ignorantiam inuincibilem censuræ excusare ab illa, ita idem concedi debet, quando prohibetur quod alias erat lege diuina aut naturali prohibitum: nam non incurritur censura propter illud ut lege diuina prohibitum, & ut est contra Deum, sed ut prohibitum lege Ecclesiastica, & est contra Ecclesiam. Et quamuis opinio Adriani sit probabilis: quia tamen poenæ, ut est in regulis iuris, sint potius restringendæ, quam ampliandæ, *Hæc nostra* (inquit M. Soto) *eligibilior est, ne absq; urgente ratione homines afferamas crebris excommunicationibus innouari.*

Tertia sententia est, ignorantiam etiam mortaliter culpabilem tam facti, quam iuris communis pontificj, quam etiam censuræ excusare non solum à poena excommunicationis, sed etiam à cæteris omnibus alijs censuris suspensione, interdicto, irregularitate &c. si tamen ignorantia non sit crassa vel supina. Hanc tenent recentiores per multi. Probant ex Cap. *Cum animarum*, De Const. in Sexto; ubi sic dicitur: *Vt animarum periculis obuietur, sententijs per statuta quorumcumque ordinariarum prolaris ligari nolumus ignorantes, dum tamen eorum ignorantia crassa non fuerit aut supina* Vbi per sententias Glossa intelligit, *Quæ ligant*
ani.

ARTICVLVS III. 355

animam, ut locum habeat proxima ratio. Cum autem huiusmodi sint non solum sententiæ excommunicationis, sed etiam aliarum poenarum spiritualium ac censurarum suspensionis, interdicti, irregularitatis &c. de his omnibus ibi est sermo, & nulla est ratio ob quam ad solam sententiam excommunicationis restringatur. Quod ibi dicitur. Per *statuta quorumcumque ordinariorū*, intelligenda etiam esse statuta Summi Pontificis, colligitur, quia ut ait Syluester verbo *Ignorantia*, quæst. 8. *Non dixit quorumcumque ordinariorum locorum, cuiusmodi sunt Episcopi secundum Glossam sed quorumcumque ordinariorum simpliciter, ut includeretur etiam Papa, qui est omnium ordinariorum ordinarius.* Et præterea quia de his eadem est ratio, ut scilicet periculis animarum obuietur, imo maior quia Papæ statuta plures ligant, & minus publicantur, ut ibidem ait Syluester. Denique cum ignorantia crassa & supina, ut patet ex dictis ar. 1. ab ignorantia vincibili distinguatur; hæcque sine illa esse possit: nam ad ignorantiam vincibilem sufficit ignorare, quod homines nonnullam suæ salutis curam habentes communiter sciunt; ad crassam verò & supinam requiritur ignorare quod omnes communiter sciunt, & ut procedat ex nimia negligentia & lata aut latissima culpa in adhibenda, diligentia: constat autem non solum hoc, sed etiam primum ignorare posse esse mortaliter culpabile, ignorantia mortaliter culpabilis poterit à poena excusare. Quid ego

sentiam sequentibus conclusionibus explico.

Dicendum est 1. Ignorantiam, quæ non excusat à culpa, vel circumstantia pro qua imposita est pœna, non excusare à pœna; si verò excusat à culpa vel circumstantia ob quam statuta est pœna, ab hac etiam excusare. Prima pars probatur; Leges statuunt pœnas condignas culpis; cum ergo quis committit culpam, iam est reus pœnæ, etiamsi inuincibiliter ignoret pœnam: non est enim de ratione pœnæ esse cognitam aut volitam, cum ex se habeat violentam & contra voluntatem esse: unde licet quis inuincibiliter ignoret pœnas inferni, si peccat mortaliter incurrit illas: & quamuis homicida aut fur inuincibiliter ignoret pœnam mortis pro homicidio, aut furto statutam, eam incurrit. Ratio enim ob quam ignorantia inuincibilis excusat à peccato est, quia tollit cognitionem, & consequenter voluntarium, sine quo non est peccatum: hæc autem ratio non militat in pœna, cum non oporteat hanc esse cognitam aut voluntariam. An vero, vel ad quas pœnas præter legis transgressionem, requiratur sententia & condemnatio iudicis, dicemus infra quæst. 96. articul. 4. dubio 3.

Secunda pars conclusionis probatur; Pœna est effectus culpæ, & iusta fit ratione reatus, qui culpam consequitur, quo cessante iniusta esset; ergo quod culpa & reatu caret, à pœna excusatur. Unde in

Cap.

ARTICVLVS III. 357

Cap. Si vero, De sent. excom. dicitur: Si quis in clericū nutriētem comam manus iniecerit violentas, propter hoc non debet excommunicatione notari, dummodo ipsum esse clericum ignorauerit. Et Cap. Apostolica. De clerico excom. asseritur. Quia tempore suspensionis ignari celebrasti diuina, vos reddit ignora nēa probabilis excusatos, Scilicet à pœna irregularitatis, quam incurrunt, qui suspensi celebrant.

Hinc sequitur 1. eum qui cum ignorantia inuincibili occidit hominem putans esse feram, non contrahere pœnam irregularitatis, quia talis ignorantia excusat illum à culpa: & idem est si ignorantia sufficeret ad excusandum illum à culpa mortali, non tamen à veniali, quia irregularitas quæ est pœna non contrahitur nisi pro peccato mortali. Vide quæ dicemus 2.2. qu. 64. art. 8.

Secundò, sequitur ignorantiam non solum excusare à pœna, quando excusat à tota culpa, sed etiam quando culpa, in actu existente, excusat à circumstantia ob quam statuta est pœna, ut patet in eo qui occidit hominem inuincibiliter ignorans esse clericum, ex Cap. Si vero, citato. Quidam hoc intelligendum esse dicunt, quando quis circa circumstantiam, cui pœna est annexa, inuincibiliter errat non solum materialiter, sed etiam formaliter: existimant enim cum quis percutit Petrum clericum ignorans inuincibiliter esse Petrum, credens tamen esse Ioā-
nem

nem clericum, pœnam excommunicationis incurrere, etiam si eius intentio præcisè fuerit occidere Ioannem neque haberet aliam intentionem occidendi clericum. Cuius rationem assignant: quia à circumstantia clerici, ob quam lata est excommunicatio, non excusatur, cum scienter clericum percutiat, licet erret circa personā. Alijs, mihi etiam id non placet: nam sicut qui intendens percutere Petrum clericum, inculpabiliter percutit Ioannem clericum, non est excommunicatus, ut etiā Auctores oppositę sententię concedunt: & sicut qui mandat occidere Petrum, & mandatarius occidit Ioannem, non incurrit irregularitatem ortam ex homicidio voluntario, ut à Congregatione Cardinalium anno 1585. declaratum fuisse mulri referunt: ita nec in nostro casu incurritur pœna excommunicationis: quia utrobique solo affectu peccatur, occisio verò exterior culpa tam homicidij, quàm sacrilegij caret, cum sit omnino inuoluntaria. Vide quæ dicemus 2.2.q.62.art.7.dub.1.con.1.

Tertio sequitur, quando lex apponens pœnam requirit ut delictum fiat scienter, si fiat ex ignorantia, non incurri pœnam; nam ignorantia excusat à qualitate vel gravitate delicti ob quam fuit pœna apposta. Solet lex scientiam requirere aut verbis expressis, ut cum dicit, si quis scienter: vel æquivalentibus, ut cum dicit, si quis præsumpserit, aut si quis temere &c. Tunc autem qui delinquit ex ignorantia etiam
 crassa,

ARTICVLVS. III. 359

crassa vel supina non incurrit pœnas quia
vt ait Caiet. 2. 2. quæst. 53. art. 3. *Verba iuris
non frustra apposita, nec improprie sumenda
sunt.* Apponerentur autem frustra prædicta
verba, & non cum proprietate restrictiua
sumerentur, si pœnæ incurrerentur à de-
linquentibus ex ignorantia saltem crassa.
Ignorantiam affectatam quidam existi-
mant non excusare à pœnis statutis, etiam
contra scienter delinquentes: nam nihil
minuit de culpa, & idem est peccare ex
ignorantia affectata ac ex certa scientia.
Alijs oppositum videtur probabilius: nam
superior illis verbis exigere videtur certam
& expressam scientiam ac ingentem teme-
ritatem, præsumptionem vel contemptum,
quibus caret qui peccat ex ignorantia
etiam affectata.

Dicendum est 2. Primam sententiam
probabilem esse, secundam probabilio-
rem, & tertiam eligibiliorem. Primam
partem concedit M. Soto vbi supra, de pri-
ma enim sententia ait: *Est opinio probabilis,*
Idque eius argumenta & auctoritas Do-
ctorum, qui illam tenent, ostendunt. Ex
qua sequitur hæreticum exteriorem etiam
si inuincibiliter ignoret hæreticos excom-
municari ab Ecclesia, pœnam excommu-
nicationis incurrere.

Secundam partem docent communiter
recentiores, & præter argumenta facta
pro secunda sententia probatur, quia quan-
tumcumque quis esset inobediens Ecclesiæ
aliquid præcipienti absque pœna excom-
muni.

municationis & admonitione sub tali pœna, excommunicari non posset; requiritur ergo notitia excommunicationis vt incurratur, & ignorantia inuincibilis, ab ea excuset. Vndè sicut si Episcopus præciperet vt fideles audirent sacrum in aliquo die festo sub excommunicationis latæ sententiæ pœna, qui non audiret sacrum tali die inuincibiliter ignorans pœnam excommunicationis, eam non incurreret, vt omnes etiam primæ sententiæ auctores fatentur, & colligitur ex Cap. *Cum animarum.*, De Constit. in Sexto; idem esset si id ipsum præciperet Sum. Pont.

Ex hac secunda sententia colligunt Auctores qui illam tenent, præsertim recentiores posse aliquem esse hæreticum exteriorem, & non incurrere pœnam excommunicationis latam contra hæreticos, si ignoret scilicet, inuincibiliter tamen pœnam. Ex quo rursus inferunt hunc posse absolui à quolibet confessario, illiusque hæresim non esse peccatum reservatum, cum sit communis doctrina, quæ colligitur ex Caiet. in Sum. verbo *Casus reservati*, solos illos casus esse reservados, quos censura, nempe excommunicatio reservat Sedi Apostolicæ, & ablata censura peccatum non manere reservatum.

De alijs pœnis diuersam rationem esse asserunt Auctores secundæ sententiæ præsertim M. Soto vbi supra, quia inquit: *Censura excommunicationis proprium est & singulare, vt neminem nisi inobedientem, ac prauis*
moti-

ARTICVLVS HI. 361

monitione liget, ut ex Euangelio colligitur. Reliquæ vero pœnæ sequuntur naturam delicti, cui per legem decreta sunt, licet lex illa pœnalis ignoretur. Vnde qui occidit hominem, etiã si inuincibiliter ignoret pœnam irregularitatis, illam incurrit.

Tertiam partem conuincit ratio quæ M Soto præbat suam sententiam esse eligibiliorem sententia Adriani, ne scilicet absque urgente ratione homines asseramus crebris censuris inuolui, si illis & non sola excommunicatione non inuolui probabile est, ut asserit tertia sententia.

Nonnulli ex tertiæ sententiæ Auctoribus ex illa colligunt, illum qui scienter accessit ad consanguineam vxoris suæ, ignorans priuationem petendi debitum esse ab Ecclesia ob hoc peccatum impositam, illam non incurrere, sicque non egere dispensatione, ut suæ vxori petat debitum. Nam talis priuatio est pœna, ignorãtia autem inuincibilis pœnæ ab ea excusat.

Sed hoc tutum non est, cum sit contra communem Ecclesiæ consuetudinem; solent enim fideles moneri à confessarijs ne petant debitum, quando ad consanguineam vxoris intra secundum gradum accesserunt, quousque dispensationem obtineant ab Episcopis, vel alijs ad hoc priuilegium habentibus,

Nec prædictis Auctoribus fauent M. Soto in 4. dist. 37. quæst. vnica, artic. 2. con. 2. & alij, qui prædictam priuationem petendi debitum appellant pœnam: nam no-

lunt eodem modo iudicandum esse de illa, ac de alijs penis; alias enim cum iuxta sententiam probabilē ipsius M. Soto, quam prædicti Auctores approbant, leges penales etiam apponentes penas, ad quarum executionem non requiritur aliqua actio, non obligent ad penam ante iudicis sententiam, fateri deberet, etiam si quis sciens penam priuationis petendi debitum, accederet ad consanguineam vxoris; non teneri se abstinere à petitione debiti ante iudicis sententiam, quod quis dicat?

Certe hæc priuatio petendi debitum non aliò modo dicitur pena incestus, quam priuatio contrahendi matrimonium dicitur pena criminis homicidij vel adulterij: sed qui tale crimen commisit, quamuis inuincibiliter ignoraret priuationem contrahendi matrimonium, illam incurreret, ergo: & qui committit prædictum peccatum incestus, priuationem petendi debitum incurrit, etiam si inuincibiliter ignoret illam. Vtraque enim priuatio non propriè pena est, sed impedimentum quoddam, & inhabilitas, à qua non excusat illius ignorantia.

De alijs verò penis quæ formaliter & propriè tales sunt, videndus est Nauarrus cap. 23. num. 47. & seq. & cap. 27. num. 16. & 272. vbi duo genera penarum distinguit. Quædam enim sunt ordinariæ & proportionatæ delicto secundum naturam eius. Aliæ verò extraordinariæ & auctæ ultra naturam eius nudè cōsideratam, Et quam-

ARTICVLVS III. 363

nis ad incurrendas pœnas prioris generis non requiratur cognitio earum ; requiritur tamen ad incurrendas pœnas secundi generis : nam non sequuntur ex culpa simpliciter & absolute, sed ratione grauitatis ei superadditæ ex cognitione, & contemptu talium pœnarum . Quæ doctrina fundamentum habere videtur apud D. Thom. supra quæst. 73. art. 8. Vbi ait infidelem qui nihil audiuit de pœnis inferni, has incurrere peccando ; sunt enim ordinariæ, & sequuntur ex culpa secundum naturam eius simpliciter, & absolute sumptam. Non tamen incurrere (subdit) illas grauiiores pœnas, quibus ob simile peccatum in inferno punietur fidelis , *Qui ex hoc ipso videtur peccare grauius, quod maiores pœnas contemnit, & impleat voluntatem peccati*. Excommunicatio autem, suspensio, interdictum, ac etiam irregularitas pœnæ sunt extraordinariæ, quæ non sequuntur ex culpis secundum se & absolute sumptis, sed ratione grauitatis superadditæ ex contemptu earum & contumacia. Cumque ab hac grauitate, contemptu, & contumacia excuset ignorantia, quæ non est crassa aut supina, etiam ab incurso talium pœnarum excusare aſſerit tertia sententia .

Ad 1. verò 1. sententiæ M. Soto vbi supra respondet negando Papam ibi ius nouum tulisse, & ait : *Imo fuit declaratio communis iuris, contra quod ordinarij iudices credere possent ignorantiam inuincibilem suorum Ratorum non excusare, & ideo Pontifex declarat,*

Q ii do

de ius commune contrarium statuit. Vel dici potest, sub statutis ordinariorum etiam comprehendí statuta Sum. Pont. qui est Ordinarius ordinariorum, ut dictum est.

Ad 2. Respondet idem M. Soto: Quod illie Papa non loquitur de ignorantia inuincibili, ut Adrianus putat, sed de vincibili qua non excusat. Idque ex eo probatur, quod in discriminatim loquitur de ignorantia facti, & iuris: & tamen de ignorantia facti inuincibili nemo dubitat, neque Adrianus, neque Scotus, quin excuset. Cum ergo censet illos excommunicatos, manifestè loquitur de ignorantia vincibili. Quod & colligitur ex illis verbis capit illius: Nonnulli Ecclesiasticam sententiam negligentes &c. Sic enim negligentes non laborant ignorantia inuincibili, sed vincibili.

Ad 3. respondetur ex dictis in 2. & 3. p. nostræ 2. con. Si enim teneamus 2. sententiam concedendum est antecedens quo ad eius omnes partes, & neganda consequentiam, ob rationem adductam ex M. Soto in 2. parte con. 2. Si vero eligamus tertiam sententiam concedendum est antecedens solum quo ad 1. partem, & neganda est consequentia ob rationem assignatam in 3. parte con. 2. Negant etiam 3. sententiæ Auctores, qui occidit hominem, etiam si inuincibiliter ignoret penam irregularitatis, illam incurrere: nam sicut irregularitas, que est pena, non incurritur absque culpa mortali, ita nec absque cognitione eiusdē penæ, & cum ignorantia non crassa & supina illius. Quia ut ait Panormitanus in

ARTICVLVS. IV 365

Cap. *Pastoralis*, De appellationibus §. *Verum* num. 15. irregularitas est poenæ contemptus, ignorans autem irregularitatem non contemnit.

ARTICVLVS IV.

Vtrum ignorantia diminuat peccatum.

Conclusio est affirmans.

Dubium. An ignorantia affectata augeat peccatum.

Pars negans probatur 1. Nam vt constat ex hoc & præced. art. ignorantia affectata, qua scilicet quis sua sponte nescit aliquid, vt liberius peccet, constituitur à D. Thom sub ea, quæ à peccato totaliter non excusat: sentit ergo aliquo modo excusare à peccato, sicque illud non augeat. Confirmatur, supra quæst. 6. art 8. ait Diu. Tho. ignorantiam etiam affectatam causare inuoluntarium secundum quid: ergo minuit voluntarium, sicque peccatum.

Secundò, minus peccat voluntas, quando fertur indirectè in peccatum, quam si feratur directè, vt colligitur ex D. Tho. hic nam tunc est minor contemptus, sicque minus peccatum, sed quando quis peccat

ex ignorantia affectata, non fertur directè in peccatum, sed indirectè. *Cum enim aliquid non cognoscitur esse peccatum, non potest dici, quod voluntas directè & per se feratur in peccatum: ut hic ait D. Thom. ergo minus peccat, quam si scienter peccaret.*

Tertiò, ignorantia affectata non est causa peccati, non enim est remouens prohibens, cum etiam si adesset scientia opposita, non prohiberet peccatum; ergo nec auget, nec minuit peccatum, ut enim hic ait D. Thom. ignorantia, quæ non est causa peccati, non auget peccatum, nec minuit.

Dicendum tamen est, ignorantiam affectatam licet aliquo modo minuat peccatum; simpliciter tamen loquendo illud augere. Ignorantiæ affectatæ nomine, non eam intelligo, quam quis affectat ad vitandum aliquod malum morale existimans se obsequium præstare Deo, & putans ex conscientia erronea veritatem, quam non vult scire, errorem esse, qua ratione Paulus affectabat ignorantiam fidei, vnde Act. 26, v. 9. dixit Agrippæ *Et ego quidem existimaueam me aduersus nomen Iesu Nazarenæ debere multa contraria agere.* Hæc enim minuere peccatum colligitur ex illo 1. ad Timoth. 1. v. 13. *Misericordiam consequutus sum; quia ignorans fecit.* Sed hæc non est verè ignorantia affectata, sed crassa orta ex negligentia examinandi an verum sit quod ignoratur. Vnde affectatè ignorantie nomine ea intelligenda est, qua, ut hic ait

ARTICVLVS IV. 367

ait D.Thom. *Aliquis sua sponte nescit aliquid, ut liberius peccet.*

Hanc autem aliquo modo minuire peccatum, inde probatur, quod facit, ut aliquid non sit volitum formaliter, sed solum virtualiter: quia quod non est cognitum formaliter, nec est formaliter volitum, & ab eo qui habet ignorantiam affectatam non est cognitum formaliter peccatum, sicque nec volitum nisi virtualiter in sua causa, hoc est in ipsa ignorantia: sicut ab eo, qui vult incedere oculis velatis virtualiter sunt volita pericula, quæ hinc sequi possunt. Vnde cum in ratione voluntarij perfectius sit, quod est formaliter voluntarium, quam quod est tantum voluntarium virtualiter, ignorantia affectata aliquo modo minuet voluntarium, sicque peccatum.

Simpliciter tamen loquendo ignorantiam affectatam peccatum augere probatur: Quia etsi aliquo modo minuat voluntarium in ordine ad obiectum: tamen multo magis auget voluntarium, quia auget conatum voluntatis, & est causa ut maiori intensiōe feratur voluntas in peccatum. Ille enim qui peccat ex ignorantia affectata; ideo vult carere scientia, ut non retardetur eius conatus circa peccatum, sicque maiori conatu, ac intensiōe peccat quam si scienter peccaret: ergo absolute loquendo ignorantia affectata auget peccatum; quanto enim maiori conatu & intensiōe quis peccat, tanto est maior, &

Q u i v

magis

magis voluntarium eius peccatum. Confirmatur: quia etsi ille qui peccat ex ignorantia affectata, tantum virtualiter velit peccatum; tamen hæc virtualis volitio est multo intensior, quam si formaliter ferretur in peccatum, quia tunc scientia retardaret intentionem voluntatis; ergo etsi ex eo quod non feratur formaliter in peccatum, aliquo modo peccatum minuat, tamen simpliciter augetur, quia magis augetur peccatum ex intensione actus voluntatis, quam minuatur ex eo quod voluntas non feratur formaliter in illud. Si verò duo peccarent cum æquali intentione actus voluntatis, & vnus scienter, & alter ex ignorantia affectata, grauius peccaret ille, quam hic, quia cæteris paribus magis contemnit diuinam legem, qui peccat ex certa scientia.

Quia tamen raro contingit, vt cætera sint paria, nam regulariter qui peccat ex ignorantia affectata, peccat cum maiori intentione voluntatis, quam qui peccat scienter, ideo absolute loquendo ignorantia affectata dicitur augere peccatum.

Ad 1. verò respondetur, probare primam partem nostræ conclusionis; non tamen procedere contra secundam; stat enim ignorantiam affectatam aliquo modo minuere peccatum ex vna parte, ex alia verò simpliciter augere. Idem respondetur ad confirmationem, & ad 2. argumentum.

Ad 3. respondetur: Peccatum quod sequi-

ARTICVLVS IV. 369

quitur ex ignorantia affectata posse dupliciter considerari: Primò quantum ad speciem suam: Secundò quantum ad intentionem actus voluntatis. Si primò modo consideretur, ignorantia affectata habet quodammodo rationem ignorantix concomitantis, nam si adesset opposita scientia, adhuc peccatum sequeretur, licet non infallibiliter, nam fortè etiam non sequeretur. Si verò consideretur secundo modo, ignorantia affectata causa est per accidens intentionis peccati, quia si adesset scientia, non ita intense voluntas tenderet in peccatum, ideo enim voluntas affectat hanc ignorantiam, vt liberior, & intensius peccet.

Dubitat hic Caietanus, an peccata facta ex ignorantia culpabili sint eiusdem speciei, in qua essent, si fierent scienter? Cuius resolutio est; eiusdem speciei esse saltem reductiue: nam quando ignorantia est culpabilis, obiecta actuum, qui sequuntur ex ignorantia, sunt volita indirectè; ergo indirectè, & reductiue pertinebunt tales actus ad species peccatorum, quæ desumuntur ex obiectis, circa quæ versantur; sicut enim occisio hominis directè volita per se, & directè pertinet ad speciem homicidij; ita & quæ est indirectè volita, indirectè, & reductiue pertinere debet ad speciem homicidij.

Dubitat etiam idem Caietanus, An ignorantia, quæ est peccatum veniale, excuset sequens peccatum ex ea à mortali?

Q. V.

Cum

370 *QVAESTIO LXXVI.*

Causa resolutio est: ignorantiam posse considerari dupliciter: Primo secundum se, id est non considerando peccatum quod ex illa sequitur, sed solum malum ipsius ignorantiae ut subest negligentiae. Secundo quatenus est causa actus, qui fit cum ignorantia. Si primo modo consideretur potest contingere, ut ignorantia secundum se tantum sit peccatum veniale, & peccatum; quod sic ex illa, sit mortale; saepe enim contingit, id quod secundum se est peccatum veniale, esse mortale, quatenus hic, & nunc exercetur. Vide Caietanum 2. 2. quæst. 150. artic. 4. Si verò secundo modo sumatur, nunquam quod fit ex ignorantia est peccatum mortale, nisi ipsa ignorantia, ut hic & nunc volita sit peccatum mortale: nam hæc ignorantia est causa peccati; ergo qui sciam vult prævidens, vel obligatus prævidere ex illa sequi peccatum mortale, ut contingit quotiescumque peccatum, quod fit ex ignorantia est mortale, tunc ipsa ignorantia quatenus hic, & nunc est volita, est peccatum mortale. Qui autem ex ignorantia iuris, vel facti, venialiter tantum culpabili, facit actum ex suo obiecto mortaliter malum, excusatur à peccato mortali, & solum peccat venialiter; quando enim peccatum non est volitum in se ipso, sed tantum in causa, non habet aliam malitiam, quam illam, quæ fuit in volitione causæ; ergo si in volitione ignorantie, quæ est causa peccati, solum est cul-

pa

ARTICVLVS IV. 371

pa venialis, in ipso actū, qui sequitur ex ignorantia, solum erit culpa venialis, nam talis actus non est, perfectē voluntarius, sicut nec ipsa ignorantia.

QVÆSTIO LXXVII.

De causa peccati ex parte appetitus sensitivi.

ARTICVLVS I.

Vtrum voluntas moueatur à passione appetitus sensitivi.

Conclusio est affirmans.

ARTICVLVS II.

Vtrum ratio possit superari à passione contra suam scientiam.

Conclusio est affirmans.



*Dubium . An possit esse peccatum
in voluntate absque errore , vel
ignorantia ex parte intellectus .*

PArtem affirmantem tenent Scotus in
3. dist. 36. quæst. vnica , 9. *Secundus
articulus* , & alij . Probant 1. ex D.
August. in illud enim Psal. 123. *Forſitan
vivos , &c.* sic habet : *Hi sunt qui vini sor-*
bentur , qui sciunt malum esse , & lingua
consentiunt . Et in illud Psalm. 118. *Con-*
cupiuit anima mea desiderare , &c. inquit :
Sepe quod agendum est videmus , nec agimus ,
&c. praualet intellectus , & tarde sequitur ,
& aliquando non sequitur humanus atque
infirmus affectus . Et in illud Psalm. 68.
Fiat mensa eorum , &c. dicit : *Quid est vi-*
uos ? consentientes illis , & scientes , quia
hac eis consentire non debebamus , &c. ecce no-
runt muscipulam , & pedem mittunt . Sed
hæc vera non essent , si peccatum non
posset esse absque errore , vel ignorantia ;
ergo , &c. Confirmant 1. ex Arist. 2. Et-
hic. cap. 4. dicente : *Ad virtutes autem*
scire quidem parum aut nihil potest . Si au-
tem peccatum non posset esse absque er-
rore , vel ignorantia , sed rectitudinem in-
tellectus in sciendo comitaretur volitio re-
cta , scire multum posset ad virtutes , im-
mò non esset opus persuadere alicui , vt
rectè vellet , sed vt rectè consideraret ; er-
go , &c. Confirmant 2. ex quodam articu-

ARTICVLVS II. 373

Io parisiensi, qui sic habet: *Stante scientia in vniuersali, & in particulari voluntatem non posse velle oppositum, error.* At si velit oppositum, peccatum erit absque errore, vel ignorantia; ergo, &c.

Secundo, nulla cognitio, aut iudicium præcedens in intellectu necessitat voluntatem; ergo quamuis præcedat cognitio de obiecto honesto, & cognitio malitiæ de obiecto peccati; dummodo illud cognoscatur vt vtile, aut delectabile, potest voluntas eligere, quia obiectum voluntatis non solum est honestum, sed etiam vtile, aut delectabile. At tunc nullus est error aut ignorantia, vtraque enim cognitio vera est; ergo, &c. Confirmatur: potentia libera est, quæ positis omnibus requisitis ad agendum potest agere, & non agere, agere hoc, vel illud; si ergo voluntas libera est, quocumque iudicio intellectus præcedente, & existente qualibet rationis apprehensione poterit eligere oppositum, & præferente intellectu bonum rationis bono voluptatis, ipsa præferre poterit bonum voluptatis bono rationis, sicque peccare non existente errore in intellectu.

Tertio, qui hic, & nunc aduertit aliquid esse peccatum, & bonum temporale inferius, & non eligendum, potest peccare: sed nullum habet errorem, vel ignorantiam; ergo &c. Maior patet: tum in his qui peccant cum remorsu conscientiæ, & tristitia, aut cum proposito pœnitendi, aut desperando, aut cum expressio culpæ,

& pœnæ contemptu : tum etiam, quia alias qui peccat cum conscientia, & aduertentia malitiæ, esset hæreticus ; nam peccare non posset, nisi haberet hunc assensum : bonum temporale maius est quam bonum virtutis, vel magis eligendum est, vel conuenientius, qui est contra fidem. Confirmatur : existente iudicio vero, & quacumque cognitione, voluntas potest suspendere actum ; ergo potest peccare peccato omissionis, sicque saltem hoc peccatum poterit esse absque defectu intellectus.

Dicendum tamen est. Non posse esse peccatum in voluntate absque errore, vel ignorantia ex parte intellectus. Probatur 1. nam D. Thom. hic, licet concedat eum qui habet scientiam in vniuersali, puta nullam fornicationem esse faciendam, & etiam in singulari, scilicet hunc actum, qui est fornicatio, non esse faciendum, posse peccare : impossibile tamen esse docet, ut peccet, nisi non consideret actum ; quod habitualiter scit. Vnde licet non approbet omnino sententiam Socratis asserentis scientiam numquam posse superari à passione, inquit tamen : *Aliqualiter rectè sapiebat, quia cum voluntas sit boni, vel appetentis boni, nunquam voluntas in malum moueretur, nisi id quod non est bonum, aliqualiter rationi bonum appareret : & propter hoc voluntas nunquam in malum tenderet, nisi cum aliqua ignorantia, vel errore rationis.* Propter quod Prouerb. 14. v. 22. dicitur :

Et

Errant qui operantur malum. Vide Caetanum ibi.

Secundò, non potest esse peccatum in voluntate, nisi sit aliquis defectus in intellectu: sed defectus ex parte intellectus non potest esse alius quam error, vel ignorantia, vel inconsideratio; ergo &c. Maior patet: quia sola voluntas non est causa peccati, sed voluntas simul cum intellectu; ergo ex parte intellectus debet esse aliquis defectus, nam intellectus carens omni defectu non potest esse causa actus defectuosi, quale est peccatum. Minor probatur: talis defectus non est imperium defectuosum, nam cum electio sit prior imperio, si in illo priori voluntas eligat malum, non erit ob imperium defectuosum, quamuis enim possit esse imperium reflexum, quo prius quam eligat homo, imperet sibi ipsi vt eligat: hoc tamen non est necessarium, sed absque tali imperio potest voluntas eligere; ergo error, vel ignorantia, vel inconsideratio: non quidem opposita scientiæ vniuersali, nec scientiæ particulari de operabili secundum se, quia philosophus moralis, aut fidelis, qui habet scientiam vniuersalem huius omnis fornicatio est mala, & fugienda, & particularem de operabili secundum se, nempe huius, hæc fornicatio est mala, & fugienda, potest eligere fornicationem, sed opposita scientiæ particulari de operabili in comparatione ad operantem.

Vnde D. Th. 2. 2. qu. 20. art. 2. ait: *Qui*
fer-

ornicatur eligendo fornicationem, ut bonum sibi ut nunc, habet corruptam estimationem in particulari. cum tamen retineat uniuersalem estimationem veram secundum fidem, scilicet, quod fornicatio sit mortale peccatum.

Tertio probatur supponendo cum Dm. Thom. 1. par. quest. 63. art. 1. ad 4. dupliciter posse esse peccatum in voluntate. Vno modo deficiendo ex parte obiecti, quia scilicet eligit aliquod malum, ut cum eligit adulterium, quod secundum se est malum. Alio modo deficiendo in modo tendendi seu ex parte electionis, quia scilicet eligit aliquid quod secundum se est bonum, sed non cum ordine debitæ mensuræ aut regulæ, ut cum Angelus peccauit. Si hoc secundo modo sit peccatum in voluntate, est quidem sine errore, aut ignorantia ex parte intellectus; non tamen sine inconsideratione; nam intellectus solum indicat tale obiectum esse eligendum, & hoc iudicium verum est; non tamen considerat, nec attendit modum quo appetendum eligendumque est, cum tamen considerare deberet, ex defectu cuius considerationis deficit voluntas in modo tendendi, nec est necessarium ut intellectus iudicet explicitè tali modo esse tendendum, sed inconsideratio ipsa est veluti quoddam implicitum, & virtuale huius iudicii. Si vero primo modo sit peccatum in voluntate, inquit D. Thom. ibi: *Tale peccatum semper procedit ex aliqua ignorantia vel errore.* Idem hic dicit. Probatur;

Alio-

Alioquin id quod est malum, non eligeretur vt bonum. Si enim vt bonum eligeretur, manifestus esset error, quo intellectus iudicaret esse bonum, quod malum est. Si dicas fat esse vt intellectus iudicet esse bonum, delectabile, quod iudicium verum est. Contra, voluntas non potest aliquid eligere, nisi intellectus iudicet hic & nunc esse eligendum, sed iudicium, quo iudicatur aliquid esse eligendum, quod secundum rectam rationem non est eligendum, est falsum, & erroneum; ergo in omni peccato debet esse iudicium erroneum, & non sufficit iudicari aliquid esse bonum delectabile, sed requiritur, vt iudicetur esse bonum delectabile hic & nunc eligendum, & prosequendum. Vnde subdit Dia. Thom. Errat quidem adulter in particulari eligens hanc delectationem inordinati actus quasi aliquod bonum ad nunc agendum. Maior probatur cum Caietan. hic §. Secundo: Voluntas non potest aliquid eligere nisi intellectus illud cognoscat, non enim potest ferri in incognitum: at non sufficit cognitio speculatiua, qua cognoscatur aliquid secundum se esse bonum; ergo requiritur cognitio practica iudicans eligendum esse hic & nunc. Vnde D. Thom. 1. p. quaest. 83. art. 3. ait: Ad electionem ex parte cognitiue virtutis requiritur consilium, per quod dy iudicatur quid sit alteri preferendum. Quod idem est ac iudicari quid sit eligendum.

Quarto probatur; si peccatum posset esse in voluntate absque errore vel ignorantia

tia

378 *QUESTIO LXVII.*

tia, aut in consideratione ex parte intelle-
 ctus, posset homo simul esse prudens, &
 peccator: sed hoc est falsum ergo &c. Mi-
 nor probatur: tum quia non potest esse si-
 mul imprudens & studiosus; ergo nec pru-
 dens, & peccator, aut vitiosus. Tum etiam
 quia prudentia ut ostendit D. Thom. 2. 2.
 quæst. 47. art. 13. non potest esse in pecca-
 toribus, nam ut ait Arist. 6. Ethic. impos-
 sibile est prudentem esse non entem bonū,
 nullus autem peccator est bonus. Tum
 denique, nam peccatores vocantur stulti,
 & imprudentes prouerb. 1. v. 22. & ut ait
 D. Greg. lib. 15. Moral. cap. 23. *Omnis pec-
 cator stultus fuit in culpa*. Si dicas maiorem
 esse falsam nam ut homo sit prudens non
 sufficiunt illa, sed præterea requiritur ut
 intellectus recte præcipiat, quod simul es-
 se nequit cum peccato. Contra hoc est: tū
 quia saltem non posset esse peccatum in-
 voluntate absque aliquo defectu intelle-
 ctus. Tum etiam quia Auctores quos hic
 impugnamus non admittunt actum impe-
 rij distinctum à iudicio. Tum denique,
 quia ut ait D. Thom. 2. 2. quæst. 47. art. 8.
*Præcipere consistit in applicatione consiliatorum,
 & indicatorum ad operandum*. Vnde licet ve-
 rum sit quod ibidem ar. 13. dicit S. Do-
 ctor: *Aliquis recte consiliatur, & bene iudicat,
 sed non efficaciter præcipit*. Impossibile tamen
 est, ut præcipiat quod non iudicat esse agen-
 dum hic & nunc, ergo si simul cum pecca-
 to potest esse hoc iudicium absque vilo de-
 fectu, etiam poterit esse imperium absque
 de.

defectu, ac proinde poterit esse homo prudens.

Ad 1. vero respondetur cum Caietano hic: auctoritates illas intelligendas esse de scientia habituali, vel actuali in vniuersali, vel actuali particularis absolute, & secundum se. Vnde neganda est minor; nam error vel ignorantia, sine qua esse non potest peccatum, non est opposita prædictæ scientiæ, sed scientiæ particulari de operabili in ordine ad operantem, ut diximus, & colligitur ex solutione primi ar. 1. quæst. sequentis.

Ad 1. confirmationem respondetur cum eodem Caietan. Arist. loqui de scientia morali distincta contra scire prudentiæ, quæ cum sit vniuersaliū, parum aut nihil valet ad virtutes: scire autem prudentiæ ad eas multum valere constat. Ad 2. confirmationem cum eodem respondetur: Articulum parisiensem (quamuis non magnæ auctoritatis sit) intelligendum esse de scientia vniuersali, & particulari secundum se; cum quo stat ignorantia, & error particularis in comparatione ad operantem, iudiciumque intellectus, quo iudicat homo hic, & nunc esse sibi eligendum aliquid, quod reuera eligendum non est, quod iudicium falsum, & erroneum est.

Ad 2. respondetur: maiorem esse veram de necessitate absoluta; falsam verò de necessitate ex suppositione, quæ non tollit libertatem: & ita quamuis stante cognitione, & iudicio recto, quo ratio iudicat for-

nica-

380 **QVÆSTIO LXXVII.**

nicationem non esse bonum hic, & nunc
prosequendum, non possit voluntas forni-
cationem eligere; hæc tamen necessitas
non est absoluta, sed ex suppositione, ab-
solutè enim voluntas libera manet, quia
sicut voluntas liberè applicuit intellectum
ad ferendum tale iudicium, liberè etiam
potest illum applicare ad oppositum: illo
tamen iudicio supposito, necessarium est in
sensu composito, vt non tendat in fornica-
tionem, & hæc necessitas non prouenit ab
extrinseco, sed ab ipsa voluntate, quæ ap-
plicuit intellectum ad ferendum illud iudi-
cium.

Ad confirmationem respondetur ex di-
ctis 1. p. quæst. 83. ar. 4. diffinitionem
illam potentia liberè non esse intelligendâ
in sensu composito, sed diuiso: hoc autem
modo posse eligere oppositum quocûque
iudicio rationis præcedente, non est posse
simul esse peccatum, & iudicium omnino
verum, & absque vilo errore, nam hic sen-
sus compositus est; sed habere potentiam,
& facultatem, eo modo quo eam habet
voluntas, dum eligit aliquid ad oppositum
eligendum. Quidam etiam dicunt: iudi-
cium intellectus non esse propriè de prære-
quisitis, sed potius de concomitantibus; nõ
enim est potentia libera voluntas sola, &
omnino excludens intellectum, sed vt cõ-
notans ipsum, & ab ipso pendens.

Ad 3. respondetur negando maiorem.
Ad 1. probationem dico: eos qui connu-
merantur in ea, peccare quidem cum co-
gn-

ARTICVLVS II. 381

gnitione malitiæ absolutè , & secundum se ; iudicare tamen illud ipsis bonum esse hic & nunc eligendum . Ad 2. probationem dico , iudicium , quo peccator iudicat fornicationem esse hic & nunc bonum à se eligendū non esse contra fidem, sed contra prudentiam. Fides nāque vt insinuat D.Th. 22. quæstione 20. art. 2. , est vniuersalium ; ad singulares autem propositiones inclinat vt continentur sub scientia vniuersali; per fidem enim assentimur huic nulla fornicatio est bona , & etiam huic, hæc fornicatio non est bona, intelligendo tamen vtramque secundum se & in ordine ad diuinam regulam. Iudicium autem quo peccator iudicat fornicationem esse sibi hic & nunc bonum eligendum , non est contrarium prædictis propositionibus , sed huic, fornicatio non est bonum hic & nunc eligendum à me, quæ non ad fidem , sed ad prudentiam spectat, alias qui haberet fidem sine prudentia, posset habere recta iudicia practica , & consequenter rectas electiones; & ita superflue poneretur prudentia in intellectu . Ad confirmationem respondetur, voluntatem non posse suspendere actum , nisi præcedente iudicio , quo bonum appareat non agere , quod erroneum est , quando non agere peccatum omissionis est .

Circa articulum 3. 4. 5. 6. 7. & 8. nihil se offert scribendum.

QVÆSTIO LXXVIII.

*De causa peccati, quæ est
malitia.*

ARTICVLVS I.

*Vtrum aliquis peccet ex certa
malitia.*

Conclusio est affirmans.

*Dubium. An peccatum sufficienter
diuidatur in peccatum ex igno-
rantia, ex passione, & ex mali-
tia.*

Pars negans probatur 1. Peccatum
Angeli non fuit ex ignorantia: neque
ex passione, vt colligitur ex D. Tho.
1. par. q. 63. art. 1. ad 4. neque ex malitia,
nam vt hic S. Doctor: *Dicitur ex certa ma-
litia vel industria peccare, quasi scienter ma-
lum eligens.* Angelus autem non peccauit
eligendo malum, sed eligendo bonum, non
seruato ordine diuinæ regulæ; ergo &c;

Secundò; potest contingere, vt quis pec-
cet non ex malitia, neque ex ignorantia,
neque

neque ex passione, sed ex defectu aduer-
tentiae actualis ortæ ex studio, vel alia
occupatione; ergo non omne peccatum
est ex ignorantia, aut passione, aut ma-
litiâ.

Dicendum tamen est: Peccatum suffi-
cienter diuidi in peccatum ex ignorantia;
ex passione, & ex certa malitiâ. Probatur
cum D. Thom. hic ex principijs humano-
rum actuum à quibus peccatum potest
habere primam originem; quæ sunt ra-
tio, voluntas, & appetitus sensitivus. Om-
ne enim peccatum cum sit actus huma-
nus defectuosus, procedit ex defectu ali-
cuius principij actus humani; ex defectu
intellectus procedunt peccata ex ignoran-
tia, ex defectu appetitus sensitivi peccata
ex passione, & ex defectu voluntatis pec-
cata ex malitiâ; ergo omne peccatum,
vel est ex passione, vel ignorantia, vel ma-
litiâ.

Ad 1. verò quidam respondent negan-
do consequentiam, quia D. Thom. hic
agit de peccato hominis in natura lapsa,
in qua ante peccatum est aliquis defectus,
vel ignorantiae, vel passionis, vel inordi-
nationis voluntatis; & ita sufficienter di-
uiditur per ista tria membra; non autem
agitur modo de primo peccato Angeli, de
quo iam egit 1. par. quæst. 63. Si quæras
autem ab eis, possit ne peccatum Angeli
dici ex inconsideratione? Respondent ne-
quaquam; quia licet Angelus peccauerit
cum

cum inconsideratione ; non tamen ex inconsideratione ; nam inconsideratio non fuit prius tempore peccato Angeli , nec prius natura in omni genere causæ , quia in genere causæ efficientis prior fuit actus voluntatis , quo talis inconsideratio interpretatiuè fuit volita . Sed communis sententia est , primum Angeli peccatum fuisse ex malitia ; Si enim aliquid obstaret , hoc esset quia fuit primum ; hoc autem non obstare colligitur ex D. Thom. 2. 2. quæst. 14. art. 4. vbi ait : *Peccare contra Spiritum Sanctum uno modo est peccare ex certa malitia , &c. Potest tamen contingere , quod aliquis in primo actu peccati in Spiritum Sanctum peccet per contemptum propter libertatem arbitrij , &c.* Vnde in forma nego antecedens ; fuit enim primum Angeli peccatum ex malitia . Ad huius impugnationem dico : verum quidem esse , eum qui scienter malum eligens peccat , peccare ex certa malitia , vel industria ; non tamen solum ipsum , sed etiam qui eligit bonum non seruato ordine diuinæ regulæ ; ait enim D. Thom. hic peccatum ex malitia contingere ; *ex defectu voluntatis , qui est inordinatio ipsius . Est autem voluntas inordinata , quando minus bonum magis amat.* Hoc autem Angelis contigisse colligitur ex D. August. lib. 12. de Ciuit. Dei cap. 1. & 6. vbi de illis ait : *Ab illo qui summus est auersi , ad se ipsos conuersi sunt . Se illi præferendo , id quod minus est præulerunt .* Inordi-

dinationem verò voluntatis ex qua peccatum ex malitia contingit, non opus esse vt sit habitus, aut aliqua præcedens culpa ex qua oritur subsequens, constat ex D. Thom. hic ad 3. sufficit enim ad peccatum ex malitia, vt quis ex electione mali, vel minus boni non seruato ordine diuinæ regulæ peccet.

Ad 2. Respondent quidam: nomine passionis, non solum passionem appetitus sensitui significari, sed quamcumque affectionem, quæ causa est inaduertentiæ, sicque peccatum illud esse ex passione. Sed responderetur: inaduertentiam actum lem ortam ex studio, aut alia occupatione etiam oriri ex passione, scilicet amoris, vel delectationis de tali studio vel occupatione.

Circa articulum 1. 3. & 4. nihil se offert dicendum.



QVÆSTIO LXXIX.

De causis exterioribus peccati.

ARTICVLVS I.

*Vtrum Deus sit causa peccati.***Conclusio est negans.**

QUæ certa est secundum fidem definita in Concilio Arausico. cap. 23. & in Trid. Sess. 6. can. 6. Colligitur ex Psal. 5. v. 5. Sapient. 11. vers. Es Cap. 14. v. 9. Ecclesiastici 15. v. 11. Habacuc 1. v. 12. Illam etiam conuincit ratio hæc insinuata à S. Aug. lib. de Symbolo cap. 1. Deus peccare non potest; ergo nec causa peccati esse: peccat enim qui causa peccati est. Vnde liberum arbitrium creatum causa prima non efficiens, sed deficiens est peccati non subordinata Deo, vt colligitur ex Osee 13. v. 9. Argumenta verò quibus Lutherus, & alij hæretici illam impugnant, solum probant Deum permittere peccatum; in Scriptura Sacra namque sæpe præceptum sumitur pro permissione, vt patet Matth. 19. vers. 7. & 8. & Marci 10. v. 3. & 4. Et idem est de alijs huiusmodi, ait namque S. Damascenus lib. 4. de fide cap. 20. *Moris esse diuina scriptura,*
per;

ARTICVLVS I. 387.

permissionem Dei actionem eius vocare. Nec D. Thom. ad Rom. 9. lect. 3. aliquid amplius quam permissionem Deo tribuit respectu peccati; sed solum respectu boni ad quod inclinatur, ex quo homo occasionem sumit peccandi. Quo etiam modo intelligendus est S. Chrys. hom. 23. in varios locos Matthei.

Vitiosus habitus est quidem à Deo ut à causa quantum ad id quod habet entitatis, & perfectionis; non tamen secundum rationem formalem vitii: nam secundum hanc dicitur imperfectionem, & defectum, ratione cuius à Deo causari non potest, sicut nec peccatum actuale; ad quod intrinsece, & essentialiter dicitur ordinem, & ex illius multiplicatione producitur à creaturâ rationali ut à causa deficiente. De potentia peccandi vide D. Thom. in 2. distin. 44. quæst. 1. art. 1.

ARTICVLVS II.

Utrum actus peccati sit à Deo.

Conclusio est affirmans.

Certissimam esse fatentur omnes. An vero eius oppositum nota, aut censura aliqua dignum sit, controuersi solet, Mihi ad minus errori proximum videtur: de opinione enim relata à Magi-

R ij

stro

stro in 2. dist. 37. afferente actus peccatorum nullo modo, nec etiam in quantum actus sunt, à Deo esse. ait D. Thom. ibidem, quæst. 1. art. 2. *Propinquissima est errori duplici.* Nempe afferentium plura esse prima principia, & negantium Deum esse causam vniuersalem omnium entium. Constat etiam ex Scriptura, Deum operari omnia opera nostra: & sine ipso nos nihil posse operari, in quo viuimus, mouemur, & sumus, ex quo colligitur Deum causam esse etiam actus peccati, in quantum est actus. An verò sit Deus causa actus peccati prædeterminando voluntatem ad ipsum, ad materiam de auxilijs spectat, de qua nihil scribere iubemur.

ARTICVLVS III.

*Vtrum Deus sit causa excacationis,
& indurationis.*

Conclusio est affirmans.

Quidam hic asserunt, Deum non aliter esse causam excacationis, & indurationis, quam permittendo. Sed falluntur: nam excacatio, & induratio, vt hic docet D. Thomas non solum, habent rationem culpæ, sed etiam pœnæ. Et quamuis culpam solum permittat; pœnam tamen causat: non quidem

directè aliquid agendo, sed indirectè non præbendo gratiam; hoc enim modo Deus dicitur causa priuationis gratiæ: quæ pœna est, vt ait D. Thom. in 2. dist. 44. qu. 1. art. 1. propter quod D. August. Epist. 105. dicit: *Non indurat Deus impartiendo malitiam, sed non impartiendo misericordiam.* Non impartiri autem misericordiam, licet sit permissio culpæ, causa tamen est negationis gratiæ, in qua consistit excæcatio, & induratio, quatenus est quædam pœna, vt colligitur ex D. Thom. hic.


Si quæras, quænam gratia sit, cuius subtractio est pœna excæcationis, & indurationis? Respondetur: non esse gratiam auxilij efficacis, nam hæc cuicumque peccanti subtrahitur, sed sufficientis. Si dicas, hinc sequi excæcatis, & induratis non solum difficilem, sed penitus impossibilem esse bonam operationem, cum auxilium sufficiens sit requisitum non solum vt facile, sed etiam vt omnino possit homo supernaturalia efficere. Respondent quidam: esse duo genera auxiliorum sufficientium. Quoddam enim est auxilium sufficiens commune, quod omnibus datur, & quod necessarium est simpliciter, & hoc non subtrahitur excæcatis, & induratis, alias non peccarent. Aliud est speciale, quod requiritur ad superandum difficultatem. quam excæcatio, & induratio inducunt, & hoc auxilium subtrahit Deus. Alij dicunt excæcatis, & induratis non conferri de facto auxilium sufficiens:

ciens : Deum tamen paratum esse eis , si-
cut & omnibus , illud dare ; & hoc suffi-
cere , vt non sit illis impossibilis bona ope-
ratio , & conuersio ad Deum , nam vt ait
D. Thom. infra quæst. 109. artic. 4 ad 2.

*Quod possumus cum auxilio diuino (quod
scilicet Deus offert , & est paratus confer-
re) non est nobis omnino impossibile , secun-
dum illud Philosophi in 3. Ethic. quæ per a-
micos possumus , aliquo modo nos possumus .*

*Quod verò dicitur Ioann. 12. vers. 39. Pro-
pterea non poterant credere , quia iterum
dixit Isaias excauit oculos eorum , & indi-
cauit cor eorum . Non impossibilitatem
simpliciter credendi significat , sed non
voluntatem , sensusque est : propter ea
nolebant credere , vt docent ibi D. Aug.
Tract. 53. & D. Chrysost. Hom. 67.*

*Circa artic. 4. nihil se offert dicendum
Nec circa quæst. 80.*



QVÆSTIO LXXXI.

*De causa peccati ex parte
hominis.*

ARTICVLVS I.

*Vtrum peccatum primi parentis
traducatur per originem
in posteros.*

Conclusio est affirmans.

*Dubium 1. An hæc conclusio sit cer-
ta secundum fidem.*

TRaductionem peccati Adæ in eius
posteros ad fidem non pertinere
dixit Cœlestius, vt refert D. Aug.

ib. 2. de peccato originali cap. 4. & 22.
Illam Cœlestius ipse negabat, Iulianus
etiam, & Pelagius amborum magister.

Præcipua eorum argumenta quinque
erant, quæ refert D. August. lib. 2. contra
Iulianum in principio, & in epologo. Pri-
mum: Si Deus homines creat, non possunt
aliquo malo nasci. Secundum: Si nuptia bo-
num sunt, nihil ex eis oritur mali. Tertium:
Si in Baptismo peccata omnia remittuntur,

non possunt nati de renatis trahere originale peccatum. Quartum: Si iustus est Deus, non potest in filiis parentum damnare peccata, cum ipsis parentibus dimittat, & propria. Quintum: Si perfecta iustitia capax est humana natura, habere non potest vitia naturalia.

Dicendum tamen est cum D. Thom. hic: Quod secundum fidem catholicam est tenendum, quod primum peccatum primi hominis originaliter transit in posteros. Ad fidem hoc pertinere ostendit D. August. contra Celestium lib. 2. de Peccato originali. cap. 23. & seq. & tandem cap. 29. concludit: Qua propter quisquis humanam contendit in qualibet ætate naturam non indigere medico secundo Adam, quia non est vitiata in primo Adam, non in aliqua questione, in qua dubitari, vel errari salua fides potest, sed in ipsa regula fidei, qua christianum sumus gratia Dei convincitur inimicus.

Probatur deinde conclusio: nam ita definitum est in Concil. Milleuitano 2. sub Innocentio 1. cap. 2. & in Concil. Trid. Sess. 5. in Decreto de peccato originali, ubi can. 2. mutuatis verbis à Concil. Arauficano sic dicitur: si quis Adæ prauaricationem sibi soli, & non eius propagini asserit nocuisse, &c. aut inquinatum illum per inobedientiam peccatum, mortem, & poenas corporis tantum in omne genus humanum transfuisse, non autem & peccatum, quod mors est anima; anathema sit: cum contradicat Apostolo dicenti: Per unum hominem, &c. Et can. 4. hæc, quæ mutuata sunt à Concil.

Mil;

Milleuitano, verba habentur. Si quis par-
 uulos, &c. vidit in remissionem quidem pec-
 catorum eos baptizari; sed nihil ex Adam
 trahere originalis peccati; &c. anathema sit:
 quoniam non aliter intelligendum est id quod
 dixit Apostolus: Per unum hominem, &c.

Denique probatur Sacra Scripturae te-
 stimoniis. Præcipuum est, quo hic in ar-
 gum. Sed contra, vitur D. Tho. ex illo ad
 Roman. 5. v. 12. Per unum hominem pec-
 catum in hunc mundum intrauit, & per pec-
 catum mors: & ita in omnes homines mors per-
 transit, in quo omnes peccauerunt. Quod
 de traductione peccati originalis intellis-
 gendum esse, dubitati non potest à catho-
 licis, cum sit expressum decretum Con-
 cil. Trid. & Milieu. Pelagiani tamen, ut
 refert D. August. lib. de Peccat. merit. &
 remis. cap. 9. respondebant: Ipsum pecca-
 tum non propagatione in alios homines ex pri-
 mo homine sed imitatione transisse. Contra
 quam euasione arguit Dn. August. ibi-
 dem: Sed si Apostolus peccatum illud comme-
 morare voluisset, quod in hunc mundum non
 propagine sed imitatione intrauerit, eius prin-
 cipem non Adam, sed diabolum diceret, de
 quo scriptum est ab initio diabolus peccat.
 De quo etiam legitur in libro sapientia. In-
 iudicia diaboli mors intrauit in orbem terrarum,
 imitantur autem eum qui sunt ex parte eius.
 Vide etiam eundem D. August. ibidem
 cap. 10. ubi ultimis verbis testimonij ad-
 ducti eandem euasione excludi optime
 ostendit. Vide etiam D. Thom. 4. Con-

tragentes, cap. 5. contra eandem euasione-
nem optimè arguentem. Alias duas ex-
positiones adhibent hæretici prædicto te-
stimonio. Prima est per vnum hominem
peccatum in hunc mundum intrasse, quia
tunc primo peccatum fuit in mundo, cum
homo ille peccauit; cum antea non esset.
Quæ falsa esse conuincitur: nam prius pec-
cauit Heua quam Adam, & prius diabo-
lus quam Heua: non ergo cum Adam pec-
cauit, tunc primo peccatum fuit in mun-
do. Secunda est: peccata nomine ibi per
figuram metonymiæ intelligendum esse
effectum peccati, nempe somitem, quem
ibidem cap. 7. & 8. peccatum appellat
Apostolus, mortem & penas corporis.
Contra quam est: nam de eo peccato ibi
est sermo, de quo verificatur omnes pec-
casse: & constitutos esse peccatores, &
reos condemnationis, & inimicos Dei, vt
patet ex contextu: sed hæc de effectu, &
poena peccati verificari nequeunt; er-
go &c.

Secundum testimonium est illud ex Ps.
50. v. 7. *Ecce enim in iniquitatibus conceptus
sum, & in peccatis concepit me mater mea.*
Quod non potest intelligi de peccato a-
ctuali parentum David: cum hic non
fuerit de adulterio natus, sed ex legitimo
matrimonio Iesse, & coniugis eius. Ver-
bum etiam hebraicum *Chelalchi*, non
actum generationis significat, sed forma-
tionem foetus in utero: unde alij sic red-
dunt: *Ecce in iniquitate formatus sum, &*

ARTICVLVS I. 395

in peccato calefecit me mater mea. Propter quod recte ibidem ait, D. Aug. Quid est quod se dicit in iniquitate conceptum, nisi quia trahitur iniquitas ex Adam?

Tertium testimonium est illud Iob 14. v. 4. *Quis potest facere mundum de immundo conceptum semine? Vbi per immundum Caldaica Paraphrasis intelligit. Qui est pollutus in peccatis. Septuaginta vero interpretes sic transtulerunt: Quis enim erit mundus à sordibus? ne vnus quidem, etiam seruius diei fuerit vita eius super terram.* Cumque infans vnus diei non possit habere peccatum actuale, conuincitur pollutum esse sordibus peccati originalis.

Ad argumenta Pelagianorum respondet D. August. ibidem. Ad 1. negando illud sequi, ait enim cap. 33. lib. 2. de Peccato originali: *Simul verumque propagatur, & natura, & natura vitium, quorum vnum est bonum, & alterum malum. Illud de conditoris largitate sumitur, hoc de originis damnatione attrahitur, illi est causa bona voluntas Dei summi, huic mala voluntas hominis primi. Si Deus est causa actus peccati, nullo autem modo defectus concomitantis actum, cur non poterit auctor esse naturæ, non verò vitij, seu peccati originalis concomitantis naturam?*

Ad 2. eodem modo respondet D. August. *Nec quantacumque immunditiam naturarum, vllum crimen esse nuptiarum, bonum quippe discernitur proprium nuptiarum à quolibet vitio naturarum. Quod latius o-*

stendit toto libro 1. de Nuptijs, & concupiscentia, in cuius cap. 1. sic ait: *Nec aduertunt quod ita nuptiarum bonum malo originali, quod inde trahitur non potest accusari, sicut aduiceriorum, & fornicationum malum bono naturali, quod inde nascitur, non potest excusari. Nam sicut peccatum siue hinc, siue inde à paruulis trahatur, opus est diaboli, sic homo siue hinc siue inde nascatur, opus est Dei.*

Ad 3. Respondet: *Nec ullius reatum remanere peccati, qui non ea, qua in Christo sic regeneratione soluitur, quamuis infirmitas restet, contra quam in se ipso constitutam regeneratus, si proficiat, pugnet. Hinc tamen non sequi non posse natos de renatis trahere originale peccatum ostendit lib. 1. de nupt & concup. cap. 19. & hoc exemplo explicat: Sicut gignitur ex oleastri semine oleaster, & ex olea semine non nisi oleaster: ita gignitur & de carne peccatoris, & de carne iusti utriusque peccator.*

Ad 4. respondet: *Nec iniquus est Deus, cum peccatis siue originalibus siue proprijs digna retribuit, magisque iniquus aut infirmis ostenditur, singulum graue super filios Adam, a die, sicut scriptum est, natiuitatis eorum usque in diem sepultura in matre omnium, sub quo iugo imago eius a teritur, aut ipse, nullo vel originali peccato, vel proprio precedente, aut quilibet alius ipso imponit inuito. Prosequitur hoc latius D. August. lib. 3. contra Iulianum c. 3. & 4 & 5. Vide etiam D. Thom. 4. Contragentes cap. 52.*

Ad

Ad 5. respondet: Nec perfectio est desperanda virtutis per eius gratiam, qui ex origine viciatam mutare potest, & sanare naturam.

Dubium 2. An peccatum originale sit verè, & propriè peccatum & voluntarium.

Pars negans probatur 1. Quod est propriè peccatum & voluntarium pertinet ad genus moris: sed peccatum originale, cum nobis conueniat per origenem, non pertinet ad genus moris, sed ad genus naturæ, vnde peccatum naturæ vocatur, vt hic ait D. Thom. ergo non est verè, & propriè peccatum. Confirmatur: Quod est ineuitabile & necessarium, non est verè peccatum, & voluntarium: sed peccatum originale est ineuitabile, & necessario contrahitur, & quando illud contrahunt pueri, nullam habent libertatem: ergo &c.

Secundo voluntarium est illud, quod est à principio intrinseco cum cognitione: sed peccatum originale non est huiusmodi, sed potius à principio extrinseco quale est Adam, & absque vlla cognitione puerorum qui illud contrahunt; ergo &c. Confirmatur: vt aliquid sit verè peccatum & voluntarium, debet esse in potestate voluntatis: sed peccatum originale non est huiusmodi; ergo &c.

Tertio, vt id quod sit voluntate alterius, sit mihi voluntarium, necesse est, vt vel ego
com-

commiserim alteri voluntatem, & vices meas, aut post factum ratum habeam, quod fecit, aut ut non impediam cum possim & teneam: sed nullo ex his modis consenserunt posteri in peccatum. Adæ; ergo &c. Confirmatur: Quod est voluntarium voluntate alterius, solum extrinseca denominatione est voluntarium; ergo si peccatum originale voluntarium est voluntate primi parentis, solum erit nobis extrinseca denominatione voluntarium, sicque solum extrinseca denominatione peccatum, cum vnumquodque in tantum sit peccatum, in quantum est voluntarium.

Dicendum tamen est 1. Peccatum originale verè, & propriè esse peccatum, & culpam. Oppositum huius tenuerunt illi quorum fuit error relatus à D. Thom. & Magistro in 2. dist. 30. q. 1. art. 2. *Qui peccatum originale nomine concedentes, secundum rem negabant dicentes, in puero nato nullam culpam esse, sed solum obligationem ad pœnam.* Quod ibidem S. Doctor impugnât dicens: *Hoc manifestè iustitiæ divinæ repugnat, ut scilicet aliquis obligetur ad pœnam, qui culpam non habet, cum pœna iuste non nisi culpa debeatur.*

Probatum deinde conclusio: Peccatum originale vocatur absolute peccatum, immò *Peccatum mundi* Ioan. 1. v. 29. Per quod *Eramus natura filij ira* ad Ephes. 2. v. 3. *Inimici* ad Rom. 5. v. 10. *Peccatores*, v. 19. ergo est verè & propriè peccatum. Con-
fir-

firmatur: nata in Concil. Trident. damna-
tur qui asserit, Adam mortem & poenas cor-
poris in omne genus humanum transfudisse,
non autem & peccatum, quod mors, est anima.
& can. 5. qui asserit, per gratiam quæ in
baptismate confertur, non tolli totum id quod
veram, & propriam peccati, rationem habet.
Ergo cum ibi sit sermo de peccato origina-
li; hoc veram, & propriam rationem pec-
cati habet.

Aduertendum tamen est peccatum du-
pliciter sumi posse, Primo pro actu qui fit
contra legem Dei, & peccatum actuale
appellatur ratione cuius homo dicitur pec-
cans. Secundo pro eo quod relinquitur
transacto actu peccati, ratione cuius homo
verè & formaliter dicitur & est peccator,
quod vocari solet peccatum habituale non
quod re vera habitus sit, sed quia habet es-
se per modum permanentis; est enim
macula ipsa, quæ in priuatione nitore gratiæ
consistit. Cum ergo dicimus pecca-
tum originale esse verè & propriè pecca-
tum, non est intelligendum de actuali, sed
de habituali, quod in priuatione iustitiæ ori-
ginalis consistere infra dicemus. Peccatum
quidem actuale Adæ tribuitur nobis, iuxta
illud *In quo omnes peccauerunt*, illud etiam
D. Basilij Homil. de diebus ieiunii: *Quia
non ieiunauimus, exulamus à Paradiso*; non
tamen intrinsecè, sed solum extrinsecè de
nominatione: nam actus secundus solum
est formaliter in eo à quo elicitur, huncque
solum intrinsecè denominat. Et quamuis
nos

nos fuerimus in Adam, quando ille peccauit, iuxta illud D. August. lib. 15. de Ciuitate Dei cap. 14. *Omnes fuimus in illo vno, quando omnes ille vnus corripit*; quia tamen non eramus actu in illo, sed potestate, non potest actuale peccatum Adæ nos intrinsecè denominare, quia accidens non denominat formaliter, & intrinsecè nisi subiectum, cui actu inhaeret, quale solum est quod actu existit: Vnde D. Anselmus lib. de conceptu virginali cap. 7. inquit: *In Adam omnes peccauimus, quando ille peccauit: non quia tunc peccauimus ipsi, quia nondum eramus, sed quia de illo futuri eramus, & tunc facta est illi necessitas, ut cum effemus peccatemus, quia per vnus inobedientiam peccatores constituti sunt multi.* Sicut autem denominatio futuri solum est extrinseca: ita solum extrinseca denominatione dicimur peccasse actualem Adæ peccato. At peccatū originale verè formaliter, & intrinseca denominatione est in posteris Adæ: nam ut dicitur in Cōc. Trid. Sess. 5. can. 3. *Inest unicuique proprium*. Sicque non est peccatum actuale Adæ, à quo extrinsecè denominantur eius posterī, sed peccatum habituale quo verè, formaliter, & intrinsecè peccatores constituimur.

Dicendum est 2. Peccatum originale, quod est in vno quoque homine, esse voluntarium voluntate primi parentis, hocque sufficere ad veram, & propriam rationem peccati. Probatur 1. ex D. August. lib. 1. retract. cap. 13. vbi explicans, quod
ali-

aliquando dixerat, requiri scilicet voluntarium ad peccatum, & nullo modo esse peccatum, si non sit voluntarium, ait hoc etiam esse verum de peccato originali. Idem dicit lib. 2. de auptiis, & concupiscentia.

Secundo probatur ex D. Thom. hic dicente: *Homines ex Adam derivati sunt tanquam multa membra unius corporis: Añus autem unius membri corporalis, puta manus non est voluntarius voluntate manus ipsius, sed voluntate animæ, qua primo mouet membrum, unde homicidium quod manus committit non imputaretur manui ad peccatum, si consideraretur manus secundum se ut diuisa à corpore, sed imputatur ei in quantum est aliquid hominis quod mouetur à primo principio motiuo hominis. Sic igitur inordinatio, que est in isto homine ex Adam generato non est voluntaria voluntate ipsius, sed voluntate primi parentis, qui mouet motione generationis omnes qui ex eius origine derivantur. Si hinc inferas, peccatum originale solum extrinseca denominatione esse in nobis, sicut actuale peccatum solum extrinseca denominatione est in manu & in alijs corporis membris. Respondetur: similitudinem non debere tenere in omnibus, esset enim idemptitas. Ratio autem quare in membris corporis solum denominatione extrinseca est peccatum, est quia non possunt esse subiectum peccati: at homines ab Adam procedentes peccati subiectum esse possunt, & ita in illis intrinsecè est originale. Intentum vero*

verò D. Thom. est ostendere ad rationem culpæ, & peccati sufficere, ut aliquid sit voluntarium voluntate existente in alio: quod tamen tale peccatum intrinsecè sit in aliquo pendet ex natura & capacitate subiecti; actus enim malus solum extrinseca denominatione est peccatum, actus verò appetitus sensitiui intrinsecè peccatum est, etiam si solum sit voluntarius voluntate animæ, sicut actus manus.

Aduertendum tamen est 1. Voluntatem à qua dicitur voluntarium peccatum aliquo modo debere esse eius in quo est peccatum, quia scilicet est voluntas personæ aut naturæ, ad quam spectat id in quo est peccatum. Vnde ad culpam personæ requiritur voluntas personæ, sicut patet in culpa actuali, quæ per actum personæ committitur, ad culpam verò naturæ non requiritur nisi voluntas in natura illa. Ut ait D. Thom. in 2. dist. 30. q. 1. art. 2. Cum autem peccatum originale seu defectus originalis iustitiæ peccatum naturæ sit, subdit ibidem S. Doctor: *In quolibet homine rationem culpa habet, ex hoc quod per voluntatem principij naturæ, id est primi hominis, inductus est talis defectus.*

Secundo aduertendum est: voluntatem principij naturæ, seu primi hominis secundum se sumptam non sufficere, ut causet nobis voluntarium peccatum originale; alias enim fieri non posset, ut in Adam non peccauissemus, & non esset maior ratio ob quam peccauerimus in primo & non in aliis peccatis Adæ. Quid autem aliud requi-

requiratur, explicant quidam afferentes requiri pactum, hocque intercessisse inter Deum & Adam, vt cum primum peccasset, natura spoliaretur iustitia originali, cui Adam nomine totius generis humani consensum præbuit, ac propterea eo peccante totum genus humanum peccauit. M. Soto lib. 1. de natura & gratia cap. 10. fabulosum esse asserit huiusmodi pactum.

Dicendum est 3. Vt peccatum originale esset voluntarium nobis voluntate Adæ, duo fuisse necessaria, alterum ex parte Dei, alterum ex parte Adæ. Ex parte Dei decretum quo Deus statuerit voluntatem Adæ esse habendam pro voluntate posterorum quantum ad conseruationem, vel admissionem iustitiæ originalis, quod fuit constituit illi caput morale omnium hominum. Ex parte verò Adæ fuit necessarium, vt tale decretum ipsi manifestaretur. Hoc secundum patet: quia si non manifestaretur hoc illi, inuincibiliter ignoraret, se operari vt caput, ac proinde peccatum non esset illi voluntarium vt capiti, sicque eius peccatum solum esse personale.

Primum verò probatur: Per se non erat necessarium, vt Adam perseuerando in obedientia, iustitiam in posteros transfunderet; nec peccando non solum sibi sed posteris noceret, nec in natura potest esse huius vllum fundamentum, aliàs proximis patentibus concedendum esset; ergo necessarium fuit, vt Dei ordinatio & decretum

cretum interueniret, quo statueret voluntatem Adæ quantum ad hoc habendam esse pro voluntate posterorum. Confirmatur: vt peccatum originale sit nobis voluntarium voluntate Adæ, non sufficit: vt Adam sit caput naturale, sed requiritur etiam vt sit caput nostrum morale, sed ad hoc necessarium fuit decretum Dei prædictum; nam esse caput morale, non habuit Adam ipso iure naturæ, sed diuina institutione, quæ prædictum Dei decretum includit, ergo &c. Si quis autem tale decretum velit pactum vocare, cum eo non cõtendam; dum tamen non asserat fuisse speciale præceptum de conseruanda iustitia originali, aut voluntariam obligationem ex parte Adæ, quæ se astringerit Deo promittendo seruire diuinum mandatum: nam cum promissio Deo facta sit votum, Adam contra votum peccasset, quod quis dicat? Cum etiã nos nõ teneamur cõseruare gratiam baptismalem speciali præcepto distincto à præceptis Decalogi & alijs quorũ transgressione gratia amittitur, alias qui furtum faceret, duplex peccatum alterum contra præceptum non furandi alterum contra præceptum conseruandi gratiam committeret, & vtrumque in confessione explicare teneretur; cur dicemus Adam teneri ad conseruandam iustitiam originalem præcepto speciali, distincto ab eo quo tenebatur non comedere ex ligno vetito?

Ad 2. verò respondetur negando minorem, licet enim illud, quod solum conne-

nit

ARTICVLVS I. 405

ait per originem pertineat ad genus naturæ, quod tamen per originem cōuenit cum ordine ad liberam voluntatem capitis, ad genus moris pertinet, cum procedat à voluntate, quæ est generis moris principium: & tale est peccatum originale, vnde verè & propriè est peccatum, sed naturæ, quia non est peccatum huius personæ, nisi in quantum hæc persona recipit naturam à primo parente, vt hic docet D. Thom.

Ad confirmationem dico: peccatum originale esse inuitabile & necessarium ex suppositione, absolutè tamen euitabile, & voluntarium est voluntate primi parentis, & hoc sufficit ad veram rationem peccati.

Ad 2. respondetur peccatum originale eo modo quo est voluntarium, esse à principio intrinseco cum cognitione; cum autem non sit voluntarium nobis per actum propriæ voluntatis, non est necessarium vt procedat ex principio intrinseco proprio & ex propria cognitione, sed satis est vt procedat à principio intrinseco Adæ, quod etiā est quodammodo intrinsecum nobis, eo quod Adam fuit principium naturæ & caput nostrum, non solum naturale, sed etiam morale. Ad confirmationem respondet D. Thom. in 2. dist. 30. q. 1. art. 2. ad 1. *Quod peccatum originale, cum non sit vitium personæ vt persona est, sed quasi per accidens in quantum persona habet talem naturam, ideo non oportet, quod sit in potestate huiusmodi personæ hunc defectum habere vel non habere, sed sufficit, quod*

406 **QVÆSTIO LXXXI.**

quod sit in potestate alicuius, qui est in natura illa: quia ex hoc quod habens aliquam naturam peccavit, nostra infecta est, & per consequens inficitur in omnibus illis qui ab illo naturam trahunt. Fuit ergo peccatum originale in potestate actiua voluntatis Adæ; quia tamen voluntas Adæ vt capitis fuit etiam nostra, vt diximus, in nostra etiam potestate fuit, non quatenus personæ singulares sumus, sed vt sumus partes totius multitudinis hominum à primo parente naturam accipientium.

Ad 3. responderetur; peccatum originale esse nobis voluntarium, quoniam, etsi non transtulerimus cōsensum in Adamum, nec enim poteramus cum non essemus, tamen Deus cōstituens illum caput nostrū naturale & morale, posuit in illo omnium voluntates. Nam cum sit Deus rerum nostrarum supremus dominus, & gubernator, & magis habeat in sua potestate nostras voluntates quam nos ipsi, iure suo absque nostro consensu potuit statuere vt voluntas Adæ esset voluntas nostra, quoad conseruationem, vel amissionem iustitiæ originalis, nō quidem quatenus personæ singulares sumus, nam sic quilibet habet propriam voluntatem; sed quatenus sumus partes & membra totius multitudinis hominum à primo parente humanam naturā accipientiū. Postquam homo existit cū iam habeat propriam voluntatem, nihil potest deinceps esse ei voluntarium, quod non sit aliquo modo ab eius voluntate, alias enim

non

ARTICVLVS. I. 407

non esset à principio intrinseco, quod est contra rationem voluntarij. Sed antequam homo existat, cum adhuc non habeat voluntatem propriam, fieri potest per Dei potentiam absolutam, vt voluntas illius in cuius virtute natura existit, pro eius voluntate habeatur, sicque fit huic voluntarium, quod voluntate illius fit, & cum extiterit, fit in hoc quod ex voluntate illius fuit sequutum; nam talis voluntas non est principium omnino extrinsecum, cum sit voluntas principij naturæ; vnde si accedat diuina ordinatio, & institutio, Deique decretum, quo statuat, vt talis voluntas pro voluntate accipientium à tali principio, naturam habeatur, quod fecerit homo in cuius virtute natura posterorum existit, voluntarium erit eius posteris, & quando existent in eis erit, quod voluntate illius sequutum fuit, non solum pœna, sed etiam culpa.

Ad confirmationem quidam respondet: peccatum originale esse intrinsecè voluntarium, non quidem per modum actus secundi, qua ratione est voluntarium actuale peccatum, quod est vel actus liber, vel omissio libera actus; sed per modum actus primi, vel termini resultantis ex actu voluntario, quo transactio manet, & dum non remittitur. denominat hominem peccatorem: est enim peccatum originale peccatum habituale, quod, vt ait D. Tho. quæst. 4. de Malo art. 1. *Habet rationem culpæ propter voluntarium eius principium, quod est actus*

actuale peccatum primi parentis. Alij dicunt peccatum originale nullo modo esse intrinsecè voluntarium, sed solum extrinseca denominatione: quia si esset intrinsecè voluntarium, hoc esset ob ordinem ad peccatum Adæ intrinsecè existentem in peccato originali; hoc autem non sufficit, nam etiam ordo ad sanitatem est intrinsecè in vrina tanquam in signo. & tamen non est intrinsecè sana; ergo &c. Confirmatur: peccatum originale nihil habet in ratione voluntarij, nisi esse causatum ab actu voluntario Adæ: sed hoc solum est denominatio extrinseca; ergo &c. Præterea etiam si peccatum habituale personale esset intrinsecè voluntarium (non autem esse probat ratio præcedens) peccatum tamen originale non esset huiusmodi, nam peccatum actuale Adæ, à quo processit, solum est nobis voluntarium extrinseca denominatione; peccatum autem habituale, cum habeat esse voluntarium ab actuali, à quo processit, si hoc solum est extrinseca denominatione voluntarium, non potest illud esse voluntarium intrinsecè. Unde D. Thom. hic & 4. Contra gentes cap. 52. ad 1. rationem ait, peccatum originale non esse voluntarium voluntate eius qui illud contrahit, sed voluntate primi parentis, sicut *actus unius membri corporalis puta manus non est voluntarius voluntate ipsius manus, sed voluntate animæ*. Quod solum est esse voluntarium extrinseca denominatione. In forma ergo concedunt consequentiam, negant.

ARTICVLVS I. 409

negant tamen quod iode subinfertur, nempe peccatum originale solum extrinsecè denominatione esse peccatum; non enim eodem modo quo aliquid est voluntarium est peccatum, cum constet posse aliquem actum esse voluntarium per accidens, & per se pertinere ad aliquam speciem peccati, & supra q. 74. art. 5. dixerimus in ratione esse actus infidelitatis & imprudentiæ, qui licet solum sint extrinsecè liberi formaliter intrinsecè tamen peccata sunt. Afferit quidem *Diu. Augustin.* lib. 1. retract. cap. 13. *Vsq̃ue adeo peccatum voluntarium malum est, ut nullo modo sit peccatum, si non sit voluntarium.* Nunquam tamen dixit, in tantum esse peccatum in quantum est voluntarium, vel eodem modo esse peccatum quo est voluntarium. Afferit etiam *D. Thom.* in 2. d. 30. qu. 1. a. 2. *Oporteret quod secundum hoc quod aliquid rationem culpæ habet, secundum hoc ratio voluntarij in ipso reperitur.* Non tamen dicit hoc debere esse voluntarium intrinsecè. Immo cum voluntarium solum sit de ratione culpæ & peccati, quia ponitur in eius diffinitione vt additamentum, quia scilicet actus voluntarius est subiectum malitiæ, vel eius principium, non opus est, vt voluntarium sit intrinsecum peccato, sicut nec substantia est intrinseca accidenti, in cuius diffinitione ponitur. Quidquid autem sit de peccato actuali: de habituali tamen videtur, nullum, siue originale, siue personale fuerit, esse intrinsecè voluntarium, sed so-

lum extrinseca denominatione ab actu à quo causatur. Transacto enim actu peccati nihil positivum (qualis videtur esse ratio voluntarii) manet intrinsecè in anima, sed sola privatio gratiæ & rectitudinis debite, & auersio à Deo, in qua ratio maculæ, vel peccati habitualis consistit. Quod explicari potest exemplo *D. Thom.* infra q. 86. art. 2. ad 3. Sicut motus localis facit localem distantiam, transacto autem motu, ille qui mouebatur formaliter, & intrinsecè dicitur distans, vel distare à loco unde cæpit moveri; cū tamen tunc à motu solū denominetur motus extrinseca denominatione: ita actus voluntarius malus est veluti motus recedendi à Deo, peccatum verò habituale comparatur distantiæ, quæ relinquitur ex motu: quare potest intrinsecè manere peccatum, & distantia seu auersio à Deo, quamvis non maneat intrinsecè voluntariū, à quo talis distantia fuit causata.

Dubium 3. Quomodo peccatum originale traducatur per originem in posteros Aia.

DVos hic refert, & rejicit *D. Thomas* modos dicendi. Quibus omissis, est quorundam recentiorum sententia, peccatum originale traduci per originem virtute seminis in posteros Adæ, quia in semine hominum in natura lapsa, seclusa omni qualitatē morbida superaddita, est virtus instru-

ARTICULVS I. 411

instrumentalis physice productiua peccati originalis derivata ab Adam tanquam a causa principali physica. Probant. 1. nam D. Thom. hic ad 2. ait: *Per virtutem seminis traducitur humana natura à parente in prolem, & simul cum natura natura infectio*. Et infra q 83 art. 1. dicit: *Peccatum originale omnium hominum fuit quidem in ipso Adam, sicut in prima causa principali. In semine autem corporali est peccatum originale sicut in causa instrumentali*. Idem dicit ibidem ad 2. & q. 4. de Malo art. 1. ad 9 & 12. & 15. Sed hoc physicam causalitatem indicat; ergo &c.

Secundò, peccatum originale vel consistit in positiuo, vel in priuatiuo. Si in positiuo, cum cuiuscumque entitatis existentis, in rerum natura debeat assignari causa physica, peccati originalis causa physica esse debet, sed non alia quam Adam, & semen ab eo infectum, Adam quidem principalis, semen verò instrumentalis; ergo &c. Si in priuatiuo, cum omnis priuatio causam habeat physicam, vt patet in cæcitate, & alijs, peccati originalis causa physica esse debet, quæ non est alia, quam prædicta.

Dicendum est tamen: peccatum originale traduci per originem, non aliqua physica causalitate, quia producatur virtute seminis & generationis: sed quia producta natura humana virtute seminis, & generationis, & genito homine qui fit filius Adæ, & membrum eius, statim resultat in eo peccatum originale ex peccato Adæ tanquam ex causa morali. Probatur quia

412 **QVÆSTIO LXXXI.**

vt ait D. Thom. in 2. d. 30. quæst. 1. art. 2. ad 5. *Anima non inficitur per infectionem corporis, quasi corpore agente in animam.* At si virtute seminis produceretur in anima peccatum originale physica causalitate, corpus in animā ageret; ergo &c. Confirmatur 1. corpus non potest agere in spiritum nisi virtute Dei, neque enim sacramenta causant gratiam in anima, neque ignis torquet dæmones, nisi Dei virtute; ergo virtute deriuata ab Adam vt à causa physica principali non potest semen producere istrumentaliter physice peccatum originale in anima. Id vero non posse virtute Dei efficere patet, nam Deus esset causa peccati originalis. Confirmatur 2. Peccatum originale eodem modo traducitur per originem in posteros Adæ, quæ si Adam non peccasset, traduceretur in eos iustitia originalis: sed hæc non traducetur per originem aliqua physica causalitate, qua virtute seminis & generationis produceretur: ergo nec peccatum originale.

Causam autem peccati originalis, quod est in paruulis esse peccatum Adæ, constat ex D. August. lib. 2. de Nup. & concup. c. 18 vbi Iuliano dicenti: *Non peccat ille qui nascitur, non peccat ille qui genuit, non peccat iste qui condidit, per quas ergo rimas inter tot præsidia innocentia peccatum singis ingressum?* Respondet: *Quid querit latentem rimam cum habeat apertissimam ianuam?* Per virginem ait Apostolus, per vnius delictum ait

Apo.

ARTICVLVS I. 413

Apostolus, per inobedientiam vnius hominis ait Apostolus . Non esse autem causam physicam, patet : causa enim physica debet realiter existere, vel in se, vel in sua virtute, sed illud peccatum Adæ neutro modo existit nunc quando peccatum originale incipit esse in hoc parvulo ; ergo non est causa efficiens physica peccati originalis, quod incipit esse in hoc parvulo . Minor quoque ad primam partem manifesta est, nam modo non existit in se realiter peccatum Adæ, sed existit quando fuit commissum . Quo ad 2. etiam probatur : in semine, in quo talis virtus esse deberet non est aliqua realis virtus, quæ non esset in semine hominis conditi in puris naturalibus, nullaque alia est, nisi virtus producendi naturam humanam; infectio autem seminis non est aliquid reale intrinsecum in eo, cum semen solum dicatur immundum & infectum, quatenus est principium generandi hominem cum peccato ; ergo non manet peccatum Adæ in sua virtute . Si dicas hoc esse contra D. Thom. in 2. diu. 31. q. 1. ar. 1. ad 4. vbi sic ait : virtus causa manet in effectu, unde quia per peccatum primi hominis ista infectio consequuta est &c. manet in tali infectione virtus culpe, ut sic causa culpe esse possit . Respondetur D. Thom. ibi loqui de infectione quæ per peccatum primi hominis consequuta est in tota natura humana, de qua ibidem ait S. Doctor : Vbi inuenitur subiectum susceptible culpa habet rationem culpe in actu, sicut in puero iam nato, vbi vero hoc non inuenit,

414 **QVAESTIO LXXXI.**

manet in tali infect. ene virtus culpa. Ex quo patet hanc infectionem nihil aliud esse, quam ipsum peccatum originale, quod in subiecto susceptiuo culpæ habet rationem culpæ, in subiecto verò culpe non susceptiuo, quale est semen solum, potest esse extrinseca denominatione tanquam in principio & causa humane nature, quam comitatur culpa. Hanc autem extrinsecam denominationem vocat D. Tho. virtutem culpæ & quodammodo effectum eius, quia primo & radicaliter ex peccato primi hominis consequitur. Non verò sufficere, vt peccatum illud in sua virtute existat, vt requiritur ad causalitatem physicā, patet, quia non est virtus realis physica.

Esse verò causam moralem probatur: nam cum peccatum Adæ sit causa peccati originalis, & non physica, moralem esse oportet, quam constat non opus esse vt actu existat, nisi fortè coniuncta sit cum causalitate physica, vt patet quando quis actu peccat, voluntas enim eius simul est causa moralis peccati, & causa physica entitatis & actus, sicque non potest actu peccare, quin actu existat. Confirmatur, Adam est causa peccati originalis, quod incipit esse in hoc paruulo, non vt est caput naturale, sed vt est caput morale; licet enim solum sit caput morale eorum, quorum est caput naturale, tamen esse caput naturale solum est, conditio, esse verò caput morale, est causa traducendi peccatum: vnde proximi parentes, licet sint caput

caput naturale filiorum; quia tamen non sunt caput morale illorum, nullum peccatum proprium in illos traducunt: ergo cū influxus capitis moralis sit moralis: Adam, eiusque peccatum causa moralis erit peccati originalis in paruulis existentis. An-
 verò sit causa moralis demeritoria, difficultate non caret. Quidam negant. Tum quia si Adam non peccasset non traduceret gratiam, & iustitiam originalem in suos posteros meritorie, nam proprium est Christi esse caput influens in sua membra per modum meriti; ergo neq, modo est causa demeritoria peccati originalis. Tum etiam, quia cum demeritum penam respiciat, peccatum originale solum haberet rationem penæ in paruulis, sicut infamia, aut priuatio nobilitatis, quæ à patre vt à causa demeritoria transit ad filios: sed hoc est falsum: ergo &c.

Alii affirmant peccatum Adæ fuisse causam demeritoriam peccati originalis: Tum quia peccatū Adæ fuit peccatū capitis, ergo illi respondet quali penæ infectio filiorum eius, hoc enim meretur peccatū capitis, vt etiam in suis mēbris puniatur. Tum etiam quia id videtur docere D. Th. 3. p. q. 19. a. 4. in argum. *Sed contra*, namq, sic probat Christum aliis potuisse mereri: *Demeritum Adæ deriuatur ad condemnationem aliorum: ergo multo magis meritū Christi ad alios deriuatur.*

Mihi negans opinio probabilior videtur peccatum enim originale paruulorum cō-
 paratur ad peccatum Adæ, sicut peccatum

habituale ad actuale; at constat peccatum actuale non esse causam demeritoriam peccati habitualis quod post ipsum manet; ergo neque peccatum Adæ erit causa demeritoria peccati originalis. Neque D. Tho. oppositum insinuat: demeritum enim Adæ deriuari ad condemnationem aliorum, solum significat demeritum Adæ in nos traduci sicut & peccatum, demeritique rationem habere respectu damnationis æternæ, quæ est poena respondens etiam peccato originali in paruulis existenti.

Afferendum est igitur peccatum Adæ causam moralem esse originalis peccati: secundum quandam naturalem resultantiã. Exemplum, quo D. Thom. hic utitur, satis explicat hanc causalitatẽ, & resultantiã Anima etenim & volũtas non est causa moralis demeritoria peccati, quod est in mēbris, sed per quãdam naturalem resultantiam. Alio exemplo id explicari solet Si Deus hominẽ existentem in peccato habituali annihilaret, aut ab eo auferret voluntatem, & postea eundem numero hominem reproduceret, aut voluntatem ei restitueret, statim resultaret in isto homine, aut eius voluntate peccatum habituale: non quidem ex Dei actione, sed ex peccato actuali præcedente tanquam ex causa morali supposita existentia subiecti. Ita, ergo similiter in paruulo recenter genito supposita actuali existentia subiecti capax, filii scilicet ac membri Adæ, resultat & subsequitur in illi peccatum originale, non quidem ex Dei, aut

pa-

patris actione, sed ex peccato Adæ tan-
quam ex causa morali.

Ex his sequitur, generationem virtute
seminis factam solum esse conditionem si-
ne qua non traduceretur peccatum origi-
nale, sicut enim infamia vel priuatio nobi-
litis, quam contrahit filius genitus a patre
infami & priuato nobilitate ob aliquod de-
lictum, non producit virtute seminis per
generationem, sed huius causalitas, qua
producit homo filius eius qui delicta cõ-
misit, solum est conditio, qua posita, ex de-
licto a patre commisso tanquam ex causa
moraliter demeritoria prouenit infamia, &
priuatio nobilitatis quam contrahit filius;
ita generatio paruuli non est causa peccati
originalis, sed hoc a peccato Adæ prouenit
non quidem vt a causa demeritoria, sed vt
a causa morali per quandam naturalem re-
sultantiam, sicut peccatum habituale pro-
uenit a peccato actuali: generatio autem
solum est conditio sine qua non contrahe-
retur peccatũ originale, nam non contra-
hitur nisi ab eo qui existit, & filius Adæ; &
membrum eius naturale est, quod paru-
lus habet per generationem virtute semi-
nis paterni factam. Alio exemplo id expli-
catur. Si in loco tenebroso propter ali-
quod obstaculum impediens lucis ingres-
sum generaretur aliquod corpus diapha-
num, generatio talis corporis nõ esset causa
tenebrarum, quæ essent in corpore diapha-
no, sed causa esset obstaculum, quod im-
pediret ne reciperet lucem, & qui tale ob-

staculum posuit; generatio autem illius corporis solum esset conditio sine qua non esset corpus illud tenebrosum, si enim non esset, nec esset tenebrosum. Ita ergo peccati originalis causa non est generatio paruli, sed peccatum Adæ, quod est obstaculum ne eius posterii recipiant lucem iustitiæ originalis, generatio autem paruli solum est conditio siue qua non esset actu in illo peccatum, nam si non esset, nec peccatum in eo esset.

Ad 1. autem oppositæ sententiæ responderetur: cum dicitur, peccatum originale, quod est naturæ infectio, traduci per virtutem seminis, in semineque esse, & ex semine causari sicut ex causa instrumentali, intelligendum esse, ut docet Caietanus hic. & colligitur ex solutione tertij, *Concomitanter, & non principaliter in semine namque est virtualiter natura humana, quam committitur culpa.* Ad quod non requiritur virtutem seminis esse physice productiuam peccati originalis, sed satis est peccatum originale comitari naturam, cuius est productiua virtus seminis. Si peccatum originale comitaretur naturam sicut eius proprietas, aut aliquid fluens ab eius principiis formâlibus, aut materialibus, virtus seminis, saltem secundo, illius productiua physice esset: non tamen sic concomitatur naturam, ut docet D. Tho. q. 4. de Malo art. 2. ad 9. sed sicut tenebræ concomitantur corpus diaphanum productum in loco tenebroso: unde non opus est ut semen in-

stru-

strumentaliter physice produciens naturam, eodē modo saltē secundario producat peccatū; sed, si illud producit, sufficit vt sit instrumentum morale, eo quod ex peccato Adæ virtutem habet deficientem, & non valentem producere naturā, quam comitur iustitia originalis, quem defectum ad genus moris spectare, & quandam intentionem mali moralis esse docet Caetanushic. Cum autem D. Thom. infra quæst. 83. art. 1. dicit peccatum originale fuisse in Adam, sicut in prima causa principali, Conradus ibi intelligendum esse ait, de causa morali; & patet, nam deformitas culpæ non habet causam primam efficientem physicam, sed deficientem moralem.

Ad 2. respondetur peccatum originale consistere in priuatione iustitiæ originalis, vt infra dicemus: quamuis autem priuationes, quæ consequuntur aliquam formā ex ratione illius formæ, causentur physice ab introducente formam; agens enim produciens formam aquæ est causa physica priuationis formæ contrariæ; peccatum tamen originale non ita sequitur ex ratione naturæ humanæ, alias enim inseparabile esset à natura humana, sicut à natura aquæ inseparabilis est priuatio formæ ignis, sicque non opus est, vt causa physica naturæ humanæ, quale est semen, physice producat peccatum originale. Licet etiam priuationes naturales qualis est cæcitas, causam physicam habeant priuationes

S. VJ

tamen

tamen morales, quale est peccatum originale, solum habent causam moralem.

ARTICVLVS II.

*Vtrum alia peccata primi parentis,
vel proximorum parentum,
traducantur in posteros.*

Conclusio est negans.

Primum Ad peccatum fuit transgressio illius præcepti: *De ligno scientia boni, & mali ne comedas.* Gen. 2. v. 17. Licet enim alia præcesserint interiora, præsertim peccatum superbiæ, quod teste D. Tho. 2. 2. quæst. 163. artic. 1. fuit primum omnium; exterius tamen nullum aliud prædicta transgressione prius fuit, & quæ præcesserunt interiora, se habent respectu illius sicut actus interior, vel motuum quo inductus est Adam ad transgressionem prædicti præcepti, cum qua efficiunt vnum peccatum completum: nam vt ait D. Th. loco proximè citato: *Ad vnum peccatum multi motus concurrere possunt, & hic q. 82. art. 2. ad 1. dicit: In peccato primi parentis, quod per originem traducitur, fuerunt plures deformitates, scilicet superbia, inobedientia, gula, & alia huiusmodi.*

Est tamen difficultas, an si Adam non fuisset præceptum illud transgressus, commisisset

ARTICVLVS H. 231

misisset tamen aliud peccatum, hæresis verbi gratia, aut blasphemix, aut falsi iuramenti, tale peccatum transfusum fuisset in posteros. Quidam negantem partem timentur, eorumque fundamentum est: quia solum pro transgressione illius præcepti comminatus est Deus mortem, quæ per peccatum, quod in nos transfusum est, intrauit in mundum; dicens Genes. 2. v. 17. *In quacumque enim die comederis ex eo morietur.*

Sed affirmans sententia, quam alii sequuntur probabilior & D. Tho. conformior est; hic enim ideo affirmat S. Doctor primum Adæ peccatum traduci in posteros, quia per illud primus homo amisit iustitiam originalem, quæ erat quoddam donum gratiæ toti humanæ naturæ diuinitus collatum in primo parente: sed per quodcumque aliud peccatum mortale, si fuisset primum, amisisset primus homo iustitiam originalem; ergo in posteros fuisset traductum. Præterea, vt docet D. Thom. 2. 2. quæst. 163. artic. 2. ad 2. quod per peccatum, quod de facto commisit Adam comedendo de ligno vetito, mors introierit in hunc mundum, *Non correspondet ei secundum quantitatem propria species, sed in quantum fuit primum*; ergo quodcumque aliud fuisset primum, per illud mors introisset in mundum, abstulisset enim iustitiam originalem, quæ erat causa immortalitatis, ac per consequens illud in posteros transfusum esset. Deinde, vt ait D. Thom.

in

docet Diu. Anselmus libi. de conceptu virginali cap. 23 & nonnulli de fide esse existimant, cum ad Roman. 5. v. 16. dicatur: *Iudicium ex uno* (scilicet peccato originali) *in condemnationem*, & in Concil. Trid. Sess. 5. can. 3. *Ad peccatum quod origine unum est*. Si autem alia peccata primi parentis, vel peccata proximorum parentum traducerentur in posteros, non esset vnum origine peccatum Adæ, sed plura, & non vnum, sed plura essent peccata originalia. D. August. in Enchirid. c. 46. ait non improbabiler dici paruulos obligari peccatis parentum de quibus ipsi nati sunt. Sed de peccatis aliorum parentum, quibus ab Adam vsque ad patrem suum quisque succedit, questionem mouet, an contrahantur, cap. 47. & insolutam relinquit, vt hic docet D. Thom. & ibi patet.

Difficultas tamen est, an si Adam non peccasset, peccasset autem vnus de posteris eius, huius filii contraherent peccatum originale? Nonnulli & inter eos Conradus hic affirmantem sententiam tuerentur, quam etiam videtur docere D. Tho. q. 5. de Malo ar. 4. ad 8. vbi sic habet: *Si aliquis ex posteris Adam peccasset, eo non peccante, moreretur quidem propter suum peccatum actuale, sicut Adam mortuus fuit, sed posteri eius morerentur propter peccatum originale*.

Negantem tamen sententiam communiter docent nunc discipuli D. Thom. hic probantque illam: nam vt hic ait S. Doctor: *Sicut illa originalis iustitia tradita fuit*
fec

424 *Q*UÆSTIO LXXXI.

set in posteros simul cum natura (si Adam scilicet non peccasset) ita etiam inordinatio *opposita*, scilicet traducitur nunc post Adæ peccatum; ergo sicut modo, quamvis proximi parentes iusti sint, simul cum natura traducitur peccatum originale; ita tunc traducenda esset iustitia originalis, etiam si proximi parentes essent peccatores. Confirmatur. Solus Adam erat caput quantū ad translationem iustitię, vel peccati originalis; ergo si ipse non peccasset, etiam si aliquis ex eius posteris peccaret, eius peccatum non traduceretur in posteros.

Ad auctoritatem verò D. Thom. quidā respondent S. Doctorem illam sententiam retractasse hic. Alij videntes Diu. Thom. quæst. 4. de Malo art. 8. negare hoc quod dicitur in 3. argumento: *Si primo homine non peccante aliquis posterorum eius peccasset, corrupta fuisset in eo natura humana, & talem transmisisset in posteros*; sibi persuadere non possunt sequente quæstione 5. contrarium asseruisse. Unde dicunt, verba illa *Eo non peccante*, non esse intelligenda absolute, sed post primum peccatum. Sed hæc interpretatio textui repugnat. Aliter interpretari potest; loqui scilicet de aliquo ex posteris Adæ, qui ab illo natus esset antequam Adam peccaret; si enim hic filius Adæ peccasset, Adam non peccante antequam ipse natus esset, peccante tamen postea, ipse quidem moreretur propter suum peccatum actuale, sicut Adam mortuus fuit, sed posterius eius morerentur propter pec-

ca-

ARTICVLVS II. 425

catur originale quod contraherent ab Adam, vt infra dicemus art. 5.

ARTICVLVS III.

Vtrum peccatum primi parentis tra-
seat per originem in omnes ho-
mines.

Conclusio est affirmans.

Hanc secundum fidem certam esse his verbis asserit D. Thom. *Secundum fidem catholicam firmiter est tenendum, quod omnes homines preter solum Christum ex Adam deriuati peccatum originale ex Adam contrahunt.* Idem asserit S. August. lib. de perfectione iustitiæ circa finem, & lib. 2. contra Iulianum prope finem cum vndecim Patribus, quos ibi refert.

Quomodo autem non obstante hac fidei doctrina communi, probabiliter sustineri possit B. Virginem fuisse conceptam sine peccato originali, vt constat ex Concil. Trid. Sess. 5. ad finem Decreti de peccato originali, & ex Const. Sixti IV. Pii V. Pauli V. & Greg. XV. explicat Caiet. hic dicens; fidei doctrinam communem intelligendam esse de debito, sicque illa non obstante probabiliter posse dici B. Virginē de facto non contraxisse peccatum originale. Hoc quidam impugnant, nam seque;

queretur, non esse de fide Petrum, & Ioā-
nem, & alios singulares homines actu, &
de facto contrahere peccatum originale,
cuius oppositum colligitur ex Conc. Trid.
vbi supra. Sed ex ultimo Caietanum solum
voluisse asserere, licet sit de fide omnes,
comprehendendo etiam B. Virginem, cō-
trahere debitum peccati originalis: non
tamen esse de fide omnes tale peccatum
contrahere actu, & de facto, cum proba-
bile sit B. Virginem illud non contraxisse.

Sed communior est sententiā Ferrarien-
sis 4. Contra gentes, cap. 30. doctrinam
fidei intelligendam esse de facto: quo ta-
men non obstante dici potest B. Virginem
peccatum originale non contraxisse, quia
speciali priuilegio exempta fuit à lege cō-
muni, secundum quam omnes, solo Chri-
sto excepto, peccatum originale contra-
hunt. Quod explicari potest exemplo sū-
pto ex Genes. 7 ex quo constat aquis di-
luij opertos fuisse omnes montes, & vni-
uersos homines mortuos excepto Noë
& qui cum eo erant in arca: quo tamen
non obstante probabile est Paradisum ter-
restrem adhuc stare, & ibi seruatum fuisse,
& non fuisse mortuum Henoch. Quid ergo
mirum si B. Virginem, quam S. Damascē-
nus Orat. de dormitione B. Mariæ appellat
Novi Adam Paradisum animatum, excipia-
mus ab vniuersali inundatio nē peccati ori-
ginalis, non obstante exceptione illa, oī-
nes præter solum Christum?

ARTICVVS IV. 427

*Vtrum si aliquis ex humana carne
formaretur miraculosè, contra-
beret peccatum originale.*

Conclusio est negans

Colligitur ex Conc. Trid. Sess. 6. c. 3.
vbi sic dicitur: *Homines nisi ex semine
Adæ propagati nascerentur, non nasceren-
tur iniusti.* Si enim aliquis ex humana carne
miraculosè formaretur, non nasceretur ex
semine Adæ propagatus. Seminis autem,
nomine semen virile intellige, quod solum
habet virtutem actiuam, saltem principa-
lem. Vnde etiam si quis miraculosè for-
maretur ex semine solius mulieris non con-
traheret peccatum originale: nam etsi qui-
dam arbitrentur semen matris actiue con-
currere ad generationem; quia tamen mi-
nus principaliter concurrit, non sufficit ad
contractionem peccati originalis: propter
quod Christus qui non ex virili semine, sed
ex purissimis B. Virginis sanguinibus fuit mi-
raculose conceptus, ex vi suæ generatio-
nis peccato originali caruit. Si autem
quis miraculosè formaretur ex semine vi-
rili peccatum originale contraheret; si ta-
men tale semen ad formationem hominis
actiue cōcurreret, vt si semen sterile mira-
culosè prolificum redderetur, vel decium

a viro infunderetur diuina virtute matrici mulieris absentis. Si enim ex semine virili solum materialiter concurrete miraculose formaretur homo per conuersionem virilis seminis in ipsum; similem ei qua vxor Loth conuersa est in statuum, talis, idem de illo videtur dicendum, ac de formato ex quacunque alia parte carnis humanae.

ARTICVLVS V.

*Vtrum si Adam non peccasset. He-
na peccante filij originale pec-
catum, contraherent.*

Conclusio est negans.

Conuincit illam locus adductus in
argum. *Sed contra*, ex cap. 5. Epist.
ad Rom. *Per unum hominem pecca-
tum in hunc mundum intravit.* Si enim foe-
mina peccatum originale in prolem trans-
mitteret, non per vnum hominem sed per
duos intrasset. Præterea verba hæc non
possunt nisi ad virum referri: nam per no-
men *Vnum*, quod tam in Græco quam in
Latino textu est generis masculini, deter-
minatur nomen homo ad standum pro vi-
ro, quamuis absolute vtrique, viro scilicet,
& mulieri commune sit, sicut & no-
men Hebraicum Adam, vt colligitur ex
Gen.

Gen. 3. v. 2. Nec obstat Sanctos Hieron. & Ambros. ibi per hominem Heuam intelligere : nam commentaria illa non censentur esse prædictorum sanctorum. Non obstat etiam illud Ecclesiastici 25. vers. 33. *A muliere initium factum est peccati* : Nam hoc intelligendum est per modum occasionis, & suasionis, non verò per modum principij transfusionis.

Si quæras, an cum Heua peccauerit prius quam Adam, amiserit tunc iustitiam originalem? Respondetur; illam amisisse: nam vt diximus 1. par. quæst. 100. ar. 1. iustitia originalis, vel erat idem habitus secundum rem cum gratia: vel si ab ea realiter distinguebatur; non tamen ab ea poterat separari: ergo cum Heua statim ac peccauit, antequam peccaret Adam, gratiam amiserit, etiam amisit iustitiam originalem. Nec obstat, Heuam non cognouisse se esse nudam, nec erubuisse quousque Adam peccauit: nam ex Dei speciali permissione factum est, vt Heua non statim sentiret motus inordinatos, nec verecundaretur, vt sic vir per illam posset tentari, sicut ipsa per serpentem tentata est. Vel potuit per breue tempus natura destituta iustitia originali esse absque motibus inordinatis, & erubescencia.

Si quæras secundo, an si Adam genuisset aliquos filios ante peccatum, & postea peccaret, eius filij amitterent iustitiam originalem, & nepotes ex prædictis filiis geniti post Adæ peccatum contraherent o:

iginale? Respondetur, filios Adæ genitos ante peccatum eius non fore amissuros iustitiam originalem: nam si essent adulti quando Adam peccaret, possent actuali transgressioni Adæ repugnare, & tunc diligere Deum super omnia ex charitate; ergo non posset in eos transfundi peccatum Adæ. Si vero essent parvuli, cum Adam solum traducat peccatum in posteros traducendo naturam, in filios autem iam genitos non traducat denuo naturam (propagationem enim naturæ humanæ, ut ait D. Thom. in 2. dist. 32. qu. 1. art. 1. ad 2. *Impossibile est reiterari circa eundem hominem*) nec peccatum traduceret quo, gratia, & iustitia originali, cum qua erant geniti, priuarentur; hæc enim iam esset donum personæ, quod non nisi per peccatum personæ amitteretur, & non esset sicut ius nobilitatis, quod habet filius dependenter à patre, eo quod in Republica, in ordine ad quam ius nobilitatis perficit hominem, filius reputatur ut aliquid patris, quod non est in ordine ab bona supernaturalia, quæ filius non habet dependenter à patre, quo ad conservationem, vel amissionem. Unde sicut modo teste D. August. Epist. 23. *Semel perceptam parvulus gratiam non amittit nisi propria impietate: ita nec tunc amitteret nisi propria impietate.* De nepotibus ex prædictis filiis natis non caret probabilitate, in prædicto casu non fore contracturos peccatum originale: nam producerentur virtute feminis non infecti, & de-

cis;

ARTICVLVS VI. 431

cisi ab Adam iusto ante peccatum. Probabilius tamen est, peccatum originale fore contracturos. Tum quia filij Adæ solum haberent iustitiam, vt donum personale, & solum in Adamo esset vt donum naturæ; ergo Adamo peccante amitteretur, vt donum naturæ, & sic iam ultra non posset traduci cum natura. Tum etiam, nam Adam mouet ad generationem, & qui modo concipitur fit Adæ filius; ergo cum tunc Adam iam esset peccator, filius fieret Adæ peccatoris, & sic acciperet naturam infectam. quicumque, & a quocumque postero Adæ generaretur. An verò tunc semen esset infectum, quidam negant, & dicunt, vt contrahatur peccatum originale, non requiri seminis infectionem, sed sufficere, vt virtute seminis fiat homo membrum capitis actu infecti, Adæ scilicet peccatoris. Sed cum infectio seminis non sit aliqua qualitas positiua in eo, sed virtualis continentia naturæ, quam comitatur peccatum, negari non posse videtur, semen illud esse infectum. Nec est inconueniens sic infici postquam est separatum ab Adam, cum solum dicatur infectum ob relationem, quam dicit ad suum principium, & relatiue mutari possit vnum extremum ex sola mutatione facta in alio extremo: vnde per solam mutationem Adæ de iusto in peccatorem posset semen ab eo iam decisum, & separatum fieri de non infecto infectum.

QVÆSTIO LXXXII.

*De originali peccato quantum ad
suam essentiam.*

ARTICVLVS I.

*Vtrum peccatum originale sit
habitus.*

Conclusio est affirmans.

H Abitus hic concupiscentia est, de qua art. 3. dicitur esse peccatum originale materialiter: vnde hic in arg. *Sed contra* D. Thom. probat peccatum originale esse habitum, quia vt dicit D. August. *Secundum peccatum originale paruuli sunt concupiscibiles, etsi non actus concupiscentes.* Constat autem concupiscentia concupiscibiles esse: Quia tamen prius vniuersaliora sunt pertractanda, ideo prius inquit D. Thom. an peccatum originale sit habitus, & postea in art. 3. an sit concupiscentia, hæc enim illo inferior est.

*Dubium quid sit huiusmodi habitus,
vel concupiscentia.*

Variæ sunt de hac re Doctorum sententiæ: Prima, hunc habitum, (vel concupiscentiam esse qualitatem quandam superraditam potentijs, quam morbidam appellant causatam a morbida qualitate, quam constituunt in semine. Hanc tenent nonnulli præsertim Nominales cum Magistro in 2. dist. 30. & 31. Probant 1. ex D. August. lib. 1. namque de nupt. & concup. cap. 25. vt ostendat concupiscentiam, quæ manet in nobis, auferri posse, sicut reuera non erit in beatitudine, ait: *Non enim substantialiter manet sicut aliquod corpus vel spiritus, sed affectio est quadam mali qualitatis sicut languor.* Et lib. 6. contra Iulianum, cap. 7. idem in principio dicit, & in medio de eadem concupiscentia subdit: *Qualitas affectionalis mali de substantia ad substantiam non migrando transiit, sicut de parentibus morbidis morbida soboles procreatur.* Ergo sicut ægritudo & languor qualitas est superadita, ita & concupiscentia habitualis.

Secundò, concupiscentia non est substantia, nam non est in Christo nec in beatis, nec fuit in primis parentibus ante peccatum, nec appetitus sensitivus ob eandem rationem: nec actus, quia manet; ergo qualitas quadam inordinata inclinans appetitum sensitivum ad actum deformem

bitum, vel concupiscentiam non esse qualitatem morbidam superadditam potentijs earumque naturali inclinationi ad objecta sensibilia præter ordinem rationis. Colligitur hoc ex D. Thom. hic in corp. & ad 1. & qu. 4. de Malo, ar. 2. ad 4. Probatur etiam, nam talis qualitatis superadditæ, nulla potest assignari causa. Et quamvis possibilis esset talis qualitas, superflua esset, absque illa enim potentiæ destituta iustitia originali sunt prone, & habiles ad concupiscendum, & hæc pronitas, & habilitas est concupiscentia habitualis. Confirmatur, Concupiscentia quæ est in nobis, solum differt à libidine quæ est in beluis, quia ut ait D. Aug. libro 4. contra Iulianum cap. 5. *Libido malum non est in beluis, quia non repugnat rationi, quæ caret.* Sed libido in beluis non est qualitas superaddita potentijs, & inclinationibus earum, ergo neque in nobis.

Dicendum est 2. Hunc habitum vel concupiscentiam non esse inclinationem potentialium ad bona sensibilia præter ordinem rationis vehementiorem quam esset in puris naturalibus. Probatur 1. quia alias homo in puris naturalibus, & in natura lapsa, non solum distinguerentur sicut nudus, & nudatus: sed hoc est contra communem Theologorum opinionem; ergo &c.

Secundò, remouens prohibens nullam tribuit inclinationem ad motum, sed solum aufert impedimentum, ut res secundum suam

ARTICVLVS I. 437

suam naturalem inclinationem moueatur ,
vt patet in eo , qui remouet impedimen-
tum , quod detinebat lapidem ne deorsum
moueretur ; ab eo enim non habet lapis , vt
velocius descendat , quam descenderet , si
non fuisset detentus , sed peccatum origina-
le solum est remouens prohibens gratia enim
originalis continebat in officio appetitum
sensitiuum , & alias hominis potentias eas-
que prohibebat ne mouerentur in obiectum
sensibile præter ordinem rationis , hocque
prohibens per peccatum fuit remotum , vt
D. Thom. hic ad 3. ait ; ergo nullam tri-
buit maiorem inclinationem homini ad
proprius motus , sed relinquit hominis po-
tentias in ea inclinatione , quam habebant
in puris naturalibus .

Tertio , si inclinatio ad obiectum præter
ordinem rationis esset in natura lapsa vehe-
mentior in potentiis hominis , quam in
puris naturalibus , huius maioris intentionis
deberet dari realis , & physica causa , sicut
datur maioris intensiõis quam habet ca-
lor præter naturam , qui est febris : sed dari
non potest , cum nulla realis virtus sit in
homine in natura lapsa , quæ non esset in
puris naturalibus , eademque tunc esset ac
modo corporis dispositio & complexio : Vnde in 2. dist. 32. quæst. 2. art. 1. ait D. Th.
*fomes super naturalia principia non supponit
aliquid positivè in homine ; Ergo &c.*

Dicendum est 3. Hunc habitum vel cõ-
cupiscentiam , non solum esse inclinatio-
nem appetitus sensitiui , sed etiam omniũ

424 *Q*UÆSTIO LXXXI.

set in posteros simul cum natura (si Adam scilicet non peccasset) ita etiam inordinatio opposita, scilicet traducitur nunc post Adæ peccatum; ergo sicut modo, quamvis proximi parentes iusti sint, simul cum natura traducitur peccatum originale; ita tunc traducenda esset iustitia originalis, etiam si proximi parentes essent peccatores. Cōfirmatur. Solus Adam erat caput quantū ad traductionem iustitię, vel peccati originalis; ergo si ipse non peccasset, etiam si aliquis ex eius posteris peccaret, eius peccatum non traduceretur in posteros.

Ad auctoritatem verò D. Thom. quidā respondent S. Doctorem illam sententiam retractasse hic. Alij videntes Diu. Thom. quæst. 4. de Malo art. 8. negare hoc quod dicitur in 5. argumento: *Si primo homine non peccante aliquis posterorum eius peccasset, corrupta fuisset in eo natura humana, & talem transmississet in posteros*; sibi persuadere non possunt sequente quæstione 5. contrarium asseruisse. Unde dicunt, verba illa *Eo non peccante*, non esse intelligenda absolute, sed post primum peccatum. Sed hæc interpretatio textui repugnat. Aliter interpretari potest; loqui scilicet de aliquo ex posteris Adæ, qui ab illo natus esset antequam Adam peccaret; si enim hic filius Adæ peccasset, Adam non peccante antequam ipse natus esset, peccante tamen postea, ipse quidem moreretur propter suum peccatum actuale, sicut Adam mortuus fuit, sed posterii eius morerentur propter pec-
ca-

caturam originale quod contraherent ab Adam, vt infra dicemus art. 5.

ARTICVLVS III.

*Vtrum peccatum primi parentis trã-
seat per originem in omnes ho-
mines.*

Conclusio est affirmans.

Hanc secundum fidem certam esse his verbis asserit D. Thom. *Secundum fidem catholicam firmiter est tenendum, quod omnes homines preter solum Christum ex Adam deriuati peccatum originale ex Adam contrahunt.* Idem asserit S. August. lib. de perfectione iustitiæ circa finem, & lib. 2. contra Iulianum prope finem cum vndecim Patribus, quos ibi refert.

Quomodo autem non obstante hac fidei doctrina communi, probabiliter sustineri possit B. Virginem fuisse conceptam sine peccato originali, vt constat ex Concil. Trid. Sess. 5. ad finem Decreti de peccato originali, & ex Const. Sixti IV. Pii V. Pauli V. & Greg. XV. explicat Caiet. hic dicens; fidei doctrinam communem intelligendam esse de debito, sicque illa non obstante probabiliter posse dici B. Virginẽ de facto non contraxisse peccatum originale. Hoc quidam impugnant, nam se-
que;

queretur, non esse de fide Petrum, & Ioā-
nem, & alios singulares homines actu, &
de facto contrahere peccatum originale,
cuius oppositum colligitur ex Conc. Trid.
vbi supra. Sed ex ultimo Caeteranum solum
voluisse asserere, licet sit de fide omnes,
comprehendendo etiam B. Virginem, cō-
trahere debitum peccati originalis: non
tamen esse de fide omnes tale peccatum
contrahere actu, & de facto, cum proba-
bile sit B. Virginem illud non contraxisse.

Sed communior est sententiā Ferrarien-
sis 4. Contra gentes, cap. 50. doctrinam
fidei intelligendam esse de facto: quo ta-
men non obstante dici potest B. Virginem
peccatum originale non contraxisse, quia
speciali priuilegio exempta fuit à lege cō-
muni, secundum quam omnes, solo Chri-
sto excepto, peccatum originale contra-
hunt. Quod explicari potest exemplo sū-
pto ex Genes. 7 ex quo constat aquis di-
luij opertos fuisse omnes montes, & vni-
uersos homines mortuos excepto Noē
& qui cum eo erant in arca: quo tamen
non obstante probabile est Paradisum ter-
restrem adhuc stare, & ibi seruatum fuisse,
& non fuisse mortuum Henoch. Quid ergo
mirum si B. Virginem, quam S. Damasce-
nus Orat. de dormitione B. Mariæ appellat
Novi Adam Paradisum animatum, excipia-
mus ab vniuersali inundatio nē peccati ori-
ginalis, non obstante exceptione illa, om-
nes prater solum Christum?

ARTICVVS IV. 427

*Vtrum si aliquis ex humana carne
formaretur miraculose, contra-
beret peccatum originale.*

Conclusio est negans

Colligitur ex Conc. Trid. Sess. 6. c. 3.
vbi sic dicitur: *Hominines nisi ex semine
Adæ propagati nascerentur, non nasceren-
tur iniusti.* Si enim aliquis ex humana carne
miraculose formaretur, non nasceretur ex
semine Adæ propagatus. Seminis autem
nomine semen virile intellige, quod solum
habet virtutem actiuam, saltem principa-
lem. Vnde etiam si quis miraculose for-
maretur ex semine solius mulieris non con-
traheret peccatum originale: nam etsi qui-
dam arbitrentur semen matris actiue con-
currere ad generationem; quia tamen mi-
nus principaliter concurrit, non sufficit ad
contractionem peccati originalis: propter
quod Christus qui non ex virili semine, sed
ex purissimis B. Virginis sanguinibus fuit mi-
raculose conceptus, ex vi suæ generatio-
nis peccato originali caruit. Si autem
quis miraculose formaretur ex semine vi-
rili peccatum originale contraheret; si ta-
men tale semen ad formationem hominis
actiue cōcurreret, vt si semen sterile mira-
culose prolificum redderetur, vel decium

a viro infunderetur diuina virtute matri-
mulieris absentis. Si enim ex semine vi-
gili solum materialiter concurrente mira-
culosè formaretur homo per conuersio-
nem virilis seminis in ipsum; similem ei
qua vxor Loth conuersa est in statuem
falis, idem de illo videtur dicendum, ac
de formato ex quacumque alia parte car-
nis humanæ.

ARTICVLVS V.

*Vtrum si Adam non peccasset. He-
na peccante filij originale pec-
catum, contraherent.*

Conclusio est negans.

Coonuincit illam locus adductus in
argum. *Sed contra*, ex cap. 5. Epist.
ad Rom. *Per unum hominem pecca-
tum in hunc mundum intravit.* Si enim foe-
mina peccatum originale in prolem trans-
mitteret, non per vnum hominem sed per
duos intrasset. Præterea verba hæc non
possunt nisi ad virum referri: nam per no-
men *Vnum*, quod tam in Græco quam in
Latino textu est generis masculini, deter-
minatur nomen homo ad standum pro vi-
ro, quamuis absolute vtrique, viro scili-
cet, & mulieri commune sit, sicut & no-
men Hebraicum Adam, vt colligitur ex
Gen.

ARTICVLVS V. 419

Gen. 3. v. 2. Nec obstat Sanctos Hieron. & Ambros. ibi per hominem Heuam intelligere : nam commentaria illa non censentur esse prædictorum sanctorum . Non obstat etiam illud Ecclesiastici 25. vers. 33. *A muliere initium factum est peccati* : Nam hoc intelligendum est per modum occasionis , & suasionis , non verò per modum principij transfusionis .

Si quæras, an cum Heua peccauerit prius quam Adam , amiserit tunc iustitiam originalem ? Respondetur ; illam amisisse : nam vt diximus 1. par. quæst. 100. ar. 1. iustitia originalis , vel erat idem habitus secundum rem cum gratia : vel si ab ea realiter distinguebatur ; non tamen ab ea poterat separari : ergo cum Heua statim ac peccauit , antequam peccaret Adam , gratiam amiserit , etiam amisit iustitiam originalem . Nec obstat, Heuam non cognouisse se esse nudam , nec erubuisse quousque Adam peccauit : nam ex Dei speciali permissione factum est , vt Heua non statim sentiret motus inordinatos , nec verecundaretur , vt sic vir per illam posset tentari , sicut ipsa per serpentem tentata est . Vel potuit per breue tempus natura destituta iustitia originali esse absque motibus inordinatis , & erubescencia .

Si quæras secundo , an si Adam genuisset aliquos filios ante peccatum , & postea peccaret , eius filij amitterent iustitiam originalem , & nepotes ex prædictis filiis geniti post Adæ peccatum contraherent o-

riginale? Respondetur, filios Adæ genitos ante peccatum eius non fore amissuros iustitiam originalem: nam si essent adulti quando Adam peccaret, possent actuali transgressioni Adæ repugnare, & tunc diligere Deum super omnia ex charitate; ergo non posset in eos transfundi peccatum Adæ. Si vero essent parvuli, cum Adam solum traducat peccatum in posteros traducendo naturam, in filios autem iam genitos non traducat denuo naturam (propagationem enim naturæ humanæ, ut ait D. Thom. in 2. dist. 32. qu. 1. art. 1. ad 2. *Impossibile est reiterari circa eundem hominem*) nec peccatum traduceret quo, gratia, & iustitia originali, cum qua erant geniti, priuarentur; hæc enim iam esset donum personæ, quod non nisi per peccatum personæ amitteretur, & non esset sicut ius nobilitatis, quod habet filius dependenter à patre, eo quod in Republica, in ordine ad quam ius nobilitatis perficit hominem, filius reputatur ut aliquid patris, quod non est in ordine ab bonis supernaturalia, quæ filius non habet dependenter à patre, quo ad conservationem, vel amissionem. Unde sicut modo teste D. August. Epist. 23. *Semel perceptam parvulus gratiam non amittit nisi propria impietate: ita nec tunc amitteret nisi propria impietate.* De nepotibus ex prædictis filiis natis non caret probabilitate, in prædicto casu non fore contracturos peccatum originale: nam producerentur virtute seminis non infecti, & de-

cis.

ARTICVLVS VI. 431

cisi ab Adam iusto ante peccatum. Probabilius tamen est, peccatum originale fore contracturos. Tum quia filij Adæ solum haberent iustitiam, vt donum personale, & solum in Adamo esset vt donum naturæ; ergo Adamo peccante amitteretur, vt donum naturæ, & sic iam ultra non posset traduci cum natura. Tum etiam, nam Adam mouet ad generationem, & qui modo concipitur fit Adæ filius; ergo cum tunc Adam iam esset peccator, filius fieret Adæ peccatoris, & sic acciperet naturam infectam, quicumque, & a quocumque postero Adæ generaretur. An verò tunc semen esset infectum, quidam negant, & dicunt, vt contrahatur peccatum originale, non requiri seminis infectionem, sed sufficere, vt virtute seminis fiat homo membrum capitis actu infecti, Adæ scilicet peccatoris. Sed cum infectio seminis non sit aliqua qualitas positiva in eo, sed virtualis continentia naturæ, quam comitatur peccatum, negari non posse videtur, semen illud esse infectum. Nec est inconueniens sic infici postquam est separatum ab Adam, cum solum dicatur infectum ob relationem, quam dicit ad suum principium, & relatiuè mutari possit vnum extremum ex sola mutatione facta in alio extremo: vnde per solam mutationem Adæ de iusto in peccatorem posset semen ab eo iam decisum, & separatum fieri de non infecto infectum.

QVAE.

QVÆSTIO LXXXII.

*De originali peccato quantum ad
suam essentiam.*

ARTICVLVS I.

*Vtrum peccatum originale sit
habitus.*

Conclusio est affirmans.

H Abitus hic concupiscentia est, de qua art. 3. dicitur esse peccatum originale materialiter: vnde hic in arg. *Sed contra* D. Thom. probat peccatum originale esse habitum, quia vt dicit D. August. *Secundum peccatum originale paruuli sunt concupiscibiles, etsi non actus concupiscentes.* Constat autem concupiscentia concupiscibiles esse: Quia tamen prius vniuersaliora sunt pertractanda, ideo prius inquit D. Thom. an peccatum originale sit habitus, & postea in art. 3. an sit concupiscentia, hæc enim illo inferior est.

*Dubium quid sit huiusmodi habitus,
vel concupiscentia.*

Variæ sunt de hac re Doctorum sententia: Prima, hunc habitum, (vel concupiscentiam esse qualitatem quandam superraditam potentijs, quam morbidam appellant causatam à morbida qualitate, quam constituunt in semine. Hanc tenent nonnulli præsertim Nominales cum Magistro in 2. dist. 30. & 31. Probant 1. ex D. August. lib. 1. namque de nupt. & concup. cap. 25. vt ostendat concupiscentiam, quæ manet in nobis, auferri posse, sicut reuera non erit in beatitudine, ait: *Non enim substantialiter manet sicut aliquod corpus vel spiritus, sed affectio est quadam male qualitatis sicut languor.* Et lib. 6. contra Iulianum, cap. 7. idem in principio dicit, & in medio de eadem concupiscentia subdit: *Qualitas affectionalis mali de substantia ad substantiam non migrando transiit, sicut de parentibus morbidis morbida soboles procreatur.* Ergo sicut ægritudo & languor qualitas est superadita, ita & concupiscentia habitualis.

Secundo, concupiscentia non est substantia, nam non est in Christo nec in beatis, nec fuit in primis parentibus ante peccatum, nec appetitus sensitivus ob eandem rationem: nec actus, quia manet; ergo qualitas quædam inordinata inclinans appetitum sensitivum ad actum deformem

tanquam habitualis dispositio illi super addita.

Secunda sententia est: hunc habitum, seu concupiscentiam non esse qualitatem superadditam potentijs, sed ipsam earum inclinationem ad bona sensibilia præter, & contra imperium rationis vehementiorem quam esset in puris naturalibus, sicut fames canina est ipsa inclinatio ad cibum vehementior, quam natura postulat, & febris est calor ipse maior quam nature congruat. Probatur 1. Homo post peccatum Adæ mansit vulneratus in naturalibus, ut cum Beda in cap. 10. Lucæ asserunt communiter Theologi; ergo cum vulnus lesio sit, & dispositio præter naturam, concupiscentia, quæ vulnus est appetitus sensitivi, inclinatio erit præter naturam illius, vehementior scilicet, quam esset in puris naturalibus.

Secundò, appetitus sensitivus Adæ post primum peccatum mansit cum maiori propensione ad obiectum sensibile, quam si esset in puris naturalibus, nam ut docet D. Thom. infra quæst. 85. ar. 1. inclinatio naturalis ad virtutem minuitur per peccatum, ac per consequens per ipsum vehementior sit inclinatio ad obiectum sensibile; ergo, & noster appetitus sensitivus habet similem maiorem propensionem causatam ex primo Adæ peccato, quod in nos transfusum est originale.

Tertia sententia est: hunc habitum, seu concupiscentiam esse vehementiorem

in-

ARTICVLVS I. 483

inclinationem ad bona sensibilia, quam haberent potentia in puris naturalibus; non tamen esse inclinationem omnium potentiarum animæ, sed solum sensitiuarum.

Probatur 1. nam vt ait D. Thom. qu. 4. de Malo ar. 2. ad 7. *Concupiscentia contra-cta per originem nihil est aliud quam destitutio inferiorum virium à retinaculo iustitia originalis.* Et hic, ar. 3. inquit, concupiscentiam esse inordinationem aliarum virium à voluntate: sed hæ sunt vires sensitiuæ; ergo, &c.

Secundò, in voluntate non est naturalis inclinatio ad obiectum præter ordinem rationis, sed solum ad bonum rationi conforme; ergo nec quæ ad concupiscentiam spectare possit. Antecedens probatur. Tum ex D. Thom. supra qu. 71. art. 2. ad 3. asserente. inclinationem contra ordinem rationis esse naturæ sensitiuæ. Tum etiam, quia alias in voluntate essent ponendæ virtutes morales, sicut in appetitu sensitiuo. Tum deinde, nam in voluntate essent duæ inclinationes non subordinatæ, cum non constet quænam illarum sit vniuersalis, & quæ particularis. Tum denique, nam appetitus totius non inclinatur in bonum partis, quando illud cedit in detrimentum totius; ergo voluntas, quæ est appetitus totius, non inclinatur in bonum sensibile quando coniungitur ei malum rationis, nam hoc est malum totius, sed solum quando est conforme rationi.

Dicendum tamen est 1. Huiusmodi ha-

set in posteros simul cum natura (si Adam scilicet non peccasset) ita etiam inordinatio operis, scilicet traducitur nunc post Adæ peccatum; ergo sicut modo, quamvis proximi parentes iusti sint, simul cum natura traducitur peccatum originale; ita tunc traducenda esset iustitia originalis, etiam si proximi parentes essent peccatores. Confirmatur. Solus Adam erat caput quantum ad translationem iustitiæ, vel peccati originalis; ergo si ipse non peccasset, etiam si aliquis ex eius posteris peccaret, eius peccatum non traduceretur in posteros.

Ad auctoritatem verò D. Thom. quidā respondent S. Doctorem illam sententiam retractasse hic. Alij videntes Diu. Thom. quæst. 4. de Malo art. 8. negare hoc quod dicitur in 5. argumento: *Si primo homine non peccante aliquis posterorum eius peccasset, corrupta fuisset in eo natura humana, & talem transmississet in posteros*; sibi persuadere non possunt sequente quæstione 5. contrarium asseruisse. Unde dicunt, verba illa *Eo non peccante*, non esse intelligenda absolute, sed post primum peccatum. Sed hæc interpretatio textui repugnat. Aliter interpretari potest; loqui scilicet de aliquo ex posteris Adæ, qui ab illo natus esset antequam Adam peccaret; si enim hic filius Adæ peccasset, Adam non peccante antequam ipse natus esset, peccante tamen postea, ipse quidem moreretur propter suum peccatum actuale, sicut Adam mortuus fuit, sed posterii eius morerentur propter pec-

ARTICVLVS II. 425

catura originale quod contraherent ab Adam, vt infra dicemus art. 5.

ARTICVLVS III.

Utrum peccatum primi parentis tra-
seat per originem in omnes ho-
mines.

Conclusio est affirmans.

Hanc secundum fidem certam esse his verbis asserit D. Thom. *Secundum fidem catholicam firmiter est tenendum quod omnes homines preter solum Christum ex Adam deriuati peccatum originale ex Adam contrahunt.* Idem asserit S. August. lib. de perfectione iustitiæ circa finem, & lib. 2. contra Iulianum prope finem cum vndecim Patribus, quos ibi refert.

Quomodo autem non obstante hac fidei doctrina communi, probabiliter sustineri possit B. Virginem fuisse conceptam sine peccato originali, vt constat ex Concil. Trid. Sess. 5. ad finem Decreti de peccato originali, & ex Const. Sixti IV. Pii V. Pauli V. & Greg. XV. explicat Caiet. hic dicens; fidei doctrinam communem intelligendam esse de debito, sicque illa non obstante probabiliter posse dici B. Virginē de facto non contraxisse peccatum originale. Hoc quidam impugnant, nam seque;

queretur, non esse de fide Petrum, & Ioā-
nem, & alios singulares homines actu, &
de facto contrahere peccatum originale,
cuius oppositum colligitur ex Conc. Trid.
vbi supra. Sed exitimo Caieranum solum
voluisse asserere, licet sit de fide omnes,
comprehendendo etiam B. Virginem, cō-
trahere debitum peccati originalis: non
tamen esse de fide omnes tale peccatum
contrahere actu, & de facto, cum proba-
bile sit B. Virginem illud non contraxisse.

Sed communior est sententia Ferrarien-
sis 4. Contra gentes, cap. 30. doctrinam
fidei intelligendam esse de facto: quo ta-
men non obstante dici potest B. Virginem
peccatum originale non contraxisse, quia
speciali priuilegio exempta fuit à lege cō-
muni, secundum quam omnes, solo Chri-
sto excepto, peccatum originale contra-
hant. Quod explicari potest exemplo sū-
pto ex Genes. 7 ex quo constat aquis di-
lunii opertos fuisse omnes montes, & vni-
uersos homines mortuos excepto Noë
& qui cum eo erant in arca: quo tamen
non obstante probabile est Paradisum ter-
restrem adhuc stare, & ibi seruatum fuisse,
& non fuisse mortuum Henoch. Quid ergo
mirum si B. Virginem, quam S. Damasce-
nus Orat. de dormitione B. Mariæ appellat
Novi Adam Paradisum animatum, excipia-
mus ab vniuersali inundatione peccati ori-
ginalis, non obstante exceptione illa, oia-
nes præter solum Christum?

*Vtrum si aliquis ex humana carne
formaretur miraculose, contra-
beret peccatum originale.*

Conclusio est negans

Colligitur ex Conc. Trid. Sess. 6. c. 3.
vbi sic dicitur: *Homines nisi ex semine
Adæ propagati nascerentur, non nasceren-
tur iniusti.* Si enim aliquis ex humana carne
miraculose formaretur, non nasceretur ex
semine Adæ propagatus. Seminis autem
nomine semen virile intellige, quod solum
habet virtutem actiuam, saltem principa-
lem. Vnde etiam si quis miraculose for-
maretur ex semine solius mulieris non con-
traheret peccatum originale: nam etsi qui-
dam arbitrentur semen matris actiue con-
currere ad generationem; quia tamen mi-
nus principaliter concurrat, non sufficit ad
contractionem peccati originalis: propter
quod Christus qui non ex virili semine, sed
ex purissimis B. Virginis sanguinibus fuit mi-
raculose conceptus, ex vi suæ generatio-
nis peccato originali caruit. Si autem
quis miraculose formaretur ex semine vi-
rili peccatum originale contraheret; si ta-
men tale semen ad formationem hominis
actiue cōcurreret, vt si semen sterile mira-
culose prolificum redderetur, vel decium

428 QVAESTIO LXXXI.

à viro infunderetur diuina virtute matri-
 mulieris absentis. Si enim ex semine vi-
 rili solum materialiter concurrente mira-
 culosè formaretur homo per conuersio-
 nem virilis seminis in ipsum; similem ei
 qua vxor Loth conuersa est in statuem
 falis, idem de illo videtur dicendum, ac
 de formato ex quacunque alia parte car-
 nis humanæ.

ARTICVLVS V.

*Vtrum si Adam non peccasset. He-
 na peccante filij originale pec-
 catum, contraherent.*

Conclusio est negans.

Conuincit illam locus adductus in
 argum. *Sed contra*, ex cap. 5. Epist.
 ad Rom. *Per unum hominem pecca-
 tum in hunc mundum intravit.* Si enim foe-
 mina peccatum originale in prolem trans-
 mitteret, non per vnum hominem sed per
 duos intrasset. Præterea verba hæc non
 possunt nisi ad virum referri: nam per no-
 men *Vnum*, quod tam in Græco quam in
 Latino textu est generis masculini, deter-
 minatur nomen homo ad standum pro vi-
 ro, quamuis absolute utrique, viro scili-
 cet, & mulieri commune sit, sicut & no-
 men Hæbraicum Adam, vt colligitur ex
 Gen.

Gen. 3. v. 2. Nec obstat Sanctos Hieron. & Ambros. ibi per hominem Heuam intelligere : nam commentaria illa non censentur esse prædictorum sanctorum. Non obstat etiam illud Ecclesiastici 25. vers. 33. *A muliere initium factum est peccati* : Nam hoc intelligendum est per modum occasionis, & suasionis, non verò per modum principij transfusionis.

Si quæras, an cum Heua peccauerit prius quam Adam, amiserit tunc iustitiam originalem? Respondetur; illam amisisse: nam vt diximus 1. par. quæst. 100. ar. 1. iustitia originalis, vel erat idem habitus secundum rem cum gratia: vel si ab ea realiter distinguebatur, non tamen ab ea poterat separari: ergo cum Heua statim ac peccauit, antequam peccaret Adam, gratiam amiserit, etiam amisit iustitiam originalem. Nec obstat, Heuam non cognouisse se esse nudam, nec erubuisse quousque Adam peccauit: nam ex Dei speciali permissione factum est, vt Heua non statim sentiret motus inordinatos, nec verecundaretur, vt sic vir per illam posset tentari, sicut ipsa per serpentem tentata est. Vel potuit per breue tempus natura destituta iustitia originali esse absque motibus inordinatis, & erubescencia.

Si quæras secundo, an si Adam genuisset aliquos filios ante peccatum, & postea peccaret, eius filij amitterent iustitiam originalem, & nepotes ex prædictis filiis geniti post Adæ peccatum contraherent o-

riginale? Responderetur, filios Adæ genitos
 ante peccatum eius non fore amissuros iu-
 stitiam originalem: nam si essent adulti
 quando Adam peccaret, possent actuali
 transgressioni Adæ repugnare, & tunc di-
 ligere Deum super omnia ex charitate;
 ergo non posset in eos transfundi peccatum
 Adæ. Si vero essent parvuli, cum Adam
 solum traducat peccatum in posteros tra-
 ducendo naturam, in filios autem iam
 genitos non traducat denuo naturam (pro-
 pagationem enim naturæ humanæ, ut ait
 D. Thom. in 2. dist. 32. qu. 1. art. 1. ad 2.
Impossibile est reiterari circa eundem hominem)
 nec peccatum traduceret quo, gratia, &
 iustitia originali, cum qua erant geniti,
 priuarentur; hæc enim iam esset donum
 personæ, quod non nisi per peccatum per-
 sonæ amitteretur, & non esset sicut ius no-
 bilitatis, quod habet filius dependenter à
 patre, eo quod in Republica, in ordine ad
 quam ius nobilitatis perficit hominem, fi-
 lius reputatur ut aliquid patris, quod non
 est in ordine ab bona supernaturalia, quæ
 filius non habet dependenter à patre, quo
 ad conservationem, vel amissionem. Un-
 de sicut modo teste D. August. Epist. 23.
*Semel perceptam paruulus gratiam non amit-
 tit nisi propria impietate: ita nec tunc amit-
 teret nisi propria impietate.* De nepotibus
 ex prædictis filiis natis non caret probabi-
 litate, in prædicto casu non fore contra-
 cturos peccatum originale: nam produce-
 rentur virtute seminis non infecti, & de-
 cis.

ARTICVLVS VI. 431

cisi ab Adam iusto ante peccatum. Probabilius tamen est, peccatum originale fore contracturos. Tum quia filij Adæ solum haberent iustitiam, vt donum personale, & solum in Adamo esset vt donum naturæ; ergo Adamo peccante amitteretur, vt donum naturæ, & sic iam ultra non posset traduci cum natura. Tum etiam, nam Adam mouet ad generationem, & qui modo concipitur fit Adæ filius; ergo cum tunc Adam iam esset peccator, filius fieret Adæ peccatoris, & sic acciperet naturam infectam, quicumque, & a quocumque postero Adæ generaretur. An verò tunc semen esset infectum, quidam negant, & dicunt, vt contrahatur peccatum originale, non requiri seminis infectionem, sed sufficere, vt virtute seminis fiat homo membrum capitis actu infecti, Adæ scilicet peccatoris. Sed cum infectio seminis non sit aliqua qualitas positiva in eo, sed virtualis continentia naturæ, quam comitatur peccatum, negari non possidetur, semen illud esse infectum. Nec est inconueniens sic infici postquam est separatum ab Adam, cum solum dicatur infectum ob relationem, quam dicit ad suum principium, & relatiuè mutari possit vnum extremum ex sola mutatione facta in alio extremo: vnde per solam mutationem Adæ de iusto in peccatorem posset semen ab eo iam decisum, & separatum fieri de non infecto infectum.

QVAE.

QVÆSTIO LXXXII.

*De originali peccato quantum ad
suam essentiam.*

ARTICVLVS I.

*Vtrum peccatum originale sit
habitus.*

Conclusio est affirmans.

H Abitus hic concupiscentia est, de qua art. 3. dicitur esse peccatum originale materialiter: vnde hic in arg. *Sed contra* D. Thom. probat peccatum originale esse habitum, quia vt dicit D. August. *Secundum peccatum originale parua sunt concupiscibiles, etsi non actu concupiscentes.* Constat autem concupiscentia concupiscibiles esse: Quia tamen prius vniuersaliora sunt pertractanda, ideo prius inquit D. Thom. an peccatum originale sit habitus, & postea in art. 3. an sit concupiscentia, hæc enim illo inferior est.

*Dubium quid sit huiusmodi habitus,
vel concupiscentia.*

Variæ sunt de hac re Doctorum sententia: Prima, hunc habitum, (vel concupiscentiam esse qualitatem quandam superadditam potentijs, quam morbidam appellant causatam a morbida qualitate, quam constituunt in semine. Hanc tenent nonnulli præsertim Nominales cum Magistro in 2. dist. 30. & 31. Probant 1. ex D. August. lib. 1. namque de nupt. & concup. cap. 25. vt ostendat concupiscentiam, quæ manet in nobis, auferri posse, sicut reuera non erit in beatitudine, ait: *Non enim substantialiter manet sicut aliquod corpus vel spiritus, sed affectio est quadam mali qualitatis sicut languor.* Et lib. 6. contra Iulianum, cap. 7. idem in principio dicit, & in medio de eadem concupiscentia subdit: *Qualitas affectionalis mali de substantia ad substantiam non migrando transiit, sicut de parentibus morbidis morbida soboles procreatur.* Ergo sicut ægritudo & languor qualitas est superaddita, ita & concupiscentia habitualis.

Secundo, concupiscentia non est substantia, nam non est in Christo nec in beatis, nec fuit in primis parentibus ante peccatum, nec appetitus sensitivus ob eandem rationem: nec actus, quia manet; ergo qualitas quædam inordinata inclinans appetitum sensitivum ad actum deformem

inclinationem ad bona sensibilia, quam haberent potentia in puris naturalibus; non tamen esse inclinationem omnium potentiarum animæ, sed solum sensitiuarum.

Probatur 1. nam vt ait D. Thom. qu. 4. de Malo ar. 2. ad 7. *Concupiscentia contra-cta per originem nihil est aliud quam destitutio inferiorum virium à retinaculo iustitiæ originælis*. Et hic, ar. 3. inquit, concupiscentiam esse inordinationem aliarum virium à voluntate: sed hæ sunt vires sensitiuæ; ergo, &c.

Secundò; in voluntate non est naturalis inclinatio ad obiectum præter ordinem rationis, sed solum ad bonum rationi conforme; ergo nec quæ ad concupiscentiam spectare possit. Antecedens probatur. Tum ex D. Thom. supra qu. 71. art. 2. ad 3. asserente. inclinationem contra ordinem rationis esse naturæ sensitiuæ. Tum etiam, quia alias in voluntate essent ponendæ virtutes morales, sicut in appetitu sensitiuo. Tum deinde, nam in voluntate essent duæ inclinationes non subordinatæ, cum non constet quænam illarum sit vniuersalis, & quæ particularis. Tum denique, nam appetitus totius non inclinatur in bonum partis, quando illud cedit in detrimentum totius; ergo voluntas, quæ est appetitus totius, non inclinatur in bonum sensibile quando coniungitur ei malum rationis, nam hoc est malum totius, sed solum quando est conforme rationi.

Dicendum tamen est 1. Huiusmodi ha-

bitum, vel concupiscentiam non esse qualitatem morbida[m] superadditam potentijs earumque naturali inclinationi ad objecta sensibilia præter ordinem rationis. Colligitur hoc ex D. Thom. hic in corp. & ad 1. & qu. 4. de Malo, ar. 2. ad 4. Probatur etiam, nam talis qualitatis superadditæ, nulla potest assignari causa. Et quamvis possibilis esset talis qualitas, superflua esset, absque illa enim potentiæ destitutæ iustitia originali sunt prout, & habiles ad concupiscendum, & hæc pronitas, & habilitas est concupiscentia habitualis. Confirmatur, Concupiscentia quæ est in nobis, solum differt à libidine quæ est in beluis, quia ut ait D. Aug. libro 4. contra Iulianum cap. 5. *Libido malum non est in beluis, quia non repugnat rationi, qua carent.* Sed libido in beluis non est qualitas superaddita potentijs, & inclinationibus earum, ergo neque in nobis.

Dicendum est 2. Hunc habitum vel concupiscentiam non esse inclinationem potentiæ ad bona sensibilia præter ordinem rationis vehementiorem quam esset in puris naturalibus. Probatur 1. quia alias homo in puris naturalibus, & in natura lapsa, non solum distinguerentur sicut nudus, & nudatus: sed hoc est contra communem Theologorum opinionem; ergo &c.

Secundo, remouens prohibens nullam tribuit inclinationem ad motum, sed solum aufert impedimentum, ut res secundum suam

ARTICVLVS I. 437

suam naturalem inclinationem moueatur , vt patet in eo , qui remouet impedimentum , quod detinebat lapidem ne deorsum moueretur ; ab eo enim non habet lapis , vt velocius descendat , quam descenderet , si non fuisset detentus , sed peccatum originale solum est remouēs prohibēs gratia enim originalis continebat in officio appetitum sensitium , & alias hominis potentias , easque prohibebat ne mouerentur in obiectū sensibile præter ordinem rationis , hocque prohibens per peccatum fuit remotū , vt D. Thom. hic ad 3. ait ; ergo nullam tribuit maiorem inclinationem homini ad proprios motus , sed relinquit hominis potentias in ea inclinatione , quam habebant in puris naturalibus .

Tertio , si inclinatio ad obiectum præter ordinem rationis esset in natura lapsa vehementior in potentiis hominis , quam in puris naturalibus , huius maioris intentionis deberet dari realis , & physica causa , sicut datur maioris intensiōis quam habet calor præter naturam , qui est febris : sed dari non potest , cum nulla realis virtus sit in homine in natura lapsa , quæ non esset in puris naturalibus , eademque tunc esset ac modo corporis dispositio & complexio : Vnde in 2. dist. 32. quæst. 2. art. 1. ait D. Thomas *super naturalia principia non supponit aliquid positue in homine ; Ergo &c.*

Dicendum est 3. Hunc habitum vel concupiscentiam , non solum esse inclinationem appetitus sensitui , sed etiam omniū

438 *QVABSTIO LXXXH.*

potentiarum quæ possunt esse subiectum peccati, immo & essentia animæ, quatenus talium potentiarum principium est. Probatur ex D. Th. hic enim ait, peccatū originale materialiter sumptum pro concupiscentia esse habitum; non quidem superadditum potentia, quo potentia ad agendum inclinatur, sed quatenus habitus dicitur dispositio alicuius naturæ, ex multis composita, secundum quam bene se habet vel male ad aliquid; *Est enim quedam inordinata dispositio proueniens ex dissolutione illius harmonia, in qua consistebat ratio originalis iustitiæ*. Ergo sicut harmonia, quam efficiebat iustitia originalis, comprehendebat omnes potentias quæ possunt esse subiectū peccati; & animam ipsam quatenus erat earum principium, ita & concupiscentia. Licet enim concupiscentia propria sit appetitus sensitiui concupiscibilis; communi tamen nomine inordinatio appetitus irascibilis potest dici concupiscentia, ut docet D. Thom. hic art. 3. ad 2. & idem est de inordinatione intellectus, ut colligitur ex eodem S. Doctore ibidem ad 3. & de inordinatione voluntatis, ut explicat Caiet. dicto artic. 3.

Dicendum est 4. Inclinationem potentiarum, quam concupiscentiam esse diximus, aliquo modo distingui à potentijs ipsis sicut Inclinationē naturālē ad aliquid à re, cuius est inclinatio, aliquo modo distingui, patet, nam talis rei naturam consequitur. Existimo tamen non distingui
ab

ab illa realiter, sed sola ratione, eo modo, quo vnum; & ens sola ratione distingui diximus. 1. par. q. 11. ar. 1. Nec obstat quod de inclinatione ad virtutem ait D. Th. infra q. 85. ar. 2. *Intelligitur et medium inter duo: fundatur enim sicut in radice in natura rationali, & tendit in bonum virtutis, sicut in terminum & finem.* Nam ad hoc sufficit distinctio rationis, sicut & hæc sufficit, vt vnū concipiatur à nobis per modum passionis, quæ vt sui principium & radicem supponit rationem entis.

De concupiscentia autem aliquid amplius afferendum est, nempe distingui ratione a potentiis etiam sumptis cum carum inclinatione ad obiectum sensibile. Patet hoc ex D. Aug. sæpe afferente præsertim lib. 1. de nupt. & concup. cap. 25. concupiscentiam, quæ hic quotidie minuitur in proficientibus, in beatitudine totaliter esse auferendam, cum tamen constet tunc non auferri potentias, nec earum naturales inclinationes. Patet etiam ex D. Thom. in 2. distin. 30. questione 1. art. 3. ad 2. ubi docet concupiscentiam non esse viam concupiscibilem, sed habilitatem ipsam ad concupiscendum, quæ supra potentiam nihil aliud addit quam priuationem ordinis rationis, qua ablata manet potentia cum sua naturali inclinatione, non tamen concupiscentia.

Ad argumenta autem primæ sententiæ responderetur. Ad 1. D. August. nomine affectionis, & malæ qualitatis, & qualita-

440 QVAESTIO LXXXII.

ris affectionalis mali intelligere non qualitatem aliquam superadditam, appetitui sensitivo, sed appetitum ipsum sensitivum quatenus non plenè subijcitur rationi, sed præter & contra eam fertur in obiectum sensibile destitutus iustitia originali; re ipsa enim appetitus ipse qualitas est, & dispositio seu habilitas ad inordinatè concupiscendū, quam habet post Adæ peccatum, large qualitas dici potest, licet ut diximus, supra potentiam solū addat privationem ordinis rationis.

Ad 2. respondetur: concupiscentiam nō esse substantiam nec appetitum, aut alias potentias absolute sumptas secundum earum entitatem, sed ut subsunt imperfectioni, & privationi rectitudinis, habilitatiquè ad inordinatè concupiscendum, qua ratione non sunt in Christo, & Beatis nec fuerunt in Adam ante peccatum.

Ad argumenta secundæ sententiæ respondetur. Ad 1. hominem dici vulneratum in naturalibus, non propter vehementiorem inclinationem potentiarum ad obiectum præter ordinem rationis, quem haberent in puris naturalibus, sed propter destitutionem ordinis, quo naturaliter ordinantur ad virtutem, quem habebant in natura integra, nam ut ait D. Tho. infra q. 85. ar. 3. *Ipsa destitutio vulnervatio dicitur.* Quamvis autem ut ibidem ad 3. & q. 4. de Malo ar. 2. ad 1. ait S. Doctor, concupiscentia, per quam prona est vis concupiscibilis ut feratur in delectabile sensus præter ordinem

ARTICVLVS I. 441

nem rationis, sit naturalis homini in quantum est animal, contra naturam tamen hominis est, in quantum est homo; vt sic enim naturale est ei, quod concupiscibilis feratur in delectabile sensus secundum rationem, & contra naturam, quod excedat limites rationis, & sic concupiscentia pertinet ad originale peccatum, & est vulnus naturæ. In puris vero naturalibus, nec vulneris, nec morbi rationem haberet, sicut nec poenæ, quia debita non esset iustitia, qua cohiberetur sed esset mera imperfectio naturalis: sicut solutio tributorum in rustico poena non est, sicut est in equite privato iure nobilitatis ob aliquod delictum.

Ad 2. quidquid sit de antecedenti (nam locus D. Tho. non conuincit per vnum peccatum minui inclinationem ad virtutem, sed per plures actus, per quos fit inclinatio ad similes actus) respondetur negando consequentiam, quia peccatum illud respectu Adæ erat actus personalis: propius autem actus personæ illam inclinabat ad similes actus eliciendos: tamen ille actus respectu nostri non poterat causare inclinationem. cum à nobis non eliceretur & maior inclinatio sit purè personalis sicut & omnes habitus acquisiti, vt colligitur ex D. Thom. q. præced. ar. 2.

Ad argumenta tertiæ sententiæ respondetur. Ad 1. D. Tho. ibi loqui de concupiscentia sumpta pro inclinatione, quæ primo, & per se conuenit potentijs ad obie-

T v

ctum

442 **QVÆSTIO LXXXII.**

etiam sensibile præter ordinem rationis, nõ
 ut se extendit etiam ad eam, quæ ex co-
 nunctione cum natura sensitiva conuenit
 voluntati, qua ratione nos hic de illa lo-
 quimur.

Ad 2. respondetur negando antecedens;
 sicut enim in appetitu sensitivo hominis
 est duplex inclinatio naturalis: altera ad
 bonum sensibile abstrahendo ab ordine
 rationis, quæ est illi propria: altera ad bo-
 num sensibile ut est rationi conforme, quæ
 illi conuenit ex coniunctione cum natura
 rationali. ita in voluntate hominis est du-
 plex naturalis inclinatio: altera ad bonum
 rationis, quæ est illi propria, ut voluntas
 rationalis est altera ad bonum cõueniens su-
 biecto abstrahendo ab ordine rationis, a qua
 procedunt naturales eius motus primo pri-
 mi terminati ad obiectum præter ordinem ra-
 tionis, quæ cõuenit illi, quia naturaliter est
 coniuncta cum natura sensitiva, & radicatur
 in essentia anime, quæ non solum dat esse
 rationale, sed etiam esse sensitivum, &
 quatenus est appetitus totius. Ad 1. pro-
 bationem dico: ex D. Thom. ibi colligi
 oppositum, cum homo etiam includat
 naturam sensitivam, ac proinde ut illam
 includit, naturalis est illi talis inclinatio.
 Ad 2. probationem dico, cum voluntas
 non inclinatur in bonum sensibile, nisi quia
 aliqua pars totius, cuius ipsa est inclinatio,
 in bonum sensibile inclinatur, scilicet ap-
 petitus sensitivus; non esse opus in ea po-
 nere virtutes morales, sed sufficere quæ
 sunt

ARTICVLVS 7. 443

sunt in appetitu sensitivo : nam sublata difficultate ab hoc per virtutes morales, nulla manet difficultas in voluntate ad prosequendum bonum rationis proprium . Ad 3. probationem dico , istas duas inclinationes esse subordinatas : nam inclinatio in boni rationis est altior & superior , potestque reprimere motus naturales procedentes ex altera inclinatione : & hoc sufficit ad subordinationem earum , nec requiritur , vt vna sit vniuersalis & altera particularis . Ad 4. probationem dico : nec etiam appetitum naturalem partis inclinari in bonum partis , quando cedit in detrimentum totius , cum pars magis inclinetur ad conseruationem totius , quam sui . Si quid ergo probaret argumentum , conuinceret etiam in appetitu sensitivo non esse naturalem inclinationem ad horum sensibile præter ordinem rationis . Vnde afferendum est , bonum partis per se , & directe non cedere in detrimentum totius , quod verò per accidens cedat , hoc non obstat , quo minus appetitus totius inclinetur naturaliter in illud : nam eo modo quo concedimus naturalem inclinationem partis in aliquod obiectum , debemus concedere naturalem inclinationem appetitus totius in idem obiectum .

Circa ar. 2. nihil se offert scribendum .

Vtrum originale peccatum sit concupiscentia.

Conclusio est affirmans.

Eodem modo quo ar. 1. dixit D. Tho. peccatum esse habitum, affirmat hic esse concupiscentiam, sicque explicat: *Peccatum originale materialiter quidem est concupiscentia, formaliter vero & effectus originalis iustitia.*

Heretici nostri temporis præsertim Lutherani concupiscentiam peccatum originale formaliter esse dicunt. Sed oppositum si de concupiscentia, quæ manet in baptizatis sit sermo est diffinitum in Conc. Trid. Sess. 5. can. 5. cuius initium est: *Si quis per Iesû Christi Domini nostri gratiam, quæ in baptismo confertur reatum originalis peccati remitti negat; aut asserit non tolli totum id quod veram, & propriam peccati rationem habet, sed illud dicit tantum radi aut non imputari, anathema sit.* Finis verò: *Hanc concupiscentiam, quam aliquando Apostolus peccatum appellat, sancta Synodus declarat, Ecclesiam catholicam nunquam intellexisse peccatum appellari quod verè, & propriè in renatis peccatis sit, sed quia ex peccato est. & ad peccatum inclinat. Si quis autè contrariū censerit, anathema sit. Si autem peccatum originale formaliter esset*

esset concupiscentia, quæ manet in baptizatis, per baptismi gratiam non tolleretur totum id quod veram & propriam rationem peccati habet, & concupiscentia vere & proprie in renatis peccatum esset. Si vero sermo sit de concupiscentia, quæ est in non baptizatis, licet non sit expresse diffinitum: ex prædicta tamen definitione manifeste colligitur: eadem namque est concupiscentia ante & post baptismum, unde ipse ait Concilium: *Manere autem in baptizatis concupiscentiam vel fornicem hæc Sancta Synodus fatetur & sentit.* Quod vero manet, idè antea erat; ergo cum in baptizatis concupiscentia non sit peccatum originale formaliter, neque in non baptizatis tale peccatum erit.

Quomodo autem concupiscentia sit materiale peccati originalis, difficultate non caret. M. Soto lib. 1. de Natura & gratia c. 9. docet concupiscentiam vocari à S. August. & D. Thom. peccatum originale materialiter, sumendo materiale non in rigore, sed in ampla significatione, quia scilicet est effectus peccati. Alii dicunt ita vocari, quia in ipsa inest carentia iustitiæ originalis ut in proximo subiecto, sicut in peccato actuali materiale est actus ipse, in quo inest privatio rectitudinis, ut colligitur ex D. Th. q. 4. de Malo ar. 2.

Dubium. An peccatum originale formaliter sit privatio iustitie originalis.

PArtem negantem quidam tenent, & probant 1. In Concil. Trid. Sess. 5. can. 8. dicitur de peccato originali, *Inest unicuique proprium*: sed inesse solum conuenit accidenti reali & positiuo; cuius esse est inesse; ergo peccatū originale eius reale positium est, non privatio iustitie originalis. Confirmatur. D. Thom. hic art. 1. docet peccatum originale esse habitum, & quandam inordinatam dispositionem; haberetque aliquid positiuē, sicut & habet corporalis aegritudo; ergo cum habitus & dispositio & aegritudo aliquid reale positium fit; ut pote ad primam qualitatis speciem spectans, peccatum originale aliquid reale positium erit. licet, ut modum intrinsecū, includat priuationem, sicut & eam includit peccatum actuale.

Secundò, peccatum originale est eiusdem speciei cum peccato actuali Adq̃, sed hoc fuit aliquid reale positium: ergo & peccatum originale. Consequentia patet: aliàs enim plusquam specie ab illo differet, nam sic differunt privatio, & ens positium. Minor etiam constat: nam peccatum actuale Adq̃ non fuit omissionis, sed commissionis, quod aliquid reale positium esse supra q. 71. art. 6. ostendimus. Maior
verò

verò probatur: peccatum originale nihil aliud est, quam peccatum habituale. Ad id in nos transfusum: sed illud erat eiusdem speciei cum actuali, alias transacto actu non mansisset idem peccatum secundum speciem, ergo, & originale eiusdem speciei est cum actuali. Confirmatur per peccatū originale est homo cōuersus ad creaturam tanquam ad vltimum finem: sed hoc fieri nequit per puram priuationem, talis enim conuersio aliquid reale positium est; ergo peccatum originale non est pura priuatio sed aliquid reale positium.

Tertio: priuatio iustitiæ originalis est pœna peccati originalis; ergo in ea non consistit peccatum originale formaliter. Antecedens docet D. Thom. infra q. 85. a. 5. & q. 87. ar. 7. & 1. 2. q. 164. ar. 1. Consequētia probatur: nam pœna est effectus peccati, & est à Deo, quod peccato conuenire nequit. Confirmatur: in baptizatis manet priuatio iustitiæ originalis, hæc enim illis non restituitur, cum vires inferiores in eis non sint subiectæ superioribus: at in illis non manet peccatum originale formaliter; ergo hoc non consistit in priuatione iustitiæ originalis.

Quarto: peccatum originale est determinatæ speciei, at si consisteret in priuatione iustitiæ originalis, non pertineret ad aliquam speciem peculiarem moris, nam iustitia originalis indifferenter inclinabat voluntatem humanam ad obediendum Deo in omni materia moris; ergo non consistit

fit in priuatione iustitiæ originalis. Confirmatur: In statu naturæ integre tenebatur homo seruare iustitiam originale, non taliquo peculiari præcepto, sed omnibus præceptis, quibus prohibebatur malum facere; ergo primum peccatum in Adamo, & consequenter originale, non consistit in priuatione iustitiæ originalis, sed in disconformitate ad legem, ob cuius transgressionem Adam priuatus est iustitia originali, nequit enim peccatum esse, quin sit contra legem.

Quintò, si peccatum originale consistit in priuatione, hæc non est alia quam priuatio gratiæ, ergo nõ iustitiæ originalis, nam hæc à gratia differt, quia perficiebat hominem in ordine ad finem naturalem; gratia verò in ordine ad finem supernaturalem. Antecedens probatur: Tum quia peccatū originale est mors animæ, vt constat ex Concil. Trid. Sess. 5. can. 1. mors autem animæ in priuatione gratiæ & charitatis consistit. Tum etiam, quia quod primo, & per se aufertur per Baptismum est priuatio gratiæ & charitatis, peccatum autem originale est quod primo aufertur per baptismum. Tum denique, nam in paruulis non baptizatis priuatio gratiæ & auersio à Deo sine supernaturali habet rationem peccati, & non alterius quam originalis; ergo &c.

Dicendum tamen est i. Peccatum originale formaliter non esse aliquid reale positium. Probatur i. nam vt ait D. Thom.

q. 5. de Mlo art. 2. *In peccato originali non est conuersio, sed sola auersio vel aliquid auersioni respondens, scilicet destitutio anime à iustitia originali, & ideo peccato originali non debetur pœna sensus, sed solum pœna damni, scilicet carentia visionis diuine.* At si aliquid reale positium esset, in eo non esset sola auersio, sed etiam conuersio, & sic ei deberetur pœna sensus; ergo &c.

Secundo, quia vt ait idē S. D. de Mlo q. 4. art. 2. *Peccatum originale in isto homine vel in illo nihil est aliud quam id quod ad ipsum peruenit per originem ex peccato primi parentis. Cumq. nihil aliud perueniat quam concupiscentia, & priuatio iustitię originalis, Sequitur quod peccatum originale in hoc homine, vel in illo nihil est aliud quam concupiscentia cum carentia originalis iustitię.* At si formaliter esset aliquid positium, aliquid aliud esset, nam concupiscentia non pertinet ad formale peccati originalis, sed eius quasi materiale, vnde ibidem subdit D. Thom. *Ita tamen quod carentia originalis iustitię est quasi formale in peccato originali, concupiscentia autem est quasi materiale.*

Tertio, nam vt inquit D. Thom. infra q. 86. art. 2. ad 1. *Post actum peccati nihil positue remanet in anima nisi dispositio vel habitus.* Licet enim remaneat macula, tamen vt ibidem art. 1. ad 3. ait S. Doctor: *Macula non est aliquid positue in anima; ergo præter concupiscentiam, quæ hic art. 1. habitus & dispositio appellatur nihil positue remanet in Ada post actum peccati.* At peccatum

catum originale nihil aliud est, quam id, quod transacto actu peccati, remansit in Adam, & ex illo in nos per originem traducitur, ergo cum solum materialiter sit concupiscentia, formaliter non erit aliquid reale positivum.

Quarto, si peccatū originale esset aliquid reale positivum, eius entitatis Deus esset causa efficiens, sicut est entitatis peccati actualis, sed nihil est in peccato originali, cuius Deus sit causa efficiens; ergo non est aliquid reale positivum. Minor probatur: nam si esset, illius Deus solus esset causa principalis, nam in spiritum solus Deus potest agere, & aliquid producere ut causa principalis: at si hoc modo produceret entitatem peccati originalis in anima, ipse peccati causa esset, sicut si solus ipse produceret entitatem peccati actualis, causam peccati esse sequeretur. quod tamen contra fidem est; ergo &c. Confirmatur: non est aliqua causa productiva morbidæ qualitatis superadditæ essentiae & potentijs animæ; ergo nec entitatis, quæ sit peccatum originale, nam hæc etiam esset superaddita essentiae, & potentijs animæ.

Dicendum est 2. Peccatum originale formaliter esse privationem iustitiæ originalis. Probatur: ex D. Thom. hic, ubi sic habet: *Privatio originalis iustitiæ, per quam voluntas subdebatur Deo, est formale in peccato originali.*

Secundo probatur ex D. Anselmo lib. de

ARTICULVS III. 451

conceptu virginali cap. 2. & 2. & 26 vbi ait:
Hoc peccatum, quod originale dico, aliud in-
telligere nequeo in ipsis infantibus, nisi ipsam,
quam supra posui furtam per inobedientiam
Adæ iustitiæ debita nuditatem, per quam om-
nes filij sunt iræ.

Tertio probatur: Peccatum originale
formaliter nihil aliud est, quam peccatum
habituale, seu macula, quæ post actum
peccati mansit in Adæ, & in nos per ge-
nerationem seu originem traditur, sed
illud peccatum habituale, seu macula nihil
aliud erat quam priuatio iustitiæ origina-
lis; ergo & peccatum originale. Minor
probatur: macula, vt docet D. Thom. in-
fra quæst. 86, ar. 1. ad 1. *Significat priuationem*
quandam nitoris anime in ordine ad suam
causam quæ est peccatum. Sed nitor animæ,
cuius priuatio est macula peccati origina-
lis nostri, & habitualis Adæ, non est aliud
quam qui erat, aut esset à iustitia originali,
quam Adæ sibi, & nobis amisit; ergo
peccatum originale, formaliter est priuatio
iustitiæ originalis. Probatur minor: nam
est priuatio nitoris, quo erat, vel esset na-
tura integra, hic autem à sola iustitia ori-
ginali erat, nam gratia, vt gratia non effi-
cit naturam integram, cum sit modo in-
iustis, in quibus non est integra natura.
Vnde licet macula peccatorum nostrorum
propriorum primo, & per se consistat in
priuatione gratiæ, nam vt ait D. Thom.
in 4. dist. 18. quæst. 1. ar. 2. quæst. 1. *Ipsa*
macula quantum in se est, non ponit de essen-
tia

452 **QVÆSTIO LXXXII.**

tia sua nisi priuationem gratiæ. Macula tamen peccati originalis primo, & per se est priuatio iustitiæ originalis, quæ naturam integræ efficiebat, gratiæ vero solum ex consequenti, quia iustitia originalis, vel erat idem habitus realiter cum gratia, vel si realiter ab ea distinguebatur, non poterat ab illa separari, vt diximus 1. par. qu. 100. ar. 1.

Ad 1. vero respondetur: ibi verbum illud *inest* non sumi propriè pro inhærentia realis accidentis, sed communiter, vt se extendit etiam ad esse priuationum in subiecto, qua ratione dicimus, inesse cæco cæcitatem. Ad confirmationem dico: D. Thom. ibi loquutum fuisse de peccato originali materialiter, eodem enim modo ibi ait esse habitum, quo hic dicit esse concupiscentiam. Cum vero ait habere aliquid de priuatione, & aliquid positivè, de illo loquitur adæquatè sumpto, vt constat ex materiali, & formali, qua ratione de illo ait quæst. 4. de Malo ar. 2. *Nihil est aliud, quam concupiscentia cum carentia originalis iustitiæ.*

Ad 2. respondetur: peccatum originale, & peccatum actuale Adæ, & vniuersaliter peccatum habituale, & actuale ex quo relinquitur, esse eiusdem speciei eodem modo quo supra q. 72. ar. 6. diximus peccatum omissionis, & commissionis esse eiusdem speciei, quia scilicet ad speciem ad quam pertinet commissio, reductivè spectat omissio, nam priuatio, & negatio
non

non habet speciem per se, sed reducitur ad speciem entis positiui, ad quod sequitur. Ad confirmationem respondetur: in peccato originali adæquatè sumpto claudi conuerſionem habitualement ad creaturam tanquam ad vltimum finem; hanc tamen conuerſionem nihil aliud eſſe quam materiale peccati originalis, nempe concupiſcentiam: non quidem abſolutè, & ſecundum ſe, ſed vt ſubest priuationi iuſtitie originalis, quæ eſt formale originalis peccati: ſicut in actu peccati tendentia ad obiectum non eſt conuerſio ad creaturam tanquam ad vltimum finem, ſi abſolutè & ſecundum ſe conſideretur, ſed vt ſtat ſub auerſione. Et ſicut tendentia ad obiectum, quæ eſt materiale peccati actualis, poteſt eſſe abſque culpa, vt patet in motibus primo primis, & in actibus factis cum ignorantia inuincibili: ita concupiſcentia, quæ eſt materiale peccati originalis poteſt eſſe abſque culpa, vt patet in baptizatis iuſtis. Si verò de peccato originali ſolum formaliter accepto loquamur, aſſerendum eſt, in illo ſolum dari conuerſionem interpretatiuam ad creaturam tanquam ad vltimum finem, quæ licet concipiatur ad modum alicuius positiui, tamen formaliter nihil eſt præter priuationem, & auerſionem. Et hæc auerſio vocatur conuerſio interpretatiua, quia eſt ſufficiens fundamentum, vt poſſimus interpretari voluntatem pueri, dicendo magis eſſe affectam ad creaturam, quam ad Deum; & hoc ſufficit vt par-

paruulus in originali peccato existens dicatur habere creaturam pro ultimo fine.

Ad 3. Respondetur: priuationem iustitiæ originalis dupliciter posse sumi, nempe physice, & moraliter. Priuatio physica nihil aliud est, quam carentia iustitiæ originalis in subiecto apto nato; priuatio verò moralis vltterius dicit in subiecto obligationem, vel debitum habendi talem iustitiam. Priuatio ergo physica pœna est peccati originalis; priuatio verò moralis est ipsum peccatum originale. Priuationis physice Deus causa est; non tamen moralis: quia Deus non tenetur iustitiam in homine conseruare, sed eam potest illi auferre in pœnam peccati, & etiam absque præcedente peccato. Priuatio denique physica, quæ est pœna originalis peccati, priuationem moralem, quæ est ipsum peccatum originale præsupponit; prius enim est saltem nostro modo intelligendi, priuationem illam esse voluntariam voluntate primi parentis, quam infligi vt pœnam, & prius intelligitur esse ab homine, qui debet iustitiam habere, quam a Deo, qui non tenetur talem iustitiam in homine conseruare, eamque in pœnam auferit, & iuste eam illi auferit. Ad confirmationem respondetur negando maiorem, si sermo sit de priuatione iustitiæ originalis quantum ad formale, in qua consistit ratio culpe, & peccati originalis: nam vt ait D. Thom. in 2. dist. 32. quæstione 1. artic. 1. ad 1. *In originali iustitia erat aliquid quasi formale,*
sci.

ARTICVLVS III. 435

scilicet ipsa rectitudo voluntatis, & secundum hoc sibi opponitur culpa deformitas. Erat in ea etiam aliquid quasi materialiter, scilicet ordo rectitudinis impressus in inferioribus viribus, & quantum ad hoc opponitur sibi concupiscentiâ, & fomes. Quamuis ergo non restituatur originalis iustitia quantum ad id quod materiale in ipsa erat; restituitur tamen quantum ad rectitudinem voluntatis, ex cuius priuatione ratio culpæ inerat. Vel respondetur 2.

In Baptizatis manere priuationem physicam iustitiæ originalis: quam multi existimant esse habitum realiter distinctum à gratia; non tamen priuationem moralem, in qua diximus consistere peccatum originale.

Ad 4. respondetur negando minorem; licet enim priuatio iustitiæ originalis, si consideremus illam præcisè, non pertineat ad aliquam peculiarem speciem moris; si tamen consideremus illam in ordine ad suam causam, scilicet peccatum Adæ, ex quo causatur, sic reductiue pertinet ad speciem, ad quam spectat peccatum actuale Adæ, sicut & quodcumque peccatum habituale reducitur ad speciem, ad quam pertinet peccatum actuale ex quo causatur, furti videlicet, aut mechæ, aut gulæ, &c. Ad confirmationem nego consequentiam: nam et iam modo non tenemur conseruare gratiam aliquo peculiari præcepto; & tamen peccatum habituale seu macula peccati consistit in priuatione gratiæ, non quidem absolute,

&

& solum, sed inordine ad suam causam, quæ est peccatum actuale, ratione cuius ordinis disconformitatem priuativam ad legem, seu carentiam conformitatis ad legem habet talis priuatio, sicque saluatur aliquo modo contra legem esse.

Ad 5. Respondetur negando antecedens.

Ad 1. probationem dico peccatum originale esse quidem mortem animæ, & priuationem vitæ gratiæ; non tamen primo, & per se, sed consequenter. Ad 2. probationem dico; rationem ob quam primo auferitur priuatio gratiæ esse, quia per Baptismum producit gratia quæ est radix rectitudinis contrariæ obliquitati peccati originalis, non quia peccatum originale primo, & per se consistat in priuatione gratiæ. Ad 3. probationem dico: auersionem à Deo sine supernaturali, & priuationem gratiæ pertinere ad peccatum originale, non primo, & per se, sed consequenter.

Circa articulum quartum nihil se offert dicendum.



457

QVÆSTIO LXXXII.

De subiecto originalis peccati.

ARTICVLVS I.

Vtrum originale peccatum sit magis in carne, quam in anima.

Conclusio est negans.

ARTICVLVS II.

Vtrum peccatum originale sit prius in essentia anime, quam in potentijs.

Conclusio est affirmans.

Dubium. An hæc conclusio vera sit.

PArtem negantem tenent Scotus in 2. dist. 32. quæst. 1. Durandus dist. 32. quæst. 3. & nonnulli recentiores.

Probant 1. ex D. Anselmo lib. de Concep. virgin. cap. 3. ubi sic habet: *Iustitia non potest esse nisi in voluntate, &c. quare*

458 **QVAESTIO LXXXIII.**

nec iniustitia. Et loquitur de iniustitia, quæ est peccatum originale; sentit ergo hoc non esse immediatè in essentia animæ, sed in voluntate.

Secundo, iustitia originalis primo, & immediatè est in voluntate; & non in essentia animæ; ergo & peccatum originale, quod est priuatio iustitiæ originalis. Antecedens probatur: in essentia animæ, ut est prior natura voluntate non potest iustitia originalis habere aliquem effectum formalem; nam esse supernaturale tribuit illi gratia, & esse naturale habet anima ante iustitiam originalem; ergo nec in illa esse primo, & immediatè.

Tertio, primum peccatum Adæ habituale non fuit immediatè in essentia animæ sed in voluntate; ergo nec originale in nobis, est enim eiusdem rationis cum illo.

Quarto, omne peccatum includit deformitatem ad legem: sed hæc etiam si habitualis sit, non potest conuenire essentia animæ nisi media voluntate & potentijs: sine his enim anima non potest seruare, nec transgredi legem, nec illi conformem aut difformem esse; ergo nec peccatum originale.

Quinto, nulli peccato cōuenit esse voluntarium ratione essentia; sed ratione voluntatis; ergo cum de ratione omnis peccati sit esse voluntarium, omne peccatum est in essentia animæ ratione voluntatis, & nullum est immediatè in animæ essentia, sed media voluntate.

Dicen.

Dicendum tamen est: Veram esse conclusionem D. Thom. Cuius rationem ut percipias aduerte : animæ essentiam ut distinctam contra potentias esse capacem culpæ ; cum enim , ut hic 9. *Ad primum* ait Caiet. anima secundum essentiam sit rationalis , & primum principium ac subiectum actuum moralium malorum , oportet esse subiectum capax culpæ saltem mediante potentia , ita ut potentia sit subiectum quo , & anima subiectum quod . Vnde D. Anselmus lib. de Concep. virg. cap. 3. inquit : *Nihil dicitur iustum vel iniustum nisi voluntas aut propter voluntatem iustam vel iniustam ; Per hanc dicimus iustum vel iniustum hominem vel Angelum, iustam vel iniustam animam .* Cum ergo anima sit capax culpæ , ratio ob quam culpa actualis conuenit animæ medijs potentijs est , quia non est per se ipsam immediate operativa ; si autem anima absque media potentia esset principium culpæ actualis , immediate esset capax culpæ actualis . Vnde si aliqua culpa sit quam non medijs potentijs habet anima , subiectum illius immediate esse potest , Hoc supposito , ratio Diu. Thom. est . Peccatum originale causatur per originem , ad nosque ex Adam per generationem traducitur , & non conuenit animæ per actum proprium virium eius ; ergo illud animæ quod primo attingitur ab origine hominis est primum & immediatum subiectum originalis peccati : sed origo primo attingit animam , ut termini-

460 **QVÆSTIO LXXXIII.**

num generationis : licet enim non attingat illam secundum eius entitatem & esse secundum se, quæ ratione est terminus creationis, illam tamen attingit quo ad vnionem, seu quatenus vnitur corpori eique dat esse vt forma eius actu informans, quæ ratione est terminus formalis generationis, ergo cum vniri corpori vt formam conueniat ei secundum essentiam propriam, & non secundum eius potentias, secundum suam essentiam erit anima primum & immediatum subiectum peccati originalis. Vide D. Thom. in 2. dist. 31. quæst. 2. art. 1. Confirmatur, paruulus qui concipitur prius natura intelligitur habere animam quam potentias : sed in illo priori iam est infectus peccato originali, cum iam sit actu filius Adæ, vnde etiam si per miraculum Dei fieret, vt ab essentia animæ non resultarent potentie, paruulus non propterea à peccato originali esset immunis, sed eo ipso ac per actuaalem generationem fieret membrum Adæ, peccato originali infectetur : ergo prius natura est peccatum originale in essentia animæ, quam in eius potentijs.

Ad 1. vero respondetur cum D. Thom. quæst. 5. de Malo art. 4. ad 1. *Quod iustitia originalis non sic erat in voluntate, quin prius esset in essentia animæ. Erat enim donum collatum nature. Vnde cum Diu. Anselmus ait, iustitiam non posse esse nisi in voluntate, intelligendus est, non posse esse nisi sit in voluntate, aut primo & per se, aut ex cō-*
se-

sequenti, nam nequit esse nisi in natura rationali habente voluntatem, ait namque ibidem. *At si iustitia & rectitudo voluntatis propter se seruata, nec ista rectitudo potest esse nisi in rationali natura; ergo non est vlla natura susceptibilis iustitiæ præter rationalem.* Idem est de iniustitia.

Ad 1. responderetur negando antecedens cum Dia. Thom. hic ad 2. ubi sic habet: *Originalis iustitia pertinebat primordialiter ad essentiam animæ: erat enim donum diuinitus datum humane nature, quam per prius respiciet essentia animæ quam potentia.* Ad probationem nego antecedens: nam etiam si sit habitus realiter distinctus à gratia, potest habere in animæ aliquem effectum formalem, nempe rectitudinem moralem in ordine ad finem naturalem, quam anima non habet secundum se, sed solum esse naturale substantiale.

Ad 3. Caietanus hic art; 1. eiusdem rationis esse docet peccatum originale quod est in nobis cum peccato habituali Ade, nam vtrumque formaliter consistit in priuatione iustitiæ originalis, & subdit: *Vnde minus rectè loqui videtur, qui peccatum originale ab Adam negat, eo quod in eo non fuerit per originem, Modus enim qua fit peccatum originale non est de essentia, sicut nec ipsum fieri: quia non consistit in fieri sicut habitus.* Alii diuersæ rationis esse dicunt: quia priuatio iustitiæ originalis habet rationem culpæ originalis, quatenus connotat voluntarium non voluntate propria, sed alterius; pri-

uatio autem iustitiæ originalis in primo parente connotabat voluntarium voluntate propria. Sed quicquid fit de hoc, respondetur negando consequentiam: quia peccatū Adæ eius animæ conueniebat per actum proprium viriæ eius; peccatum verò originale quod est in nobis, non sic conuenit animæ nostræ, sed per generationem, per quam traducitur, quæ primo attingit animam quo ad vnionem. Respondet etiam D. Thom. quæst. 4. de Malo art. 4. ad 5. *Quod in Adam persona corripit naturam, & ideo in eo primo fuit corruptio in potentijs animæ quam in essentia. Sed in homine, qui nascitur ex Adam, natura corripit personam, & ideo in isto per prius corruptio pertinet ad essentiam quam ad potentias.* Aduerte tamen, cum dicitur peccatum habituale Adæ, non fuisse immediatè in essentia animæ, non sic intelligendum est, vt essentia animæ solum fuerit subiectum mediatum illius sicut actus peccati: nam sicut iustitiæ originalis immediatum subiectum erat anima, ita & priuationis illius, in qua peccatum habituale, seu macula peccati Adæ consistebat, sed quia primo fuit in potentijs priuatio nitoris & rectitudinis prouenientis à virtutibus fluentibus à iustitia originali, quam in anima priuatio nitoris & rectitudinis prouenientis ab ipsa iustitia originali, quæ aut est ipse habitus gratiæ, aut si ab eo realiter distinguitur, eodem modo se habet quantum ad hoc: ab illa enim fluunt virtutes rectifi-

can-

cantes potentias in ordine ad finem naturalem, sicut à gratia virtutes infusæ rectificantur potentias in ordine ad finem supernaturalem.

Ad 4. respondetur: priuationem conformitatis ad legem, quæ habitualiter manet post actum peccati, includi in priuatione nitoris prouenientis à lumine gratiæ in essentia animæ, & virtutū in potentijs, in cuius vtriusq; nitoris priuatione macula seu peccatū habituale consistit; cum tamen in peccato habituali personali priuatio conformitatis ad legem sequatur ex transgressione legis, quæ fit per actum potentiæ peccantis, prius intelligitur esse in potentia quam in essentia animæ; in peccato verò originali cum talis priuatio conformitatis ad legem non sequatur ex transgressione facta per actum voluntatis propriæ, sed primi parentis, & vt ait Div. Thom. hic ad 1. *Motio voluntatis primi generantis per viam generationis perueniat primo ad essentiam anime*; ideo prius intelligitur talis priuatio esse in essentia animæ, quamuis hæc immediate non possit legem transgredi, cum non sit immediate operatiua.

Ad 5. respondetur: peccatum originale, cum non sit voluntarium voluntate propria sed voluntate Adæ, posse esse in essentia animæ, & non media voluntate propria, aut ratione illius.

Circa articulum 3. & 4. nihil se offert scribendum. Nec circa q. 84. & 85.

QVÆSTIO LXXXVI.

De macula peccati.

ARTICVLVS I.

*Vtrum peccatum causet aliquam
maculam in anima.*

Conclusio est affirmans.

ARTICVLVS II.

*Vtrum macula maneat in anima
post actum peccati.*

Conclusio est affirmans.

Dubium. Quid sit macula peccati.

Variæ sunt de hac re Doctorum sententiae. Prima est Durandi in 2. d. 42. q. 1. num. 5. Maculam non esse culpam, aut peccatum, sed peccati pœnam. Probat; Macula, si quæ ex peccato contrahitur, non est aliud, quam priuatio gratiæ: sed hæc pœna est, non culpa, ergo &c.

Secunda est Scoti in 4. dist. 14. quæst. 1. Maculam esse relationem quandam rationis

nis in anima obiecta diuino intellectu, & voluntati, vt ordinata ad pœnam correspondentem peccato: ab hacque relatione ordinationis ad pœnam hominem denominari peccatorem. Probat 1. Quia D. August. in illud Psalm. 31. *Beati quorum remise sunt etc.* inquit: Deum videre peccata esse ad pœnam imputare, auertere autem faciem à peccatis esse ea ad pœnam non reservare, peccataque dici tecta, non quia Deus non videat, sed quia non vult animaduvertere, id est punire; ergo macula secundum quam dicitur peccatum manere, & à qua homo peccator dicitur post actum peccati, nihil est aliud, quam relatio rationis in anima ordinata à Deo ad pœnam condignam illi peccato.

Secundo, Si quis offendit magnam Principem cui correspondeat pœna magna, cessante illo actu nihil est in ipso, quo dicatur inimicus, nisi relatio rationis vt in obiecto ordinato ad pœnam per actum principis offensi; ergo similiter in peccatore transacto actu peccati; quo Deum offendit, nihil est aliud, quam relatio ordinationis ad pœnam, quæ non realis sed rationis relatio est, quo peccator dicatur, in hacque proinde relatione macula peccati consistit, non quidem vt talis relatio est obligatio formaliter ad pœnam, nam vt sic dicitur reatus, sed vt est disconueniens ipsi animæ.

Nominales cum Scoto conueniunt, & solum ab illo discrepant, quod nolunt talem

ordinationem ad pœnam relationem rationis esse, sed solum extrinsecam denominationem sumptam ab actiua Dei ordinatione.

Tertia sententia est: maculam non esse priuationem gratiæ, nec relationem rationis ad pœnam, sed relationem rationis ad actum peccati præteritum non retractatū. Probant 1. Priuatio gratiæ est æqualis in omnibus qui sunt in peccato mortali, cum sit priuatio in facto esse sed macula peccati non est in omnibus æqualis; ergo non est priuatio gratiæ.

Secundo, priuatio gratiæ est immediate in essentia animæ sicut & ipsa gratia: sed macula relicta ex peccato actuali non est immediate in essentia animæ sed in voluntate, sicut & ipsum peccatum actuale; ergo macula non est priuatio gratiæ.

Tertio; gratia non est debita, neque est præceptum habendi gratiam; ergo cum macula, utpote quæ est culpa habitualis, sit carentia debiti, non est priuatio gratiæ.

Quarto, si quis in puris naturalibus constitutus peccaret, contraheret maculam: at tunc non esset, priuatio gratiæ; ergo macula non consistit in priuatione gratiæ.

Dicendum tamen est 1. Maculam non solum pœnam, sed verè culpam & peccatum habituale esse, à quo homo peccator dicitur. Probatur 1. ex Scriptura vbi peccata habitualia, quæ post actum peccati
ma-

ARTICVLVS II. 467

manent in hominibus, appellantur sordes Tren. 1. v. 9. & Apoc. 22. v. 11. Inquinamenta Ezech. 36. v. 25. & maculę Iosue 22. vers. 17. Psalm. 13. v. 2. Ecclesiast. 47. vers. 22. ad Ephes. 5. v. 27. & Apoc. 14. v. 5. Purgari etiam huiusmodi peccata dicuntur, cum remittuntur Eccles. 47. v. 13 & ad Hebręos 1. v. 3. Lauari & mundari ab eis quoque homines dicuntur, cum iustificantur Psalm. 50. vers. 4. & Ezech. 36. vers. 25.

Secundo probatur: Post actum peccati antequā sit remissum peccatum homo verē & propriē est & dicitur peccator, vnde Lucę 7. v. 37. dicitur: *Mulier quę erat in ciuitate peccatrix* & ad Rom. 5. v. 8. *Cum adhuc peccatores essemus*. ergo id quo talis dicitur, verē & propriē culpa & peccatum est. At non est aliud quam macula; ergo &c. Minor probatur: si aliquid aliud esset, quo homo peccator constitueretur, id reatus esset, vt vult Durandus: non autem esse patet, nam vt ostendimus q. 86. a. 1. reatus non est formaliter culpa, sed eam & hominem per eam peccatorem constitutum supponit, sicut & meritum non est ipsa bonitas, sed eam & hominem bonum & iustum pręsupponit, immo remissa culpa potest reatus manere saltem poenę temporalis. Si dicas maculam etiam supponere peccatum, vnde D. Thom. hic maculam docet esse effectum peccati. Respondetur: maculam effectum esse peccati actualis, hocque pręsupponere, esse tamen

V vj ipsum

468 QVÆSTIO LXXXVI.

ipsum peccatum habituale, quo homo post actum peccati, qui peccantem illum denominabat, peccator constituitur. Reatus verò utrumque peccatum actuale scilicet, & habituale præsupponit, unde D. Thom. in 2. dist. 42. in expositione primæ partis textus ait: *Macula est medium inter actum peccati, & reatum, quasi effectus actus & fundamentum reatus.*

Dicendum est 2. Maculam peccati non esse ordinationem ad pœnam peccato debitam. Probatur. Ordinatio huiusmodi dupliciter sumi potest: nempe activè pro actu divini intellectus aut voluntatis ordinantis: & passivè prout denominat hominem ordinatum ad pœnam, siue sit solum extrinseca denominatio, ut volunt Nominales, siue sit relatio rationis, ut vult Scotus: sed neutro modo accepta est macula peccati; ergo &c. Minor probatur: Tum quia macula peccati à Deo non est, unusquisque enim se ipsum peccando maculat, & Deus nulli est auctor immunditiæ: sed ordinatio ad pœnam quomodocumque sumatur à Deo est, quia ad pœnam ordinari aliquem ob culpam est secundum ordinem divinæ iustitiæ & sapientiæ. Ergo macula non est ordinatio ad pœnam. Tum etiam, quia si Deus nullam statuisset inferre pœnam peccato, adhuc esset homo post actum peccati peccator, & in statu peccati, & maculatus; ergo macula propriè non est ordinatio ad pœnam. Tum deinde, quia damnati in inferno maculas

con-

contrahunt ex peccatis ibi commissis : sed ratione eorum non ordinantur ad poenam ; ergo macula non est ordinatio ad poenam. Tum denique remissa culpa, & ablata macula, adhuc remanere potest ordinatio ad poenam, quia in iustificatione non semper poena omnino remittitur, sed mutatur æterna in temporalem ; ergo macula non est ordinatio ad poenam, alias enim sicut manet ordinatio ad poenam temporalem, partim etiam maneret macula.

Hanc & præcedentem conclusionem, adeo certas aliqui existimant, vt sententias Scoti & Durandi non posse amplius deffendi dicant. Hinc V. enim & Greg. XIII. in Bulla contra Michaëlem Baium has duas eius propositiones damnarunt : nempe 56. *In peccato duo sunt, actus, & reatus, transiente autem actu nihil remanet nisi reatus, siue obligatio ad poenam.* Et 57. *Vnde in sacramento Baptismi, aut Sacerdotis absolutione propriè reatus peccati dumtaxat tollitur, & ministeriū sacerdotum solum liberat à reatu.* Alij prædictas sententias his non obstantibus excusant, nam non asserunt transacto actu peccati nihil remanere nisi reatum, nec per sacramenta Baptismi, & Poenitentię solū tolli reatum.

Dicendum est 3. Maculam non esse aliquid positivum, sed formaliter consistere in privatione nitoris animæ in ordine ad suam causam, quæ est peccatum. Probatur 1. ex D. Th. hic ar. 1. ad 3. ubi sic habet : *Macula non est aliquid positivum in anima : nec*
signi.

470 **QVESTIO LXXXVI.**

significat priuationem solam, sed significat priuationem quandam nitoris anime in ordine ad suam causam, qua est peccatum. Cuius autem nitoris priuatio sit macula, colligitur ex corpore ar. nam ait: Habet autem anima hominis duplicem nitorem, unum quidem ex resulgentia luminis naturalis rationis, per quam dirigitur in suis actibus: alium vero ex resulgentia diuini luminis scilicet sapientie, & gratie, per quam etiam homo perficitur ad bene, & decenter agendum. Et vtriusque nitoris docet priuationem esse maculam ibi, & ar. 2. Nō caret autem difficultate, quid sit iste duplex nitor, & quomodo vtriusque nitoris sit priuatio macula ipsa peccati. Ego verò sic explico: Nitor ex resulgentia diuini luminis, scilicet sapientie, & gratie nihil est quam esse hominem Deo gratum seu lumine gratie, & sapientie lucidum, quod est effectus formalis luminis diuinæ gratie; & sapientie: & cum effectus formalis sit ipsa forma vti subiecto recepta, idem est priuari nitore ex resulgentia gratie, ac priuari gratia. Priuationem autem gratie essentialiter maculam esse probatur. Tum ex Diu. Thom. in 4. distin. 18. q. 1. ar. 2. vbi sic dicit: Ipsa macula quantum in se est nihil ponit de essentia sua nisi priuationem gratie, sed ponit ut causam obstaculi peccati, quod obstat ad gratie receptionem, & propter hoc etiam macula tenebra dicitur. Tum etiam macula peccati originalis consistit formaliter in priuatione iustitie originalis; ergo & macula peccati mortalis actualis in priuatione

ARTICVLVS II. 471

tione gratiæ; hæc enim priuatio, non minus quam illa est malum morale, & peccatum habituale constituens peccatorem, culpæque rationem habet, cum sit priuatio rectitudinis habitualis voluntaria voluntate propria eius qui illam habet. Tum denique quod primo, & per se excluditur per iustificationem est macula peccati seu peccatum habituale, cum iustificatio impij sit remissio peccatorum, vt ostendit D. Thom. infra q. 113. ar. 1. sed quod primo & per se excluditur est priuatio gratiæ, cū huius infusio in iustificatione sit terminus ad quem; & vt ibidem ar. 2. dicit D. Th. non posset intelligi remissio culpæ, si non adesset infusio gratiæ; ergo &c.

Nitor ex refulgentia luminis naturalis rationis nihil aliud est quam conformitas ad rationem, & priuatio huius conformitatis macula est. Dicitur enim macula in rebus spiritualibus ad similitudinem maculæ in rebus corporalibus, vt hic artic. 1. ait D. Thom. Sicut autem corpus perdit suum nitorem, & maculatur ex contactu alterius corporis: ita anima eo quod inheret aliquibus rebus per amorem maculatur, quasi quodam earum contactu: Cum autem peccat adheret rebus aliquibus contra lumen rationis, & diuinæ legis, vt ex supra dictis patet. Unde ipsum detrimentum nitoris ex tali contactu proueniens, macula animæ metaphorice vocatur. At ex adhesionem huiusmodi contra lumen rationis, & diuinæ legis, quod prouenit, est priuatio conformitatis
ad

ad rationem & legem Dei, ex quibus bonitas voluntatis dependet, ut dicitur supra qu. 19. ar. 3. & 4. ergo in privatione conformitatis ad rationem, & diuinam legem macula consistit.

Denique maculam privationem esse vtriusque nitoris animę in ordine ad suam causam, quę est peccatum, probatur: Macula est privatio quędam moralis, & voluntaria, alias enim non haberet rationem culpe; ergo dicit ordinem ad actum voluntatis, a quo fuit causata, & per modum termini ex illo resultantis relicta, sine ordine namque ad talem actum nihil potest rationem moralis, & voluntarij habere. Confirmatur: macula est privatio conformitatis ad legem, quam peccator transgressus est; ergo cum talem legem fuerit transgressus per actum peccati, in ordine ad hunc erit macula privatio nitoris animę, alias enim non posset diversitas macularum, & peccatorum habitualium assignari.

Ad argumentum primę sententię patet ex dictis supra quęst. 82. ar. 3. dubio unico ad 3. privationem physicam gratię pœnam esse; moralem verò, culpam, & peccatum habituale, hancque maculam esse.

Ad argumenta secundę sententię respondetur. Ad 1. cum Caietano hic negando consequentiam; licet enim ex parte Dei, videre sit ad pœnam imputare, & tegere non imputare, non sequitur, Ergo iste est

pec.

ARTICVLVS II. 473

peccator ex imputatione: ille namque est peccator, non ex eo quod se tenet ex parte Dei, sed ex eo quod se tenet ex parte sui: iuxta illud Osee: Perditio tua Israel ex te, salus autem ex me.

Ad 2. respondetur: cum Caietano hic negando antecedens: *Quia in hoc offendente remanet relatio inimicitia, & dignitatis poena absque omni alia offensa.* Vnde etiam in peccatore post actum peccati primo relinquitur macula, quæ peccatorem, & inimicum Dei constituit, ex macula tanquam ex radice, & fundamento sequitur, hominem esse dignum poena, quod est reatus, & tandem à diuina iustitia homo ordinatur ad poenam, quia poena dignus est. Scotus autem hæc omnia scilicet maculam, reatum, & ordinari ad poenam à Deo, confundit.

Ad argumenta 3. sententiæ respondetur. Ad 1. cum D. Thom. hic ar. 1. ad 3. Maculam non significare priuationem gratiæ solam, sed in ordine ad suam causam. quæ est peccatum: *Et ideo diuersa peccata diuersas maculas inducunt, & est simile de umbra, quæ est priuatio luminis ex obiecto alicuius corporis: & secundum diuersitatem corporum obiectorum diuersificantur umbra.* Si solam gratiæ priuationem diceret macula, nec in eodem homine possent esse plures maculæ, nec vna posset esse maior altera: nam cum gratia sit vnica tantum forma, non potest eius priuatio esse multiplex. Et cum quælibet peccati mortalis macula totius gra-

474 **QVÆSTIO XLXXVI.**

gratiz sit priuatio, totaliterque illam auferat, & non ita vt pars eius remaneat, & pars corrumpatur, non potest vna esse maior altera. Vndè vt plures, & inæquales maculæ sint, oportet vt non solum priuationem gratiz dicant, sed in ordine ad suam causam, quæ est peccatum; vt enim ait D. Thom. in 4. dist. 18. quæst. 1. art. 2. *quæstionem 1. ad 1. Quamuis quantum ad ipsam priuationem gratia non differant macula peccatorum, differunt tamen quantum ad causam ex qua macula consequitur, & secundum hoc etiam quodlibet peccatum vnā maculam addit in quantum nouum obilaculum gratia ponit.*

Ad secundum respondetur, negando minorem; macula enim, & in potentijs, & in ipsa essentia animæ immediate existit tanquam in subiecto: nam nitor habitualis cuius est priuatio macula, ab habitu virtutum infusarum, quæ sunt in potentijs, & ab habitu gratiæ, qui est immediate in essentia animæ prouenit, vt constat ex D. Thom. hic artic. 1. & infra quæst. 89. ar. 1. Non est autem inconueniens, peccatum actuale, quod immediate est in voluntate, causare maculam, prius quidem in voluntate; postea vero in essentia animæ, in qua sit immediate, licet non primo fuerit causata ex actu peccati. Et quamuis prius causetur priuatio nitoris in voluntate quā in essentia animæ, presertim tamen consistit macula in priuatione nitoris gratiæ, quia hæc est virtutum principium, & ab

ca

ea præsertim nitor, & splendor est hominis.

Ad tertium respondetur: quamuis non sit speciale præceptum conseruandi gratiam: ad hoc tamen teneri præceptis omnibus, quibus tenemur non peccare mortaliter, vel ob quorū transgressionem amittitur gratia, & hoc sufficit vt macula peccati consistat in priuatione moralis gratiæ, & voluntaria voluntate illa qua quis peccauit.

Ad quartum respondetur: maculam, quam contraheret homo constitutus in puris naturalibus, si peccaret mortaliter, licet actu & de facto non esset priuatio gratiæ sed solum rectitudinis moralis naturalis, & conformitatis ad legem, nec auersio à Deo sine supernaturali, tamen quantum est ex se priuationem esse gratiæ, quia illam excluderet, si in subiecto inueniret, & auersionem à Deo sine supernaturali, quia ab eo auerteret, si ad illum ordinatum hominem inuenisset. Et hoc sufficit, vt maculæ furti tunc, & modo commissi sint eiusdem speciei: sicut macula primi, & secundi peccati furti modo eiusdem speciei sunt, licet macula secundi peccati actus, & de facto non priuet gratia, quia iam non inuenit in subiecto.



QVÆSTIO LXXXVII.

De reatu pœnæ.

ARTICVLVS I.

*Utrum reatus pœnæ sit effectus peccati.***Conclusio est affirmans.***Dubium. Quid sit reatus pœnæ.*

DVrandus in 2. dist. 32. qu. 1. num. 5. & dist. 42. qu. 3. num. 4. cum dicat peccatum remitti nihil aliud esse quam non imputari ad pœnam, & reatum non esse aliud quam debitum pœnæ, docere videtur, reatum effectum quidem esse peccati actualis, quo homo peccans constituitur; non tamen esse aliquid distinctum à peccato habituali, quo homo constituitur peccator, & propter quod in statu peccati esse dicitur. Idem docent alij recentiores. Probant 1. nam in Scriptura Sacra peccatum dicitur reatus, ut Exodi 32. v. 35. *Percussit Dominus populum pro reatu vituli.* Et auferri reatum, & dimitti, est tolli, & dimitti peccatum, ut Deuter. 21. vers. 8. *Auferetur ab eis reatus sanguinis.* Et
Mat.

ARTICVLVS I. 477

Matth. 6. v. 12. *Dimitte nobis debita nostra.*
 Ergo reatus idem est ac peccatum. Confirmatur: D. August. lib. 1. de Nup. & concup. ca. 26. sic habet. *Peccatorum quæ manere non possunt, quoniam cum fiunt prætereunt, reatus tamen manet, & nisi remittatur in æternum manebit.* Hoc est enim non habere peccatum reum non esse peccati. Sentit ergo reatum non esse aliquid distinctum à peccato habituali, quod manet.

Secundò, per culpam est homo pœna dignus; ergo cum esse pœna dignum idem sit ac esse reum pœnæ, reatus pœnæ nihil aliud erit quam culpa ipsa commissæ. Confirmatur: reatus pœnæ est hominis malum, cum sit ipsi disconueniens: at non est malum pœnæ: ergo malum culpæ. Quod & docere videtur Diu. Dionys. cap. 4 de Diuin. nom. citatus à Diu. Thom. hic ad 2. cum ait puniri non esse malum, sed fieri pœna dignum; non enim loquitur de malo pœnæ, cum puniri malum pœnæ esse constat, sed de malo culpæ.

Scotus in 4. dist. 14. qu. 1. ait reatum esse passiuam ordinationem ad pœnam, quæ relatio rationis est, à qua peccato dicitur ad pœnam ordinatus: non quidem ut talis relatio seu ordinatio est disconueniens animæ, nam sic dicitur macula, sed ut est obligatio ad pœnam formaliter. Nominales ab Scoto solum differunt, quia putant talem ordinationem, quæ reatus est, non esse relationem rationis, sed extrinsecam denominationem peccatori conue-

478 **QVÆSTIO LXXXVII.**

uenientem quatenus actum Dei ordinantis terminat.

Dicendum tamen est 1. Peccatum reatum poenæ inducere. Probatur 1. ex illo ad Rom. 2. v. 9. *Tribulatio & angustia in omnem animam hominis operantis malum.* Et Matth. 5. v. 23. *Omnis qui irascitur fratri suo reus erit iudicio. Qui autem dixerit fratri suo raca reus erit concilio. Qui autem dixerit fatue, reus erit gehennæ ignis.* Et ex alijs quæ in Scriptura sacra ad futura supplicia peccatorum spectant, vt illud Matth. 13. v. 30. *Ibi erit fletus, & stridor dentium.* Et Matth. 25. v. 41. *Discedite à me maledicti in ignem æternum.* Confirmatur ex Concilio Trident. Sess. 6. can. 30. vbi hoc supponitur: vnde secundum fidem certum est.

Secundò probatur ratione D. Tho. hic ar. 6. qua etiam vtitur Durandus in 2. dist. 42. q. 3. Naturali etenim lumine constat reintegrandam esse æqualitatem iustitiæ, cum quis eius ordinem transgreditur: sed qui peccat, ordinem diuinæ iustitiæ transgreditur; ergo cum reintegratio æqualitatis talis iustitiæ non fiat nisi per quandam recompensationem poenæ, quæ ad æqualitatem iustitiæ reducit, vt scilicet qui plus voluntati suæ indulsit quam debuit contra mandatum Dei agens, secundum ordinem diuinæ iustitiæ aliquid contra illud quod veller, spontaneus, vel inuitus patiatur, quod etiam in iniurijs hominibus factis obseruatur, vt per recompensationem poenæ reintegretur æqualitas iustitiæ; peccatum

tum debitum pœnz seu reatum inducit.

Confirmatur: reatus pœnz sic se habet in peccatis, vt dignitas præmij in bonis operibus: sed naturali lumine constat honestam operationem dignam esse præmio; ergo & peccatum supplicio.

Dicendum est 2. Reatum non esse pœnam ipsam, nec ordinationem ad pœnam. Probatur, tam pœna, quam ordinatio ad ipsam est iusta & a Deo; reatus verò quid malum est & non a Deo, nam vt cum D. Dionys. ait D. Thom. hic ad 2. *Puniri non est malum sed fieri pœna dignum*. Quod propterea a Deo non est, non enim Deus facit hominem reum aut pœna dignum; ergo reatus neque est pœna, neque ordinatio ad illam. Confirmatur: honesta operatio prius est digna præmio, quam ad præmium ordinetur, ideo enim ad præmium ordinatur: quia est præmio proportionata & eo digna; ergo etiam operatio mala prius quam ordinetur ad supplicium est digna pœna, sicque reatum inducit.

Dicendum est 3. Reatum non esse ipsam culpam & peccatum habituale; quo homo est peccator transacto actu peccati. Probatur: huiusmodi culpa consistit in priuatione gratiæ in ordine ad suam causam, scilicet peccatum actuale, vel in auersione à lege Dei; reatus verò in habitudine ad pœnam debitam; ergo non est culpa ipsa, sed aliquid ad eam tanquam ad fundamentum consequutum: vt enim ait D. Thom.

in 2. dist. 42. qu. 1. ar. 2. ad 1. *Causa proxima reatus est ipse defectus per actum peccati inductus; actus vero est sicut causa remota.*

Dicendum est 4. Reatum esse aliquid medium inter culpam, & poenam, quo homo peccator est formaliter poena dignus, & obligatus ad poenam. Probatur ex D. Thom. in 2. distin. 42. qu. 1. artic. 2. ubi sic habet: *Proprie reatus nihil est aliud quam obligatio ad poenam, & hac obligatio quodammodo est media inter culpam, & poenam, ex eo quod propter culpam aliquis ad poenam obligatur.* Si quæras, quid sit hæc obligatio media inter culpam, & poenam? Respondeo: non esse accidens reale absolutum aut relatiuum, sed esse formaliter modum seu relationem rationis, vel quasi moralem titulum; est enim reatus effectus cuiuscunque peccati, non potest autem omne peccatum præsertim omissionis absolute accidens reale causare. Non potest etiam privatio qualis est culpa habitualis fundamentum esse relationis realis, quæ præterea terminum actu existentem exigit, poena autem, quam respicit reatus, futura est: unde sequitur relationem rationis esse, & titulum moralem, quia ac dicitur obligatio ad aliquid faciendum, vel sustinendum.

Ad argumenta primæ sententiæ respondetur. Ad 1. quod ut ait Mag. in 2. distin. 42. *Reatus in Scriptura tripliciter accipitur.*

scilicet

ARTICVLVS I. 481

ſcilicet pro culpa, pro pœna, pro obligatione pœna. Hæc vltima eſt propria, & formalis eius acceptio. Sed (vt ibidem qu. 1. ar. 2. inquit D. Thom.) *Quia hæc obligatio quodammodo eſt media inter culpam, & pœnam, ideo nomen mediæ tranſumitur ad extrema, vt interdum ipſa culpa, vel etiam pœna reatus dicatur.* Solet etiam in Scriptura, cauſa nomine effectus appellari per methonimiam, & quia peccatum eſt cauſa reatus, ideo nomine reatus appellatur in locis citatis. Ad confirmationem eodem modo reſpondetur.

Ad 2. Reſpondetur: per culpam eſſe hominem pœna dignum quaſi efficienter, quia ex culpa reatum incurrit; per reatum verò eſſe formaliter pœna dignum: ſicut per humanitatem eſt Petrus riſibilis quaſi efficienter, per riſibilitatem verò formaliter. Ad confirmationem dico: reatum propriè, & formaliter nec culpam, eſſe nec pœnam, ad culpam tamen reductione ſui principij, quia eſt effectus peccati directè, propter quod eſſe reum pœna, vel fieri pœna dignum, malum eſſe dicitur à Sanctis Dionyſio, & Thoma.



Vtrum peccatum possit esse pœna peccati.

Conclusio est affirmans.

Solet hic magna esse disceptatio, an peccatum formaliter ex parte malitiæ, & inordinationis possit esse pœna peccati? Mihi distinctione, qua vtitur D. Thom. controuersiam hanc dirimi videtur. Inordinatio enim, & malitia, ac peccatum formaliter dupliciter accipi potest. Primo per se, hoc est secundum propriam rationem: & hoc modo non potest esse pœna peccati: nam sic est culpa, vt autem ait D. Thom. in 2. distin. 36. qu. 1. ar. 3. *Contingit idem esse culpam, & pœnam: non tamen secundam eandem rationem, quia omnis pœna in quantum pœna est, voluntati contraria inuenitur: omnis autem culpa voluntarij rationem habet.*

Secundo potest accipi inordinatio, malitia, & peccatum formaliter: non quidem secundum propriam rationem, sed secundum aliam rationem ei adiunctam, vel ex parte, seu ratione alterius, quod est accipi per accidens. Et hoc modo optinè potest esse pœna peccati, nec requiritur, vt hoc modo pœna sit, vt sit à Deo volente positivè; est enim vt pœna per accidens à Deo.

ARTICVLVS II. 483

Deo peccatum formaliter, vt docet Diu. Thom. in 2. distin. 36. quæst. 1, ar. 3. ad 1. *Non quia ipsam causet: sed quia ipsam permittit eam non impediendo.* Vnde sufficit vt sit à Deo volente id, quod per se est poena, & ratione cuius peccatum habet poenam esse per accidens, qualis est effectus, & substantia actus.

ARTICVLVS III.

*Vtrum aliquod peccatum inducat
reatum aeternæ poenæ.*

Conclusio est affirmans.

Poenā Angelorum, & hominum damnatorum: qua pro peccato mortali puniuntur in infernū, æternam futuram esse, fides docet, & patet ex Apoc. 14. v. 11. Epist. Iudæ vers. 6. 2. ad Thesal. 1. v. 6. Marci 3. v. 19. Matth. 25. v. 41, & 46. & Isaia 69. v. 24. cuius verba: *Vermis eorum non morietur, & ignis non exstinguetur.* Christus Marci 9. v. 44. ad poenas inferni refert: ex concil. Trident. Sess. 14. Can. 5. Lateran. sub Innocentio III. cap. 1. & 6. Synodo generali in Epist. Sophronii recepta. Actione 11. Ex Cap. *Firmiter*, de Summ. Trinit. Et cap. *Maiores*, de Baptismo, & ex Symbolo Athanasii: & denique ex Sanctis Patribus vniuersis. D. Hieronymo

484 QVÆSTIO LXXXVII.

nonnulli heretici imponunt oppositum, dixisse, sed ab hac calumnia illum vindicat Sixtus Senensis lib. 6. Annot. 290. Hanc autem pœnam æternam proportionatam esse mortali culpæ, & non excedere eius demeritum, sed ei debitam esse per se ex proprio & intrinseco reatu quem inducit, ostendit D. Tho. hic.

Circa articulum 4. nihil se offert dicendum.

ARTICVLVS V.

Vtrum omne peccatum inducat reatum pœnæ æternæ.

Conclusio est negans.

Dubium. An peccatum veniale in damnato æterna pœna puniatur.

P Artem negantem tenet Scotus in 4. d. 21. q. 1. probat 1. Quia ut patet ex communi axiomate, quodcumque peccatum punit Deus citra condignum, sed peccatum veniale secundum se non meretur puniri pœna æterna, ergo illi non punitur in damnato.

Secundo, ex coniunctione ad mortale non crescit in veniali ratio culpæ, & licet aliqua ratione cresceret, non tamen in in-

ARTICVLVS V. 485

finitum; ergo ob coniunctionem solam ad mortale iniquum esset peccatum veniale puniri pœna æternâ, quæ est duratione infinita, cum eam secundum se non mereatur.

Tertiò, pœna peccati mortalis, cuius culpa remissa est in hac vita, non erit æterna in damnatis; ergo nec pœna peccati venialis non dimissi. Antecedens probatur: nam D. Th. hic ad 3. ait: *Æternitas pœnæ non correspondet quantitati culpe, sed irreversibilitati ipsius.* Ergo quando culpa iam est dimissa, non respondet illi æternitas pœnæ.

Dicendum tamen est. Peccatum veniale in damnato puniri æterna pœna. Probatur 1. ex D. Tho. hic ad 3. & q. 7. de Malo ar. 10. & in 4. dist. 21. q. 1. art. 2. quæstionculla 3. ubi sic habet: *In illis qui dñantur, non potest aliqua culpa dimitti, nec aliquis reatus tolli, cum careant charitate per quam & culpa purgatur, & reatus tollitur: & ideo culpa venialis in eis semper manebit, vel reatus eius, si etiam ante peccatum mortale veniale dimissum fuisset quantum ad culpam manente reatu.* Et propter hoc æternaliter damnati de venialibus puniuntur,

Secundò, nunquam pœna remittitur manente reatu pœnæ; alioquin reus pœna pœnam non pateretur, quod est contra iusticiam: sed in damnatis semper manet reatus pœnæ debitæ peccato veniali, quod non est expiatum; ergo semper remanet pœna. Minor probatur: quandiu durat

culpa, manet reatus poenæ debitæ culpæ: sed culpa venialis hic non dimissa nunquā in inferno dimittitur; ergo semper in dā-
natis remanet reatus poenæ. Minor proba-
tur: Tum quia vt docet D. Thom. 3. p. q. 87. ar. 4. peccatum veniale remitti non potest sine mortali cū quo est coniunctū; damnatis autem non dimitti mortale cō-
stat. Tum etiam quia damnati in inferno existentes sunt simpliciter in termino; ergo non est locus remissioni culpæ. Tum deinde quia nunquam venialis culpa remittitur, nisi per condignam illius retractatio-
nem factam ab eo qui peccauit: sed hæc non potest haberi à damnato, quia non fit nisi dilectione Dei super omnia, quæ est actus charitatis, aut detestatione peccati, quæ est actus poenitentix, quas non potest habere damnatus, immo nec quemcūque alium actum bonum propter obstinatio-
nem in malum, vt diximus 1. par. q. 64. ar. 2. dubio 2. ergo &c. Tum denique quia nullum peccatum potest alicui remitti, nisi Christi merita illi applicentur, quia omnis peccati remissio effectus est meritōrū Christi, nam vt dicitur 2. Ioan. 2. vers. 2. *Ipse est propitiatio pro peccatis nostris non pro nostris autem tantum, sed etiam pro totius mundi.* Ead. Rom 3. vers. 25 *Quem proposuit Deus propitiacrem &c.* Sed damnatis in inferno Christi merita non applicantur, quia non sunt Christi membra, vt docet D. Th. 3. p. q. 8. ar. 3. nec pro illis sub illo statu existentibus Christus obtulit merita,

ARTICVLVS V, 487

& passionem suam ; ergo &c.

Ad 1. verò respondetur ex D. Th. q. 7. de Malo , ar. 10. vbi sic habet : *Veniale peccatum , cum non sit contra charitatem , non meretur poenam eternam ex specie peccati , nec ex parte inherenti ; ad subiectum per se loquendo ; quia non priuat gratia . Sed per accidens fit irremissibile peccato mortali coniunctum , in quantum est in subiecto priuato gratia . Et sic per accidens punitur poena eterna . Vnde non punitur ultra condignum , quia quandiu manet culpa , & reatus , tandiu peccator dignus est supplicio .*

Ad 2. Respondetur: licet ex coniunctione ad mortale non crescat in veniali ratio culpæ , fieri tamen culpam irremissibilem per accidens, sicque ea non dimissa, remanet reatus, & dignitas poenæ in perpetuum ac proinde fit poena eterna.

Ad 3. quidam cum Durando in 4. d. 21. q. 2. & aliis sentiunt poenam peccati, siue mortalis, siue venialis , cuius culpa remissa est in hac vita, non fore eternam in inferno , sed tandem finiendam esse putantque hanc etiam esse sententiam D. Th. hic ad 3. Vnde negant consequentiam , & rationem differentię assignant , quia culpa permanente non potest cessare poena; culpa tamen semel remissa, nulla est ratio ob quā poena eterna sit . Sed D. Tho in 4. dist. 21. c. 1. ar. 2. quæstiuncula 3. oppositum docet , vt patet , ex verbis à nobis adductis . Probatur etiam ex eodem S. Doctore hic ar. 6. vbi sic habet : *Remota macula*

488 *QVAESTIO LXXXVII.*

culpa potest quidem remanere reatus, non pœna simpliciter, sed satisfactoria, hoc est quæ per satisfactionem solui debet, spontaneè illam assumendo in recompensationem culpæ præteritæ, vel etiam à Deo illatam patienter sustinendo; alias enim qui huius vitæ damna iniquo animo, & impatienter forunt, pœnas suis peccatis debitas soluerent, ita ut in alia vita eas solvere non teneretur: sed in inferno nulla est satisfactio, cum damnati pœnas omnino inuiti, & repugnantes iniquo animo, & impatienter patiantur, & non sint in gratia, nec displicentiam ullius peccati habeant, quæ sit actus moraliter bonus; ergo quamuis satis patiantur, semper tamen manet reatus pœnæ pro qua satisfacere tenebantur, atque ita pœna est perpetua. Et non est eadem ratio de existentibus in purgatorio: nam, sicut teste D. Th. in 4. d. 21. q. 1. ar. 3. q. 1. Culpa venialis in eo, qui cum gratia decedit post hanc vitam, dimittitur per ignem purgatorium; quia pœna illa aliquantulum voluntaria virtute gratia habebit vim expiandi culpam omnemque simul cum gratia stare potest. Ita & habebit vim tollendi reatum. Hinc patet negandum esse antecedens argumenti. Ad probationem dico: æternitatem pœnæ respondere, & irremissibilitati culpæ, & impossibilitati tollendi reatum: primum solum affirmat Div. Thom. hic, quia hoc suo intento sufficiebat; secundum verò addit in 4. loco a nobis citato in prima probatione conclusionis.

Circa

ARTICVLVS V. 489

Circa artic. 6. 7. & 8. nihil se offert dicendum.

QVAESTIO LXXXVIII.

De peccato veniali, & mortali.

ARTICVLVS I.

Vtrum veniale peccatum conuenienter diuidatur contra mortale.

Conclusio est affirmans.

Duisio hec licet sub his verbis non inueniatur in Scriptura sacra; quod ad rem tamen attinet, ex illa colligitur; dicitur enim Prouerb. 27. vers. 16. *Septies ceciderit iustus, & resurget; impius autem corruent in malum.* Quod licet D. August. lib. 11. de Ciuitate Dei cap. 31. non de iniquitatibus, sed de tribulationibus intelligat, tamen D. Hieron. vel Auctor illorum Commentariorum ibi sic habet: *Quomodo autem iustus appellatur, qui calet, id est peccare memoratur nisi quia de leuibus quotidianisque loquitur peccatis &c.* Eundem etiam diuisionem colligit D. August. Epist. 108. circa finem & lib. 50. Hom. 19. ex illo Matt h. 6. v. 12. *Et dimitte nobis debita nostra.* Ex illo etiam 1. Ioan. 1. v. 8. *Si dixerimus quoniam peccati*

492 QVAESTIO LXXXVIN.

*non habemus, ipsi nos seducimus. Videt illam
ibi & Serm. 4. de Sanctis ubi eandem
diuisionem colligit ex illo 1. Corint. 3. v. 12
Si quis autem superedificauerit &c. Ligna finium
stipulam &c. Saluus erit, sic tamen quasi per
ignem. Sub his verbis mortalis & venialis
habetur hæc diuisio ex communi doctrina
Theologorum, & Ecclesiæ, iuxta quam
Conc. Trid. Sess. 6. cap. 11. inquit: *Liceet
enim in hac mortali vita quantumuis sancti &
iusti in leuia saltem, & quotidiana, qua etiam
venialia dicuntur peccata, quandoque cadant,
non propterea desinunt esse iusti, &c.**

Dubium. *An veniale peccatum
natura sua distinguatur à mor-
tali.*

PArtem negantem tenent ex hereticis
Vnicleph, qui omnia peccata repro-
batorum assererat esse mortalia; electorum
verò venialia; Lutherus, Chemnifius, &
Melanton, qui dicebant omnia peccata
infidelium esse mortalia; fidelium autem
venialia; & Calvinus, qui vtrumque co-
niungens assererat omnes fideles prædesti-
natos esse: sicque omnes in hoc conueniunt
quod differentia inter peccatum mortale,
& veniale non est ex natura rei, sed ex Dei
lege & misericordia; vel ex conditione
peccantis; omnia enim peccata sunt ex
sua natura mortalia, quod verò in prædes-
tinatis aut fidelibus venialia sunt, est ex
Dei misericordia, quia non vult ea impu-
tare.

ARTICVLVS I. 491

tare , Ex catholicis Gerson. 3. parte Tract. de vita spirituali animæ con. vnica sic habet : *Peccatum mortale , & veniale in esse tali non distinguuntur intrinsecè , sed solum per respectum ad diuinam gratiam , qua peccatum istud imputat ad penam mortis , & illud non . Omne enim peccatum culpabile ex sui indignitate mortiferum est .*

Probat hoc 1. Quia omnis offensa in Deum potest iustè ab ipso iudice Deo puniri pœna mortis tam temporalis , quam æterna , immo annihilationis pœna ; est igitur de se mortifera . Assumptum deducitur ex hoc quod nulla pœna talis est ita mala quantum est ipsa offensa . Et ex alio , quia potius tolleranda est omnis mors pœnalis , & annihilatio , quam committenda esset quantum libet parua offensa in Deum . De oppositum , iam offensa Dei licite fieri deberet in casu .

Præterea , qualibet offensa Dei nisi remitteretur , repelleret à gloria Dei perpetuo , & absque termino puniretur : alioquin maneret dedecus culpa sine decore iustitiæ , quod autem offensa dimittitur aut remittitur , est ex pietate liberalitate Dei remittentis , & non amplius imputatur .

Denique non minus est fugibilis offensa Dei , quam sit elusibile illud bonum pro quo adipiscendo nullo modo debet committi : sed pro infinito bono non debet fieri offensa Dei , & si quis infinita bona possideret , passeret iustè omnibus spoliari , si caderet in offensa Dei .

Dicendum tamen est : Veniale peccatum natura sua distingui à mortali . Probatur : aduersus hæreticos differentiam peccati

venialis, & mortalis non esse ex conditione peccatoris, quia sit prædestinatus, vel fidelis: Adam enim, Dauid, Petrus, Paulus, & Magdalena fideles & prædestinatos fuisse constat ex S. Scriptura; ex qua etiam constat mortaliter peccasse; ergo non omnia fidelium, & prædestinatorum peccata sunt venialia. Præterea non omnia peccata reproborum esse mortalia, inde colligitur, quod saepe contingit iustos esse eos, qui postea damnandi sunt ut patet ex Conc. Trid. Sess. 6. Cap. 17. hos autem quis dicat risu superfluo, aut verbo otioso gratiam amittere, quam iusti prædestinati eadem peccata committentes non amittunt? Venialiter ergo solum peccant. Et idem est de infidelibus prædicta peccata committentibus, alias enim, si hi peccarent mortaliter, multo magis fideles, & prædestinati, nam dignitas personæ non minuit, sed auget potius rationem culpæ, ut docet & probat D. Tho. supra q. 73. ar. 10. & infra q. 89. ar. 5.

Secundo probatur aduersus Gersonem etiam: nam in Bulla Pij V. & Greg. XIII. inter alias propositiones Michaelis Baij damnatas hæc est 21. *Nullum est peccatum ex natura sua veniale, sed omne peccatum meretur poenam æternam.* In Scriptura Sacra etiam peccata quedam comparantur rebus minimis, ut culici Matth. 23. v. 24. & festuca Lucæ 6. vers. 41. & stipulæ 1. Corinth. 3. vers. 12. Alia vero rebus gravissimis, ut camelo, & trabi ibidem. Si autem omnia

nia peccata natura sua reatum inducerent æternæ mortis, non ita à Christo extenuari possent quædam, vt cum festuca & culice conferrentur, præsertim cum alia trahi & camelo conferantur, non enim minuta, & leuissima recte diu possunt, quæ ex natura sua reum æternæ mortis constituent. Ex modo quoque loquendi Scripturæ colligitur Deum non aliter imputare peccata & punire, quam eorum natura mereatur, vt patet ex illo Psalm. 61. v. 13. *Quia tu reddes unicuique iuxta opera sua.* 2. ad Corinth. 5. [v. 10, *Vt referat unusquisque propria corporis pro vt gessit, & ex alijs huiusmodi: ergo gratis dicitur, peccata quæ ex se digna essent æterna pœna imputari solum ad pœnam temporalem. Vnde opinio Gersonis vt minimum temeraria est censenda. Confirmatur 1. Sicut non ideo peccatum aliquod est mortale, quia Deus ad reatum æternæ mortis illud imputat; ita non ideo peccatum aliquod veniale est, quia ad reatum pœnæ æternæ nō imputatur; sed ideo nō imputatur: quia veniale est, ergo peccata venialia talia sunt intrinsecè & secundū se, nō verò quia diuina misericordia condonantur & non imputantur. Confirmatur 2. Offensio in re leuissima secundum se ex natura rei habet amicitiam non soluere, non vero ex gratia amici offensi, ergo cum peccatum mortale sit quod Dei amicitiam soluit, culpa levis, vt risus superfluous, vel ociosum verbum, non erit ex sua natura mortalis, & ex lege,*
mi-

494 QVAESTIO LXXXVIII.

miseriordia, & gratia Dei venialis, sed in-
trioſece & ex natura rei venialis erit.

Si quæras autem, quomodo peccatum
mortale & veniale ex natura rei diſtinguan-
tur? Scotus in 1. diſt. 21. quæſt. 1. §. Dico er-
go, ait diſtingui, quia, peccatum mortale
eſt contra præceptum; veniale vero contra
conſilium. Sed contra hoc eſt: Nullus pec-
cat etiam venialiter, hoc ſolum quia agit
contra conſilium, alloquin qui uxorem
duceret, peccaret venialiter, quod contra-
riatur Paulo 1. Corinth. 7 vbi cum dixiſſet
v. 25. *De virginibus autem præceptum Domi-
ni non habeo, conſilium autem do.* ſubdit v. 28.
*Si autem acceperis uxorem, non peccasti, & ſi
rupſerit virgo non peccauit:*

D. Thom. quæſt. 7. de Malo arti. 1. rela-
tis multis differentis & omiſſis tanquam
inſufficientibus, hanc ipſe aſſignat. *Si cha-
ritas excludatur eſt peccatum mortale. Si au-
tem ſit talis defectus rectitudinis qui charita-
tem non excludat, erit peccatum veniale.* Quæ
difficultate non caret, videtur enim eadem
eſſe cum ſecunda, qua diſſerre dixit quan-
tum ad effectum, nam ſicut priuare gra-
tia, ita & excludere charitatem ad ratio-
nem peccati conſequi videtur. Sed dico,
longe diuerſas eſſe: nam excludere chari-
tatem, non ſignificat auferre habitum
charitatis, quod eſt peccati effectus, ſicut
& gratiam priuare, ſed facere aliquid cō-
trarium charitati Dei & proximi, ex qua
vniuerſa lex pendet. Matth. 22. v. 40. & quæ
eſt ſiſis præcepti 1. ad Timoth. 1. v. 5. Quæ
autem

autem contrariantur charitati Dei & proximi explicat ibi D. Tho. dicens: Illa scilicet per qua tollitur subiectio & reuerentia hominis ad Deum, vt blasphemia, idolatria, & huiusmodi, & etiam ea, qua tollunt conuiuium societatis humanæ, sicut furtum, homicidium & huiusmodi. Hæc verò tollere, ac proinde excludere charitatem potest contingere dupliciter, vt ibidem ait S. Doctor: Vno modo ex parte peccantis, alio modo ex ipso genere operis; Ex parte peccantis, cum scilicet id quod de se non contrariatur charitati, ordinatur à peccante in aliquod charitati contrarium; Puta si quis verbum ociosum dicat in contemptum Dei, quod contrariatur charitati. Ex ipso verò genere operis, cum scilicet ex parte obiecti, vel materiæ contrariatur charitati opus, & prædicta tollit, vt in exemplis adductis contingit, Dupliciter etiam contingere potest, vt non tollantur prædicta, & charitas non excludatur, nempe ex parte peccantis, quia scilicet actus non est perfectus & deliberatus, vt contingit in motibus sensualitatis, & etiam in his, quæ sunt contra fidem absque perfecta deliberatione: & ex ipso genere operis, quia scilicet ex parte obiecti, vel materiæ non excludit prædicta: Sicut quod homo dicat mendacium non in fide, neque ad nocendum proximo, sed ad delectandum, vel etiam ad iuvandum, vel si quis excedat in cibo vel potu & alia huiusmodi. Ad quæ reducuntur quæ leuia sunt ex paruitate materiæ,

Hæc differentia sic explicata non est distincta ab ea quam hic in corpore articuli adducit D. Thom. nempe: Peccata mortalia differre à venialibus, quia mortalia important defectum ordinis ad ultimum finem seu deordinationem ab ultimo fine: venialia verò habent deordinationem circa ea, quæ sunt ad finem conseruato ordine ad ultimum finem. Nam cum charitas sit, quæ ordinat in Deum, idem est excludere charitatem, & defectum ordinis ad ultimum finem importare; habere verò deordinationem circa ea, quæ sunt ad finem cõseruato ordine ad ultimum finem, idem est ac non excludere charitatem, unde hic ad 2. dicitur: *Veniale peccatum non excludit habitualement ordinationem actus humani in gloriam Dei, sed solum actualem: quia non excludit charitatem, quæ habitualiter ordinat in Deum.* Vide quæ diximus supra q. 1. art. 5. dub. unico ad 2. Differentia etiam quam idem Sanctus Doctor hic ad 1. insinuat, nempe: peccatum mortale esse contra legem; veniale verò non, sed præter legem, eadem est cum prædicta: nam ut quæst. 7. de Malo art. 1. ad 1. ait ipse: *Conuenienter dicitur, quod peccatum veniale non est contra legem, sed præter legem: quia si in aliquo recedit ab ordine legis, non tamen ipsam corrumpit, quia non corrumpit dilectionem, quæ est plenitudo legis, ut dicitur Roman. 12.* Vide etiam Caiet. hic. §. Ad pleniorẽ.

Hanc differentiam tribus modis explicatam radicalem esse existimo, ex qua discerni

ARTICVLVS I. 497

discerni debet quodnam sit mortale, quodnam veniale peccatum, siue quod idem est, quodnam sit malum & offensa, ac peccatum graue, quodnam leue. Si enim tale fuerit vt excludat charitatem, & deordinet animam vsque ad auersionem ab vltimo fine, scilicet Deo, cui vnimur per charitatem, est peccatum mortale graueque malum, & grauis offensa Dei. Si verò non excludit charitatem, & eius deordinatio fit extra auersionem à Deo, est peccatum veniale, leueque malum, & leuis offensa Dei. Spectandum est ergo ad charitatem, cum discernendum est, an aliquid sit peccatum mortale aut veniale, vt docet Caiet. Tom 1. Opusc. Tract. 25. quæst. 1. vbi & ait: *Tolli autem charitatem solummodo constat per id, quod contrariatur dilectioni Dei aut proximi.* Quale est, quod subiectionem & reuerentiam hominis ad Deum, aut cōuictum societatis humanæ tollit.

Ad 1. verò Gersonis respondetur negando antecedens; licet enim Deus vt dominus de potentia absoluta possit veniale peccatum punire pœna perpetua nullam iniuriam irrogando creaturæ suæ, non tamen vt Iudex, qui iuxta mensuram culpæ infligit modum supplicij. Ad probationem dico: licet verum sit, nullam pœnam esse ita malam quantum est offensa venialis, tollerandamque esse quamcumque mortem & pœnam potius quam comittenda sit quantumlibet parua offensa Dei: hinc tamen non sequi, posse iuste puniri
qua

498 **QVÆSTIO LXXXVIII.**

qualibet pœna etiam æterna, quia ea solum pœna iuste puniri potest, quæ est ei proportionata & debita ex proprio reatu quæ inducit: peccatum autem veniale non inducit reatum pœnæ æternæ, nec mereretur æternam pœnam, nisi per accidens in damnatis ut diximus quæst. præced. a. 5. Si quodlibet peccatum quamlibet pœnam mererentur, vnum alio non mereretur maiora supplicia, quod est contra illud ad Hebræos 10. v. 29 *Quanto magis putatis deteriora mereri supplicia qui Filium Dei contulcaverit, &c.* Sicut ergo potest Deus de potentia absoluta hominem sine culpa spoliare gratia vel beatitudine, & perpetuis cruciatibus punire nullam iniuriam inferendo, etiam si homo non mereatur huiusmodi mala, nam ut dicitur Iob. 9. v. 12. *Quis dicere potest cur ita facis?* Ita multo magis poterit hæc facere homini, in quo est aliqua venialis culpa, quamvis propter hanc non mereatur tam gravia mala: quæ tamen tunc non haberent propriè rationem pœnæ, quia non essent ob demeritam culpæ, sed ex libera Dei voluntate. Quæ vero ut iudex infligit, propriè pœnæ, & ob demeritum, culpæ sunt. sicque non potest iuste ab ipso iudice Deo puniri peccatum veniale quacunque pœna, sed ea cuius reatum inducit.

Ad 2. responderur: offensam Dei venialem si non remittatur, puniri ea pœna, cuius reatû inducit in perpetuum, ut defæcto contingit in damnatis; non tamen a:
alijs

lis acerbioribus pœnis. Repellere autem à gloria non est pœna, cuius reatum inducat peccatū veniale, cū non expellat gratiam, quæ ius ad gloriam tribuit, & est quoddam semen gloriæ: Quod vero in cœlestem patriam non admittatur, quī non est mundus à sorde etiam venialis peccati, non est quia peccatum veniale reatum inducat exclusionis à regno, sed quia eius immunditia, & pœna, cuius reatum inducit, non est composibilis cum cœlestis patriæ munditia, iuxta illud Apoc. 21, v. 27. *Non intrabit in eam aliquod coinquinatum; & cum æterna gloriæ letitia, iuxta quod ibidem, vers 4. dicitur: Mors ultra non erit, neque luctus, neque clamor, neque dolor erit ultra.*

Ad 3. Respondetur: Licet pro nullo bono consequendo, aut pro nullo malo pœnæ vitando possit committi peccatum veniale, inde tamen non recte colligit esse infinitæ malitiæ & mortale ex sua natura: tantum enim sequitur esse malum simpliciter, ita vt nullo modo possit fieri bonum, vnde habet non esse eligibile vt medium ad vllum bonum consequendum, aut malum vitandum. Quauis etiam excedat omne malum pœnæ, non sequitur esse malum infinitum, sed solum esse malum superioris ordinis. Quod denique sit offensa Dei infiniti, non habet esse infinitam offensam, quia non offendit ipsum quantum offendibilis est, cū non auferat ab eo rationem ultimi finis.

Circa articulum secundum, & tertium nihil se offert dicendum. AR.

ARTICVLVS IV.

Vtrum peccatum veniale possit fieri mortale.

Conclusio est negans.

QUod D. Aug. Tract. 12 in Ioann. prope finem ait *Minuta plura peccata, si negligantur, occidunt*, intelligendum esse docet D. Thom. hic ad 1. dispositiue. Eodem etiam modo intelligenda sunt similia verba eiusdem D. August. lib. 50. Hom. Homil. ult. & Serm. 41. de sanctis quæ habentur de pœnitentia dist. 1. Cap. *Tres sunt, nempe: Si collecta contra nos fuerint, ita nos gravabunt & oppriment, sicut unus aliquod grande peccatum.* Loquitur enim D. Aug. in illo sensu: *Quod Multa peccata venialia dispositiue causant mortale.*

Si multiplicentur furtiva parua vsque ad magnam materiæ quantitatem, quidam dicunt nullum ex illis esse peccatum mortale; obligari tamen hominem sub mortali ad restitutionem magnæ quantitatis. Alij asserunt vltimum furtum, quo peruenitur ad magnam materiæ quantitatem, esse peccatum mortale: nam licet tale furtum sit rei alias leuis; tamen suppositis alijs furtis, eius materia grauis est graue damnum inferens. Vide quæ dicimus 2. 2. qu. 66. ar. 6. dub. 2.

ARTICVLVS V.

*Vtrum circumstantia possit facere
de veniali mortale.*

Conclusio est negans.

Loquitur D. Thom. de circumstantia
quæ non mutat speciem, & de ve-
niali ex genere: Vnde quæst. 7. de
Mallo, ar. 4. ait: Id quod est peccatum venia-
le ex genere, non potest fieri mortale per circum-
stantiam, quæ manet in ratione circumstantia,
sed solû per circumstantiã, quæ transit in aliam
speciem. Sed contingit quandoque quod aliquid
est veniale non ex suo genere, scilicet ex par-
te obiecti, sed magis propter imperfectionem
actus, quia non pertingit vsquo ad delibera-
tum consensum rationis, qui complet ratio-
nem moralis actus. Et tunc talis circumstan-
tia, quæ est completiua moralis actus, facit de
veniali peccato mortale, puta deliberatus con-
sensus superueniens. Idem contingit quan-
do peccatum est veniale ex leuitate mate-
riæ, crescente enim materiæ quantitate
fit mortale. Ait etiam Diu. Thom. hic
ad 3. Contingit quandoque, quod id quod est
peccatum veniale ex genere ratione sui obie-
cti, fit mortale ex parte agentis, quia in eo
consistit ultimum finem. Et tunc quidam
dicunt veniale fieri mortale non ratione
circumstantiæ, sed quia aliter, & aliter
ten.

502 QVÆSTIO LXXXVIII.

tendit voluntas in illud obiectum. Caietanus tamen hic melius ait: veniale fieri mortale ratione circumstantiæ finis, quæ vocatur, cur, hancque circumstantiam mutare speciem, non quidem ex parte obiecti, sed ex parte agentis. Vide illum.

Circa articulum 6. nihil se offert dicendum.

QVÆSTIO LXXXIX.

De peccato veniali secundum se.

ARTICVLVS I.

Verum peccatum veniale causet maculam in anima.

Conclusio est negans.

Oppositum videtur docere D. Thom. 3. par. quæst. 87. ar. 2. ad 3. Illud tamen explicandum est, ex his quæ hic subdit: *Et si alicubi dicatur maculam inducere, hoc est secundum quid, in quantum impedit nitorem qui est ex actibus virtutum.* Dicitur autem peccatum veniale hunc nitorem impedire, non quia omnino actus virtutum auferat, sed quia efficit, ne tam crebro, & perfecte eliciantur, nec cum tan-

ARTICVLVS I. 503

tanto charitatis seruire. Cuius nitoris priuatio in ordine ad suam causam habitualiter manet in homine, ratione cuius dicitur peccator transacto actu, & esse in peccato quousque veniam consequatur.

ARTICVLVS II.

Vtram conuenienter peccata venialia per lignum, fœnum, & stipulam designentur.

Conclusio est affirmans.

Diuus Chrys. ac ceteri Græci etiam posteriores, quorum extat de hac re sententia in Conc. Florent. Quæst. de Igne purgatorio ante Sess. 1 per lignum fœnum, & stipulam 1. ad Corinth. 3. vers. 12. designari volunt peccata mortalia æterno igne punienda. Si eis obijcias cum D. Thom. hic quod de eo, qui ædificat lignum fœnum, & stipulam inquit Apostolus v. 15. *Ipse autem saluus erit: sic tamen quasi per ignem.* Respondent, saluum fore per ignem, quia quamuis in ignem mittendus sit, nunquam tamen consumetur, aut redigetur in nihilum, sed semper in igne seruetur, vel ut aiunt, asseruetur, ac superstes erit recens semper ad pœnam. Sed hæc dura nimis, & coacta explicatio est:

Tum

Tum quia ut optimè Patres Latini in Concil. Florent. ubi supra dixerunt expositionem hanc impugnantes. *Illæ vox saluabitur salutem, auxilium, liberationem à malis, & refrigerium, & similia denotat.* Tum etiam, quia si id quod Græci dicunt sensisset Apostolus, non dixisset eiusmodi hominem saluum fore per ignem, sed in igne; dicens enim per ignem, transitum significauit non mansionem, sicuti Psal. 65. vers. 12. *Transiimus per ignem, & aquam, & eduxisti nos in refrigerium.* Quare expositio Diu. Thom. quæ est huius articuli conclusio, vera & certissima est, quam approbat communis patrum Latinorum, & Scolasticorum consensus.

ARTICVLVS III.

Vtrum homo in statu innocentie potuerit peccare venialiter.

Conclusio est negans.

Oppositum docet Scotus in 2. dist. 21. q. vnica, eius argumenta Caietan. hic soluit. Sententiam D. Thom. amplectuntur communiter recentiores, & probant cū eodē S. Doctore hic ex D. Aug. 14. de Ciu. Dei ca. 10. dicente, in illo statu innocentie nullam esse miseriam, nullā tristiti-

stitiam, & nihil pœnale; ergo cum peccatū veniale secundum se miseria sit, & maior omni labore temporali, & præterea causa esset trinitati & pœnæ, nam ad eius remissionem necessaria esset pœnitentia aliqua, & satisfactio, non potuit esse in illo statu. Confirmatur, ex frequentatione venialium ex genere generatur habitus vitii: sed in illo statu non erat possibilis habitus vitiosus; nam ex eo oriretur difficultas bonæ operationis, quam illius status fœlicitas non admittit; ergo nec peccatum veniale.

Dubitant tamen prædicti recentiores, quo impediretur tunc peccatum veniale, an principio intrinseco, ratione cuius voluntas non posset illi consentire, vt contingit in beatis; an vero sola extrinseca Dei protectione, & prouidentia? Et conueniunt omnes peccatum veniale ex surreptione appetitus repugnasse illi statui ab intrinseco: nam propter perfectam subordinationem partis inferioris ad superiorem non poterat esse aliquis motus inordinatus præueniens rationem. Non potuisse etiam esse peccatum ex imperfecta deliberatione partis superioris: nam iustitia originalis non tantum subiciebat vires inferiores superioribus, sed etiam vires ipsas superiores perficiebat, & integrabat, ita vt nulla esset imperfectio naturalis operationis, est autem imperfectio operari sine deliberatione. De peccatis autem venialibus ex genere, & ex paruitate materiæ dicunt nonnulli ex prædictis, non repugnasse iu-

istitiae originali ab intrinseco, sed ex diuina
solum prouidentia praeseruante ab ipsis;
cum enim possint esse in parte superiori, &
cum deliberatione perfecta; non apparet
quare magis excluderentur iustitia origi-
nali, quam peccatum mortale; & mira-
bile est, difficilius esse, vt homo in illo sta-
tu mentiretur sine iuramento, quam cum
iuramento, & verbum ociosum proferret,
quam blasphemaret; qui enim poterat e-
ligere maius malum: cur non posset elige-
re minus?

Dicendum tamen est: Hæc etiam pec-
cata venialia, scilicet ex genere, & ex par-
uitate materiae, repugnasse illi statui ratione
iustitiae originalis ab intrinseco. Probatur
1. ex Diu. August. lib. 14. de Ciuit. Dei ca.
10. nam quærit. *Utrum primus homo, vel
primi homines habebant istos affectus in corpore
animali ante peccatum, quales in corpore spiri-
tuali non habebimus omnino purgato, finitoque
peccato.* Et respondet non habuisse. Ergo
sicut in corpore spiritali, non habere bea-
tos post resurrectionem tales affectus, &
peccata venialia prouenit ab intrinseco:
ita & non habere illos in statu innocentiae
Adamum, & Heuam proueniebat ab in-
trinseco.

Secundo probatur ex Diu. Thom. nam
quæst. 7. de Malo art. 7. ad 10. cum in ar-
gumento, quia gratia non aufert naturam,
& liberum arbitrium hominis naturaliter
habet posse peccare mortaliter, & veniali-
ter, hanc consequentiam deduxisset: Ergo

do.

donum gratuitum originalis iustitiæ non impediebat quo minus posset venialiter peccare.

Respondet: Quod perfectio naturæ non tollitur per gratiam, sed defectus naturæ per gratiam tollitur: posse autem peccare pertinet ad defectum: unde, & per gratiam auferri potest ab homine, ita quod peccare non possit, sicut patet maxime in beatis. Sentit ergo, sicut in beatis voluntas ab intrinseco habet non posse peccare: ita & voluntatem Adæ in statu innocentie habuisse, ratione doni iustitiæ originalis, non posse peccare venialiter, antequam peccaret mortaliter, quo amitteret talem statum. Unde in 2. diffin. 21. qu. 2. art. 3. ad 2. ait: liberum arbitrium hominis in primo statu habuisse quandam confirmationem, ut non posset peccare venialiter, eo scilicet modo, quo liberum arbitrium beatorum confirmatum est in bono, ut nullo pacto peccare possit.

Tertio probatur ratione D. Th. hic, & locis citatis: Homo in statu innocentie non poterat peccare venialiter, antequam peccaret mortaliter ob infallibilem ordinis firmitatem, quia inferius continebatur sub superiori nomine autem inferioris non solum intelligit D. Thom. potentias inferiores, sed etiam rationem superiorem, quatenus respicit ea, quæ sunt ad finem, ut sic enim inferior, quodammodo est se ipsa, quatenus respicit finem; ergo sicut ob perfectam subordinationem virium inferiorum ad superiores peccare venialiter ex surrep-

tione, aut ex imperfecta deliberatione repugnabat statui innocentie ab intrinseco, ita & quouis alio modo peccare, ob infallibilem ordinis firmitatem qua ratio superior, vt respicit media continebatur sub se ipsa, vt respicit finem: nam, vt hic ait Diu. Thom. *Quod humanus animus inordinetur circa ea que sunt ad finem seruato debito ordine ad finem* (vt contingit quando peccat venialiter) *provenit ex hoc quod ea que sunt ad finem non ordinantur infallibiliter sub se, qui tenet summum locum quasi principium in appetibilibus.* Confirmatur; ex natura & conditione status innocentie, atq; adeo ab intrinseco repugnabat homini quouis miseria, tristitia, poena, & habitus vitiosus, ex quo oritur difficultas bone operationis; ergo & quodcumque peccatum veniale etiam ex genere & paruitate materiae, nam miseria est, poenam & tristitiam poenitentiae requirit vt remittatur, & habitum vitij gerat, si multiplicetur.

Ad fundamentum autem oppositae sententiae respondetur cum D. Thom. quest. 7. de Malo art. 7 vbi sic habet: *Sed quia etiam in superiori ratione contingit esse peccatum veniale, posset alicui videri quod saltem illud veniale peccatum in statu innocentia in Adam esse potuit.* Sed in hoc eadem ratio inuenitur, si quis diligenter consideret. Nam cum potentia distinguantur secundum obiecta, secundum ordinem obiectorum est etiam ordo potentiarum. Contingit autem & in obiectis rationis esse ordinem superioris, & inferioris & in speculatiuis

& in practicis. Sicut enim principium indemon-
 strabile est principium supremum in speculan-
 dis, ita finis se habet in operabilibus, unde quā-
 diu superior ratio hominis bene se habuisset cir-
 ca finem, nullo modo deficere potuisset circa ea
 quæ sunt ad finem propter indefectibilem ordi-
 nem inferiorum ad superiora secundum condi-
 tionem illius status: Sicut & in speculatiuis
 quamdiu homo habet rectam existimationem
 circa principia, visus defectus in connexionem
 principiorum ad conclusiones, non poterit incide-
 re aliquis defectus circa conclusiones. Mani-
 festum est autem ex supradictis quod peccatum
 mortale est per auersionem à fine. peccatum
 autem veniale est inordinatio quidam circa ea
 quæ sunt in finem. Vnde impossibile erat homi-
 nem in statu innocentia peccare prius veniali-
 ter quam mortaliter, Nec est inconueniens
 non posse eligere minus malum antequam
 eligeret maius: nam maius malum, qua-
 le est peccatum mortale, ita opponitur in-
 tegritati primi status, vt ipsum corrup-
 peret & priuaret iustitiam originalem; mi-
 nus autem malum, quale est peccatum ve-
 niale: Nec priuare iustitiam originalem pote-
 rat, cuius principium erat in ordine superioris
 partis ad Deum, a quo veniale peccatum non
 separat: nec simul poterat cum ea esse pro-
 pter ordinem inferiorum sub superiori. Vt in 2.
 d. 21. q. 2. art. 3. ad 4. & hic ad 3. ait D. Tho.
 Vnde cum homo posset integritatem il-
 lius status amittere: illa autem manente,
 non poterat inordinationem vllam habe-
 re; ideo poterat eligere maius malum,

310 QVAESTIO LXXXIX.

scilicet peccatum mortale; minus verò malum; scilicet peccatum veniale, non poterat immediate eligere, antequam maius eligeret, sicut non poterat eligere tristitiam, aut poenam habere, antequam culpam.

Circa articulum 4. & 5; nihil se offert dicendum.

ARTICVLVS VI.

*Vtrum peccatum veniale possit esse
in aliquo cum solo
originali.*

Conclusio est negans.

Oppositum eius tenent multi. Sed probatur conclusio 1. argumento *Sed contra*, Non enim esset locus, in quo puniri posset ille, qui haberet peccatum veniale cum solo originali: nam in limbo puerorum pro solo peccato originali puniuntur homines; in inferno vero propter solum peccatum mortale detruuntur. Et quamuis D. Thom. qu. 5. de Malo art. 2. ad 8. & in 2. d. 42. q. 1. art. 5. ad 7. dicat: *Si ponatur per impossibile (scilicet mori aliquem cum veniali, & solo originali). Tunc talis puniretur sensibili poena in inferno, & poena illa esset eterna.* Loquitur tamen ex hypotesi: de facto namque nullus asserit

ARTICVLVS VI. 511

rit puniri in inferno, nisi eos qui in mortali decedunt. Respondent quidam, ad diuinam prouidentiam spectare, ne homo moriatur habens peccatum veniale cum solo originali. Sed hoc alij irrident, & præterea vim argumenti non euacuat: nam inconueniens videtur, esse in hac vita peccatorem, cuius statui non correspondeat locus punitionis in alia vita: vnde licet non sit admittendus casus, in quo prædestinatus moriatur in peccato mortali, dum tamen est in peccato mortali reus est gehennæ ignis, & secundum præsentem institutionem ad poenas inferni ordinatus est: at non est locus ad cuius poenas ordinatus sit, qui habet venialia cum solo originali; ergo &c.

Secundo. Puer cum vsum rationis habere incipit, aut iustificatur, aut peccat mortaliter; ergo non potest esse peccatum veniale cum solo originali. C. ōsequentia patet: nam si iustificatur, per gratiam consequitur remissionem originalis peccati; si vero peccat mortaliter, iam peccatum veniale, quod postea committit, non erit cum solo originali. Antecedens vt probeatur, nonnullæ sunt difficultates dirimendæ.

Prima, an possit puer peruenire ad statum, in quo habeat vsum rationis sufficientem ad peccandum venialiter, & non mortaliter? Affirmantem partem tenet Durand. in 4. d. 16. qu. 2. nu. 7. & alii. Probant: Tū quia imperfecta deliberatio sufficit ad peccandum venialiter, & nō mortaliter vt patet. in su-

310 QVAESTIO LXXXIX.

scilicet peccatum mortale; minus verò malum; scilicet peccatum veniale, non poterat immediate eligere, antequam maius eligeret, sicut non poterat eligere tristitiam, aut poenam habere, antequam culpam.

Circa articulum 4. & 5, nihil se offert dicendum.

ARTICVLVS VI.

*Vtrum peccatum veniale possit esse
in aliquo cum solo
originali.*

Conclusio est negans.

Oppositum eius tenent multi. Sed probatur conclusio 1. argumento
Sed contra, Non enim esset locus, in quo puniri posset ille, qui haberet peccatum veniale cum solo originali: nam in limbo puerorum pro solo peccato originali puniuntur homines; in inferno vero propter solum peccatum mortale detru-
duntur. Et quamvis D. Thom. qu. 5. de Malo art. 2. ad 8. & in 2. d. 42. q. 1. art. 5. ad 7. dicat: *Si ponatur per impossibile (scilicet mori aliquem cum veniali, & solo originali) Tunc talis puniretur sensibili poena in inferno, & poena illa esset eterna.* Loquitur tamen ex hypotesi: de facto namque nullus asse-

rit

ARTICVLVS VI. 511

sit puniri in inferno, nisi eos qui in mortali decedunt. Respondent quidam, ad diuinam prouidentiam spectare, ne homo moriatur habens peccatum veniale cum solo originali. Sed hoc alij irrident, & preterea vim argumenti non euacuat: nam inconueniens videtur, esse in hac vita peccatorem, cuius statui non correspondeat locus punitionis in alia vita: vnde licet non sit admittendus casus, in quo predestinatus moriatur in peccato mortali, dum tamen est in peccato mortali reus est gehennæ ignis, & secundum præsentem iustitiam ad poenas inferni ordinatus est: at non est locus ad cuius poenas ordinatus sit, qui habet venialia cum solo originali; ergo &c.

Secundo. Puer cum usum rationis habere incipit, aut iustificatur, aut peccat mortaliter; ergo non potest esse peccatum veniale cum solo originali. C. o. sequentia patet: nam si iustificatur, per gratiam consequitur remissionem originalis peccati; si vero peccat mortaliter, iam peccatum veniale, quod postea committit, non erit cum solo originali. Antecedens vt probe-
tur, nonnullæ sunt difficultates dirimendæ.

Prima, an possit puer peruenire ad statum, in quo habeat usum rationis sufficientem ad peccandum venialiter, & non mortaliter? Affirmantem partem tenet Durand. in 4. d. 16. qu. 2. nu. 7. & alii. Probant: Tū quia imperfecta deliberatio sufficit ad peccandum venialiter, & nō mortaliter vt patet in su-

bitis & non plenè deliberatis moribus circa materiam peccati mortalis : sed potest puer peruenire ad statum, in quo possit imperfectè deliberare, non tamen perfectè : nam quæ ex parte virium sensitiuarum, impediunt, ne intellectus pueri possit deliberare, tolluntur successiue per transmutationem successiuam qualitatum naturalium; ergo &c. Tum etiam; in adultis quando excitantur è somno (& idem est dum post vehementem iram, aut amentiam, vel ebrietatem incipiunt ad mentem redire) potest dari tempus, in quo habeant sufficientem usum rationis ad peccandum venialiter & non mortaliter; ideo enim complacentia, quæ tempore imperfectæ vigiliæ habetur de pollutione nocturna, est veniale peccatum & non mortale; ergo idem poterit in pueris reperiri, dum incipiunt ratione uti.

Negantem verò partem docent communiter discipuli D. Thom. cum illo hic & q. 5. de Malo, ar. 2. ad 8. & in 2. d. 4. q. 1. ar. 5. ad 7. & probant : Tum quia facilius est discernere peccata mortalia quam venialia : qui enim cognoscit furari duo minuta, aut mentiri esse peccata, facilius cognoscet, peccata esse furari centum aureos, aut hominem occidere ; ergo quandocunque potest homo discernere malitiam venialium, poterit & mortalium, sicque non poterit esse usus rationis sufficiens ad veniale, & non ad mortale, ratione enim uti & deliberare est discernere inter bonum & malum, &
ma;

malum mortalis aut venialis peccati. Tum etiam ; vsus rationis , qui sufficit ad peccandum venialiter , sufficit ad operandum bene moraliter & meritoriè , alias esset status in quo homo posset peccare & demereri , & non bene agere & mereri ; sed vsus rationis qui sufficit ad bene operandum moraliter & meritoriè , sufficit etiam ad peccandum mortaliter , alias esset status in quo homo posset saluari , & non damnari , se & actiones suas in vltimum finem referre , & non auertere se ab vltimo fine ; ergo &c.

Ad fundamenta autè partis affirmantis , respòdetur. Ad 1. negàdo minorè , quia licet impedimenta successiue remoueantur , tamen facultas ipsa discernendi inter bonum non ita acquiritur , sed in instanti , scilicet in primo non esse impedimentorum : sicut licet dispositiones impedièntes introductionem formæ ignis successiue excludantur , ipsa tamen forma in instanti introducitur. Et quamuis semel acquisita facultas discernendi augeatur in dies , in instanti tamen quo primo acquiritur , non solum est sufficiens ad veniale , sed etiam ad mortale peccatum , quia facilius est huius quàm illius malitiam discernere , vt ostensum est.

Ad 2. respondetur negando antecedens , nam vt hic 9. *Ad obiectionem.* ait Caietanus *Licet ad peccandum venialiter minus libertatis sufficiat in exercitio quam in mortali , quia absque deliberatione peccatur venialiter : non tamen minus sufficit in facultate ; quia non pec-*

514 QVÆSTIO LXXXIX.

*sur venialiter absque libera facultate domi-
nandi super singulos motus, quæ facultas abs-
que plena libertate non est. Complacentia
autem, tempore imperfectæ vigiliæ, non
ideo est veniale peccatum, quia solum
in homine sit facultas ad imperfectè de-
liberandum, sed quia actu non deliberat
perfectè. Vadè Dñ. Thom. in 4. dist. 9.
quæst. 1. art. 4. quæstiuncula 1. ad 5. ait:
Potest contingere, quod in ipsa euigilatione
peccatum oriatur, si quidem pollutio: propter
delectationem placeat, quod quidem erit ve-
niale peccatum, sicut ex surreptione talis pla-
centia, mortale autem si sit cum deliberante
consensu. Ex quo patet tunc iam esse facul-
tatem ad perfectè deliberandum, immo
ut ibi dixit S. Doctor: Nec reputatur eu-
gilasse, quousque perfectum usum liberi arbitri
recuperavit.*

Secunda difficultas est: An in primo in-
stanti usus rationis teneatur homo, præce-
pto obligante sub mortali, convertere se
in Deum? Partem negantem tenent quam-
plures recentiores. Probant: Tum quia
tale præceptum, neque auctoritate Scrip-
turæ, neque Sanctorum, neque ratione
constat. Tum etiam, quia nullus est, qui
solicitus sit, an impleverit hoc præceptum,
nec qui in confessione eius transgressionem
explicet.

Affirmantem verò partem docent disci-
puli D. Tho cum illo, qui hic ad 3. ait,
præceptum hoc esse illud Zachariæ 1. v. 3.
Convertimini ad me ait Dominus, &c. Et q. 5.
de

ARTICVLVS VI. 515

de Malo ar. 2. ad 8. indicat sententiam esse multorum hoc præcepto homines teneri primo instanti vsus rationis, Probatur etiam ratione eius. Præceptum hoc affirmatiuum conuertendi se in Deum aliquo tempore implendum est: sed in nullo alio, potius quam in primo instanti vsus rationis; ergo tunc tenetur quilibet homo se in Deum conuertere. Minor probatur: Primū quod tūc homini cogitādū occurrit est deliberare de se ipso, in quem scilicet finem sit se, & suas actiones ordinaturus: sed in nullo alio tempore, potius quam in eo, quo primo deliberat in quem finem sit se ordinaturus, obligat, & implendum est præceptum conuertendi, & ordinandi se in finem debitum, qualis est Deus; ergo &c. Maiorem probat D. Thom. *Finis enim est prior in intentione*; ergo cum homo sit finis omnium concupiscibilium, & respectu Dei sit medium, ita est primum amatum, vt sit etiam primum, cuius cura ipsū sollicitat, quod est primo occurrere tanquam id de quo est deliberandum in ordine ad eius finem, de quo vide Caiet. hic 9. *Ad cuius*. Aduertendum tamen est, nō opus esse, vt homo in primo instanti vsus rationis conuertat se in Deū hoc facere explicitē per actualē amorē ipsius: nā potest Deus inuincibiliter ignorari à puero nutrito in syluis; sed satis esse, vt saltem se conuertat in Deum implicite, proponendo vivere secundum regulas rationis, & proficui bonum honestum virtutis. Ad hoc au-

tem teneri hominem probatur. Tū quia in primo instāti vsus rationis. dū cognoscit homo bonū rationis & discernit illud à malo opposito, sit promulgatio sufficiens legis naturalis præcipientis bonum esse faciendum, & malū esse fugiendum, ergo tunc tenetur homo illam suscipere, & illi se subdere proponendo facere quod præcipit. Tū etiam quia cum prædicta saltem implicita conuersio in Deum sit necessaria ad directionem sequentis vitæ, ad illam quemlibet teneri videtur, alias enim salus eius periclitaretur.

Fundamenta autem negantis sententiæ parum vrgent; vidimus enim vnde prædictum præceptum constat. Si verò qui suæ salutis curam habent, violationem huius præcepti non examinant, nec confitentur, vel est, quia præcepti obligationem non aduertunt, vel probabiliter iudicant non dari tale præceptum cum auctoribus sententiæ negantis. Quod verò attinet ad confessionem, ait Caiet. hic, sufficere in communi confiteri de occultis intendendo de omnibus.

Tertia difficultas est. An quicumque prædictum præceptum implere omittit in primo instanti vsus rationis mortaliter peccet. Ad quam affirmando respondeo: nam talis præcepti non potest esse ignorantia inuincibilis; quis enim inuincibiliter ignorare potest, bonum honestum virtutis esse faciendum, & malum fugiendum, hocque necessarium esse ad rectè viuendum? in-

pri-

primo etiam instanti vsus rationis non potest esse surreptio aut imperfecta deliberatio circa hoc præceptum : nam actualis vsus rationis nequit esse ante perfectam deliberationem circa aliquid : vnde cum primum, quod tunc occurrit, sit hoc præceptum, deliberatio circa illud implendum vel omittendum perfecta esse debet, & huius præcepti omissio non potest esse veniale peccatum ex surreptione. Vide Caetan. hic §. *Ad hec*.

Quarta difficultas est : An quicumque implet hoc præceptum in primo instanti vsus rationis iustificetur ? Ad quam affirmando respondeo : nam si puer veniens ad vsus rationis conuertat se in finem debitum, cum faciat quod in se est, Deus ei non denegabit gratiam, sed illum interius illustrabit diuinitus, vt habeat fidem explicitam saltem Dei auctoris supernaturalis, & remuneratoris præmio supernaturali, illi que super omnia diligat, sicque iustificetur ; id enim ad providentiam Dei spectat. Cum autem illud, facienti quod in se est Deus non denegat gratiam communiter intelligatur de faciente quod in se est ex auxilio supernaturali, præceptum prædictum, licet sit de actu naturali ex parte obiecti, est tamen de actu supernaturali ex parte modi tendendi in tale obiectum ; talis est enim actus conuertendi se in Deum proponendo bonum honestum virtutis prosequi, & viuere secundum regulam rationis, ex auxilio supernaturali : Vnde merito

rito dicitur praeceptum illud reduci ad primum Decalogi, & pertinere ad virtutem charitatis. Implenti autem praeceptum illud Deum non denegare gratiam iustificantem, colligitur ex loco Zachariae 1. adducto, ubi post verba illud continentia, *Convertimini ad me, &c.* subditur: *Et convertar ad vos &c.*

Ex his facile est deducere probationem illius antecedentis secundi argumenti Divi Thomae in principio positi.





I N D E X

R. E. R. V. M.

NOTABILIVM.

A



AORTIONIS poculum prabere prae-
gnanti ad praeservandum illam ab
infamia non est licitum, etiam si fa-
ctus non sit animatus. 247.

*Actus malus ex obiecto, factus cum ignorantia
concomitante, non est peccatum. 348.*

*Actus peccati est à Deo. 387. In bonitate, &
malitia morali excedit habitum. 129. Etiam
in bonitate, & perfectione entitativa ibidem.
Qui directe fertur in omissionem, ad pecca-
tum omissionis spectat. 158. Qui est causa,
vel occasio omissionis culpabilis, est peccatum.
pag. 161.*

*Ade peccatum in omnes homines transit. 425.
Vide litt. O. de originali peccato.*

Bre;

Index rerum notabilium.

B

Breuiarium proiciens in mare Clericus v. g. nauigans, peccat proiciendo, etiam si firmiter statuerit toto tempore navigationis omittere officium Diuinum. 163. An teneatur hanc proiectione Breuiarij aperire in confessione. 167.

C

Circumstantie aggrauant peccatum. 239. Aliquando mutant speciem. ibid. Aliquando aggrauant intra eandem speciem. 240. Consensus in delectationem est peccatum mortale. 286.

Causa peccati est voluntas carens directione regulae rationis, & legis diuinae intendens aliquod bonum commutabile. 320.

Causa peccati potest esse ignorantia. 323.

Carentia rectitudinis quomodo dicatur priuatio in actu peccati, licet eius non sit capax peccatum. 199.

Concupiscentia quid sit. 436. Quomodo sit materiale peccati originalis. 445.

D

Dignitatem vide noementum.

Dona differunt à virtutibus. 105. Sunt necessaria homini ad salutem. 111. Dona Spiritus Sancti sunt connexa. 112.

Alique delectationes morose sunt peccatum mortale. 290. Omnes illae quae sunt de opere

Index rerum notabilium.

re cogitato mortaliter malo, sunt peccatum mortale. **291.**

Falsum est delectationes morosas circa Virginem, nuptam, vel consanguineam, non esse in alia specie quàm simplicis fornicationis. **294.**

Si actus de quo quis delectatur est peccatum mortale etiam merosa delectatio erit peccatum mortale. **300.** Quandoque delectatio morosa potest esse veniale peccatum quandoque nullum. **301.**

Delectatio coniugis de actu matrimonij presenti, præterito, vel futuro non est peccatum mortale. **302.**

Delectatio Vidue de præteritis actibus coniugij non est peccatum mortale. **303.**

Delectatio Iuuenis qui sperat se habiturum puellum in uxorem de actu matrimonij futuro, non est peccatum mortale ex parte obiecti. pag. *ibid.*

Delectatio quam habet aliquis de actu venereo cogitata cum aliqua si esset eius uxor, vel de quocumque alio opere prohibito, si non esset prohibitum, est peccatum mortale ex parte obiecti. **304.**

Delectatio merosa de opere prohibito sub mortali, est peccatum mortale quamvis tale peccatum factum fuerit absque culpa ratione ignorantia, aut alterius causa. **306.**

Deus non est causa peccati. **388.** Peccatum originale, vide litt. O.

Delectatio ut sit merosa, & peccatum requiritur, ut ratio aduertat aliquo modo actum de quo delectatur, esse malum. **310**

Ut delectatio merosa sit peccatum mortale sufficit

Index rerum notabilium.

sic virtualis, & interpretativa aduertentia malitie. 312.

E

Ecceles. occulta effusione seminis, an polluat. 231.

Excœcationis, & indurationis causa est Deus. pag. 388.

Excommunicatio, an inentrat ab ignorante? pag. 351.

G

Grauitas peccati augetur secundum maius nocumentum. 245. Vide Nocumentum.

H

Habitus est qualitas. pag. 1. Non importat ordinem ad actum. 3. Est principium actuum. & causa actus tam secundum substantiam, quam secundum modum illius. pag. 4.

In corpore est aliquis habitus. 14.

In Angelis probabilis, est non dari habitus acquisitos. 16.

Aliquis habitus est a natura. 20.

Habitus principiorum naturalis est, & realiter distinctus à potentia intellectiua. 22.

Aliquis habitus causatur ex actibus. 32.

Habitus efficienter causantur ex actibus. 33.

Aliqui sunt infusi a Deo hominibus. 36.

Habitus non augentur per additionem. 39. Non quilibet actus illum augent. 44. Corrumpi possunt. 49.

Habi.

Index rerum notabilium.

Habitus corrumpitur, & diminuitur per solam
cessationem ab opere. 51. Ex pluribus ha-
bitibus non constituitur 55. Virtus huma-
na est habitus. 58.
Habitus operatiuus genus est virtutis. 59.
Homo in statu innocentia non potuit peccare
venialiter. 405.

I

Ignorantia potest esse causa peccati. 323.
Concomitans non est causa peccati 325.
Consequens causa est per accidens peccati;
Antecedens non est causa peccati. 326. Est
peccatum. 330.
Ignorantia eorum quæ quis scire tenetur pecca-
tum est. 331.
Ignorantia eorum quæ homines scire tenentur,
potest in aliquibus esse inuincibilis, & per
consequens. non semper est peccatum. 336.
Ignorantia aliquando est speciale peccatum,
pag 344. Quæ non excusat à culpa non ex-
cusat à poena, quæ autem à culpa excusat,
etiam à poena. 356. Affectata auget pecca-
tum. 366.

L

Libera sit ne in appetitu sensitivo. 269.
& 274. Quomodo sit in intellectu. 285.

Index rerum notabilium.

M

Macula à peccato causatur in anima, 464. Manet in anima post actum peccati, ibid. Non solum poena sed etiam culpa, & peccatum habituale est à quo homo peccator dicitur. 466. Non est ordinatio ad poenam peccato debitam. 468. Formaliter consistit in privatione virtutis anime in origine ad suam causam, qua est peccatum. pag. 469

N

Nocumentum minus, aggravat gravitatem peccati. 245. Praesumptum, & intentum imputatur ad culpam. 247. Si autem sit praesumptum, & non intentum, etiam imputatur ad culpam. 245. Quandoque peccatum aggravat indirectè. 252. Quod per se sequitur ex actu peccati illud aggravat. pag. 255.

O

Omissio, ut sit culpabilis, non solum requirit actum intellectus sed etiam voluntatis. pag. 150

Ad omissionis peccatum pertinet actus qui directè fertur in omissionem licet non sit omisso sed commissio. 158

Omissionis peccatum tunc incurritur quando quis voluntariè apponit causam, & in ea omissionem

Index rerum notabilium.

Nem vult . 171

Etiam incurritur quando nō sit actus praeceptus . 172

De fide est primum peccatum Ad in posterōs originaliter transire . 392. . A līa vero non .

420. In omnes homines transire . 425

Originale peccatum est verē , & proprie peccatum . 398. Est voluntarium . 400. Duo

fuerunt necessaria, ut esset voluntarium . 403.

Si aliquis ex humana carne formaretur miraculosē non contraheret peccatum originale .

pag. 427

Si Adam non peccasset . Hec peccante, filij originale peccatum non contraherent . 428

Originale peccatum est habitus . 422. Quid sit hic habitus . 433. Est concupiscentia . 444.

Non est aliquid reale positivum . 448. Formaliter est privatio iustitiae originalis . 450.

Non est magis in carne quam in anima . 457

Est per prius in essentia anima quam in potentia . ibid.

P

Peccata possunt esse simul cum virtute .

pag. 132

Venialia neque ledunt , neque destruant virtutes infusas , 133

Venialia si multiplicentur , & generent vitium destruant habitum virtutis acquisita . 136.

In quolibet peccato non est aliquis actus . 141.

Peccatum omissionis non includit in sua essentia aliquem actum . 142.

Peccatum desinitur esse dictum , vel factum , vel concupitum contra legem Dei . 178

Pec-

Index rerum notabilium.

Peccatum commiffionis non est pura priuatio.
pag. 184

Elus ratio for malis non est aliqua relatio ratio-
nis, aut extrinseca denominatio. 191

Est realis; importat tamen priuationem. 192

Peccata differunt specie secundum obiecta.
pag. 216

Peccata commiffionis, & Omiffionis differunt
pag. 218

In genere moris, & formaliter idem sunt, si ad
idem ordinentur. 220

Ex diuersitate preceptorum non prouenit diuer-
sitas specifica peccatum. 228

Peccata non sunt omnia connexa. 234. Neque
omnia sunt paria 235. Agrauantur circum-
stantijs, 239. Vide Verb. Circumstantia.

Peccati subiectum voluntas, 259. Etiam alia
potentia. 263

Peccatum potest esse in sensualitate. 271. Vide
sensualitas.

Consensus in delectationem est peccatum. 268

Non potest esse peccatum in voluntate, absque
errore, vel ignorantia ex parte intellectus.
pag. 279

Potest aliquis peccare ex certa malitia.

Peccatum sufficienter diuiditur in peccatum
ex ignorantia, ex passione, & ex certa mali-
tia. 383. Deus non est causa peccati.
pag. 386

Peccati actus est a Deo. 387

Peccatum potest esse poena peccati. 482

Inducit reatum aeterna pena. 483. Non autem
omne peccatum illum inducit. 484

Index rerum notabilium.

R

Reatus pœnæ est effectus peccati. 476.
Quid sit iste reatus. *ibid.* Inducit peccatum. 478. Non est pœna, nec ordinatio ad pœnam. 479. Est aliquid medium inter culpam, & pœnam. 480

Ratio *potest* superari, à passione contra suam scientiam 371.

Religiosi *Franciscani* nō ieiunantes feria sexta, in qua alias lege *uniuersali* Ecclesiis ieiunare tenentur, an duplex peccatum committant, pag. 232

Religiosus, qui emisit votum non fornicandi, V. g. an teneatur hanc voti circumstantiam aperire. 233

S

Scientia dupliciter potest precipi: primo propter se ipsam; secundo ut fiat, vel vitetur aliquid. 344

In sensualitate potest esse peccatum. 271. Non autem mortale. 272. Quare hæc. 275.

Non omnes motus sensualitatis circa illicita sunt peccata. 278

V

Virtus humana est habitus. 58. Conuenienter definitur. 64. Irascibilis, & concupiscibilis sunt subiectum virtutis. 68

Voluntas potest esse subiectum virtutis. 75

Vir.

Index rerum notabilium.

Virtus, quam acquirimus est eiusdem speciei cū virtute infusa. 82. Dantur virtutes infuse. pag. 84

Virtutes morales sunt ad invicem connexæ. 92.

Cum virtute possunt esse peccata. 132

Vitium contrariatur virtuti. 116

Vitium est contra naturam. 118 Omnia vitia, & peccata sunt contra naturam. 120

Vitium non est peius quam actus vitiosus. 129

Voluntas est subiectum omnis peccati. 259 Non sola voluntas est subiectum peccati. 261.

Veniale peccatum punitur in damnato pena æterna. 485. Convenienter contra mortale dividitur. 489. Ex natura sua ab illo distinguitur. 491. Non potest fieri mortale. 500. De veniali non potest fieri mortale per circumstantias. 501. Non causat maculam in anima. 502.

Venialia peccata convenienter per lignum, fœnum, & stipulam designantur. 503.

Venialiter peccare non potuit homo in statu innocentia. 504

L A V S D E O.

